

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + Ne pas utiliser les fichiers à des fins commerciales Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + Ne pas procéder à des requêtes automatisées N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + Rester dans la légalité Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.


À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse http://books.google.com











CEUVRES

DU SEIGNEUR

DE BRANTOME.

TOME NEUVIEME.

Consenant la troisseme Partie des VIES
DES HOMMES ILLUSTRES ET GRANDS
CAPITAINES FRANÇOIS.

ANTO BANGERO E TOUR EN PORTO E E 1900 - A CARLO E ANTO A ALCOHOLO E ANTO E ANTO E ANTO E ANTO E E ANTO E ANTO E ANTO E ANTO E

Œ U V R E S

DU SEIGNEUR

DE BRANTOME.

Nouvelle Édition, considérablement augmentée, revue, accompagnée de Remarques historiques & critiques, & distribuée dans un meilleur ordre.


TOME NEUVIEME.



A LONDRES,
Aux dépens du Libraire.

M. DCC. LXXIX.





Roys François I, Henry II, & leurs enfants ont eu; & commenceray par le premier au Seigneur Léon Strozze, Prieur de Capue, lequel, peu de temps après que le fils bastard de Monsieur de Strozze sut tué au Port Hercule, fut tué à Escarling, avec un grand regret qu'il eut de ce nepveu bastard. & ce en reconnoissant ladite Place d'Escarling, par un paysan qui estoit caché derriere une have, qui luy tira une harquebusade à l'advanture, tellement quellement: car il n'estoit trop adroit Harquebusier; mais le malheur sit qu'il porta. Quelquesois telles gens malotrus font des coups dangereux, qu'on ne penseroit jamais. Ainsi sut tué Monsieur de Bourbon par un Prestre: ainsi le Prince d'Orange devant Saint-Dizier, par un Prestre: ainsi nostre grand Roy Henry III, par un Moyne. Dieu guyde aussi-bien les mains de ces gens-là comme d'autres.

Ce Prieur de Capuë a esté un aussi grand Capitaine de mer comme son frere de terre: de sorte que tous les ports, les costes & les mers du Levant raisonnent de luy; tellement que son nom les remplit encore: & n'ay veu gueres mariniers, matelots, pilotes, patrons, comites, forçats, esclaves, Capitaines & soldats, qui ne l'ayent dit le plus grand Capitaine de mer de son temps; & bien-heureux estoit celuy (comme j'ay veu en plusieurs endroits du Levant) qui pou-

voit dire, j'ay navigé & combattu fous le Prieur de Capuë: & encore qu'il n'en fust rien, plusieurs le faisoient accroire par ostentation, & pour en estre plus estimez.

Ouand nous allasmes au secours de Malthe. on ne scauroit croire combien de telle maniere de gens en ces costes venoient aborder. faluer & honorer Monsieur de Strozze, son nepveu, par la feule mémoire de ce grand oncle; à quoy il prenoit un très-grand plaifir: car il l'aymoit & l'honoroit plus que son pere, à ce qu'il m'a dit souvent, parce qu'il luy estoit plus doux, & desiroit plus luy ressembler qu'à son pere, estant jusques la si ia'oux & envieux de la gloire qu'on donnoit à son pere, qu'il en estoit quasi marry, voire encore jusques-là, de dire qu'il avoit esté plustost Capitaine, que son pere soldar, d'autant qu'il avoit esté desdié à l'Eglise, & qu'avant dans l'asge il avoit pris les armes, & luy les avoit portées fort jeune : mais en cela il s'abusoit, & y avoit bien de la différence : car Monsieur le Mareschal scavoit plus de la guerre en son bout de doigt, que le fils en tout son corps, encore qu'il soit mort en réputation d'un bon Capitaine, & que je l'ay connu tel. Et pour l'asge, ce n'est rien : car il v en a qui profitent plus en un morceau de guerre, que d'autres en cent repas; car il n'y a que l'esprit & la pratique. & l'asge n'y sert de rien.

Λij

Hommes illustres François.

Pour parler donc de Monsieur le Prieur de Capuë, son premier advénement sut lors qu'il vint servir la France, quand Barberousse vint en la mer de Provence, & qu'il assiégea la Ville de Nice, là-où-il alla bravement à l'assaut avec sa troupe de Florentins bannis d'un costé, & les Turcs de l'autre: lesquels encore qu'il y eust parmy eux meslez sorce Janissaires, les meilleurs & plus aguerris soldats qu'ils ayent, ne firent point de honte aux Chrestiens, & à ces Florentins conduits par ce brave Prieur; car ils entrerent les premiers par leur bresche.

Du depuis, le Roy François le prit en grande opinion & amitié, & que son humeur luy plaisoit fort: car il estoit froid, taciturne, & de fort douce conversation; & pour ce, le Roy l'aymoit plus que le Seigneur Strozze: & le Roy Henry, tout au contraire; car il aymoit plus Monsieur de Strozze. à ce que j'ay ony dire à un grand Seigneur & à une grande Dame de la Cour pour lors. Ledit Roy-François le renvoya puis après ce voyage avec Barberousse en Ambassade vers Sultan Solyman, avec dix galeres. Si fit aussi quelque temps après le Roy Henry, là-où il fit fort son profit, & pour s'en servir puis après qu'il fut desappointé du Roy; car il y avoit si bien reconnu & remarqué les costes, les mers, les forts, les terrains, les isles, les caps, & mesme ceux-là de l'Archipelage,

MR. LÉON STROZZE. 5 qu'il y porta bien après du dommage & de

l'ennuv.

Le Roy Henry venant à la Couronne, mondit Sieur le Prieur eut la charge de passer dix galeres, par le Destroit de Gibraltar, de la mer de Levant en la grand-mer Océane, pour aller faire la guerre en Escosse, là-où il la fit fort bien avec ses vaisseaux; & surtout sit très-bien, quand il prit le fort Chasteau de la Ville de Saint-André, là-où il vengea l'assassinat de cet homme-de-bien de Prélat Monsieur le Cardinal de Saint-André, & sit pendre tous ces marauts qui l'avoient si misérablement assassinate.

Il se sit fort craindre en cette contrée : & ces grands vaisseaux & ramberges d'Angleterre ne luy firent grande peur ny mal, encore que cette mer leur soit plus favorable qu'aux galeres. Sur-quoy je m'estonne (il faut que je le die en passant) dequoy les douze galeres du Roy d'Espagne, estant dans l'Escluse, ne firent plus d'effort & d'effet fur Ostende, & les vaisseaux qui y entroient tous les jours à leur ayse, qu'ils ne firent, Je ne veux pas parler durant l'hyver; car elles y pouvoient perdre leur latin, & scavoir & force; mais l'esté, durant les calmes & bonaces qui surviennent : car il n'y a galere alors qui ne batte à son ayse six & sept vaisfeaux ronds; comme j'ay veu ailleurs, qu'à la Rochelle, où je vis l'armée du Comte

Hommes illustres François.

Montgomery, montant à cinquante vaisseaux, faire la cane à six galeres, qui les allant canonner de près par le commandement de nostre Général, au diable si les autres ose-

rent bouger.

La fortune luy rit fort bien en cette mer, aussi-bien qu'en l'autre, jusques à ce qu'il eut un très-grand subjet de se mescontenter du Roy. Je n'en raconteray pas le subjet; car on le scait assez, & qui en fut l'autheur, & le tort qu'on luy fit, d'usurper sa charge, pour un autre qui ne la scavoit si bien que luy. Pareil trait fut fait à André Doria. Parquoy, rongeant doucement fon mal-talent, son despit, & sa rage, songe de ne s'en venger contre son Roy, ny la France, prend résolution de quitter tout, & de s'en aller à Malthe fervir fa Religion contre les ennemis de la Foy, contr'eux vomir son venin; & pour ce, par un matin dit adieu à tous, ses amis & Capitaines du Roy, la larme à l'œil. part du port de Marseille avec deux de ses galeres qui estoient à luy, & prend la volte de Malthe. Tour, certes, par trop généreux pour un mal-content & despité! Car pour vengeance, il pouvoit faire du mal, de s'emparer de plus de galeres, de celles du Roy. ravager les costes de France, voire faire quelque mauvaise venuë à Marseille, s'emparer de quelqu'autre bon port, comme à la desespérade, faire au pis, comme le plus barbare Corsaire de Barbarie: mais il ne sit rien de tout cela; considérant qu'il n'est beau, ny honneste, de se servir des moyens & des Places de son Roy & maistre, qu'il luy a donné en garde, pour luy saire par après un saux-bond & une sascheuse guerre.

Voilà pourquoy aucuns ont fort blasmé André Doria, d'avoir fait comme cela; car auparavant faire la guerre à son Roy, il la luy devoit annoncer, après s'estre despouillé de toute sa charge & rendu ses prisonniers qu'il avoit, en ce pourtant que le Roy l'eust fatisfait de ce qu'il luy devoit. Aucuns le deschargent pourtant beaucoup. Je m'en rapiporte à leurs décisions: je pense que j'en parle ailleurs (1).

Durant ces guerres de la Ligue, plusieure ainsi se sont aydés des Places que le Roy dernier leur avoit données en garde, & de ses moyens & sinances, pour luy faire la guerre & joüer fausse compagnie, comme nous avons veu: ce qu'il sçavoit bien dire & reprocher, & le tort qu'ils s'estoient fait; & à leurs consciences & honneur, plustost que ceux qui estoient privez, & n'avoient nulle charge publique; & à tels ne leur en sçavoit-il tant de mal comme aux autres. Aussi plusieurs en ont fait tout de mesme à Mon-

⁽¹⁾ Tome VI, Disc. XXXV, pag. 42, &c. A iv

fieur du Mayne, & l'ont quitté, & donné les Places au Roy, qui luy appartenoient, & dont aucuns disent qu'ils se sont fait tort: d'autres tiennent que non; car pour le service & la reconnoissance de son Roy, on ne peut commettre aucune chose reprochable ny vitupérable. Je m'en rapporte aux bons Discoureurs: aussi qu'il est ainsi prédessiné & ordonné du Ciel, que celuy à qui il appartenoit, devoit estre absolu Monarque de la France, ainsi que jadis Octave César le

fut de l'Empire Romain.

l'ay veu fort louer le Seigneur de Monsespan', très-brave & vaillant Gentil-Homme de Gascogne, d'un trait qu'il fit en cette Ligue: lequel ayant pris conclusion, comme les autres, de se rendre à son Roy, & le reconnoistre, alla trouver Monsieur de Nemours, duquel il estoit Lieutenant au Pays qu'il tenoit, & luy gardoit trois ou quatre bonnes Places. Après luy avoir remonstré sa résolution d'aller trouver le Roy, & qu'il le voyoit résolu de ne le reconnoistre point, qu'il le priois de ne point trouver mauvais qu'il le quittast, mais non pourtant qu'il luy voulust faire faux ny lasche tour de trahison pour ses Villes, car il les luy remettoit toutes entre ses mains : ce qu'il fit avant de partir, & puis ayant pris congé honorablement de luy, il s'en part sans aucun reproche, & avec beaucoup de louange, que Monsieur de Nemours luy donna, & belles offres qu'il luy fit. Cette mémoire d'honneur luy durera pour jamais; & m'asseure que le Roy l'en a estimé davantage, comme il fair, se servant de luy très-bien en ces guerres Espa-

gnòles.

Le Gouverneur de Vienne ne sit pas ainsi à l'endroit dudit Monsieur de Nemours, qui l'avoit nourry Page, eslevé & advancé; car il le trahit, rendit la Ville qu'il luy avoit donnée en garde, au Roy: & si sit bien pis; car il le sit empoisonner, ce dit on (a). Car il en a l'ame bourellée de cent mille gesnes, & tousjours en danger de la vie, & en attente qu'on ne luy rende la pareille; & si pour cela n'en est plus estimé. Si feray-je ce conte de moy, pauvre chétif que je suis.

Au commencement des troisses troubles, j'estois en garnison dans Péronne avec ma Compagnie de gens de pied, où j'eus quelque petit mauvais contentement de mon Roy. Monsieur le Prince & Monsieur l'Admiral le sceurent. Ils m'envoyerent Monsieur de Theligny, (parce qu'il estoit mon trèsgrand amy,) me présenter beaucoup de bons & honorables partys, si je me voulois.

⁽a) Ce Gouverneur étoit un Italien nommé Visconti (Vincentius). Selon M. de Thou, ce ne fut pas celui-ci, mais un François nommé Disemieu, qui empoisonna le Duc de Nemours.

mettre avec eux, & gagner Péronne pour eux, dont j'en serois après Gouverneur, & qu'ils me fourniroient force gens pour m'y rendre le plus fort & la garder, comme ils n'avoyent faute d'hommes. Alors, je sis response, que j'aymerois mieux mourir de cent morts, que de faire un si lasche & vilain party à mon Roy, que de luy trahir une Ville qu'il m'avoit donnée en garde & garnison, ny de m'en ayder pour luy faire la guerre. Le Roy le sceut quelques jours après, qui m'en sceut un très bon gré, & m'en ayma plus que jamais. Voilà comment il se faut acquitter des charges qu'on a du Roy, quelque mescontement qu'on aye de luy.

Nous voulons bien que nos Concierges, nos Mestayers, nos Valets-de-Chambre, quand ils sont mal-contents de nous, & nous veulent quitter, qu'ils nous rendent compte de ce qu'ils ont en mains, nous donnent les cless, nous remettent tout par bon compte entre mains. Que s'ils sont autrement, nous les saisons chastier. A vostre advis donc, que doivent saire nos Roys envers nous, qui leur tenons leurs Places? Il se feroit un beau discours sur ce subjet, & bien enrichy de beaux exemples, que possible l'espére-je saire en la

vie du feu Roy Henry (1).

⁽¹⁾ Henry III. On n'a point cette Vie.

Mr. LEON STROZZE.

Et pour retourner à Monsieur le Prieur de Capuë, j'ay veu une lettre dans le cabinet de Monsieur de Strozze, qu'il escrivit à sa partance à ses freres, laquelle, pour l'ayoir trouvée très belle, j'ay advisé de la mettre

& insérer icy. Elle est doncques telle.

" Messieurs mes Freres, j'ay esté forcé " de quitter le service du Roy, pour des " raisons que vous pouvez sçavoir, & que " vous entendrez mieux par Jean Capon, " présent porteur, & desquelles je ne vous " ay pu advertir plustost qu'à cette heure, " ayant eu à grand-peine les mayens & le , loysir de me retirer. Quand bien je n'au-" rois autre considération que de me venger " du tort qui m'a esté fait, j'eusse bien eu de " beaux & grands moyens de ce faire; mais , je n'ay voulu rien ravir de l'autruy, ains plus-,, tost laissé du mien, avec nostre galere (1), " dont & d'une autre que j'ay gagnée durant cette guerre, que Sa Majesté m'a octroyée, " je me retire où je suis obligé de faire servi-,, ce; prest tousjours pourtant à rendre comp-,, te de ce qui me sera demandé, afin que ,, tout le monde connoisse quel je suis, & que , vous, mes freres, demeurez avec tel con-, tentement d'esprit que mérite l'honneur de " nostre Maison; à laquelle est séant que

⁽¹⁾ laissé du mien. Avec nostre galere, &c. A vi

, tout le monde soit informé de nostre rai-,, fon & justice, afin que ne soyons oppres-" fez par ceux qui m'ont voulu deshonorer " & nuire à ma personne, sans avoir esgard , à la fidelle servitude & loyale affection , qu'ay tousjours portée au service de nostre , maistre, contre lequel je proteste n'atten-;, ter jamais rien qui vous puisse porter dom-" mage ny desplaisir, ny a moy blasme ou "répréhension quelconque. J'emmene avec , moy le Capitaine Mont. Ma délibération ,, est de faire la guerre aux Infideles, pour , le service de ma Religion. Adieu, mes , Freres, je le prie de bon cœur de vous , donner en France meilleure fortune que , la mienne. Ce xvIII. jour du mois de Dé-" cembre 1551 ".

Qui lira bien cette lettre, la trouvera trèsbelle: elle estoit en Italien. Ainsi qu'il le dit-là, ainsi s'en alla-t-il à Malthe, où certes il sit de belles choses contre les Turcs, quand il estoit en cours, ainsi que j'ay ouy encore conter à plusieurs braves Chevaliers & soldats qui estoient avec luy, & qui le louoient extresmement, & porta grand prosit & richesse à sa Religion, & à luy & tout. Car (comme j'ay dit) il avoit si bien connu & remarqué les Terres & mers du Turc, lors qu'il estoit aux services de nos Roys, qu'il en segut bien saire son prosit & bonne pratique.

Par après, la guerre de Sienne & Toscane

furvint; & pour ce, le Roy le connoissant d'un très-grand service, l'envoya prier de tourner à luy: lequel, oubliant tout serment & injure passée, retourna sort volontairement; car il aymoit & honoroit sort le Roy, non pas aucuns de ses Officiers.

S'il ne fust mort si-tost, le Seigneur Strozze son frere, & luy, eussent fait de bons services au Roy; car ces deux sreres s'entendoient, s'entr'aydoient, & s'entresecondoient très-bien: si-bien que la guerre s'en sust en-

suivie plus heureuse qu'elle ne fut.

Ce fut luy premier autheur de cette forteresse du Port Hercule, qui se voit encore aujourd'huy très-belle: aussi les Espagnols y ont un peu adjousté du leur. De raconter tous les beaux saits qu'a fait ce grand Capitaine, m'en seroit long & ennuyeux. Je n'en diray que cettuy-cy entre tous ses plus beaux, lors qu'il faillit à prendre Barcelonne, luy estant en charge de service du Roy.

Par-quoy, un jour il part de Marseille avec quelques dix à douze galeres, sait semblant d'aller en Levant par le commandement de son Roy, les chargeant des meilleurs soldats, mariniers & Capitaines qu'il peut choisir, & qu'il connoissoit bien, dit adieu pour quelques mois, asin que les espions de l'ennemy luy rapportent ainsi, & qu'il fait voile vers la volte de Levant: mais estant en pleine mer, & hors de toute veuë, tourne prouë

14 Hommes illustres François.

vers Espagne, ayant eu bor advis que dans Barcelonne n'y avoit ny galeres, ny gens de guerre, que fort peu; car tout estoit allé en une expédition; & me semble que c'estoit en celle de la Ville d'Afrique, comme j'ay ouv dire, ou bien je me trompe: & pour ce, observant bien le temps & la saison que -s galeres d'Espagne à plus près devoient tourner, il accommode & déguise si bien ses galeres à l'Espagnole, avec bandieres, armoiries, & toute autre sorte d'armement, qu'elles ressembloient du tout galéres Impériales; & ainsi, par un beau jour d'une seste, vint paroistre devant Barcelonne, moitié à voile, moitié à rame, que ceux de la Ville, pensans que ce fussent leurs galeres, accoururent fur le port & le long de la marine, & dedans & dehors, pour leur faire la bien-venuë tournant de leur guerre, ainsi qu'est la coustume. Mais le malheur fut, qu'en approchant du port & faisant bonne mine, il fut reconnu & descouvert par quelque indiscret, comme il y en a tousjours; dont l'allarme s'ensuivit, le port fermé, tout le monde en deffense, si-bien que l'entreprise se faillit. Si ne se retira-t-il pas qu'il ne fist quelque coup & rafflade; car aussi-tost, voyant son entreprise faillie, il fit jetter les esquiss & fregattes en mer & en terre le long de la coste, qui prirent une infinité de Cavaliers, de Dames, & Marchands, qui se promenoient le long de

MR. LEON STROZZE.

la mer, & ne purent gagner assez à temps la Ville. Il garda les prisonniers, pour en tirer rançon; & comme très honneste & courtois, il laissa aller les Dames, connoissant en son cœur généreux, qu'il n'est pas bien-

séant de faire desplaisir aux Dames.

De mesme courtoisse usa Monsieur de Strozze fon frere, au voyage d'Allemagne, à l'endroit d'une honneste Dame, semme du Capitaine & Gouverneur de Danvilliers; ce qu'il sceut très-bien remonstrer au Marquis de Marignan en la guerre de Sienne, d'autant qu'aucuns de ses Chevaux-légers avoient pris prisonniere une Dame Siennoise. Gentille-Femme, qui s'appelloit la Signora Lucrece, & pour ce que de mesme ses soldats avoient pris une Damoiselle Florentine, semme d'un Capitaine Coroque, que soudain il avoit fait délivrer; & pour ce le pria de faire délivrer de mesme cette Dame Siennoise pour le respect que l'on doit aux Dames, à leur user de toutes courtoisses, sans aucune autre forme de capitulation. Monsieur le Marquis luy envoya la Signora Lucrece, & consent très-bien avec Monsieur de Strozze de ne faire point la guerre aux Dames, ny les ranconner aucunement : mais bien luy sçaitil reprocher comment du temps du Roy Francois, ayant son armée vers Perpignan, aucuns Capitaines servans le Roy, & mesme un Signor Francisque Vimerat, prirent plufieurs Dames Espagnolles prisonnieres, les dévaliserent, & puis les ranconnerent estrangement; ce qui ne fut beau, ny honneste. Pour lors on disoit qu'aucuns de ces Capitaines estoient de la suitte de Monsieur de Strozze, sur-quoy il sembloit que ledit Marquis l'en taxast sourdement, & luy jettast cette pierre dans son jardin tout bellement : dont Monsieur de Strozze s'en dourant, ne luy fit autre response, si-non luy mander, que si cela estoitadvenu du temps de ce Roy François, on n'en scauroit trouver aucune de ce regne du Roy Henry, qui n'eust esté traittée que trèscourtoisement, & nullement ranconnée; tesmoin au voyage d'Allemagne la Damoiselle de Bourlemont, de grande Maison, qui fut prise en un Chasteau, & menée à la Reyne pour estre une de ses Filles, & y estre nourrie en sa Cour, où elle ayma mieux estre qu'en fon Pays, & y a tousjours esté nourrie & bien traittée comme honneste fille, belle & agréable qu'elle estoit, & l'ay veue telle jusques à ce qu'elle sut mariée en la Maison de Bonneval, grande Maison du Limosin. Je croys qu'elle vit encore.

Voilà comment ces deux grands Capitaines dirent gentiment leurs raisons les uns aux autres; dont je m'estonne que ce Marquis s'allast souvenir de ces Dames Espagnolles, & les alléguer, puis qu'il y avoit si longtemps de ce voyage, & que cela estoit arri-

Mr. Léon Strozze.

Į

vé; mais il s'en alla à ce coup très-bien souvenir, pour s'en servir ainsi à point : car quand on vient en ces choses, il faut songer toutes les misons & arguments que l'on peut, pour faire sa cause bonne.

J'ay fait cette digression sur les courtoisses que fit aux Dames de Barcelonne Monsieur le Prieur de Capuë. Il faillit aussi une fort belle entreprise à surprendre Zara en Barbarie, discoste de la mer douze milles, y estant allé avec quatre galeres de la Religion. & deux des siennes, chargées d'une eslite de braves Chevaliers & vaillants foldats: mais le malheur fut, que le soir mesme de la nuit qu'ils allerent à Zara, y arriva Salarais Turon, qui, avec quelques chevaux, en chemin faisant & passant, tiroit vers Alger, & y estant logés, survinrent les Chevaliers; qui, estant descouverts, surent avec une grande allarme & force repoussez, & perdirent leur dessein; si-bien que, sans cette malencontre, eussent pris la Place, & pillée.

Or, j'acheve la louange de ce grand Capitaine de mer, m'essant essorcé de le louer par les plus briess mots que j'ay pu, & mesme par le tombeau que luy sit Monsieur du Bellay (comme à son frere) en Latin (a), dont

la substance est telle :

⁽a) La même épitaphe se trouve en François dans un Sonnet de Joach. du Bellay, s. 329 de ses Œuvres, Rouen, 1597.

"Moy, ce grand Capitaine Léon "Strozze, je ne gis icy dans ce vase; car "un si petit vase ne scauroit comprendre un "fi grand homme. La terre ne me comprend non plus; mais une gloire plus grande que "la terre m'a enlevé au Ciel, comme un "bel astre, pour les nautonniers, asin que, "comme jadis les eaux ont porté & sous—"nenu mes vaisseaux, & ployé sous moy, maintenant il me plaist estre Dieu de la "mer. Allez donc, vous autres, qui vien—"nez après moy, & qui aurez ma charge, al—"lez hardiment sur les eaux : car je vous y pré—
"pare & dresse un bon chemin, & très-seur."
Ces deux sreres eurent autres deux freres, non tant pareils aux deux premiers, mais pourtant leur approchans, qui furent le Seigneur Robert Strozze, & Monsieur le Cardinal, bons, honnestes & habiles Seigneurs. Aussi

non tant pareils aux deux premiers, mais pourtant leur approchans, qui furent le Seigneur Robert Strozze, & Monsieur le Cardinal, bons, honnestes & habiles Seigneurs. Aussi tous quatre furent-ils fils d'un brave pere, le Seigneur PHILIPPES STROZZE, lequel. encore qu'il n'ayt monstré par plusieurs preuves, comme ses deux premiers enfants, qu'il fust si grand Capitaine comme eux, si a-t-il esté un très-habile homme, brave, & trèscourageux, ainsi qu'il le monstra à sa mort : car ayant esté pris durant les guerres & tumultes de Florence, ausquelles il estoit entremis, par la persuasion & quasi contrainte de son fils PIERRE STROZZE, (ce disent aucuns qui en ont escrit, & je l'ay ouy dire

mesme à des anciens à Florence,) qui estoit un homme actif, violent, mouvant, & brave, & luy cryoit à toute heure, qu'il se falloit esmouvoir pour la patrie; mais estant de malheur pris sur ce fait & detenu prisonnier dans le Chasteau de Florence, plustost que d'endurer les cruelles gesnes pour confesser ses secrets à la ruyne de ses amis, & encourir une mort indigne de luy & de son parantage, autant généreulement que patiemment, se mit contre la gorge (aucuns disent contre l'estomac) une espée qu'un Espagnol de sa garde avoit laissée par mesgarde. & fut trouvé mort sur le carreau tout sanglant, ayant laissé sur la table un petit billet escrit, qui disoit: Puis que je n'ay sceu bien vivre, c'est bien raison que je sçache bien mourir, & que je mette fin à ma vie & à mes miseres, par un cœur généreux. Et au plus bas, mit encore cet escrit, que ceux qui ont fait mention de sa mort, ne disent point pourtant; mais Monsieur de Strozze dernier, son petit-sits, & duquel il portoit le nom de Philippes, me l'a ainsi asseuré, ce Vers de Virgile, prononcé par Didon à l'heure de son trespas:

Exoriare aliquis nostris ex ossibus ultor.

C'est à dire,

Qu'il puisse sortir quelque Brave de mes es & de mon sang, qui venge ma mort. Ainsi que sit Annibal, long-temps par après contre les Romains, descendus de leur perside Enéas, & les mena beau jusques à sa destinée présixe. Qu'il y en a eu depuis ce Vers prononcé, qui l'ont bien pratiqué de pere en sils au monde! ce qui est un des grands secrets de Dieu qui soit. De mesine ont sait Messieurs les ensants dudit Seigneur Philippes sur la vengeance de sa mort, & sur-tout le Seigneur (1) PIERRE & LÉON STROZZE, qui, au-lieu de quelques gouttes de sang qu'espandit le pere, ils en ont sait couler des ruisseaux, & celuy des Espagnols, Florentins, & plusieurs autres leurs adversaires.

Monsieur de Strozze dernier, son petitfils, pour l'amour de son jeune asse, n'eut grand temps à en faire de mesme, à cause, quand la paix sut faite des deux Roys Chrestiens & Catholiques, il estoit sort jeune & peu pratic aux armes, encore qu'il les eust un peu portées. Toutessois ne saut douter que si les guerres eussent duré, ou survenu, comme les guerres civiles, qu'il ne se fust espargné nullement à nuire à ses ennemis anciens: car il hayssoit mortellement le Grand-Duc Cosme, & ne luy ay veu tant desirer chose, si-non deux bonnes galeres, & un petit port en Provence, pour luy saire du mal & à ses

⁽¹⁾ les Seigneurs.

MR. LÉON STROZZE.

costes; encore que la Reyne-Mere l'avoit pris en bonne amitié, & telle, qu'elle luy sit saire ses obseques à Nostre-Dame de Paris, toutes telles qu'on a accoustumé faire aux Empereurs, aux Roys, & aux grands Princes, comme je vis, dont Monsseur de Strozze en désespéroit. Je sçay bien ce qu'il m'en dit : aussi le Grand-Duc le craignoit autant qu'il sit jamais son pere; car je le sçay. J'en parle ailleurs.

Pour parler encore de ce grand Philippes, ainsi que j'ay veu son pourtrait en plusieurs lieux, il avoit bien la mine de faire ce coup de sa mort, & aussi qu'il avoit un peu la créance légere (ce disoit-on) & approchante d'aucuns anciens Romains, de ces braves, qui, pour immortaliser leur nom, ne craignoient de se desfaire eux-mesmes. Aussi at-on dit de luy & escrit, qu'il sentoit un peu mal du Paradis & de l'Enfer, & se mocquoit tout ouvertement des préceptes de la Foy Chrestienne; & que de-là on croyoit qu'il s'addonnast sans scrupule fort à faire l'amour aux Nonnains, ne faisant nulle difficulté de les desbaucher. Du reste, il estoit libéral, magnifique, fort aymé de ses concitoyens, & fort scavant; & voilà pourquoy ce grand scavoir luy nuisir à sa créance, estant un instrument fort dangereux pour la mettre à mal, si l'on ne le gouverne bien, tout ainsi qu'à un petit enfant une espée en sa main.

22 Hommes illustres François.

On dit que seu Monsieur de Strozzeson fils luy resembloit un peu en cette foy. Je n'en sçay rien; mais il estoit homme-debien & d'honneur. Bien est vray que la Reyne, qui l'aymoit & son ame & tout. après l'avoir souvent pressé & importuné de lire dans la Bible, & qu'il y trouveroit chose léans qui l'édifieroit de beaucoup, & en auroit fort grand contentement; après plusieurs refus, le tenant un jour en sa chambre, luy monstre ladite Bible, pour y lire au moins un Chapitre, qu'elle luy monstra, pour l'amour d'elle; ce qu'il fit & le lit : & avant trouvé & leu un passage qui ne luy pleut, il ferma aussi-tost le Livre, & dit à la Revne. que ce passage luy faisoit perdre le goust de lire les autres. Je ne nommeray point ledit passage, de peur de scandale. Je l'ay ouv conter ainsi à personne de foy.

Sur ce, je finis le parler de ces Mesfieurs de Strozze : aussi que j'en parle ail-

leurs (1).

⁽¹⁾ Tom. VI, Difc. LII, pag. 267 & suiv.



DISCOURS SOIXANTE-QUINZIESME.

Mr. le Baron DE LA GARDE.

OR, d'autant qu'en parlant de Monsieur le Prieur de Capuë, grand homme de mer, il m'est entré en pensée d'en parler d'autres bons que nos Roys ont eu à leur service. J'en veux donc parler de deux qui ont esté Généraux des Galeres de France: qui sont esté Monsieur le Baron DE LA GARDE, & Monsieur le Grand-Prieur de France, de la Maison de Lorraine, frere à seu Monsieur de Guise.

D'aurant que le Baron de la Garde a esté le premier, je parleray donc de luy le premier, & diray comme à son commencement on l'appelloit le Capitaine Paulin, & ce nom luy a duré long-temps. Feu Monsieur de Langeay, estant Lieutenant du Roy en Piedmont, l'esteva & l'advança, pour le connoistre homme d'esprit, de valeur, de belle saçon, & belle apparence; car il estoit beau, & de belle taille, &, pour le connoistre, de bon service.

Il le sit connoistre au Roy François, après

24 Horimes illustres François.

la mort de Rincon & Fregousse, par plusieurs voyages qu'il luy sit faire vers Sa Majesté; si-bien que, le sentant digne de le bien servir, il l'envoya en Ambassade vers le Grand-Seigneur Sultan Solyman, pour négocier avec luy à prester quelque grosse armée de mer à faire la guerre aux mers & aux costes de l'Empereur. Il eut en cette négociation de grandes peines, là où il luy fallut bien déployer ses esprits, & se monstrer quel il estoit; car il luy fallut combattre contre les fecrettes menées de l'Empereur qu'il faisoit à Constantinople, contre les sermes résolutions des Vénitiens, contre les mauvaises volontez des Bachas, & qui plus est, contre l'arrogance & inconstance de Solyman, qui maintenant luy promettoit, maintenant se desdisoit; mais il alla, il vira, il trotta, il traitta, monopola, & fit si bien, & gagna si bien le Capitaine des Janissaires de la Porte du Grand-Seigneur, qu'il parla au Grand-Seigneur comme il voulut, l'entretint fouvent, & se rendit à luy si agréable; qu'il eut de luy enfin ce qu'il voulut, & emmene (1) Barberousse, avec cette belle armée, que plusieurs qui vivent encore, ont veue en Provence & à Nice.

Mais

⁽¹⁾ emmona.

Mr. LE BARON DE LA GARDE. 25

Mais à quel honneur, s'il vous plaist, le dit Capitaine Paulin mena t-il cette armée. luy qui ne s'estoit veu, n'avoit pas longtemps, que simple soldat & Capitaine Paulin? Ce fut que le Grand-Seigneur, au despartir, commanda à Barberousse d'obéyr du tout en tout au Capitaine Paulin, & se gouvemer par son conseil à faire la guerre aux ennemis du Roy, selon son vouloir; en quov il s'en sceut très bien faire accroire : car Barberousse n'osa jamais attaquer ny faire mal à aucuns Chrestiens, bien que ce sust sa vraye proye, par où il passa, & mesme à toutes les Terres du Pape, comme au port d'Hostie & autres, qui trembloient de peur, & Rome & tout, & tous les Cardin ux encore qui y estoient; car le Pape n'y estoit pas, estant lors à Boulogne : mais le Capitaine Paulin leur manda, qu'ils n'eussent point de peur, & qu'on ne leur feroit aucun mal, ny à pas un Chrestien qui sut amy & confédéré du Roy.

J'ay veu plusieurs vieux Capitaines, qui ont veu tout le mystere de ce voyage de Provence, & du siege de Nice: mais c'estoit chose estrange à voir, comme ce Capitaine Paulin se faisoit obéyr & respecter parmy ces gens; plus certes que ne faisoient de plus grands que luy, qui essoient-là. Je luy ay veu discourir une sois de ce voyage & de cette négociation; mais il faisoit beau l'en

Tome IX.

ouyr parler, & la peine qu'il y eut; de entr'autres particularitez, il dit qu'il est venu en vingt-un jours de Constantinor à Fontainebleau, où estoit le Roy, qui

toit une extresme diligence.

Je luy ay ouy dire aussi qu'il avoit v au Grand-Seigneur un fort beau panache plumes de phénix, & qu'il luy avoit fi monstrer par grande spéciauté: & quand me & d'autres luy remonstrasmes, qu'il n'y avoit qu'un seul phénix au monde, & q luy-mesme se brusse quand sa fin vient, si-biqu'il est mal aysé de recouvrer son panach il respondit qu'il n'estoit pas inconvénient qu'il n'en eust trouvé des plumes, par ui grande curiosité qu'on y pouvoit rapport pour en chercher & trouver aux pays & au lieux où il habite & branche, & mesme lo qu'il mue en sa saison, comme font les a tres oyseaux, qui en font fort ainsi tomb de leurs corps. Il y peut avoir là de l'apprence, & aussi qu'à la curiosité d'un si pui fant & grand Seigneur rien ne pouvoit esti impossible; car d'un seul clin d'œil, il esto obéy fort exactement.

l'ay ouy dire à Monsieur de Lanssac jeune, qu'à ce grand & superbe édifice. l'E curial, le Roy d'Espagne, pour y mettre d appendre ses armoiries en éternelle mémoire il y fit engraver ses armoiries dans une pieri de foudre, si grande, qu'à plein & à ouve MR. LE BARON DE LA GARDE. 27 elles y sont gravées, & luy cousta deux cents mille escus, ayant esté curieux de l'envoyer rechercher jusques en Arabie, & l'acheter. Le grand Turc en pouvoit faire de mesmes

de fon panache.

Or, par ces services, ce Capitaine Paulin sit si bien, que son Roy le sit Général de ses galeres. Mais s'estant un peu trop componté rigoureusement en Provence contre les Hérétiques de Merindol & Cabrerez (1), (car il hayssoit mortellement ces gens-là) il encourut la male-grace de son Roy, dont il en garda la prison long temps. Aussi en partant de là, il disoit qu'il pensoit passer maistre-ès Arts, y ayant fait son cours l'espace de trois ans. Et sans ses bons services, il sust esté en plus grande peine; mais après le Roy le sentant très capable pour le servir en ses mers, le remit encore Général des galeres.

Aussi servit-il bien aux guerres de Toscane & de Corse, la-où un jour il sit un brave combat, très-hazardeux & heureux: car tournant de Civita-Vechia avec deux galeres (aucuns disent six,) s'estant eslevé un orage & une tourmente si terrible, sut contraint de sejetter sur la plage de Saint-Florent en Corsegue, attendant que la surie de la mer s'ap-

⁽¹⁾ Cabrieres.

paisast; durant laquelle vindrent passer à sa veuë onze grands vaisseaux bien armés en guerre, & fix mille Espagnols, qui s'en alloient en Italie, & descendre à Genes, Mais Monsieur le Baron de la Garde les alla attaquer aussitost avec ses galeres en cette mer haute, qui estoit un fort peu d'advantage pour luy, & grand pour les vaisseaux ronds; & les combattit. Si Monsieur le Marquis de Spinola eust tenté tel hazard devant Ostende, il en eust esté plus estimé. Si bien qu'avant entrepris le plus grand & le plus brave, le canonna & le mit à fond, & après en fit autant à un autre; si-bien que les autres, voyant le misérable estat de leurs compagnons, se mirent à la fuyte, bien que les galeres les suivissent : mais la mer estoit si grande & si desadvantageuse pour les galeres, qu'elles ne les purent atteindre, avant gagné la haute mer, & se perdirent aussitost ce veue. En ces deux perdus, il y avoit quinze cents Espagnols, dont la pluspart surent tous noyés; & si peu de ceux qui en eschapperent, furent mis aux fers. Ceux qui scavent que c'est des combats de mer, balanceront bien à dire si celuy-là fut plus heureux que valeureux, ou plus valeureux & hazardeux qu'heureux. Quant à moy, je le dis & l'un & l'autre; car ce Monsieur le Baron de la Garde estoit très-brave & vaillant de sa personne, comme il a monstré tousjours. Je le vis une fois à la Cour, estant à Paris,

MR. LE BARON BE LA GARDE. 29
an commencement du regne du petir Roy
Charles IX, faire appeller le jeune la Motte
à se battre contre luy: mais, il avoit grande
envie de se battre, & mal-aysément se putil accorder; & pour venir-là, il avoit quitté
l'Ordre, & ne vouloit point qu'il luy servist
de rien là, comme de ce temps les moins vaillants s'aydoient de ce privilege: dont il sur
sont estimé de plusieurs; car je le vis: il
n'estoit point pour lors Général; car Monsieur
le Grand-Prieur l'estoit.

Il a esté très-malheureux en cette Charge; car plusieurs sois il y a esté & dedans & de-hors: dont aucuns, après la mort de Monsieur le Grand-Prieur, & que Monsieur le Marquis d'Elbœuf eut succédé en cette Charge, dirent à la Cour qu'on avoit fait grand tort à cet honorable vieillard & Capitaine, qui avoit unt bien servy la France, & mesme pour si peu de jours qu'il avoit à vivre, & que Monsieur d'Elbœuf s'en sust à vivre, & que Monsieur d'Elbœuf s'en fust bien passé; car il estoit assez riche, grand, & chargé d'autres Charges d'ailleurs, sans prendre celle-là, à laquelle il estoit novice, pour n'avoir veu ny pratiqué de mer.

Enfin, après la mort dudit Monsieur le Marquis, ainsi qu'il est raison que toutes choses retournent en leur premier estre, Monsieur de la Garde rentre en sa premiere charge, laquelle il a gardée sans aucun reproche jusques à sa mort : & la vieillesse ne luy en a

B iij

fait aucun, qu'il n'ayt tousjours bien fait, & mesme sur ses plus vieux jours au siege de la Rochelle, là où il garda & empescha bien l'entrée du port, & aussi quand le secours de Monsieur de Montgomery y vint, qui ne put entrer, & sut contraint de se mettre au large, qui sut cause que le lendemain il alla avec ses galeres l'appeller au combat avec coups de canon: mais il n'y voulut point venir. C'estoit un homme qui entendoit bien son mestier de marine.

Ce fut luy qui fit faire cette belle galere qu'on appelloit la Réale, & qu'il arma à Galoche, & à cinq pour banc, dont auparavant on n'en avoit veu en France. Depuis cette mode a continué, qui est bien meilleure que l'autre vieille, qu'on a laissée par tout le Levant, il y a long-temps. Celle qu'André Doria avoit faite pour l'entreprise de Thunis, à y recevoir l'Empereur, n'estoit que de quatre, & fut trouvée de ce temps trèsbelle & superbe. Cette galere Réale que je dis, fut si bien faite, & commandée par le brave Général, qu'elle a duré & servy d'ordinaire plus de trente ans, encore qu'elle eust eu un tour de reins sous seu Monsieur le Grand-Prieur; & pour ce, sur ce patron feu Monsieur le Marquis d'Elbœuf en sit saire une très-belle & toute pareille, qu'on appelloit la Marquise de son nom. Le Comte de Retz l'acheta depuis, & dure encore, mais

MR. LE BARON DE LA GARDE. 31 meilleure voiliere. Elle servit de Générale, luy vivant: & rendit à Monsieur de la Garde sa Réale, qui luy servit encore assez de temps de Générale: mais ne s'en pouvant plus servir, non plus que d'un vieil cheval qui n'en peut plus, il en sit saire une encore plus belle & meilleure, ny que la Réale, ny que la Marquise; tant cet homme s'entendoit bien en son estat, & l'aymoit. Outre cette suffifance, il estoit très-honorable, magnifique, splendide, grand despensier en sa Charge, très-libéral & trop: car il est mort pauvre, encore qu'il eust fait de beaux butins en son temps; mais il despensoit tout, tant il estoit magnifique.

ľ

Après que Monsieur (depuis nostre Roy Henry III) eut combattu les Huguenots en ces deux battailles rangées de Jarnac, Montcontour, & autres lieux & sieges, sa renommée vola par-tout de luy & de ses prouesses, si bien qu'il se fit un pour parler de mariage d'entre luy & la Reyne d'Angleterre. Je diray en sa vie à quoy il tint qu'il ne se conclust: mais les paroles & les chôses en allerent si avant, que nous demeurasmes quelque temps en suspens à dire, de mois en mois : Nous partons pour aller en Angleterre & à Londres; & devoit Monsieur y estre porté par les galeres de France, qui estoient encore en cette mer Océane. Mais Monsieur de la Garde en fit un si superbe appareil de

B iv

fes galeres & apprests d'ornements, qu'on dit qu'il luy cousta plus de vingt mille escus: entr'autres, le plus beau fut, que tous les forcats de sa galere la Réale eurent chacun un habillement de velours cramoisi à la matelotte, (Monsieur le Grand-Prieur de Lorraine avoit eu ainsi les siens habillés de longtemps;) la poupe & la chambre de poupe, toute tapissée & parée de mesme velours, avec une broderie d'or & d'argent, large d'un grand pied, avec une palme pour devise en broderie d'or, soufflée & agitée de tous vents, avec des mots Grecs, qui disoint: Bien que je sois & aye esté agitée bien fort. jamais je n'ay tombé, ny changé. Comme de vray, il n'a jamais fait, & a esté tousjours bon & loval. Les licts, couvertes, oreillers, bancs de chambre & de poupe, de mesme: les estandards, flambants, banderolles, moitié de mesme, & moitié de damas, tous frangés d'or & d'argent. Bref, c'estoit une chose très magnifique à voir. Et en tel superbe appareil devoit entrer avec les autres galeres, qui pouvoient monter jusques à dix, dans la riviere de la Tamise à Londres. Je vous laisse à penser la superbeté d'entrée que ce fust esté, sans tant d'autres magnificences & grandes compagnies de braves Gentils-Hommes. Et tout cela ne servit de rien à ce pauvre Seigneur de Baron de la Garde, si-non despense pour luy, & quelquesois il en faisoit parer

Mr. le Baron de la Garde. 33: à chambre de la poupe, que j'ay veue ains: & moy indigne me suis couché & dormy en. les beaux licts, où il faisoit très-bon.

Enfin, il est mort, avant laisse plus d'honneur à fes héritiers, que de bien, & en l'asge de plus de quatre-vingts ans, & si ne se monstroit trop vieux, retenant encore quelque belle & bonne grace & apparence du passe, qui le faisoit fort admirer à tout le monde, avec ses beaux contes du temps paslé, de ses voyages, de ses combats, qui ont esté si fréquents & assidus, que les mers de France, d'Espagne, d'Italie, de Barbarie, de Constantinople, & de Levant, en ont longuement railonné: encore croys-je que les flots en bruvent le nom.

Ouant à moy, encore qu'il me fit perdre une fois un butin de douze mille escus, qu'un navire que j'avois en mer, m'avoit fait, & ne le trouvant de bonne guerre, ny de prise, me le fit rendre, dont il m'en fit force excuses; j'en diray à jamais ses vertus. Si dirayie encore ce mot de luy, comme je luy ay ouy dire, & d'autres avec moy, (car il ne s'en feignoit point, & en faisoit gloire,) qu'estant extrait de bas lieu, les guerres de Milan & de Piedmont esmeues, il y eut un Caporal d'une Compagnie, passant par le Bourg dudit Paulin, qui s'appelloit la Garde, du depuis it en voulur porter le nom, le voyant jeune enfant, gentil, & tout esveillé 34 Hommes illustres François.

d'esprit avec bonne saçon, le demanda à son pere pour le mener avec luy. Le pere le luy resus; mais il se déroba du pere, & s'en va avec le Caporal, & le servit de goujat environ deux ans; & puis le voyant de bonne volonté, luy donna l'harquebuse, le sit si bon soldat, qu'il parut tousjours pour tel: puis il su Enseigne & Lieutenant, & puis Capitaine. Ah! qu'il s'est veu sortir de trèsbons soldats de ces goujats!





DISCOURS SOIXANTE-SEIZIESME.

Mr. le GRAND-PRIEUR DE FRÂNCE.

Après qu'il fut desappointé de sa Généralité des Galeres, pour raison que j'ay dit, Monsieur LE GRAND PRIEUR DE FRANCE, de la Maison de Lorraine, frere de ce grand Duc de Guise, l'eut pour sa valeur & son mérite; car après avoir fait son premier apprentissage de guerre sous Monsieur son frere au siege de Mets, & à la battaille de Renty, où il sit monstre de ce qu'il estoit, & qu'il seroit un jour, s'en alla à Malthe servir sa Religion; où estant, par son illustre race, & par sa valeur & vertu, il sut sait Général des Galeres de sa Religion.

Et d'autant que la cossume noble est la de ne les entretenir, ny de les annichiler en oysiveté dans le port, ordinairement elles vont en cours, comme j'ay veu & y suis esté. Par-quoy, un jour entr'autres ledit Monsieur le Grand-Prieur y estant allé avec quatre galeres seulement, & ayant battu la mer longtemps sans aucune rencontre, & se faschant d'un retour inutile, il luy prend santaisse

B vj

36 Hommes illustres François.

(contre l'opinion pourtant des plus vieux Capitaines & Mariniers) d'aller se présenter devant le port de la Ville de Rhodes, & là appeller au combat les galeres qui y sont pour la garde; lesquelles, après avoir assez attendu, en voilà fortir six de nombre seulement, & venir à luy, lesquelles n'estoient des pires choysies, mais très-bien armées de forçats, mariniers & soldats, Janissaires & Turcs, & des meilleurs; pensez qu'ils ne les avoient pas oubliés.

Sans autre temporisement, l'on vint au combat, & à s'investir de telle surie, que la victoire demeure ambiguë. Ensin, après grande tuerie & dessaite de part & d'autre, la victoire demeure au Prince; n'ayant esté pourtant séparez que pour l'obscurité de la nuit; & si le combat commença depuis huit heures du matin au grand jour, & dura jusques à la nuit brune, que rien ne se voyoit que les canonnades & harquebusades.

Le Prince y perdit de bons hommes & de nobles Chevaliers, avec une galere des fiennes, qui fut mise à fond: mais il demeura victorieux par la suyte de trois, & une emmenée en triomphe & pour butin, & deux mises à sond, dont l'une y sut mise par un acte très-généreux d'un Chevalier Gascon, duquel j'ay oublié le nom, à mon très-grand regret, & m'en veux mal car il devoit estre contru par tout le monde, & gravé en lettres d'or.

Ce brave & vaillant Chevalier donc, ayant sauté dans une des galeres ennemies, avec d'aucuns de ses compagnons, & ayant forcé la prouë & la rambade, & demeuré maistre du tout jusques à l'arbre, il trouva là un renfort de poupe de ceux qui tindrent ferme, & repousserent aysément les nostres, d'autant qu'ils estoient en peu de nombre; desorte qu'ils furent contraints de se retirer. & refsauter dans leurs galeres. Mais ce Chevalier Gascon, résolu & déterminé de mourir par un fait généreux, vint au fougon, & là prit un tison de seu, & soudain descend en bas dans la chambre de la munition, & mit le feu dans les poudres; si-bien, qu'en se perdant, il perdit, & la galere, & tout ce qui estoit dedans, & tout alla à fond, & à tous les diables. C'est bien un acte Romain de ceux du temps passé; mais pourtant ne s'en trouvera-t-il pas une douzaine de pareils.

Une Dame de Chypre, un de ces ans après la conqueste saite par les Turcs, estant emmenée esclave, en sit de mesme, mettant le seu dans la galere où elle estoit; laquelle la sit perdre par ce trait généreux, plustost que d'estre à jamais misérablement esclave.

Voilà donc Monsieur le Grand-Prieur qui se retire victorieux, mais avec un très-cher marché de victoire, & blessé de deux ses-chades grandement : & n'eut gueres de ses gens qui ne sussent morts ou blessés, & ses

galeres fort percées, brisées, & fracassées, & quasi ayant perdu forme de galeres; & sir ainsi son entrée triomphante dans le port de Malthe: dont un chacun, en ayant sceu le discours du combat, ne put assez le loüer & admirer; & m'estonne de ceux qui ont escrit de ce temps-là, qu'ils n'ont mis cette

iournée très-mémorable.

Je l'ay ouy raconter ainsi à Monsieur le Grand-Prieur, mesme à force autres Chevaliers, qui estoient avec luy, lesquels il faisoit beau ouyr raconter. Lors que Monsieur le Grand-Prieur tourna de Rome, où il avoit mené son frere Monsieur le Cardinal de Guise, pour l'essection du Pape Pie quatriesme, il passa à Genes, & là prit port à terre; car alors la paix estoit. Il alla voir le Seigneur André Doria, qui vivoit encore, mais très-vieux & casse, non pourtant qu'il n'eust le jugement & la parole très-bonne & belle, de la façon & & tout. Il fit un très grand honneur à mondit Sieur le Grand-Prieur, & le festina, & le loüa fort de ce combat que je viens de dire, qu'il mit en-avant exprès pour le louer, & dire que c'estoit un des beaux combats qui s'estoit fait en cette mer, pour si peu de vaisseaux qu'il y avoit, & mesme en allégua plusieurs des siens beaux qu'il avoit saits en fon temps.

Mais il n'allégua pas à Monsieur le Grand-

Prieur, un vieux Capitaine de mer, la faute qu'il fit à Sainte-Maure (1) de sa retraite, ayant tant de fois appellé Barberousse au combat; & voyant qu'il fortoit hors du golphe pour aller à luy, se retira à force de rames & voiles, non pourtant sans perdre quelques vaisseaux (Dom Ferdinand de Gonzague, lors Vice-Roy de Sicile, estant en cette armée, cuyda desespérer): & lors aussi qu'il sit perdre ces braves foldats Espagnols dans Castel-Novo, encore qu'il eust eu ces deux fois deux des belles armées qu'il avoit jamais eues.

Ceux qui l'excusoient, disoient qu'il ne vouloit rien hazarder, & en un coup perdre sa réputation, son avoir, & celuy de l'Empereur fon maistre, qui luy avoit dessendu de ne rien hazarder que bien à propos. Ceux qui le blasmoient, disoient, qu'il y avoit quelque sourde intelligence entre Barberousse & le Seigneur André Doria; d'autant que la gloire de l'un estoit celle de l'autre, & la ruyne de l'un estoit celle de l'autre, & qu'autrement leurs maistres ne feroient cas d'eux.

Aussi, parmy leurs esclaves, le proverbe couroit, que le corbeau est aussi accort que

⁽¹⁾ Peut-être faudroit-il: Mais il n'allégua pas à Mr. le Grand-Prieur la faute qu'il fit à Sainte-Maure, pour un vieux Capitaine de mer, &c.

le corbeau, & que le corbeau ne crevoit jamais un autre corbeau, & que Corfario à Corfario, no ay que gagnar que los barillos d'agua: c'est à dire: Que Corfaire à Corfaire, il n'y a rien à gagner que les barils des forçats.

Voila comme ces deux grands Capitaines, & les plus grands de toute la mer de Levant, faisoient leurs affaires, l'un aux despens des Chrestiens, & l'autre des Insideles, ce disoiton alors: tant il y a d'hypocrisse & de sic-

tions au monde!

Ce Monsieur le Grand-Prieur, dont je parle, ne flattoit pas ainsi le dez à l'endroit des ennemis de sa Religion; car il les haysfoit mortellement. Je me fouviens que, lors que le Roy François l'envoya à Marseille querir les galeres pour venir en la mer Océane, & de là faire la guerre en Escosse, je le vis cent fois maudire cette occasion. & cent fois aussi les guerres civiles qui vindrent quelque temps après en France; car il avoit réfolu de se bannir pour un temps de la France. aller à Malthe, en prendre la bandiere, & exécuter une entreprise qu'il avoit sur Rhon des, & qu'il tenoit très-facile: & s'asseuroit de l'emporter, à l'ouyr discourir, mais non pas qu'il en descouvrit les plus grands secrets.

Il prenoît une douzaine de ses galeres, & emmenoit une infinité de très-belle noblesse de France, avec une seur de très bons soldars.

MR. LE G. PR. DE FRANCE. 41

Il m'avoit fait promettre que j'yrois avec luy: je n'avois garde d'y faillir: car je n'ay jamais aymé en mon jeune afge qu'aller. Il avoit trouvé une fort belle invention pour armer ses galeres en combat, que j'en ay point veu ny ouy parler: bref, il avoit l'a un beau dessein.

Le matin du jour de la battaille de Dreux, ainsi qu'il déjeusnoit, & tous nous autres qui estions avec luy, je luy ouys dire, que s'il mouroit en cette battaille, qu'il ne regrettoit en rien tant sa mort, si-non qu'il perdoit l'occasion de faire son entreprise de Rhodes avant de mourir, qu'il pensoit infailliblement emporter; & puis cette entreprise exécutée, qu'il ne se soucioit jamais plus de mourir. Mais le malheur, qu'ayant combattu ce jour très - vaillamment, & s'y estant par trop eschauffé, & retournant tout suant le soir qu'il faisoit un froid extresme. & son Page escarté ne l'ayant pu trouver pour luy donner sa louviere (1), il fut contraint de boire ainsi sa sueur, qui se refroidit sur son corps: & pour ce, en engendra une fausse pleurésie qu'il garda plus de six semaines, dont enfin il en mourut par un très-grand dommage, & plus qu'on en scauroit exprimer : car n'ayant pas encore trente ans, il se fust rendu un

⁽¹⁾ Manteau de fourrure de loup.

des grands personnages de mer qu'on eust sceu voir. Car s'il y estoit brave, vaillant & hazardeux, il y estoit bien autant expert & très-bon marinier, si que bien souvent il représentoit (1) les meilleurs Pilotes, Comites, Argousils & Matelots, ce que j'ay veu moy-mesme, & les rasseuroit, & enfeignoit: comme j'y vis, lors que (comme i'av dit en la Vie de la Reyne d'Escosse (2)) nous nous approchasmes de l'Escosse, & que ce grand brouillard nous faisit, qu'un chacun s'en estonnoit, luy ne perdit jamais cœur ny jugement, rasseura tout, & opina ce qu'il falloit, contre l'opinion des Mariniers, Pilotes & Comites, dont l'on se trouva bien; & là je le vis aussi-bien opiner, & bien dire, que le meilleur Pilote qui fut jamais. En retournant les galeres d'Italie (car il estoit allé mener son frere Monsieur le ·Cardinal de Guise, comme j'ay dit ailleurs (3)), toutes les galeres, & la sienne premiere, s'alloient périr, sans luy & son advis & hazard, dans le golphe de Ligourne. De mesme, ramenant ses galeres de Levant en Ponant, elles estoient perdues sans luy, aux Asnes de Bourdeaux, là - où il courut très-

⁽¹⁾ ou reprenoit.

⁽²⁾ Tome II, Difc. III, page 121. (3) Ci-dessus, page 38.

grande fortune: car il n'envoyoit jamais devant pour tenter le risque, ou pas, ou l'advanture; mais alloit tousjours le premier devant, ainsi qu'est la coustume qu'il faut que la Générale ou la Réale aille tousjours devant toutes les autres: ce qu'il fait très beau voir cettes, soit, ou à combattre, ou à faire voyage, avec sa belle banderie ou estandard

général & son grand fanal.

Il s'est veu pour un coup commander à quamnte galeres, & c'est ce que nos Roys de France ont eu jamais de plus en mer, ou quelques deux ou trois davantage. Ce qui faisoit fort paroistre leur Général, en quelque part qu'il sust ou allast, pour la belle suite que je luy ay veu ordinairement de Gentils-Hommes, de Capitaines de galeres, & de soldats, de Chevaliers, & autres plusieurs honnestes gens: outre qu'il estoit très magnisque, & d'une très belle despense, & beau joueur.

Il y avoit Monsieur de Carses, son Lieutenant-Général, qui estoit un très-sage, brave, vaillant, riche & magnisique Seigneur, & beau joüeur aussi comme son Général, & qui avoit sait belle preuve de sa valeur en Piedmont, commandant à deux Enseignes de gens de pied, & estoit grand Seigneur de

moyens & de despense.

Les deux Lieutenants de ses deux galeres ostoient Monsieur le Chevalier de Tenance,

& Monsieur de Beau-lieu Chastaigner, de Poictou, frere de Monsieur Chastaigner, qui avoit esté Gouverneur dudit Monsieur le Grand-Prieur, au gouvernement duquel il avoit eu très grand honneur. Ces deux Messieurs de Tenance & Beaulieu, estoient fort mettables & bien choisis.

Il y avoit le Seigneur de Basche-Martel (a), très bon homme de mer, lequel, après la paix, le Grand-Duc retira à soy, & le sit

Général de ses galeres.

Il y avoit Monsieur le Comte Fiasque, Seigneur d'honneur, de vertu & de valeur, & de grande sidélité à la France, qu'il a tousjours inviolablement gardée; si que pour ses vertus, le Roy Charles & le Roy Henry III le firent Chevalier d'honneur des Reynes leurs semmes, ayant esté auparavant Ambasfadeur vers cet Empereur Maximilian, où il traitta le mariage de nostre très-illustre Isabelle d'Austriche.

Il y avoit aussi le Seigneur Cornelio Fiasque, son parent, un très-bon & vaillant &

grand Capitaine.

Il y avoit aussi le Capitaine Pierrebon, dit Monsieur de Neuillon, très-bon Capitaine, qui, pour sa suffisance, sut Gouverneur de Marseille, & du Fort de Nostre-Dame de

⁽a) Le Seigneur de Basché. Rabel. L. IV.

MR. LE G. PR. DE FRANCE. 45 la Garde; le Capitaine Maurice son Lieutenant, fort brave.

Il y avoit aussi Monsieur le Chevalier de Charlus, de très bonne & ancienne Maison d'Auvergne, qui estoit un très-bon, brave & vaillant homme de mer, & qui avoit beaucoup veu & retenu.

Il y avoit aussi le Capitaine Albize, bon

& ancien Capitaine.

Bref, ce me seroit trop grande longueur & importunité, si je voulois dire & spécisier tous ses Capitaines de galeres, qui estoient tous gens de mérite, qu'il faisoit tous beau voir auprès de leur brave Général, qui leur donnoit toute pareille lueur que la lune à ses estoiles.

Ce n'est pas tout ce qu'il faut noter en lieu; car s'il estoit bon homme de mer, il estoit aussi bon homme de terre. Se trouvant en des combats, il s'en acquittoit très-bien en toute valeur & honneur. Il estoit un très-bon homme de cheval, & que peu ou jamais s'est veu qu'un homme de marine sust bon homme de cheval; ainsi comme je l'ay veu par expérience, comme chose plaisante à voir que ces gens maritimes monter à cheval & les picquer. Monsieur le Grand-Prieur y estoit fort adroit, de très-belle assiette, & de fort bonne grace.

Je le vis une fois à Amboise à un courement de bague que sit le Roy François II,

46 Hommes illustres François.

la débattre contre Monsieur de Nemours, qui estoit des meilleurs hommes de cheval de France, dix fois l'un après l'autre : enfin, Monsieur le Grand Prieur l'emporta par l'onziesme sois.

Il estoit monté sur un barbe, habilé fort gentiment en femme Egyptienne, avec son grand chapeau rond, ou capeline, sur la teste, à l'Egyptienne; sa robbe & cotte tout de velours & taffetas fort bouffante : en son bras gauche, au-lieu d'un petit enfant, avoit une petite singesse, qui estoit à luy, & plaisante, emmaillottée comme un petit enfant; qui tenoit sa mine enfantine ne faut dire comment. & qui donnoit fort à rire aux regardants. Elle luy donna pourtant de la peine & de l'incommodité à faire ses courses, à cause de l'émotion du cheval à courre ; de-sorte qu'il fut contraint, après avoir fait quatre courses en tel estat, de la laisser, & poursuivre ses courses tousjours masqué.

Monsieur de Nemours estoit habillé en femme Bourgeoise de Ville, avec son chaperon & sa robbe de drap noir, & à sa ceinture une grande bourse de ménage, avec un grand clavier de cless, où pour le moins il y avoit plus de cent cless pendantes avec la grosse chaisne d'argent, tousjours masqué aussi. Il sis son entrée de camp sur un très-beau roussin, qu'on appelloit le Réal, que le Seigneur Jules, Escuyer de Monsieur le Vidas-

MR. LE G. PR. DE FRANCE. 47 me, & puis à Monsieur de Nemours, avoit dresse à aller à deux pas & un saut, mieux que ne fit jamais cheval, & qui alloit le plus haut, car c'estoit un des plus forts roussins & des plus beaux, bay, obscur; de sorte qu'en cette allée du mitan du jardin d'Amboise, il ne fit que cinq sauts, tant il se lançoit bien, jusques à la fin de la carriere, Monsieur de Nemours s'y tenant si bien, & de si bonne grace, qu'il en donna grande admiration à tout le monde, tant hommes que femmes. Aussi y avoit-il là une Dame, qu'il servoit, & aymoit fort, aussi elle luy. Et ce qui estoit plaisant, c'estoit que le clavier, avec sa multitude de cless, faisoit un bruit comme si ce sussent esté sonnettes, pour l'amour des sauts du cheval, qui en mesmetemps que luy sautoient en l'air, & tintinnoient ainsi. Je vis tout cela; & ce sut la premiere sois que je vins à la Cour, venant d'Italie.

A propos de ce cheval Réal, il faut que je fasse ce conte, que, deux ans avant, le Roy Henry sit une partie le jour du Mardygras, avec les jeunes Seigneurs, Princes & Gentils-Hommes de sa Cour, d'aller en masque par la Ville de Paris, & à qui feroit plus de folies. Ils vindrent tous au Palais. Monsieur de Nemours, estant sur le Réal, monta de course (car ainsi le falloit) par le grand degré du Palais, cas estrange! Estant ainsi précipitant entra dans la galerie & la

grand salle dudit Palais, fait ses tours, promenades, courses & solies, & puis vint descendre par le degré de la Sainte-Chappelle, sans que le cheval jamais bronchast. & rendit son maistre sain & sauve dans la bassecour. Force autres de ses compagnons de la masquarade entrerent bien dans la salle, & en sortirent; mais ce sur par le petit degré. Mais ce trait de Monsieur de Nemours sut estrange & miraculeux, tenu & conduit par la main de Dieu; si que jamais ne se vid tel miracle.

Pour tourner encore à ce Monsieur le brave Grand-Prieur, je diray cecy de luy, que s'il monstroit en jeu sa vertu, sa valeur & son adresse, il le monstroit encore mieux à bon escient & en guerre, comme il sit aux battailles de Renty (estant très-jeune) & de Dreux, & en force autres combats & dessaites.

Il avoit d'ordinaire sa grande escurie de dix ou douze pieces de grands chevaux, comme s'il n'eust bougé de terre, & une vingtaine de beaux courtauts; & quand il alloit sur mer, il laissoit tout en sa maison; & quand il tournoit, il les reprenoit, tant il estoit magnisque & splendide: & sorce Pages & Laquais à l'équipollent, & ordinairement très-bien & richement vestus; car si ceux de la Cour estoient vestus, ou de bandes de velours, ou en broderie, les siens avoient tousjours,

Mr. le G. Pr. de France. tousjours, ou de l'or, ou de l'argent pardellus les autres, & tousjours blanc & incarnat, portant & aymant ces couleurs pour l'amour d'une belle & honneste Dame, que ie connois; & d'elle & d'autres il estoit fort symé : aussi v avoit-il bien dequov en luy à le faire aymer. Car il estoit très-beau de viage, blond, doux, courtois, gracieux, & respectueux; de fort belle, grande, & très. haute taille, & avec cela, comme disent les tireurs d'armes d'Italie, con bel corpo denodato & di bella vita (1): car il y a force Grands, qui sont grands landores & langoirans, tant mal bastis & adroits, que c'est pitié; mais cettuy rien moins : il avoit les armes très-bien à la main, & de très-bonne grace & adresse.

Je le vis une fois à Paris, au Fauxbourg Saint-Germain, au commencement du Roy Charles IX, entreprendre un combat à la barrière avec le Seigneur Avaret, qui estoit grand aussi, & de mesme saille, & des galants de la Cour, & mourut Huguenot dans Orléans, de peste. Tous deux estoient les deux tenants, & tindrent contre plus de cinquante venants, sans jamais se rendre, ny demander ayde. Mais on ne vit jamais

⁽¹⁾ C.-à-d. de corps bien désouplé, & de belle disposition.

Tome IX.

mieux faire de si belles démarches, & mieu porter la picque, mieux la rompre, mieu combattre à l'espée, & mieux frapper, n de mellleure grace: & ce grand Monsieu de Guise, qui estoit le parrain de son fre re, qu'il faisoit très beau voir à servir so frere & silleul. Ensin, ces deux emporte rent le prix & la voix du Roy, des Prin ces, des Reynes, & des Dames, qui es toient la, encore qu'ils surent assaillis de troi braves combattants.

Pour fin, ce Monsieur le Grand-Prieu estoit bon à tout, & il faut dire de luy ce que l'on dit du temps passé des enfants d'I straël retirez dans la Ville de Jerusalem, où ils surent contraints, par les assauts que leut donnoient les ennemis, & les empeschements de bastir & remparer la Ville, de l'une des mains tenir l'espée & combattre, & de l'autre la truelle & bastir, si que l'on disoit d'eux, qu'ils estoient ad utrumque paratis (1). Aussi pouvoit-on dire de ce Monsieur le Grand-Prieur, ad utrumque paratus.

Quand nous tournasmes d'Escosse, & vismes la Reyne d'Angleterre, elle luy sit un grand recueil, & le tint en grande estime, & dansa une sois ou deux avec elle; car il dansoit des mieux & de la meilleure gra-

⁽¹⁾ C.-à-d. préparez à l'un & l'autre.

MR. LE G. PR. DE FRANCE. 52 ce, & de toutes fortes de danses, & en portoit toujours quelque nouvelle à la Cour quand il venoit d'un voyage.

Cette Reyne luy monstra beaucoup de familiaritez, comme il le méritoit pour le rang de sa maison & de ses vertus. Je luy vis souvent dire: Monsteur mon Prieur, (ainsi usoit-elle de ce mot) je vous ayme sort; mais non pas Monsteur vostre frere.

qui m'a ravy ma Ville de Calais.

Or, c'est assez dit pour ce coup de ce grand Prince, jusques à un autre endroit. Cependant, pour avoir eu cet honneur de luy, qu'il a esté de mes bons Seigneurs & maistres, & des premiers, & que je l'ay suivy en Italie, en Escosse par mer, & en France par terre, & qu'il m'a aymé fort, & sait plus d'honneur que je ne méritois, à jamais je luy offre à ses cendres, & à son honorable mémoire, un torrent de mes larmes, aussi-bien à cette heure, comme le jour qu'il mourut.





DISCOURS SOIXANT DIX-SEPTIESME.

Mr. DE NEMOURS.

UIS que je viens icy devant toucher peu de Monsieur de Nemours, j'en 1 parler fans attendre à une autre fois. Prince, dit JACQUES DE SAVOYE, fu son temps un des plus parfaits & acce plis Princes, Seigneurs & Gentils-Homi qui fur jamais. Il faut librement avec vé franchit ce mot, sans en estre repris; si on l'est, c'est très-mal-à-propos. Qui veu, le peut dire comme moy. Il a un très-beau Prince, & de très-bonne g ce, brave & vaillant, agréable, aymable accostable, bien disant, bien escrivant, tant en rime qu'en prose, s'habillant mieux : si-bien que toute la Cour en temps, (au moins la jeunesse,) prenoit t son patron de se bien habiller sur luy; & qu on portoit un habillement sur sa facon n'y avoit non plus à redire, que quand se façonnoit en tous ses gestes & actions estoit pourveu d'un grand sens & d'espi ses discours beaux, ses opinions en un c seil belles & recevables. De plus, tout

qu'il faisoit, il le faisoit si bien, de si bonne gace, & si belle adresse, sans autrement se contraindre, comme j'en ay veu qui le vouloient imiter sans en approcher, mais & naifvement, que l'on eust dit que tout cela

estoit né avec luy.

Il aymoit toutes fortes d'exercices, & si y estoit si universel, qu'il estoit parfait en tous. Il estoit très-bon homme de cheval. nes-adroit, & de belle grace, fust ou à picquer, ou rompre lances, ou courir bague, ou autre exercice pour plaisir & pour la guerre; bon homme de pied, à combattre à la picque & à l'espée; à la barriere, les armes belles en la main : il jouoit très-bien à la paulme; aussi disoit on les revers de Monsieur de Nemours; jouoit bien à la balle, au ballon; sautoit, voltigeoit, dansoit; & le tout avec si bonne grace, qu'on pouvoit dire qu'il estoit très parfait en toutes sortes d'exercices chevaleresques : si-bien que qui n'a ven Monsieur de Nemours en ses années gayes, il n'a rien veu; & qui l'a veu, le peur baptiser, par tout le monde, la sleur de ronte Chevalerie, & pour ce, fort aymé de tout le monde, & principalement des Dames, desquelles (au moins d'aucunes) il en a tiré des faveurs, & bonnes fortunes, plus qu'il n'en vouloit, & plusieurs en a-t-H refusé qui luy en eussent bien voulu despartir.

l'ay connu deux fort grandes Dames, des

belles du monde, qui l'ont bien aymé, qui en ont brussé à feu descouvert & couvert, que les cendres de discrétion ne pouvoient tant couvrir qu'il ne parust. Plusieur sois leur ay-je veu laisser les Vespres à demydites, pour l'aller voir jouer ou à la paulme ou au ballon, en la basse-cour des logis de nos Roys. Pour en aymer trop une, & luyestre fort sidele, il ne voulut aymer l'autre qui pourtant l'aymoit tousjours.

Je luy ay ouy raconter plusieurs sois de ses advantures d'amour; mais il disoit que la plus propre récepte pour jouyr de ses amours, estoit la hardiesse; & qui seroit bien hardy en sa premiere pointe, infailliblement il emporteroit la forteresse de sa Dame; & qu'il en avoit ainsi conquis de cette saçon plusieurs, & moitié à demy-force, & moitié

en jouant en ses jeunes ans.

Au commencement du Roy Henry, il s'en alla voir l'Italie, avec Monsieur le Mareschal de Bouillon, que le Roy Henry envoya vers le Pape Paul III, se congratuler avec luy de son advénement à la Couronne, & luy prester l'obédience, ainsi qu'est la coustume ordinaire de nos nouveaux Roys; mais j'ay ouy dire à des François & Italiens, sur le lieu, que ce Prince estoit admiré & aymé de toutes les Dames de ce Pays-là qui le voyoient, & des silles de joye très-sort, & couru à force.

J'ay ouy conter que dans Naples, une fois dans cette Ville, mesme un jour de Feste-Dieu, & en la procession, ainsi qu'il y marchoit, luy sur présenté par un Ange, de la part d'une Dame, un très-beau boucquet de sleurs; lequel Ange comparut artissiciellement, & descendit d'une fenestre, & s'arresta trèsbien à propos devant luy, & de mesme luy présenta avec ces mots: Soit présenté à ce beau & jeune Prince & très-valeureux le Duc de Nemours.

Il fit ses jeunes guerres en Piedmont, par deux ou trois voyages qu'il y fit, & en France aux sieges de Boulogne, de Mets, battaille de Ranty, & autres belles factions, en réputation d'un très-brave, vaillant, & trèshardy Prince; ayant charge de Chevaux-légers & de Gendarmes, & puis en Italie de gens de pied, en estant Colonel de toutes les Bandes que mena Monsieur de Guyse : j'en parleray ailleurs. Au retour, il fut Colonel-Général de la Cavalerie-légere, dont il s'en acquitta très-bien & dignement, & mesine au voyage d'Amiens, estant logé au Pont-Dormy, près de l'ennemy, qu'il alloit esveiller souvent, & ne parloit on que des courses de Monsieur de Nemours pour lors.

La paix estant saite, le Roy d'Espagne en sir grand cas, & sur-tout Monsieur de Savoye, son bon cousin, qui commença à l'aymér extresmement, tant pour ses vertus

C iv

que pour la privauté qu'il prit aussi-tost avec luy, se jouant avec luy comme s'ils n'eussent jamais bougé d'ensemble : & la pluspart dus temps alloit toujours en crouppe derriere luy à cheval; & sans autre cérémonie, sans qu'il se donnast garde, y montoit d'une telle disposition, qu'il estoit plustost monté qu'il en sceustrien, dont il estoit si ayse que rien plus. Aussi depuis se sont il estoit si ayse que rien plus. Aussi depuis se sont est ensemble de leur partage, sans avoir noise autrement : & de plus, Monsieur de Savoye luy donna sur ses jours, Montcallier en Piedmont, pour s'y retirer.

Si Monfieur de Savoye estoit bon Espagnol, Monsieur de Nemours estoit trèsbon François, ne s'estant jamais trouvé brouillé sur l'esbranssement de l'Estat de France, encore qu'il ne tinst à aucuns qu'on ne luy en jettast le chat aux jambes, comme on dit, à Saint-Germain-en-Laye, après le colloque de Poissy. Lors que Messieurs de Guyse & luy se recirerent de la Cour, pour voir la nouvelle Religion entrer en fleur, on l'accusa d'avoir voulu desbaucher Monsieur, frere du Roy, pour en faire de mesme, & aller avec eux, dont une femme-de-chambre de la Reyne, dite Denise, qui chantoit des mieux, en fut rapporteuse, & à faux pourtant: car disoit on que le Roy de Navarre l'en avoit sollicitée, parce qu'il hayssoit fort mondit Sieur de Nemours, à cause de Mademoisselle de Rohan, que ledit Roy vouloit qu'il espousast. Et de vray, si mondit Sieur de Nemours ne se fust garanty & absenté, il eust esté en peine, ainsi qu'il parut peu après par l'emprisonnement de Lignerolles. J'espere faire tout au long ce conte en la vie du Roy Henry III (1); car je le sçay sort bien, pour avoir esté en ce temps à la Cour.

Tout cela se passa, & n'en fut autre chose, jusques à ce que la premiere guerre vint, & qu'il fut envoyé querir pour en avoir besoin de sa suffisance à bien servir le Roy; ce qu'il fit : & pour ce, envoyé Lieutenant de Roy vers le Lyonnois, Forests, Masconnois, & Dauphiné, là-où il empescha fort les Huguenots de par de-là à ne faire si bien leurs besoignes, comme ils le faisoient auparavant; & fit une grande desfaire vers la Forest de Sillan sur le Baron des Adrets & ses compagnons, & les eust encore plus toutmentez fans une grande maladie qui luy furvint, qui le mena tellement, & le mit si bas, qu'on ne vid jamais personne si proche de la mort. Mais enfin, avec beaucoup de peine de tant de maux, il se remit & rentra en sa convalescence premiere: sur-quoy la parx entrevint, & fut Gouverneur du Lyonnois, Forests & Beaujolois, par la mort de

⁽¹⁾ On n'a point cette Vie

Monsieur le Mareschal de Saint - André Après les premiers troubles, les secondarriverent en ce temps, & à la journée de Meaux, où Monsieur le Prince de Condé Monsieur l'Admiral, & autres Grands de la Religion estoient venus avec quinze cents chevaux, & bien armez, pour présenter une requeste au Roy. Quelle présentation de requeste, disoit-on alors, le pistolet à la

gorge!

Le Roy pour lors n'avoir aurres forces avec luy, si-non sa Maison & six mille Suisses. qui par cas estoient arrivez bien à propos par la sollicitation-messue de Messeurs de la Religion, à cause de l'armée & passage du Duc d'Albe en Flandres : j'en parle ailleurs. Il y eut pour lors un très-grand & vieux Capitaine, qui opina qu'il falloit que le Roy demeuraît à Meaux, & envoyaît querir secours. Mais Monsieur de Nemours débattit fort & ferme, qu'il falloit gagner Paris, pour beaucoup de raisons bien pregnantes. qu'il allégua, que je laisse à songer aux mieux discourants, sans que je le touche: & pour ce, il fut cru, disant que fur sa vie, il meneroit le Roy sain & sauve dans Paris.

La charge luy en fur aussi-tost donnée de par le Roy, envers qui Monsseur de Nemours usant doucement de sa charge, (comme le Marquis del Gouast sit à l'endroit de l'Empereur, à la journée de Thunis, comme j'ay

dit en son lieu (1), le priz de se mettre au miran de ses Suisses, & luy se mit à la teste, marchans si serrez, & en si bon ordre de battaille, sans jamais le perdre, que les autres ne les oserent jamais attaquer, bien qu'ils les costoyassent tousjours pour en voir & prendre la moindre occasion du monde pour les charger: & par ainfi, & en telle facon & ordre, le Roy se sauva dans Paris, sans aucun désordre; ce qui fit dire au Roy, que, fans Monsieur de Nemours & ses bons comperes les Suisses, sa vie, ou sa liberté, estoit en très grand bransle. C'est une retraite celle-là. & des belles, en plein jour, non de la façon que Monfieur de Montluc en donna l'instruction à Monsieur de Strozze. & à tous gens de guerre, de faire les leurs de nuit.

Voilà pourquoy il faut estimer celle-cy par-dessis beaucoup d'autres, & mesme ayant toussours les ennemis en veue; mais quels ennemis? Des braves, des vaillants, déterminez, qui sussent en France.

Bien toft après la battaille de Saint Denis se donna, où ce Prince sit très-bien, comme il avoit toujours fait en toutes les autres où il s'est trouvé. De la en hors, au voyage de Lorraine, il mena l'avant-garde avec Mon-

⁽¹⁾ Ci-deffus, Tome V, pag. 158 & 159. C vi

sieur de Montpensier, & ne tint pas à luze qu'on ne donnast la battaille à Nostre-Dame de l'Espine: & si ce pauvre Prince estoit la plus part du temps tourmenté de ses gouttes; mais fon brave & généreux cœur le soustenoi= tousjours. Hélas! elles l'ont tant tourmenté depuis, qu'elles l'ont mis à la fin dans le cercueil: & ne m'estonne pas si Lucian l'appelle la Reyne des maladies, pour la tyrannie qu'elle exerce sur les personnes, ainsi que fit celle-là sur ce brave Prince, & si tyranniquement, qu'avant quelques années qu'ilmourur, il n'avoir quasi membre des siens principaux, qui ne fust perclus, fors la langue. qui luy demeura encore si bonne & saine. qu'ordinairement on en voyoit sortir les plus beaux mors, les plus belles sentences, les plus graves discours, & les plus plaifantes rencontres. Ah! que ce brave Hector effoit bien changé de celuy qui avoir esté autrefois le plus accomply Prince du monde! Hélas! se n'estoit pas celuy-là, qui à la guerre combattoit si vaillamment, & remportoit de si belles despouilles, victoires & honneurs de ses ennemis! Cen'estoit pas celuy-là contre qui, ce brave Marquis de Pescaire, du temps des guerres de Piedmont, qui estoit certes un très-brave & généreux Prince, avant recen la renommée des vaillances & beaux combats de ce Prince; se voulut esprouver contre luy. pour en augmenter davantage la gloire; &

Pour ce, en toute gentillesse de Cavalier, l'envoya dessier un jour, luy & quatre, contre auant ou davantage, à donner coups de lance heresmoulu, sust ou pour l'amour des Dames, ou pour la querelle générale. Le combat sus sussitte toit accepté, & le Trompette pris un mot.

Par-quoy, Monsieur de Nemours paroist devant Ast, où estoit le Marquis, qui se présente à nostre Prince en fort belle contenance, laquelle, bien qu'elle fust très-belle, ne paroissoit pas tant que celle de nostre Prince. S'estant donc tous deux mis sur le rang, & en carrière, coururent de fort bonne grace, & si rudement, qu'ils en rompirent leurs lances, & les esclats s'en allerent fort haut en l'air, sans s'endommager l'un l'autre.

Après la course, leverent leur visiere & s'entr'embrassernt fort courtoisement, avec une merveilleuse admiration de l'un & de l'autre, & se mirent à deviser ensemble, pendant que les autres faisoient leurs courses.

Ce fut Monsieur de Vassé, fils de Monfieur de Vassé, qui courut après contre le Marquis de Malespine, lequel rompit sa lance sur le Sieur Vassé, & en perçant son haussécol, entra bien demy-pied de lance dedans, dont le jeune Seigneur sut sort blessé, & en mourut quelques jours après.

Après, courut le Capitaine Manets, Lieutenant de Monfieur de la Roche Pouzey, contre lequel courut Dom Albe, Capitaine Espagnol, qui donna un coup de lance at col dudit Sieur de Manets, duquel il mou

rut quatre-jours après.

Le dernier, Monsieur du Moucha, Enfeigne de Monsieur de Pinars, de l'asge de cinquante bonnes années, courut, contre le quel se vint présenter le Comte Caraffe. Napolitain, nepveu du Pape pour lors, auquel le Seigneur du Moucha donna si grand coup de lance, qu'il luy perça le bras & le corps de part en part; de sorte que la lance se monstroit outre par-derriere plus de quatre pieds, dont le Seigneur Comte demeura mort sur le champ. Et ainsi se desmella le combat par victoire douteuse, & chacun se retira.

Les Espagnols qui en parlent, en content d'autre diverse sorte, & disent qu'ils n'estoient que trois contre trois. Il y avoit Monsieur de Nemours, Monsieur de Navaille, Basque, son Lieutenant, gentil Capitaine Cheval-léger, & Monsieur de Vassé. De l'autre costé, estoit Monsieur le Marquis Dom George Mauricque de Lara, yel Capitan Milort, ce nom dénote qu'il estoit Anglois, que les Espagnols tenoient pour un très-bon Capitaine.

Ce combat se sit auprès des murailles d'Ast, & avant avoient fait un concert de ne tires point aux chevaux, & qui en tueroit un, en payeroit cinq cents escus à son compagnon. Cette condition se pouvoit faire, & accomplir, pour plusieurs raisons que je diray.

Monfieur de Nemours & Monfieur le Marquis, coururent les deux premiers, & firent trois courses. Les Espagnols disent que le cheval de Monsieur le Marquis fuyt tousjours la carrière, & qu'il ne put saire nulle belle course, si-non une fois, qu'il blessa un peu au bras Monsieur de Nemours. Mais c'est au contraire; car ce fut celuy de Monsieur de Nemours qui fuyt tousjours la lice, d'autant que Monsieur le Marquis s'estoit accommodé d'un fort grand panache à sa salade, si couvert de papillottes que rien plus, ainsi que les Plumassiers de Milan s'en font dire trèsbons & ingénieux maistres, & en avoit donné un de mesme au chanfrain de son cheval. (on disoit qu'il l'avoit fait exprès;) si-bien que le cheval de Monfieur de Nemours s'approchant de celuy du Marquis, fut ombragé de fes papillottes, qui luy donnoient aux yeux, à cause de la lueur du cheval, tournoit tousjours à costé, & suyoit très-poltronnement la lice & la carriere. Et par ainsi, Monsieur de Nemours, par la poltronnerie de fon cheval, faithit aux bons coups & beaux qu'il avoit ordinairement accoustumé de faire. comme certes cela est arrivé souvent. & le voir on encore, qu'un cheval poltron fait grand tort à la valeur de son maistre. Aussi quelquefois un cheval fol bizarre & de

mauvaise bouche, fait son maistre plus vaillant qu'il n'est, ou ne veut estre : car il l'emporte dans la messée des ennemis en despit de luy, là-où il faut qu'il combatte malgré luy, comme j'ay connu un brave Gentil-Homme, à qui son cheval, qui estoit un beau roussin blanc, fit un tel trait à la battaille de Dreux.

Pour donc encore retourner à nostre conte, les Espagnols disent que Monsieur de Nemours tua le cheval de Monsieur le Marquis, & que le pache fait, Monsieur de Nemours luy envoya aussi-tost après le combat les cinq cents escus. Mais Monsieur le Marquis, comme très-courtois, les luy renvoya. Ce qui est faux; car Monsieur de Nemours estoit trop bon Gendarme, pour faillir l'homme, & aller au cheval: aussi qu'il avoit le cœur trop généreux & libéral, s'il en fust oncques, pour reprendre les cinq cents escus; ils les eust plustost donnez aux Trompettes du Marquis.

Voilà pourquoy il se faut rapporter pont toute la vérité du combat, à ce que les François en ont veu, dit & escrit, ainsi que j'en ay veu un petit Traité en Espagnol imprimé, & comme ausii aucuns à mox mesme

me l'ont ainsi débattu.

Il n'est non plus rien de ce qu'ils ont dix de Monfieur de Navaille qui combattit contre Mauricque de Lara, lequel perça de fa lance de part en part l'espaule de Monsieur de Navaille, dont il mourut quelques jours après; car il mourut au voyagede Monsieur de Guyse en Italie, pour avoir trop couru la poste,

comme j'ay dit ailleurs.

D

×

R

Ħ

Ŀ

Le Capitaine Milor se battit contre le Seigneur de Vassé, lequel mourut bien celuy-là, comme j'ay dit; mais les Espagnols & François sont discordants du nom de celuy qui le combattit. Voilà comment il y a de grands abus au dire & aux escritures des gens; mais il faut que les Espagnols ne perdent point leurs coustumes de se bien vauter, & qui d'eux-mesmes ne se veulent jamais abaisser, & ont tousjours la vanterie,
de le premier honneur en la bouche.

Sur-quoy je feray ce conte d'un combat qui fut fait au Royaume de Naples, du regne du Roy Louys XII, entre treize nobles Chevaliers François, & treize Espagnols, duquel les Espagnols & Italiens s'en donnent tout l'advantage & toute la gloire, ainsi mesme qu'ils l'ont escrit; mais les François ne

causent pas ainsi.

Le conte est donc tel, qu'après le combat qu'eut fait Monsseur de Bayard, contre Alonzo de Sotto-Major, & vaincu, dont j'en parle ailleurs (1), les Espagnols en cuyde-

⁽¹⁾ Tome VII, Discours IX, Art. III, page 103; & Tome XII, Discours des Duels.

rent crever de despit, & chercherent jours le moven pour s'en revancher. quoy, y ayant trefves faites pour deux m les François & Espagnols s'entrevisite quelquefois en leurs garnisons, ou en la c pagne, & causoient familièrement ensem mais vous eussiez dit que les Espagnols c choient tousjours noise & riotte.

Un jour entr'autres une bande de tr Cavaliers Espagnols, très-bien montez vindrent promener & esbattre vers la Vill Monervine, où estoit la garnison de IV sieur de Bayard, & par cas ce jour aussi N sieur de Bayard en estoit sorty avec Mons d'Orozze, très-gentil & brave Capitaine la Maison d'Urssé (a), pour s'aller esba & prendre l'air tout à cheval, jusques à demie lieuë, où il vint rencontrer cette ble troupe d'Espagnols, qui les salue très-courtoisement, & on leur rendit la reille. Entr'eux, il y eut un brave certe courageux, qui s'appelloir Diego de Bi gne, lequel avoit esté de la Compagnie Dom Alonzo, & luy souvenoit encore d mort de son Capitaine, dont il l'en louer, qui s'advança par-dessus les autres

⁽a) François d'Urfe, fils de Jean d'Urfe, gneur de Rochefort, & d'Isabel de Langeac, me d'Orose.

leur dit: Vous autres, Messieurs les François, je né sçay si cette tresve vous fache point; mais à moy elle m'ennuye fort, encore qu'il n'y ait que huit jours qu'elle soit commencée. Si, pendant qu'elle durera, il n'y auroit point de vous autres une bande de dix contre dix, de vingt contre vingt, ou plus ou moins, qui voulussent combattre sur la querelle de nos maistres, je me serois bien fort de les trouver de mon costé: & ceux qui seront vaincus, demeureront prisonniers des autres.

Monsieur de Bayard luy respondit: Nous avons, mon compagnon que voicy & moy, très-bien compris vos paroles, & que desirez faire armés (1) de nombre contre nombre. Vous estes icy treize bons bommes. Si vous voulez, d'aujourd'huy en huit jours, vous trouver à deux milles d'icy, montés & armés, mon compagnon & moy nous vous en amenerons autres treize, dont nous en serons du nombre: & qui aura bon cœur & bon bras, le monstre. Alors les Espagnols tous d'une voix s'escryent: Nous le voulons; & tous s'estans dit adieu, se séparerent.

Messieurs de Bayard & d'Orozze estant à Monervine, firent entendre tout cecy à leurs compagnons, lesquels ayant tiré au sort qui

O

P; ci id

不可

⁽¹⁾ Armes.

feroient les treize, & les treize s'estant bien préparez pour le combat, ne failloient (1) de se trouver au jour assigné, & au lieu arresté. Les Espagnols ne faillirent non plus; & de toutes les deux nations, & Napolitains, force gens estoient allez là, pour en voir le combat.

Ils avoient limité leur camp sous condition que celuy qui seroit mis pied à terre, ne pourroit plus combattre, ny ayder à les compagnons; & en cas que jusques à la nuit une bande n'eust pu vaincre l'autre, & n'en demeurast-il qu'un à cheval, le camp seroit siny, & pourroit ramener ses compagnons françs & quittes, lesquels sortiroient en pareil honneur que les autres hors du camp. Voilà des paches & conditions bien inventées & bien pointillantes! Je ne sçay qui les trouva; mais il est à présumer que ce furent les Espagnols, qui, de tout temps, ont esté fort subtils, fins & sublins. Nos François, le temps passé, ne l'estoient pas tant, & y alloient à la franche guerre.

Ces conditions donc accordées, les Espagnols se mirent d'un costé, & les François de l'autre, & tous, la lance en l'arrest, picquerent leurs chevaux les uns contre les autres: mais les Espagnols ne donnerent point aux

⁽¹⁾ faillirent.

es, mais se mirent à tuer les chevaux; ont cette maxime: Muerto el Cavalrdido l'hombre d'armas.

voilà pourquoy, au combat de Mone Nemours, que j'ay dit cy-devant. s-bien inventé qui l'inventa, que qui le cheval de son compagnon, payeng cents escus. Mais cette peine est igere; car tel y a-t-il, qui ne se sougueres de tuer le cheval de son ennet de payer au double, pour puis après neilleur marché de son homme: il vaut imposer une peine de victoire sur l'honainsi que le temps passé mesme s'obparmy les Cavaliers errants, & une & desfense à ceux qui s'amusoient à es chevaux, pauvres bestes, qui sont entes & ne se desfendent, & qui n'en nt mais que les hommes, qui font les & noises, combattent & battaillent. e aux Tournois de nos Roys, que l'on , il n'estoit nullement beau de porter mer bas, mais faire tousjours fon coup s haut que l'on peut, & qui le fait tel, is digne Cavalier. En battailles & coménéraux, tout est de guerre, & tue-t-on 'on peut, mais non aux deffis.

Espagnols pourtant n'observerent cetle loy; car s'estant fort bien amusez à es chevaux, ils en tuerent jusques au re d'onze, & ne retoumerent à cheval

que Messieurs d'Orozze & de Bayard. Et cette tromperie ne servit de rien aux Espagnols; car oncques puis leurs chevaux ne voulurent passer outre, voyant les autres chevaux morts, quelques coups d'esperons qu'on leardonnast. A quoy, Messieurs d'Orozze & de Bayard, prenant le temps, ne cesserent de livrer de bons assauts (que l'Espagnol trèsproprement dit Aremetidas, que nous autres François ne sçaurions si proprement dire ny tourner en un mot,) à la grosse troupe; & quand elle les vouloit charger, se retiroient derriere les chevaux morts de leurs compagnons, comme derriere un rampart. Et ainsi ces deux braves François amuserent les treize Espagnols l'espace de quatre heures que dura le combat, que la nuit sépara sans avoir rien gagné: & pour ce, chacun se retira, selon ce qu'ils avoient accordé.

Voilà nostre conte achevé, que j'ay appris du vieux Roman de Monsieur de Bayard, & d'aucuns vieux qui l'avoient ainsi ouy dire. Ce n'est pas donc ce que les Histoires estrangeres ont dit, que les nostres surent vaincus. Il appert par-là, & n'est point inconvénient que la vérité ne soit telle, & que ces deux braves, vaillants & adroits hommes d'armes ne se soient garantis d'une si grosse troupe, & qu'ils n'ayent donné grosse affaire à la grosse troupe: les Histoires en sont toutes pleines

d'exemples.

es Histoires estrangeres disent encore , qu'oncques depuis la perte de ce bat, les François ne profiterent plus, ny t gueres bien leurs besoignes au Royaule Naples. Je ne veux pas dire que ce pour cela; car ils ne furent pas vaincus, me vous voyez. Mais j'ay ouy dire à de ds Capitaines, qu'il ne fut jamais bon ure ces deffis de seul à seul, ou de nomcontre nombre, parmy les armées, & cela en attire malheur, ou bien s'en enine grande conséquence : car chacun par s en parle comme il veut, & selon les ons & affections qu'il possède, & fait r & raisonner la renommée comme il luy t: & chacun flatte fa nation & fon party. la gloire en demeure aux uns, & le vire aux autres, felon que l'on s'imprime ame & en la bouche. Notez qu'il n'v jamais combat géneral ny particulier, l'on avt jamais veu raconter au vray; ne j'ay observé plusieurs fois : car l'on ansporte comme l'opinion & la passion rend aux uns & aux autres; tant qu'il peut jamais sortir de ces dessis gueres onheur. l'en amplifierois bien ce Disde plusieurs raisons & exemples, si je is; mais il seroit trop long. Qu'on cone seulement que les Albans ne profiteamais gueres plus depuis le combat des ces & Curizces, & la Ville de Rome

creut après & se fit grande par la ruyne d'Albe A cette heure, pour parachever à parles de Monsieur de Nemours, je dis que ce fui un très-grand dommage, que la santé de son corps ne put accompagner sa belle ame & fon courage: car outre les belles preuves qu'il a faites durant sa belle disposition, de ses valeurs & vertus, il en eust bien fait paroistre encore de plus belles, s'il eust vescu plus long-temps & bien sain; car il n'avoit que cinquante ans quand il mourut. En quoy i'av noté une chose, que depuis cent ans (je ne veux point parler de plus haut) tous ceux qui ont porté ce nom & tiltre de Duc de Nemours, ont esté très-braves, vaillants, hardis, & grands Capitaines: tant (ce diroit-on) ce nom & tiltre est heureusement fatal en vaillance & prouesse à ceux qui le portent. Comme les Ducs de Bourgogne les uns après les autres ont esté de mesme, dès Philippes le Hardy jusques à cette heure, & ainsi que ledit Philippes, le Duc Jean, le bon Duc Philippes, & le Duc Charles, & l'Empereur Maximilian, l'Empereur Charles cinquiefme, & le Roy Philippes d'aujourd'huy : tous ces sept Ducs consécutivement ont esté braves, généreux, grands, ambitieux, & courageux. De ces Ducs donc de Nemours y eut premiérement Louys d'Armagnac, qui mourun au Royaume de Naples: Gaston de Foix, qui mourut en la battaille de Ravenne, com-

me j'ay dit cy-dessus : le pere de Monsieur de Nemours, duquel je parle maintenant, qui fut un très homme-de-bien, d'honneur. & de grande valeur, & très-bon François; aussi estoit-il très-proche parent du Roy Francois, qui l'aymoit & prisoit fort, & aymoit mieux suivre le party du Roy que celuy de l'Empereur, dont mieux luy en prit qu'au Duc Charles de Savoye son frere: puis Monsieur de Nemours, duquel je viens de parler : & pour bien finir, Monsieur DE NEMOURS son fils, qui est aujourd'huy, n'a rien dégénéré à ses ayeuls; car il est très brave & trèsvaillant, & de sage conduite & résolution. Il l'a monstré, si jeune qu'il estoit; n'ayant que vingt ans, en certe derniere battaille d'Yvry, où il combattit si vaillamment, & sit à retraite des derniers, & au siege de Paris, y commandant en chef comme de railon: car encore qu'il fust bien assiégé & presse, & de la guerre, & de la famine, voire de la peste, dont j'espere en parler en la vie de nostre Roy d'aujourd'huy Henry IV (1), jamais ce Prince ne s'estonna, ce qu'eust fait un plus vieux & plus pratic Capitaine que lny; mais tient bon & fait teste très-asseurément aux fléaux, & de la terre & du ciel, (i'en parleray aussi en la mesme vie du Roy,)

⁽¹⁾ On n'a point cette Vie. Tome IX.

74 Hommes illustres François.

& pour belle récompense, on le traita bi Lyon, luy qui, après tant de bons serv saits à son party & à sa Religion, sur & mis prisonnier dans les prisons de la V comme un grand malsacteur; mais par gentil esprit, & son industrie, il s'en si

bravement, comme j'espere dire.

Il monstra fort sa vaillance en l'entres qui fut faite sur luy à Vienne, par Mons le Connestable & le Seigneur Alfonse Cocar y estant entrez dedans desjà cinq à cents hommes, on luy vint dire comm Ville estoit surprise & prise. Soudain, courage asseuré, sort de son logis sans mer autrement, prend ses Gardes, & ques Gentils-Hommes, qui se rallieres luy, & court où estoit l'ennemy, le che & le combat, le mene battant, & le sortir hors d'où il estoit entré. J'ay ouy se conte à gens dignes de soy, qui esto dehors & dedans: pour le moins la V gagnée se perdit.

J'ay ouy conter qu'une fois en Bourgue on luy vint dire, qu'un de ses Riments estoit engagé, voire assiégé, dans Village par son ennemy. Luy, sans temp ser, ny s'armer, prend un autre Régin des siens, se met à la teste sur un petit det; & faisant faction de Mestre-de-Can de Capitaine, de gens de pied & de solc charge les assiégeants, les sait desmordre.

les estrille bien. Tant d'autres prouesses espere je bien conter de luy en la vie du Roy. que l'on s'en esbahira. Aussi aymoit-il tant à se façonner selon Monsieur de Guyse, son frere, qu'il le vouloit imiter en tout : car, à plus parfait que celuy-là ne pouvoit-il resembler; & ce qu'il luy voyoit faire, il s'estudioit du tout à le faire, fust-il à la Cour (comme j'ay veu,) fust-il à la guerre, & tout jeune qu'il estoit. N'ayant encore seize ans, aux nonces de Monsieur de Joyeuse, je me souviens l'avoir veu, comme aussi un chacun le vid à tous les combats qui s'y firent : il s'en voulut tousjours mesler, & s'y donnoit & recevoit des coups, que le plus robuste eust sceu faire. Mesme Monsieur de Guyse. qui estoit le plus rude combattant qui sust point, ne l'espargnoit non plus que le moindre, dont un chacun s'estonnoit des forces & de l'adresse de ce jeune Prince, sust à pied ou à cheval.

-

Au reste, il est un des beaux Princes du monde, vraye semblance du pere & de la mere. Il est un peu de plus haute taille que ne sut jamais le pere : & sa douceur & sa bonté le rendent très-aymable, sur-tout aussi sa grande libéralité, pareille à celle du pere; car il n'a rien à luy : ce qu'il prend d'une main, il le donne de l'autre, comme de mesme faisoit sort Monsieur de Guyse, son frere. Il a le cœur grand & ambitieux.

76 Hommes illustres François.

Sur-quoy j'ay ouy dire que nostre Roy d'aujourd'huy, estant venu au dessus de la conqueste de la Bourgogne, Monsieur de Guyse le vint trouver la , qui, s'estant mis à le reconnoistre, il y eut un Gentil-Homme, qui, pour applaudir, dit au Roy, aprè que Monsieur de Guyse luy eut fait la révérence: Sire, voilà comme peu à peu on vous recherche. & se vient-on humilier enver vous, comme vous voyez. Monsieur de Guyse est venu: Monsieur du Mayne traitte avec yous; il n'y a plus qu'à tenir, que tout ne soit fait, il ne reste que Monsieur de Ne mours à en faire de mesme. Hà! (dit le Roy) celuy-là a le cœur trop grand & haut. Jamais il ne se sçauroit mettre à servir. Je ne m'attens pas qu'il me recon noisse tant qu'il pourra, & que son brave cœur l'y portera. J'ay là un très - dange reux ennemy, & qui fort tard abbaissers les armes. Ces paroles, prononcées de la bouche d'un si grand Roy, savorisent à la louange de ce Prince plus que de cent autres qui en eussent voulu parler.

Or, comme j'ay dit, j'en parleray ailleurs, & plus amplement, & moins sobrement, que je ne fais icy, ensemble de Monsieur le Marquis de Saint-Sorlin, son frere, que je n'ay jamais veu pourtant; mais j'ay ouy dire que c'est un Prince très-accomply, & sur-tout fort homme-de-bien, de bonne ame,

MR. DE NEMOURS.

å de scrupuleuse conscience; ce qui est beau-

coup à louer.

De tous deux fut leur mere, cette belle, illustre & vertueuse Dame, Madame de Nemours, premiere veusve de ce grand Duc de Guyse, duquel je vais parler maintenant, & qui se remaria en secondes nopces à Monsieur de Nemours, ce grand Prince & si parsait, que j'ay dit, pour s'entretenir tousjours en recherche de la persection des honnestes marys, puis que telle estoit sa volonté de se remarier, ne faisant point comme plusieurs Dames que j'ay veu veusves & convolantes, qui, de leurs premiers & grands mariages, s'abbaissoint & descendoient sort bas avec des petits.





DISCOURS SOIXANTE-DIX-HUITIESME.

Mr. DE GUTSE.

DE grand Duc DE GUYSE, duquel nous voulons parler, fut grand certes; & le faut appeller GRAND parmy nous autres, austibien que plusieurs Estrangers ont appellé des leurs par ce surnom & tiltre, & ainsi que moy-mesme j'ay veu & ouy les Italiens & Espagnols plusieurs fois l'appeller, El gran Ducque de Guisa; & el gran Capitan de Guisa. Si-bien que je me souviens, qu'à l'entrevue de Bayonne, & grands & petits faifoient un cas inestimable de feu Monsieur de Guyle son fils qui estoit encore fort jeune, & ne l'appelloient autrement, qu'el Hijo del gran Ducque de Guisa: & entroient aussi en grande admiration de Madame de Guyse sa femme, autant pour sa grande beauté & belle grace, que pour porter til-tre de femme de Monsseur de Guyse, & ne l'appelloient que la Muger de quel gran Ducque de Guisa, & pour ce luy portoient un grand honneur & respect; & sur-tout ce grand Duc d'Albe, qui scavoit bien priOr, tout ainsi qu'on loue & admire fort un excellent artisan & bon ouvrier, qui aura fait un beau chef-d'œuvre, mais davantage & plus celuy qui en aura fait plusieurs; de mesme il faut louer & estimer ce grand Capitaine dont nous parlons, non pour un beau chef-d'œuvre de guerre, mais pour plusieurs qu'il a saits: & pour les principaux, il faut mettre en-avant & admirer le siege de Mets soustenu, la battaille de Renty, le voyage d'Italie, la prise de Calais, Guynes & Hames, celle de Theonville; le camp d'Amyens; & en la guerre civile, les prises de Bourges, Rouen, la battaille de Dreux, & puis le siege d'Orléans.

De vouloir descrire & spécifier menu par menu tout cela, ce seroit une chose superflue, puis que nos Historiographes en ont assez remply leurs Livres: mais pourtant, qui considérera la grande force qu'y mena ce grand Empereur devant Mets, dont jamais de pareille il n'en peupla & couvrit la terre, la foiblesse de la Place, qui n'avoit garde d'estre la quatriesme partie forte comme aujourd'huy; qui considérera aussi la grande prévoyance qu'il usa pour la munitionner, y establir vivres, munitions, réglements, po-

lices, & autres choses nécessaires pour soustenir un long siege, & le peu de temps qu'il

D iv

80 Hommes illustres François.

eut à faire tout cela avant la venue du siege; qui mettra aussi devant les yeux le bel ordre de guerre qu'il y ordonna. la belle obéyssance sur-tout qui luy fut rendue d'une fi grande Principauté & Noblesse, Capitaines & soldats, sans la moindre mutination du monde, ny le moindre despit; puis les beaux combats, & les belles sorties qui s'y sont saites; qui considérera tout cela. & tant d'autres choses, qui seroient longues à spécifier, & puis la belle & douce clémence & bénignité dont il usa envers ses ennemis demymorts, & morts, & mourans de faim, de maladies, de pauvreté, & de miseres, que leur avoit engendré la terre & le ciel; bref, qui voudra bien mettre en ligne de compte tout ce qui s'est fait en ce siege, dira & confessera, que c'a esté le plus beau siege qui fust jamais, ainsi que j'ay ouy dire à de grands Capitaines qui y estoient, fors les assauts qu'on n'en livra jamais, bien que l'Empereur le voulust fort, & pour ce en sit un jour faire le bandon pour en donner un général, auquel Monsieur de Guyse se prépara si bravement, & y mit un fi bel ordre, avec tous fes Princes, Seigneurs, Gentils-Hommes, Capitaines & soldats, & se présenterent tous si déterminément sur le rempart à recevoir l'ennemy & soustenir la bresche, que les plus vieux, braves, & vaillants Capitaines de l'Empereur, voyant si belle & asseurée conpre cette entreprise d'assaut; car ce seroit la suyne de son armée: ce qui fascha pourtant fort à l'Empereur; mais pour l'apparence du danger éminent, il crut ce conseil.

A propos de cette clémence, courtoisse, douceur & miséricorde, usée par ce grand Duc envers ces pauvres gens de guerre, voyez de quelle importance elle servit quelque temps après à nos François au siege de Thérouane, à laquelle un rude assaut estant donné à nos gens par luy faussez & emporsez, estant prest à estre mis tous en pieces comme l'art & la coustume de la guerre le permet, ils s'adviserent tous à crier: Bonne guerre, compagnons; souvenez-vous de la courtoisse de Mets. Soudain, les Espagnols courtois, qui faisoient la premiere pointe de l'assaut, sauverent les soldats, Seigneurs, & Gentils-Hommes sans leur faire aucun mal, & receurent tous à rançon : & ce grand Duc, par sa clémence, sauva ainsi la vie à plus de fix mille personnes. Ce siege sut célebré & noté par cette courtoisse, & par la naissance de la Reyne Marguerite de France, Reyne de Navarre, née le 20 jour du mois de Juin 1553 (1).

⁽¹⁾ Les Mémoires de la Reyne Marguerite, édit. de Liege 1713, dans une Note marg, de la p. 54,

32 Hommes illustres François.

Or, si ceux de dedans Mets n'eurent oc casion de monstrer leur courage & valeur soustenir des assauts, (fort attristez de n'en recevoir, pour mieux monstrer leuz valeur,) ils en prirent bien d'eux-mesmes à assaillir les ennemis; car à toute heure, ils faisoient des plus belles forties du monde, qui valoient bien des soustenements d'assauts. & donnerent bien à songer & à croire aux ennemis, que s'ils fussent allez à eux avec assauts, autant de perdus y en eust-il eu. Ces saillies se sai-soient, & à pied, jusques à fausser les tranchées fouvent, & à cheval, bien loing encore de la Ville; & fur tout sur le camp du Marquis Albert, à qui Monsieur de Guyse en vouloit, pour avoir faussé la foy donnée au Roy, & avoir deffait Monsieur d'Aumale fon frere, & pris prisonnier. Ausli le payat-il bien; car il ne retourna pas la quatriesme partie de ses gens, dont l'Empereur, ny les-Espagnols, ne s'en soucierent gueres, pour aymer peu les traistres, aussi qu'il ne s'eftoit donné à l'Empereur que par contrainre. Ainsi alla ce siege, qui commença la Vigile de la Toussaints, ainfi que porte la vieille chanson, faite pour lors par un ad-

font naître cette Princesse le r4 Mai 1552; ce qui s'accorde mieux avec le texte de Brantoine, qui la fait naître pendant le siege de Meiz, artivé, comme on sait, en 1552.

MR. DE GUESE. 83 Naturier de guerre François, qui commence sins:

Le Vendredy de la Toussaints,

Est arrivé la Germaine (1)

A la belle Croix de Messain,

Pour faire grande boucherie;

Se campant au haut des vignes

Le Duc d'Albe, & sa Compagnie,

A Saint-Arnou près nos sossez.

C'estoit pour faire l'entreprise

De reconnoistre nos sossez.

Ce fut-là ce jour, & à cette belle Croix, où fut faite cette belle escarmouche, qui dura quasi tout le jour, si bien soustenue des nostres, & attaquée par le Duc d'Albe & le Marquis de Marignan, avec une estite de trois mille Harquebusiers Espagnols choisis, & d'un battaillon venant après de dix mille Allemands qui les soustenoient. Il n'y alla rien du nostre, que tout bien, fors quelque petite tuerie & blessures de nos Capitaines & soldats. Il ne se pouvoit saire autrement: car en telles sestes, il y a tousjours des coups donnez & receus; & puis, le grand nombre des autres devoit suffoquer les nostres de leur seule haleine.

⁽¹⁾ Germanies.

84 Hommes illustres François.

Ce siege dura depuis ce jour jusques ers Janvier environ le vingtiesme ou plus. L'Empereur s'en leva de la fort à regret & à grand-creve-cœur : car il avoit promis aux Allemands, pour se faire mieux aymer d'eux que par le passé, de remettre Mets, Toul & Verdun à l'Empire, & les y réunir mieux que jamais ; ce qu'ils desiroient plus que chose du monde ; car elles leur estoient de bonnes cless : mais sa bonne destinée luy faillit-là, & ce sut ce que dit très bien Monsieur de Ronsard parlant de ce siege & Ville :

Qu le destin avoit son outre limité, Contre les nouveaux mura d'une soible Cité.

Or, entr'autres beaux traits que j'ay ouy raconter & rémémorer, qu'aye fait Monsieur de Guyse léans (je mets les combats à part,) ce fut celuy touchant la courtoisse qu'il sit à l'endroit de Dom Louys d'Avila, Général pour lors de la Cavalerie-légere de l'Empezeur; à qui un esclave More ou Turc, ayant dérobé un fort beau cheval d'Espagne, se sauva avec luy dans Mets, & s'y jetta. Dom Louys, ayant sceu qu'il s'estoit allé jetter là-dedans, envoya un Trompette vers Monsieur de Guyse, le prier de luy rendre par courtoisse un esclave qui luy avoit dérobé un cheval d'Espagne, & s'estoit allé jetter

& refugier dans sa Ville, pour le punir de fon forsait & larcin, ainsi qu'il le méritoit; sçachant bien qu'il ne le resuseroit, pour le tenir Prince valeureux & généreux, & qui ne voudroit pour tous les biens du monde receler ny soussenir les larrons & meschants.

Monsieur de Guyse luy manda, pour luy envoyer l'esclave, il ne pouvoit, & en avoit les mains liées par le privilege de la France, de temps immémorial là-dessus introdukt, qu'ainsi que toute franche qu'elle a esté & est, elle ne veut recevoir nul esclave chez sov: & tel qu'il seroit, quand ce seroit le plus barbare & estranger du monde, ayant mis seu-- lement le pied dans la terre de France, il est aussi-tost libre & hors de toute esclavitude & captivité, & est franc comme en sa propre patrie: & pour ce, qu'il ne pouvoit aller contre la franchise de la France. Mais pour le cheval, il le luy renvoyoit de courtoifie. Beau trait certes: & ce Prince & grand Capitaine monstroit bien qu'il scavoit encore plus que de faire la guerre; comme certes il faut qu'un grand Capitaine soit universel.

Vrayment il faut louer & admirer cette noble franchise, belle & chrestienne de la France, de n'admettre point de telles servitudes & esclavatitudes par trop cruelles, & qui sentent mieux son Payen & Turc, qu'un Chrestien: & qui aura veu traitter des es-

claves comme j'en ay veu, y trouvera de la pitié; car on n'en a compassion non plus que des chiens & des bestes.

Mais dira quelqu'un, comme je vis dire une fois à un Comite de Galere Espagnol à un Gentil Homme, qui avoit compassion d'unpauvre esclave qu'il assommoit de coups, comme un cheval couché par terre, sans qu'ilosast bouger; & luy représentant cette cruauté, l'autre luy respondit seulement : Si vous eussiez esté esclave parmy les Turcs comme: moy, vous n'en auriez pitié; car ils nous traittent cent fois plus cruellement que nouseux. Comme il est vray : & qui pis est. quand ils nous tiennent, nous autres Francois, ils en font de mesme qu'aux autres Chrestiens, n'ayant nul esgard, ny considération aux belles franchises qu'ils recoivent en France, comme j'ay veu : & mesme derniérement nous vismes arriver à la Cour de nostre-Roy dernier quelques soixante Turcs & Mores, qui estoit eschappez des Galeres de Genes, & se sauverent en France : le Royles vid, & leur fit donner de l'argent pour leur conduite & embarquement à Marseille. Euxmesmes disoient que, sçachant bien le privilege libre & la franchise de la France, avoient fait ce qu'ils avoient peu pour y gagner terre, où ils avoient une joye extresme d'y estre, & nous adoroient nous autres François, jusques à nous appeller freres. Et Dieuspit s'il nous eussent tenus en leur pouvoir, ils nous eussent traittés comme les autres. J'ay fait cette digression, puis que le subjet s'y estoit donné. Or, je ne parle plus de cesege de Mets; car il est ailleurs assez escrit.

Pour le regard de la battaille de Renty, c'est une chose assez certaine & publique, que Monsieur de Guyse en sut le principal auteur de la victoire, autant pour sa belle conduite & sagesse, que pour sa vaillance. C'a esté le premier & seul des nostres qui commença à bien reconnoistre & estriller les Reystres, & Monsieur son sils le dernier & seul.

A cette battaille, le Comte Vulfenfort avoit amené à l'Empereur deux mille Pistoliers, qu'on appelloit Reystres, parce, disoit on, qu'ils étoient noirs comme beaux diables: & s'estoit vanté ledit Comte, & promis à l'Empereur, qu'avec ses gens, il passeroit par-dessus le ventre à toute la Gendarmerie & Cavalerie de France: ce qui donna à l'Empereur quelque fiance de gagner : mais il arriva bien autrement; car ils furent bien battus, & fuyrent bien. Possible si Monsieur de Guyse eust esté hors de-là, qu'ils nous eussent pu donner une pareille estrette que d'autres Revstres nous donnerent à la Battaille de Saint-Quentin; car ce furent eux, avec cinq cents lances de Bourguignons, tous conduits par le Comte d'Egmont, qui nous deffirent.

Un peu avant, leur Colonel (je ne me fouviens pas bien du nom, mais il effoit grand Seigneur d'Allemagne, je ne sçay si c'estoit un puisné de la Maison de Brunswich) s'envoya présenter avec sa troupe (qui pouvoit monter à deux mille chevaux) au Roy Henry, luy demandant l'apointement, tel qu'ont accoustumé tousjours ces gens-là de demander, qui certes y sont excessifs. Monsieur le Connestable le renvoya bien loing, & remonstra au Roy que c'estoient marauts, qui ne valoient rien, qui faisoient des enchéris, pilloient tout un Pays, & au bon du fait ils ne combattoient point, & ne venoient jamais aux mains, & s'enfuyoient comme poltrons, ainsi qu'ils firent à la battaille de Renty, que trois à quatre cents chevaux de nos Gendarmes mirent en route & en fuyte, & firent pis, mirent en désordre & rompirent tout un grosbattaillon de l'Empereur mesme. & de leurs Allemands.

Il y avoit dequoy, au Roy & à Monfieur le Connestable, à considérer. Mais ceux-cy firent mieux que les autres à cette battaille de Saint Quentin, où possible, comme l'on disoit alors, s'ils eussent eu à faire & à parler à Monsieur de Guyse, ils eussent esté de mesme escot qu'à Renty, encore qu'il y eust de très-bons, braves & vaillants Capitaines: si-bien qu'il y eut là du malheur pour eux, & de l'heur pour Monsieur de Guyse, que

89

force gens alors souhaittoient qu'il fust esté là; car cerces, quand on a appris & accoufmmé à battre quelques gens une fois, deux fois, l'on y est heureux une autre fois, ainsi que Monsieur de Guyse le fit aussi de mesme à la battaille de Dreux. Si bien que Monsieur son fils, & son vray héritier en tout, héria de luy ce bonheur de battre ces genslà, tant mauvais & tant redoutables, plus par renommée que par effets, ainsi qu'il fit à la battaille qu'il donna à Monsieur de Thoré en Champagne, qui en avoit mené deux mile. Il les contraignit jusques-là, qu'en belle plaine, ils luy demanderent bonne guerre & la vie, & leur retour sain & sauve en leur Pays, qu'il leur accorda de grace, & eux s'en allerent : & si peu de nos pauvres Fran-Sois qui resterent du combat & meurtre, fallut qu'ils se sauvassent avec Monsieur de Thoré, leur Général, comme ils purent, & s'allerent joindre à Monsieur frere du Roy, qui alors estoit en armes.

Ce Monsieur de Guyse-mesme estrilla bien aussi le Baron Done (1) & ses Reystres, auprès de Montargis, & puis les acheva de peindre & de renverser à Aunaux, ainsi que

j'espere le descrire en sa vie.

À propos de ce Baron Done, si faut-il

⁽¹⁾ Duna

90

que je fasse ce petit incident. Nostre grand & brave Roy d'aujourd'huy, durant ses belles guerres & conquestes de son Royaume fur les Ligués, estant devant Dreux, il desira fort voir Madame de Guyse, sa bonne coufine, & pour ce l'envoya prier qu'elle en prist la peine qu'ils se vissent, car elle estoit à Paris: ce qu'elle desira fort aussi: car c'est une des honnestes & bonnes Princesses qui foit point, & pour ce le Roy luy envoya un passeport, laquelle sçachant venir alla au-devant d'elle bien accompagné d'une fort belle Noblesse qu'il avoit : sequel après avoir recueilli cette honneste Princesse en tout respect & gracieuseté, la conduisit en son logis & en sa chambre, & venant sur le discours, le Roy dit: Ma Cousine, your voyez comme je vous ayme; car je me suis paré pour l'amour de vous. Sire, ou Monsseur, (luy respondit elle en ryant) je ne vous en remercie point; car je ne vois point que vous ayez si grande parure sur vous que yous en deviez vanter si paré comme dites. Si ay, (dit le Roy;) mais vous ne vous en advisez pas. Voilà une enseigne (qu'il monstra à son chapenu) que j'ay gagnée à la battaille de Coutras, pour ma part du butin & victoire : cette, qui est attachée, je l'ay gagnée à la battaille d'Yvry. Voulez-vous donc, ma Cousine, voir sur moy deux plus belles marques & parures, pour me monstrer bien

paré? Madame de Guyse le luy advoua, en luy repliquant: Vous ne sçauriez, Sire, pourtant m'en monstrer une seule de Monsseur mon mary. Non, dit-il, d'autant que nous ne nous sommes jamais rencontrez ny staquez; mais si nous en sussions par cas venus-là, je ne sçay ce que s'en sust esté. A quoy repliqua Madame de Guyse: Sire, s'il ne vous a point attaqué, Dieu vous en a gardé; mais il s'est bien attaqué à vos Lieutenants, E les a fort bien frottez, tesmoin le Baron Done, duquel il en a remporté de bonnes enseignes E belles marques, sans s'en estre paré que d'un beau chapeau

Mademoiselle de Guyse, toute gentille certes, & très-belle, & digne d'un tel pere qu'elle avoit, estant près de Madame sa mere, impariente d'en dire aussi son mot, s'advança là-dessius, & luy dit: Sire, vous n'en avez aucune parure non plus de Monsieur mon frere. Non, dit le Roy-; mais il est assez jeune pour m'en donner, s'il ne se reconnoist. En telles belles & gentilles paroles, quasi en forme de dialogue, se passerent les devis de ce grand Roy, & de ces belles Princesses.

de triomphe, qui luy durera pour jamais.

Or, ce brave Prince Monfieur de Guyse ne se contenta de ce qui resta & qui se sauvoit par la capitulation que le Roy sit avec eux, qui ne les vouloit du tout perdre, pour

la hayne sourde qu'il portoit à mondit Sieur de Guyse; ces Messieurs les Revstres furent si bien poursuivis par luy en despit du Roy, & touchez devant luy & coignez, que de cinquante mille hommes, que ledit Baron Done avoit amenez, j'ay ouy dire à homme de foy, & de la Religion, que quand ils arriverent à Geneve (où estoit leur refuge) très-à-propos, ils n'estoient pas cinq cenus chevaux tels quels. De plus, rongeant encore son frain de despit, il donna encore dans l'Allemagne & la Comté de Mombeliard, où il fit un très grand ravage & carnage, & de très-beaux feux, & tout cela avec fort petites troupes; si-bien que s'il eust eu seulement dix mille hommes frais portez là, il luy bastoit de se promener si avant en Allemagne, qu'il eust fait belle peur en plusieurs endroits, & ne le faut point douter: & ainsi que ce Prince le dit, il l'eust sait; car son grand courage l'y eust porté fort facilement, & a grande renommée, qui desjà avoit volé par-tout là, & qui en avoit porté avec elle la terreur.

Hà! brave Prince, tu ne devois jamais mourir, au moins que tu ne te fusses un peu promené par cette Allemagne, & monstré encore à quelques troupes des Reystres, que s'ils ont fair peur à aucuns, que tu leur eusses fait à eux toute entiere, mesme qu'ils se sont rendus d'autresois à telle gloire,

l'ay ouy dire qu'un peu avant que mondit Sieur de Guyse allast deffaire ce Baron Done, il en manda son dessein au Prince de Parme, & luy pria de luy prester son espée pour estriller un peu ces mauvais. Le Prince luy manda qu'il n'en avoit besoin de meilleure que la sienne, de laquelle, après qu'il auroit fait avec ces gens, il le prioit de luy prester plustost la sienne, qu'il tenoit la meilleure de la Chrestienté. Voilà comme de Grand à Grand la flatterie est commune comme parmy les petits: encore que ces propos tinssent plustost du vray, que du flattement, à cause de leurs rares valeurs, ainsi que Monsieur de Guyse le disoit; d'autant que quelques années avant Monsieur le Prince de Parme avoit mis à tel point le Prince Casimir avec neuf ou dix mille Reystres qu'il avoit menez aux Estats, qu'il fallut qu'ils pliassent bagage, & s'en allerent viste, sans avoir que fort peu fait fumer leurs pistolets, autant par contrainte & nécessité, que par espouvante d'une lettre que leur escrivit le Prince de Parme, aussi bravasche que jamais lettre sut escrite.

J'estois alors à la Cour, quand elle y sur apportée, & le Roy la vit, qu'il trouva trèsbelle, & Monsieur de Guyse me la monstra, & me dit que c'estoit de la saçon qu'il sal-

loit traitter & chasser ces gens-là, non avec de l'argent, ny avec peur ; lesquels n'estant pas si-tost & seulement entrez en France, il ne falloit que songer aussi tost d'amasser de l'argent pour les Reystres, & les renvoyer avec cela: que si l'on eust voulu seulement employer la moitié de celuy qu'on leur donnoit, à dresser une bonne & grosse armée, on les eust si bien battus & estrillez, qu'ils eussent perdu l'appetit pour jamais des bons vivres & des beaux escus de la France. Et sur-tout, me disoit Monsieur de Guyse, pour les deffaire, il falloit avoir une bonne troupe de bons Mousquetaires & Harquebusiers, ainsi que j'en parle ailleurs, & que c'estoit la fauce qu'il leur falloit donner pour les dégouster, ainsi qu'il deffit ceux de Monsieur de Thoré, là-où si peu d'Harquebusiers qu'il avoit, firent très bien; & sur-tout les Mousquetaires, qu'ils n'avoient gueres veus ny ouvs, les estonnerent fort.

Certainement qui eust voulu bravement user à l'endroit de ces gens du ser comme de l'or ou de l'argent, on en eust eu la raison; mais aussi eust-il fallu avoir pour chef un de ces deux de Guyse, ou le pere, ou le fils, encore qu'à la battaille de Montcontour nostre Roy Henry estrilla bien ceux du Duc de Deux-Ponts, qui estoient venus aux Huguenots: mais aussi, Monsieur de Guyse ce brave sils y estoit, & à bon escient; car il y sut

font blessé d'une grande pistoletade au bas de la jambe, & en grand danger de la mort. De cela j'en parleray à la Vie dudit Roy, & de Monsieur de Guyse (1), pour parler un peu de cette lettre bravasche du Prince de Parme, de laquelle la substance estoit telle.

" Vous, Messieurs les Reistres, qui faites " estat de troubler les Princes Chrestiens. " & qui vous enrichissez de la despouille " milérable de tant de pauvres créatures, , qui ne vous firent jamais mal ny desplai-" sir; puis que vous méritez justement le " mauvais party auquel vous estes réduits à " présent, asseurez-vous que vous aurez af-" faire à des personnes qui vous scauront " poursuivre jusques au vis & sentiment, as-" silés de Dieu, qui ayde tousjours aux ar-" mes justes, telles que vous avez desjà con-" nu & fenty. Et si les François sont plus " courtois que nous à traitter leurs ennemis. " vous n'estes point en France, & encore n moins avons-nous volonté de faire si mal , les affaires du Roy nostre maistre. Vous , demandez que nous vous payions, pour , vuider le Pays : & nous demandons mes-" me payement pour vous laisser en aller " vos vies fauves. Apprestez-vous seulement " de voir le fort des armes le plustost que

⁽¹⁾ On n'a point ces Vies.

" vous pourrez; car nostre courrier n'attend " seulement que le nombre des morts, pour " en porter nouvelles en Espagne au Roy " nostre maitre ".

Voilà des mots bien braves & menaçants, qui porterent tel coup qu'ils s'en allerent grand erre, sans emporter un seul sol du Roy d'Espagne, comme ils avoient sait de nos Roys. Et le meilleur du pot sur, que n'ayant rien sait qui vaille, surent si insolents qu'ils envoyerent demander leur paye à la Reyne d'Angleterre, qui les y avoit sait venir, & promis argent; mais elle, qui est une des habiles Dames qui oncques porta Sceptre & Couronne, leur sit une brave response, & digne d'elle & de sa générosité; & adressant sa lettre pour tous au Prince Casimir, leur Général, elle parla ainsi en briesves paroles:

" Je voy bien que vos hommes ne veu" lent point de mon argent, quoy que vous
" dites, comme ayant supprimé nostre contract, par lequel vous estes tenu de mener
" des gens de guerre; laissant mesme à vostre jugement combien seront mensongers
" tous ceux qui baptiseront d'un tel nom
" vos troupes. Je suis marrie de vostre in" fortune, pour à laquelle subvenir, je vous
" puis asseure, que vous obtiendrez de moy
" tout ce que vous sçaurez raisonnablement
" souhaiter, & non point davantage. "

Ce ne fut pas tout; car ce Prince Casimir,

mir, pensant mieux saire ses affaires & de ses gens en personne que par lettre, alla luymesme trouver la Reyne, là-où sa présence n'y servit non plus: & elle, qui est une trèshabile Princesse, & qui sçait parler & tenir majesté, & rabrouer quand il saut, parla bien à luy.

En ce mesme temps que ledit Prince estoit là, Monsieur, frere du Roy, avoit envoyé le gentil-Chevalier Breton vers ladite Reyne, sur leurs pourparlers de mariage; mais ledit Chevalier m'a conté qu'il a veu qu'elle ne faisoit gueres cas dudit Prince, & plusieurs fois luy a fait tenir la mule. Cela s'entend, qu'il entroit ordinairement dans la chambre de la Reyne, & ledit Prince demeuroit en l'anty-chambre, & non sans estue brocardé d'elle, comme elle sçait bien faire, & en ryoit avec ledit Chevalier. Voilà comment Dieu en cet endroit luy rabaissoit son orgueil & sa témérité passée.

Un autre Capitaine aussi, qui a eu bien la raison de ces Messieurs les Reystres, ç'a esté ce grand Duc d'Albe, par deux sois; l'une contre le Prince d'Orange, & l'autre contre Ludovic, son frere. Comment il les vous mena & renvoya! J'ay ouy conter à seu Monsieur de Ferraré, que ces Reystres ne craignent gens tant, qu'ils sont les Turcs; si bien que deux mille chevaux Turcs ne seront jamais dissiculté de frotter dix mille che-

Tome IX.

vaux Reystres: ce que je trouvay fort estran. ge, luy dis je, veu que les Reystres estoient armez jusques aux dents, & si bien empistolez pour l'offensive & desfensive, & les Turcs tous nuds, n'ayant pour armes que la lance, la targue, & le cimeterre. C'est tout un, disoitil. & rien moins pour cela: & disoit l'avoir veu par expérience, lors qu'il fut à l'armée de l'Empereur Maximilian, son beau-frere. Et sur le propos qu'on luy demanda, pourquoy l'Empereur ne hazarda la battaille ce coup-là contre Sultan Solyman, puis qu'il avoit plus de trente cinq mille chevaux, dont il v avoit trente mille Revstres, qui devoient eux seuls mettre en pieces & en fuyte tous ces Turcs ainsi desarmez, bien qu'ils fussent cent mille chevaux? il dit que ces Revstres les craignoient tant, qu'ils ne vouloient aller nullement aux mains avec eux : & disoit encore une raison, que ces Turcs estoient si couverts, & eux & leurs chevaux, de si grande quantité de plumes & panaches, & qu'allans à la charge ils faisoient de si grands cris & hurlements, qu'avec tout cela les Reystres & leurs chevaux en prenoient si grande frayeur, qu'ils ne pouvoient chevir de leurs chevaux. & tous tournoient teste en-arriere.

Dieu veuille que cela n'arrive à cette heure, que nous fommes sur la veille de voir de grands maux de ces Turcs sur les pauvres Chrestiens de la bas, tant Hongres, Polo-

Allemands, qu'autres; & qu'il donne ce à ces Allemands Reystres faire mieux m'eux qu'ils n'ont fait. Car si Dieu tié de nous, & qu'il laisse prendre Vien-Austriche, la vraye clef de l'Allemaelle a beaucoup à pastir, tout ainsi qu'elle pastir à plusieurs Chrestiens, & mesmes s autres François, que vous eussiez dit avoient pris à prix fait la ruyne de la e, tant ils se sont pleus à y faire des es & des retours, & à nous piller & ainsi qu'ils nous firent à la battaille de . Mais nous les estrillasmes bien aussi. e nous filmes aussi à Montcontour. ous gagnasmes la battaille sur eux : aussi -nous des Revitres de nostre costé, qui bien avec leur vaillant Colonel le Mare Bade, qui y fut tué. is sur-tout, il faut louer les Revstres enots de la derniere charge qu'ils nous à Dreux. & comment ils se rallierent vec leurs François, qu'ils les rame-: bien au combat. & v allerent aussicommercils firent au commencement. its par le brave Monsieur de Mouy. e ils firent bien aussi à la battaille de contour, conduits par le brave Comte ric. Mais sur-tout, il faut louer la etraite qu'ils y firent le soir, lesquels se ent résolument serrez, si-bien qu'il les

beau voir en cet ordre.

J'ay fait cette digression des Reystres, parce qu'elle m'est venue à propos; encore qu'ailleurs j'en parleray aux Vies de nos Roys Henry III & IV (1), desquels je ne veux tant dire mal, que je n'estime bien autant leurs armes & leur façon de guerre, que leur vie, qui est par trop desbauchée & infolente. J'ay veu un grand Capitaine s'estonner avec moy dequoy le Roy d'Espagne ne s'en sert point en ses guerres contre nostre Roy d'aujourd'huy Henry IV, & qu'il n'employe un million d'or, luy qui a tant de millions, pour en avoir quinze (2) tout d'un coup, & ne hazarde une battaille contre nous autres, & fasse jouer le jeu à eux, conduits par quelques lances Bourguignonnes des vieilles Ordonnances Napolitaines & autres. Je m'afseure que cela feroit un grand eschec sur nous; car voir quinze mille Reystres en deux gros osts, cela monte à beaucoup & effraye, & si soustient un grand choc si l'on va à eux, où l'on y perd plus que l'on n'y gagne; si-bien que, hazardant ces quinze mille Reystres avec autres mille chevaux. & les faisant perdre & ensoncer sur nous, il n'y a nul doute que nous serions bien malades, comme nous fusmes à Saint-Quentin : &

⁽¹⁾ On n'a point ces Vies.
(2) quinze mille.

cela fait, les renvoyer aussi-tost en leur Payst car ils consommeroient un gouffre d'argent. Et la battaille gagnée par l'Espagnol, asseurez-vous que la France seroit condamnée & fort malade; s'estonne-t-on comment le Roy d'Espagne n'a hazardé ainsi une battaille: & cela seroit sans mettre en bazard ses braves foldats Espagnols, ny les faire combattre. mais seulement faire bonne mine, si non quand ils verroient leur meilleur. S'il eust fait ainsi de l'hazardeux, & point tant du retenu, il s'en fust mieux trouvé que par tant de temporisements. Et m'esbahis, que pour cela il n'a pris son exemple sur quatre battailles que son pere & luy nous ont données, celle de la Bicoque, de Pavie, Saint Quentin, & Gravelines, qui ont esté leur seul gain de cause, de leur grandeur, & de l'advancement de leurs estats; car en quatre jours que ces battailles furent données & gagnées, ils ont plus gagné, & nous plus perdu, qu'en cinquante ans que nous nous sommes entrefait la guerre. Car, en matiere de guerre, il n'y à que de hazarder des battailles, comme je tiens de grands Capitaines; mais aussi il les faut bien débattre, & estre du tout, ou vaincu, ou vainqueur.

Voilà pourquoy jadis les Romains s'agrandirent si bien en donnant les battailles & les bien débattant, sans tant temporiser. Et ne saut douter, si César eust temporisé & retenu

la bride à ne venir aux champs des battaillés, jamais il n'eust conquis les Gaules, jamais il n'eust mis sin aux guerres civiles, & jamais ne sust esté Empereur du grand Empire Romain. Aussi ne demandoit-il jamais qu'à venir aux mains, & mesme à la battaille de Farsale; ainsi que très-bien le représente ce grand Poëte Lucain, par son harangue qu'il sit avant que d'aller au combat, que j'ay traduite & mise ailleurs (1).

Il ne faut donc point douter, que, sur tels exemples, le Roy Philippes devoit ainsi hazarder une battaille par ces guerriers mercenaires & estrangers; car c'est leur vraye curée, puis qu'ils se sont mis à ce mestier mercenaire: & voilà pourquoy il les saut les premiers hazarder, & les premiers perdre, & leur faire essiyer bien le baston; &, comme j'ay dit, réserver & bien garder ces vieux soldats Espagnols, braves, bons, & sideles, comme bons Médecins pour porter ayde au corps, si de malheur il venoit estre sait malade & blesse.

Aussi, pour dire vray, comme j'ay ouy discourir un jour au grand Monsieur de Guysse, avec ce bon & honorable vieillard de Chevalier le bon-homme Monsieur de la Brosse, ce ne sont pas les gens de pied qui, encore

⁽¹⁾ Ci-dessous, dans le Tome XIV.

Mar. DE GUYSE. 10

que bien en soient une cause, ne gagnent pas les battailles absolument : il faut que ce soient les gens de cheval, qui en fassent la victoire entiere, & la poursuivent jusques au bout; si ce n'est que la battaille se donnast en lieu si advantageux pour l'Infanterie, que la Cavalerie n'y pust aysément advenir, ou qu'elle fust fort à la discrétion de l'Infanterie. Ainsi qu'à la battaille de Poictiers du Roy Jean, les gens de pied & Archers Anglois estrillerent bien nostre Gendarmerie Françoise dans les vignes & eschallas, qui l'embarrassoient du tout. Au Garillan de mesme, parmy ces Marests & palus, nos chevaux furent deffaits, comme qui a veu le lieu, comme moy, le peut facilement juger très-propre pour l'Infanterie Espagnole. Et de frais, & ny plus ny moins, en un petit chétif combat, qui fut fait en ces guerres de la Ligue près Saint - Yriers en Limolin, où fut tué le Comte de la Rochefoucaut, brave & vaillant Seigneur certes, avec près de quatrevingts à cent Gentils-Hommes, tous braves & vaillants; lesquels, voulans lever le siege de ladite Place, soustenue par le Seigneur de Chambert, très-brave & vaillant Gentil-Homme, contre Monsieur de Pompadour, Seigneur tout plein de valeur aussi, & chef de la Ligue, furent deffaits par l'Infanterie & Harquebuserie, pour s'estre perdus & engagés sans y penser dans certains pe-

on les tiroit comme à canards : rencontre certes fort malheureuse; car il y mourut

une fort belle & grande Noblesse.

Tant d'autres combats alléguerois-je pareils, fans emprunter ceux des Romains, desquels les gens de pied légionnaires ont gagné leurs principales battailles. & les ont faits grands, & à eux estoit tout leur principal recours plustost qu'à leurs gens de cheval, ainsi que parmy les Espagnols leurs gens de pied sont beaucoup plus estimez, que

leurs gens de cheval.

Finissons cette digression, & retournons encore à ce grand Monsieur de Guyse, François de Lorraine, lequel aucuns ont blasmé d'avoir rompu la trefve, si advantageuse pour la France. Mais qui la rompit, si-non le Pape Paul IV, & le Roy Henry pour le secourir? On tenoit pour lors, que le Pape, de Théatin qu'il avoit esté auparavant, & grandement austere & réformé, devint si ambitieux, qu'il se proposa d'avoir les biens des principaux Seigneurs de Rome, comme des Colonnes & aucuns Ursins. Et de fait en sit emprisonner aucuns, & se saisit de leurs biens, dont il en fortit une si grande rumeur, qu'eux ayant recours à l'Empereur, mirent le Pape en tel destroit, qu'il fut assiégé une fois dans le Castel Saint-Ange, qu'il fallut qu'il le gagnast & à point, estant poussé de

MR. DE GURSE. 105

son ambition par quelque droit prétendu par les Papes sur le Royaume de Naples & le ravoir, & aussi que de tout temps les Carasses, dont le Pape estoit, ne sont trop amis

des Espagnols.

Toutes ces choses, accumulées ensemble, animerent le Pape d'envoyer au secours à nostre Roy, & luy envoya son nepveu le Cardinal Caraffe (qui avoit esté auparavant Capitaine, servant bien le Roy en Toscane) Légat, & luy porta une espée & un chapeau, dons que les Papes envoyent aux Roys. pour les gratifier, en demandant quelque chose de meilleur: dons, dis je, qu'on a observé plusieurs sois estre fataux & funestes, ainsi qu'on le disoit alors, & qu'ils le seroient à nostre Roy, lequel, tout plein de bonne volonté, & poussé de cette grande ambition du passé de ses prédécesseurs, qui avoient délivré aucuns Papes de leurs oppresfions, garantis de la tyrannie d'aucuns, & remis en leurs sieges, mit une grosse armée fur pied, & en fit Monsieur de Guyse son Lieurenant-Général pour un secours si saint: encore tenoit on que nostre Roy en avoit adverty l'Empereur, de se désister à ne donner telle oppression au Pape.

Que pouvoit donc faire Monsieur de Guyse, que d'obéyr à son Roy, & prendre une telle charge si sainte, luy en estant très-digne, & de plus grande que celle-là? Cé ne

fut pas donc luy qui rompit la trefve. Encore alors débattoit-on que feu Monsieur l'Admiral, Gouverneur de Picardie, fut le premier qui la rompit, pour l'entreprise qu'il sit sur la Ville de Doüay, qu'il faillit à prendre & y entrer de nuit une Vigile des, Roys, qu'on cryoir le Roy boit, sans une vieille qui donna l'allarme, & esveilla la garde & le guet, à force de cryer. Ayant failly cellelà, il retourne à Lenz en Artois, qu'il ne faillit pas, & y entra dedans, où surent commises ces pilleries & paillardises que les ennemis sceurent bien reprocher, & sur ce prendre sujet d'en avoir leur revanche, & à faire la guerre à leur tour.

Tant d'autres propos s'alléguoient là-deffus, pour disputer de cette rupture de trefve, & de qui elle venoit, ou de nous, ou de nos ennemis, que je m'en remets au plus clair-voyants & bien sçachants. Monsieur de Guyse conduit donc ce saint secours bravement & sagement au Pape, & si à propos, qu'il contraint le Duc d'Albe à luy donner la paix, (le Pape pourtant plante-là, & nostre Roy, & Monsieur de Guyse,) laquelle aussi vint sort à propos; car la battaille de Saint-Quentin perdue, Monsieur de Guise fut envoyé quérir pour restaurer la France.

Par-quoy, après avoir long-temps séjourné, fon armée saine & entiere par de-là en Italie, & luy avoir sait perdre ce coup-là fort bien le nom, que de long-temps s'estoit attribué, du cimetiere des François, la rompt & la partage en trois. L'une, il l'emmene avec iuy, & la mieux choisse pour ses gens de pied, dans les galeres de France, qui le vindrent quérir : la seconde, il la donne à Monsseur d'Aumale, son frere, pour la retourner avec toute la Cavalerie, qu'il conduisit certes très-bien, très sagement, & très heureusement par le Pays des Grisons, où il acquit très-grand honneur : la troissesme demeura avec Monsseur le Duc de Ferrare, dont j'en parle ailleurs.

Ce n'est pas tout que de conduire & avoir des armées; mais il les saut conserver: & qui les peut rendre & retourner au logis saines & entieres, le Capitaine en est digne d'une très grande louange; ainsi que sit ce coup-là Monsieur de Guyse, qui estant aussitost arrivé en France, si-bien à point, & non en secours de Pise, (comme l'on disoit,) une joye s'esineut par-tout de luy, & de luy par-tout une voix s'espandit telle, qu'on disoit, & l'a ainsi escrit aussi ce grand Monsieur le Chancelier de l'Hospital dans un de ses Poëmes Latins sur ce sujet, &

" Or, c'est à ce coup, que cet homme " nous remettra & restituera la chose toute " revirée & contournée à rebours d'un gond " à l'autre: ou du tout cela s'en est fait;

de la prise de Calais:

E vj

" & jamais de nul temps ne verra - t - on la " fortune de France relevée, & demeurera " mesprisée, & pour jamais couchée en " terre." Cela se disoit & s'escrivoit alors

comme j'ay veu.

Cette gloire puis après, ainsi prophétisée de tant de bouches, en demeura à Monsieur de Guyse par la prise de Calais, qui fut du tout inopinée à tout le monde. J'ay ouy dire que feu Monsieur l'Admiral fut le premier inventeur de cette entreprise, & que, durant la trefve, il avoit envoyé reconnoistre cette Ville par Monsieur de Bricquemaud, qui fut deffait à la S. Barthelemy. mort certes par trop indigne de luy, & des bons services qu'il avoit faits d'autres fois à la Couronne de France, & que c'estoit un vieux Chevalier d'honneur & hommede-hien. Il est vray qu'il estoit fort zélé à sa Religion; mais pour cela, il ne devoit mourir, ains estre pardonné par ses grands services.

Luy donc, ayant très-bien reconnu la Place, desguisé, (ce disent aucuns) en sit le rapport à Monsieur l'Admiral, & la rendit si facile à prendre, que Monsieur l'Admiral en sit là-dessus des mémoires très-beaux, & en projetta le dessein, & en tira le plan, & de tout en discourut au Roy, qui y prend goust & en réserve l'exécution à la première bonne occasion. Si-bien que Monsieur de Guyse

venu, il s'en ressouvint & dépesche vers Madame l'Admirale (car Monsieur l'Admiral estoit prisonnier dès Saint-Quentin (1), le pent Fequieres, nourry de seu Monsieur d'Orléans, très-habile, brave & vaillant Gentil-Homme & ingénieux, pour luy faire voir dans les coffres & papiers de Monsieur l'Admiral, s'il n'y trouveroit point tous ces mémoires; ce qu'il fit: & les ayant rapportez au Roy, il les conféra à Monsieur de Guyse. A quoy Monsieur de Guyse y rapporta une très-grande difficulté, voire du tout une impossibilité & nulle apparence de raison, d'aller affiéger une telle Place imprenable. après une si grande perte de battaille advenue, & mesme en plein corps d'hyver & en telle assiette: ce que Monsieur l'Admiral vouloit en ses mémoires, d'autant qu'en hyver, l'Anglois, se fiant à la mer & aux eaux qui regorgent & s'enflent plus alors qu'en esté, ils n'y jettoient grand nombre de gens, & la garnison estoit fort petite au prix de la grosse qu'ils y jettoient l'esté, la voyant foible à cause des eaux basses. Aucuns disoient, que Monsieur de Guyse le disoit à fort bon escient. & par raison, & à la vérité : d'autres, pour rendre la chose ainsi difficile, afin que par après la prise, il en acquist plus de gloire, & en triomphast mieux.

⁽¹⁾ C.-d-d. des la bataille de Saint-Quentina

On dit aussi que Monsieur de Senerpont, Sous-Lieutenant du Roy en Picardie, un très-bon & sage Capitaine, faisoit la chose sort facile, pour l'avoir bien sait reconnoistre. Tant y a que le Roy voulut que Monsieur de Guyse tentast cette fortune, & luy commanda résolument d'y aller avec l'armée qu'il

luy donna; ce qu'il fit.

De dire maintenant la façon, ce seroit chose superflue, puis que nos Histoires en disent assez. Mais il faut noter & admirer. qu'en moins de huit jours, il força les deux forts du pont de Nieulay, du Risban, & emporta la ville, que nous avions tenue auparavant si forte & imprenable, que depuis deux cents dix ans, que les anciens François la perdirent, jamais les autres qui vindrent après nos Roys, n'oserent pas songer seulement de l'attaquer, non pas de la voir. Aussi les Anglois furent si glorieux, (car ils le sont assez de leur naturel,) de mettre sur les portes de la ville, que, lors que les François affiégeront Calais, l'on verra le plomb & le fer nager sur l'eau comme le liege.

Leur quolibet manqua là, encore qu'on die que leur grand Prophete & Devin Merlin prédit qu'il se prendroit, lors qu'il viendroit regner un Estranger en Angleterre, & qu'une Reyne de leur Pays se marieroit avec un Estranger, & que ce seroit sous la force & regne d'un grand Roy, issu de la race des

Valois, qu'il vengeroit le sang espandu & la dessaite misérable des François à la battaille de Crecy, sur Philippes de Valois, qui la perdit; bien que ce vaillant Chevalier sans reproche, & grand, Messire Jean de Vienne, la dessendit si bien un an durant, que luy & les siens surent réduits à manger les rats, les chats, & les cuirs de bœus, encore qu'elle ne sust forte alors de la centiesme partie comme elle est aujourd'huy.

Ce fut un Roy Philippes, qui la perdit fous la Reyne sa femme, un Roy Henry la prit. Du depuis, nostre Roy Henry d'aujourd'huy l'a perdue, & le Roy Philippes, ce mesme, après l'avoir perdue la regagnée. Et puis après, en un rien, nostre grand Roy Henry la réeut, & en un trait de plume, par le Traité de paix qu'il sit avec l'Espagnol. Il faut bien dire qu'il y ait là (comme en d'autres choses) quelques secrets divins ou fatalitez, que nous n'entendons pas.

Monsieur de Guyse demanda au Roy ce Gouvernement pour le Capitaine Gourdan, & le sit la Gouverneur: ce que plusieurs trouverent estrange, & qu'il y fust préféré à plusieurs vieux Capitaines, grands Seigneurs, & Chevaliers de l'Ordre, & mesme à Monsieur de Senerpont, autheur à demy de l'entreprise, qui s'en sussent tenus fort honorez & bien contentez; ce qui en sit murmurer aucuns, qu'un simple Capitaine de gens de pied sust en

cela préféré à eux. Mais Monsieur de Guyse procéda en cela en grand & charitable Capitaine; car Monsieur de Gourdan y perdit une jambe d'un coup de canon : & estoit bien raison qu'il fust récompensé ainsi; car puis qu'il n'avoit plus les deux jambes saines & entieres pour aller ailleurs chercher fortune, il estoit bien raison qu'il s'arretast & demeurast là-où il y en avoit perdu une. Aussi, pour dire vray, c'estoit un très bon Capitaine, vaillant, & très-sage, & très-sidele, homme-de-bien, ainsi que, tant qu'il a vescu, il l'a bien monstré, en la garde qu'il a si bien continuée jusques à sa mort, que iamais on n'y a sceu rien entreprendre ny mordre, encore que la Reyne d'Angleterre eust une très-grande envie de le corrompre, & de la ravoir; jusques à luy en avoir présenté (durant ces plus grands troubles, qu'un chacun faisoit ses affaires, estans maistres comme rats en paille,) cent mille Angelots: mais il luy manda, qu'il aymoit mieux son honneur que tous ses thresors, & qu'elle les gardast pour d'autres qui les aymoient plus que la bonne réputation.

Monsieur d'Epernon en eut aussi grande envie du temps du torrent de sa fortune, & que rien ne luy eschappoit de ses mains, mais tout y tomboit. Le Roy luy manda plusieurs sois pour ce Traité, & le manda le venir trouver, comme je vis, à Paris: il

y wint; mais il n'y voulut jamais entendre; & dit que, puis que le Roy son pere luy avoit donné ce Gouvernement, & l'avoit préséré à plusieurs Grands plus que luy, qu'il le supplioit bien fort qu'il y mourust, puis

que si peu il avoit à vivre.

Le Roy ne l'en pressa pas plus, & est mort ainsi qu'il avoit dit, l'ayant laisse à son nepveu, avec plus de trente mille livres de rente, qu'il avoit acquis là à l'entour & en cette Comté d'Oya. & deux cents mille escus en bourse, qu'il avoit à-coup il a perdu, & Ville, & vie; non pas l'honneur, car il le porta sur le rempart, & y demeura pour jamais haut eslevé en gloire immortelle; & la vie s'en alla en combattant très-vaillamment: ce qui sur le plus grand honneur qui luy eust sceu arriver, pour beaucoup de raisons qui se peuvent là-dessus songer; autrement, s'il eust survescu, il n'estoit pas bien.

Voilà comme la fortune verse ses tours, à cette heure pour les uns, à cette heure pour les autres; à cette heure Calais perdu pour nous, à cette heure gagné par le Roy d'Espagne. Que s'il eust esté à vendre, il en eust donné de bon & grand argent: si eust bien fait la Reyne d'Angleterre, comme j'ay dit. Et pourtant ledit Roy, en la prenant de la façon qu'il a fair, il en a eu meilleur marché qu'il n'eust eu de beaucoup: & si eust consumé plus de temps à en faire le marché qu'à

le prendre : car en autant de temps l'a-t-il pris, comme fit Monsieur de Guyse. J'espere d'en parler en la Vie de nostre Roy Henry

IV d'aujourd'huy (1).

Monsieur de Guyse ayant pris Calais, & voyant que ce n'estoit pas tout, & qu'il falloit bien achever la partie de la victoire, il prit par force Guynes, très forte Place, où il v avoit dedans un très bon & vaillant Capitaine, le Milord Gray, & Hames, & conquesta toute la Comté d'Oye. Bref, il acheva de chasser les Anglois hors de France, de long-temps si empiétez, qu'on ne les avoit pu chasser ny déplacer aucunement, bien qu'on les eust fort battus souvent & chassez d'ailleurs; si-bien que c'estoit un vieux proverbe parmy nous, quand nous voulions mefestimer un Capitaine & Homme de guerre, on disoit : Il ne chassera jamais les Anglois hors de France.

Quelle gloire donc doit avoir Monsieur de Guyse de les avoir chassez! Quelque temps après, il alla-assiéger & prendre Theonville, Ville certes du tout imprenable, autant pour l'artifice & fortifications qui y estoient, que pour le naturel, pour estre entourée de palus & marests de la prosonde Moselle, & pour quinze cents hommes de guerre qu'il

⁽¹⁾ On n'a point cette Vie.

avoit dedans. Oui en voudra voir la facon mme elle fut affiégée & prise, & en comin peu de temps, lise les Mémoires de msieur de Montluc. Tellement que j'ay y dire, quand les nouvelles en vindrent au v. il en demeura tout esbahy, ne le pouit aysément croire : comme de vray, qui eu la Place, comme moy, s'en estonnera ndement. Aucuns l'appelloient Villa Theon, le de Dieu, pour l'allusion du nom, moi-Grec, moitié Latin; & pour tel nom, les arguignons la tenoient plus forte.

La secousse seconde de la France, après le de Saint-Quentin, vint la déroute de avelines, qui fut grande, & telle que le y & ses subjects jetterent aussi-tost l'œil Monsieur de Guyse, comme demandant stre relevez par luy d'une telle cheute. fit teste si asseurée, que l'ennemy s'arreste irt: vint le voyage & camp d'Amyens, on appelloit ainsi pour lors, d'autant que Roy s'y campa à l'entour avec une fort le & grosse armée près de trois mois; le Roy Philippes près de-là avec la sienne s belle & forte aussi. & la retrancha fornent & songeant s'il livreroit encore batle, & si le sort luy en seroit encore aussi rreux qu'aux deux autres; mais il s'arresta. urt, diverty par aucuns de ses vieux & sa-Capitaines, que le temporisement en set plus expédient que le hazard, puis que

Monsieur de Guyse estoit-là, & coustumier à estre si victorieux en tous ses exploits, que possible il y pourroit estre-là de mesme.

Je l'ay ouy ainsi dire à aucuns Espagnols, & que mesme aussi ils furent très-joyeux, & pensoient desjà estre au-dessus de nous, quand ils eurent nouvelles en leur camp qu'il avoit esté tué, ou pour le moins fort blessé, du Baron de Luxembourg, qui fut un bruit saux; mais pourtant la joye en sut demenée & so-

lemnisée en leur camp.

Ce Baron de Luxembourg estoit un des Revstres maistres du Duc de Saxe, venu au fervice du Roy avec de grandes forces, & un des principaux, qui estoit brave & vaillant. & haut à la main, qui, un jour que Monsieur de Guyse faisoit la visite du camp. fut si outrecuydé, ou, pour mieux dire, tenté de vin, ainsi qu'il le confessa, de luy tenir quelques paroles fascheuses, voire de tirer son pistolet : mais Monsieur de Guyse . prompt, mit la main à l'espée aussi-tost, & luy en fit tomber son pistolet, & la luy porta à la gorge. Qui fut estonné, ce sur ce Baron? Monsieur de Monspesat, qui suivoit alors Monfieur de Guyse, & estoit près de luy, faisant de l'officieux, mit aussi-tost la main à l'espée pour le tuer. Monsieur de Guyle s'escrya aussi-tost: Tout beau, Montpesat. Vous ne sçavez pas mieux tuer un homme que moy. Ne le tuerois je pas sans

vous? Allez (dit-il au Baron,) je vous pardonne l'offense particuliere que vous m'avez faite; car je t'ay tenu à ma mercy: mais pour cela (1) que tu as fait au Roy, au Géneral, & au rang que je tiens icy comme Lieutenant de Roy, c'est au Roy à y voir, E en faire la justice. Et soudain commanda qu'on le menast prisonnier : ce qui fut fait : & Monsieur de Guyse prend, sans autrement s'esmouvoir, cent bons chevaux, & se promene par le camp, & par le quartier des Reystres, & advertit sous main les Capitaines de chevat & de pied, d'estre en cervelle s'il en bougeoit aucun; mais au diable le Revstre qui bougea. Mesme le Duc de Saxe, accompagné de ses Reystres maistres, le vint trouver, pour sçavoir de luy en toute douceur que c'estoit, qui en trouva le trait trop insolent, & point digne d'un homme de guerre, attribuant pourtant le tout au vin qu'il avoit trop beu, que ledit Baron luy-mesme confessa: dont, sur ce, fut pardonné, & sortit hors de prison, quelques jours après, & renvoyé du camp, qui pourtant retourné en son Pays faifoit quelques menaces; mais il avoit affaire à un vaillant homme, qui ne s'en soucioit gueres.

Après toutes ces expéditions & voyages

⁽¹⁾ celle.

faits, la paix générale se sit entre les deux Roys; & pour récompense des grands services faits à la France par ce grand Capitaine, le Roy, poussé par Monsieur le Connestable & d'autres, qui n'aymoient trop alors la Maison de Guyse, avoit résolu de les chasser tous de sa Cour, & les renvoyer en leurs maisons. S'il ne fust mort, cela estoit arresté; car je le tiens & sçay de fort bon lieu. Grand exemple, certes, pour ceux qui se fient en la faveur des Roys & aux grands services qu'ils leur ont faits, qui, pensant pour l'amour d'eux, estre bien avant en leurs graces, & s'en tenir bien asseurez, pour un rien en sont privez du tout; & qui pis est, courent la fortune de leur vie, comme seu Monsieur de Guyse dernier, ainsi que j'espere escrire en sa Vie (1).

Le Roy Henry mort, & le Roy François II succédé à luy, Monsieur de Guyse, comme oncle de la Reyne, sur mieux que jamais en sa grandeur: car luy & Monsieur le Cardinal son frere, eurent toute la charge & tout le Gouvernement du Royaume, comme très-bien leur appartenoit, pour en estre très-dignes & très-capables. Ce ne sur pourtant sans de grandes envies & calomnies; car le Roy de Navarre Antoine, comme premier

⁽¹⁾ On n'a point cette Vie.

MR. DE GUTSE. 119

Prince du Sang, vouloit avoir cette authorité. Cela fust esté bon, si le Roy sust esté pupille & mineur : mais il estoit majeur; & pour ce, le Roy estoit libre de choisir & tenir près de soy ceux qui bon luy sembloit, & mesme de si proches, & ses oncles du costé de sa femme.

Quant à Monsieur le Connestable, luy, qui le vouloit faire aux autres, à luy sut fait, & pour ce renvoyé en sa maison, ou plustost de luy-mesme il s'y en alla, sans se le faire dire, ainsi qu'il estoit très-sage, & qu'il sçavoit bien connoistre le temps, & s'y accommoder.

Une chose sur trouvée très-mauvaise au commencement de ce regne & Gouvernement de ces Messieurs de Guyse : c'est qu'il fut cryé par deux fois à la Cour, à son de trompe, que tous Capitaines, soldats, gens de guerre, & autres, qui estoient là venus pour demander récompense & argent, qu'ils eussent à vuyder sur la vie. Ce bandon sascha fort & mescontenta plusieurs honnestes gens & autres, dont Monsieur de Guyse, & son frere le Cardinal, en furent fort blasmez & accusez alors: lesquels pourtant n'avoient si grand blasme, comme l'on diroit bien; car le Roy trouva son Royaume si pauvre & si endebté, qu'il ne sçavoit que faire. Les Vénitiens luy demandoient une si grande somme & si excessive, qu'il n'y avoit nul ordre

de la payer; & croys, qu'encore aujourd'huy que je parle, on leur en doit la moitié, possible tout. Les Suisses, de mesme, demandoient leur paye, ausquels encore on en doir. Force Banquiers aussi demandoient. Je laisse à part les grandes despenses & cousts qu'il fallut faire, & qu'on avoit faits pour les nopces de la Reyne d'Espagne, & sa conduite & convoy en Espagne; pour celles de Madame de Savoye; & de mesme, les dons & présents grands qu'on donna aux Estrangers, qui y vindrent. Bref, le Royaume se trouva alors si pauvre & diminué de sinances & moyens, que de long-temps n'avoit-on veu les finances en eaux si basses.

Oue pouvoit donc faire le Roy, & ses Financiers, si-non que de renvoyer tels demandeurs jusques à une autre fois! Lesquels on n'eust sceu rassasser pour dix revenus de la France. Car les gens de guerre, de tout temps, ont eu cela, & mesme de ce tempslà, que pour une petite harquebusade qu'ils avoient receu, ou pour un petit service fait, il leur sembloit que le Roy leur devoit donner l'or à pellées : ainsi que j'en ay veu à force faire de ces traits, se mescontenter, alléguer leur vaillance, en jurant, & reniant, & alléguant leurs services; bref, d'une mouche en faire un éléphant. Voilà comme l'importunité de telles gens fascha fort au Roy à ses Financiers, voire à toute la Cour.

Je ne dis pas que Monsieur le Cardinal de Lorraine, qui s'estoit réservé la Surintendance des Finances, n'en fust un peu cause de tout, mais non Monsieur de Guyse, qui n'y jettoit que fort peu l'œil dessus, si-non pour les gens de guerre, qui estoient entretenus, & pour leurs payes, desquels il avoit pris la charge, & de toutes les affaires de la guerre, qu'il entendoit mieux qu'homme de France, luy & Monsieur le Connestable. Mais de dire autrement que Monsieur de Guise eust fait faire le bandon un peu trop criminel contre les gens de guerre, il ne le faut croire, comme je l'ay veu : car il les aymoit trop. & les connoissoit très-bien; & quand ils venoient à la Cour, il leur faisoit très-bonne chere, jusques aux plus petits, comme i'ay veu. Et dès lors il me souvient l'avoir ven que plusieurs y venoient, qui ne scavoient rien du bandon, ou qu'ils le sceussent, il leur disoit privément : Resirez-vous chez vous . mes amys, pour quelque temps. Ne sçavezvous pas ce qui a esté cryé? Allez-vous-en. Le Roy est fort pauvre à cette heure; mais asseurez-vous, quand l'occasion se présentera, & qu'il y fera bon, je ne vous oublieray point, & vous manderay: comme il fit à plusieurs que j'ay veus.

On a dit que cette belle publication & ce mescontentement, avec le prétexte de la Religion, ayda fort à sabriquer la conjuration

Tome IX.

d'Amboise, de laquelle la Renaudie sut le cipal autheur & rémueur. Belle récomp certes, qu'il rendit à Monsieur de Gi pour luy avoir aydé à se sauver des pi de Dijon, où il estoit en danger de la pour avoir fait une certaine fausseté (d on) contre le Greffier du Tillet, po Cure de Champniers (a) en Angouln qui vaut six mille livres de rente, qui e très-grand revenu pour un simple Cur d'autant que ledit Greffier avoir grand c à Paris, ledit la Renaudie eut son évoc à Dijon, où il fut très-beau & bien convi de fausseté, & prest à voir la sentence mort: & le vint-on dire à Monsieur de Gi qui estoit alors avec Monsieur son pere d'autant que ledit la Renaudie estoit l & vaillant, comme il le monstra à sa n Monsieur de Guyse, qui estoit jeune, bi & vaillant, & qui aymoit ses pareils, veu cettuy-cy à la Cour & à Paris, co ieunes gens se font connoistre aux Pri Monfieur de Guyse, voyant qué ce pa homme s'en alloit perdu, il advisa & ter bien tous les moyens, qu'il le sauva des fons si habilement, qu'en plein jour. & de procession de la Feste Dieu, il passi

⁽x) Champguiere. Election & Châtellenie c

MR. DE GUYSE.

la Ville, (aussi ay-je ouy dire qu'il s'ayda de fortilege,) en sortit, & se sauva en Suisse & à Berne, où il demeura long-temps, & puis vint saire ce beau coup à sa perre, & non des autres qu'il avoit conjurée, comme il pensoit. Voilà une rrès belle reconnoissance de courtoisse & sauveté de vie! J'ouys cela un soir conter Monsieur de Guyse-mesme à able à souper, lors de cette conjuration d'Amboisse, qui sut demessée par la valeur & sa-

gesse de ce sage Prince.

Le Roy François vint à mourir à Orléans: là-où il monstra, qu'il n'estoit possédé de si grande ambition pour s'impatroniser du Royaume de France, & s'en faire à demy-Roy, comme l'on cryoit tant de luy par quelques meschantes langues, ou du tout se faire Vice-Roy, & gouverner le Roy & fon Royaume, & en faire à son bon plaisir; mais il les fit tous mentir. S'il eust voulu cela, il luy estoit plus que très-facile; car il eust pu se saisir du Roy de Navarre, (le Prince de Condé estoit desjà en prison, de Monsieur le Connestable, & de tous ceux qui estoient là accourus aux Estats à luy suspects, comme il-luy eust pleu : car il avoit toute la Cour à sa dévotion, comme je le sçay, & l'ay veu, que sept ou huit jours après la mort du Roy, allant au pélerinage à Clery, & à pied, il emmena quasi toute la Cour avec luy & la Noblesse, & demeura le Roy si seul,

Fij

& sa Cour si seule, que l'on en murmui

entra en jalousie; je le scay.

De plus, il y avoit quinzé à vingt C pagnies de gens de pied, tous bons. asse & prouvez (1) soldats, tournez du siege petit Lict (2), tous à sa dévotion, avoit mis dans Orléans, & entroient en de tous les soirs, qui eussent fait tremb non pas la Cour seulement, mais tou France. Qui l'eust donc empesché, q par la fumée des harquebusades de ces bi foldats, il n'eust disposé du Roy à son plaisir, & des autres comme il eust voi Par le dehors d'Orléans, il avoit mis tout à tour, & aux environs, quasi toutes les Cor znies d'Ordonnances & des Gendarmes. quelles il eust disposé aussi comme il luy pleu, fors de quelques unes, comme c de Monsieur le Connestable, de Messi ses enfants, de Monsieur l'Admiral, du de Navarre, & quelques autres; mais la jeure part qu'il avoit, les eust emporté l'ayse; aussi qu'il les avoit logées en tels lie que si elles eussent branssé & bougé le m du monde, elles estoient troussées. Tot fois, il n'y eust eu grande peine : car la grand-part des membres des Gendarmes soient fort à sa dévotion, à cause de la

⁽¹⁾ éprouvés. (2) Petit-Leyth.

Mr. DE Gurse.

Ces deux moyens donc, l'un du prétexte & deffense de la Religion Catholique, & l'autre des forces que Monsieur de Guyse avoit à sa disposition, estoient très grands pour se faire très grand, & pour attirer toute la France à son party, & par ainsi se sust sais de la personne du Roy, & eussions veu possible la France plus heureuse qu'elle n'a esté, & qu'elle n'est, ainsi que j'en ay veu plusieurs discourir alors; & depuis force grands Seigneurs (1), grands Capitaines & personnes de grandes qualitez, mesme Monsieur le Cardinal son frere, l'y poussoient fort : mais il n'y voulut jamais entendre; disant qu'il

⁽¹⁾ alors & depuis. Force grands Seigneurs, &c, F iij

n'estoit de Dieu, ny de raison, d'usurper le droit & l'authorité d'autruy. Mais pourtant, pour chose de telle importance, cela se pouvoit faire justement. Ainsi estoit trop consciencieux ce coup-là, ce bon & brave Prince.

Monsieur le Cardinal son frere, tout Ecclésiastique qu'il estoit, n'avoit pas l'ame si pure, mais fort barbouillée. Que s'il fust esté aussi plein de valeur comme Monsieur son frere, & qu'il en avoit la volonté, il en eust levé la banniere, & s'en fust fait despartir. Mais de nature il estoit fort timide & poltron; mesme il le disoit; & rien ne le fit partir ce coup de la Cour, que la poltronnerie, ayant eu pourtant un grand creve-cœur & despit, quand, sortant de la Viile, il ovoit cryer parmy les ruës, les boutiques & les senestres : Adieu, Monsieur le Cardinal. La Messe est fessée. Je luy ay ouy dire souvent, que s'il eust eu la vaillance & le courage de Monsieur son frere, qu'il fust aussitost tourné en son logis, & eust fait en cela parler de luy.

Voilà donc comment Monsieur de Guyse fit mentir tous ceux & celles qui le disoient brusler d'ambition, & prétendre à estre Roy,

ou y approcher.

On en disoit bien de mesme, quand il alla en son voyage d'Italie, que, quand il auroit conquis aux despens du Roy & de ses forces, le Royaume de Naples, qu'il s'en feroit couMR. DE GUTSE. 127
ronner & intituler Roy, & en feroit la part
au Roy fon maistre.

Telles personnes discouroient la plus par passion que par raison. Car outre la crainte & dessense de Dieu, sa grandeur despendoit totalement de celle de son Roy, & jamais de soy-mesme il n'eust sceu se maintenir en tiltre de Roy, sans son Roy souverain, bien qu'il eust prétention sur le Royaume. D'en demeurer Vice-Roy, & d'en jouyr de quelques Terres, il l'eust bien voulu; & son Roy ne le luy eust jamais resusé. Mais de vouloir estre Roy, ce sont abus.

L'exemple de Charles Martel, & du Marquis de Pescayre par le dire de sa femme, dont j'ay parlé ailleurs (1), doit faire sages ceux qui veulent estre Roys, & se faire pardessus leurs vrays & naturels Roys. Ils se doivent contenter d'estre grands sous leurs ombres, comme bien souvent, durant les grandes chaleurs, on recherche les ombres des grands

arbres.

ŀ

E.

On murmura aussi, quand il vint d'Italie, qu'il soussirit d'estre appellé Vice-Roy, nom inusité en France. Jamais il ne pourchassa ce tiltre. Ce sut le Roy qui le luy donna de son propre mouvement, & le voulut ainsi; mais

⁽¹⁾ Ci-dessus, Tome V, Discours XII, des Capitaines Etrangers, pag. 149, &c.

il ne le garda gueres, & se pleut davantage d'estre appellé Lieutenant-Général du Roy par toute la France, que d'autre nom.

Voilà l'ambirion donc de ce Prince, qu'on a tant cryé après luy d'en avoir de grandes dans fon ame. Il l'avoit comme un courageux & généreux Prince qu'il estoit : mais non pas qu'il la voulust advancer sur son Roy, ny fur son authorité jamais; mais sur d'autres Roys & Princes, il n'en faut douter: & croys que, s'il eust vescu, il eust fait belle peur à l'Angleterre, car il luy en vouloit (a), & avoit de beaux desseins; car je le sçay, pour luy en avoir ouy parler sourdement quand il estoit en ses devis plus privez : non pas qu'il s'en vantast trop, car il estoit trèssobre en vanterie, & avoit tousjours plus d'effects que de vents; mais on connoissoit bien à ses mots prononcés à demy, & à ses gestes, & mesmes quand il donnoit de ses doigts fur la main (b), qu'il avoit quelque chose de bon à couver & esclorre.

Là-dessus, pour une autre preuve du peu d'ambition qu'eut Monsieur de Guyse sur le Royaume de France, & du peu de volonté qu'il eut jamais de le remuer & brouiller,

⁽a) M. de Rapin l'a fort bien prouvé dans son Hist. d'Angleterre, Tome VI.

⁽b) Et de même le Cardinal son frere. Voyez l'Histoire du Temps, &c. 1570, p. 207.

Mr. DE GUYSE. je seray ce conte, qu'après le Sacre du Roy Charles IX, il prit congé de luy & de la Reyne, qui le pria bien fort de demeurer, & s'en alla à Guyse, pour y faire quelque séjour & passer son temps avec ses amis, (j'estois lors avec luy,) résolu de n'en partir de long-temps. Il n'y eut pas demeuré quinze jours, que le Roy & la Reyne luy manderent & le prierent fort de retourner. & qu'il estoit là fort nécessaire. Il s'excusa fort sur les affaires de sa maison, & sa résolution de ne vouloir plus tant faire estat de la Cour, comme il avoit fait : bien seroit il tousiours prest d'exposer sa vie pour son service, & la luy porter quand il en auroit affaire.

Sur ce, la Feste-Dieu s'approche, dont le bruit court, & en donne-t-on l'allarme au Roy & à la Reyne, que les Huguenots vonloient ce jour-là troubler la feste & procession, & y faire des désordres & insolences grandes; & pour ce, Leurs Majestez s'en vont à Paris, & logent en l'Abbave Saint-Germain, parce que le Roy n'y avoit pas encore fait son entrée, comme les Roys le temps passé observoient cette coustume & scrupule. Soudain, Leurs Majestez en advertirent Monsieur de Guyse, & le prierent d'y venir en haste; car elles avoient besoin de sa présence plus que de pas un de la France. Je vis arriver pour un jour trois Courriers coup sur coup, l'un après l'autre; ear j'avois

alors cet honneur (bien que je fusse fort jeune) d'estre à la suite de ce grand Prince, qui
me faisoit cet honneur de m'aymer, pour
l'amour de mon oncle de la Chastaigneraye.
Sur ce, je luy vis dire ce mot: Si c'estoit
pour autre subjet, je ne partirois; mais
puis qu'il y va de l'honneur de Dieu, je
m'y en vais: E qui voudra y entreprendre,
j'y mourray, ne pouvant mieux mourir.

Ensin, il partit en si grand haste, qu'en deux jours sur ses chevaux, & nous sur les nostres, il arriva précisément sur la Vigile de la seste, si tard, qu'il n'alla point ce soit trouver le Roy, & demeura à coucher à l'hostel de Guyse. Monsieur d'Entragues, gentil Cavalier certes, & qui vit encore, qui alors suivoit mondit Seigneur, s'en peut bien souvenir; car il y estoit, & moy aussi. Que pleust à Dieu susse, aussi sain & gaillard qu'alors!

Le lendemain au matin, le bruit espars par toute la Ville de la venuë de Monsieur de Guyse, le peuple, qui estoit un peu estonné, ne faut point demander s'il s'en esjouyt, & s'il reprit cœur. La pluspart de la Noblesse de la Cour, sors quelque peut nombre de celle du Roy de Navarre, & la garde des Huguenots du Prince de Condé, vint à son lever, & à si grande quantité, qu'il faisoit beau voir, & monstroit bien qu'il estoit beaucoup aymé & honoré en la Fran-

MR. DE GUTSE. 131

ce. Après l'avoir toute saluée & remerciée très-courtoisement, (car il estoit très-courtois, & très propre pour gagner le cœur de tout le monde, outre ses valeurs & vertus,) il monta à chaval, pour aller au lever du Roy, là-où je le vis avoir une fort belle & asseurée façon, & toute autre que tout autre Prince qui fust lors en France. Il estoit monté sur un genet noir, qu'on appelloit le Moret, cheval fort propre pour cela; car il estoit fort superbe, & mesme sur un pavé, avec une grande housse de velours noir en broderie d'argent. Luy, vestu d'un pourpoint & chausses de sain cramoisi, (car de tout temps il aymoit le rouge & l'incarnat, mesme avant qu'il fust marié, je dirois bien la Dame qui luy donna cette couleur,) un saye de velours noir bien bandé de mesme, comme on portoit de ce temps-là, & sa cappe de velours de mesme & bandée de mesme. son bonner de velours noir, avec une plume rouge fort bien mise, car il aymoit les plumes, & sur-tout une fort belle & bonne espée au costé, avec sa dague: car ce matin, il s'en fit porter de son cabinet trois, & des trois en choisit la meilleure; car je le vis. & luy ouvs dire, que, pour l'honneur & le service de Dieu, il se battroit ce jourlà fort bien: bref, il estoit très-bien en point, & faisoit très-beau voir ce grand homme & Prince paroittre parmy trois ou quatre cents

Gentils-Hommes, ny plus ny moins q void un grand & espais chesne parc comme l'honneur du boccage, parmy autres arbres.

Passant par la Ville, le peuple s'y affo avec une si grande presse, qu'il demeura d'une grande heure avant qu'arriver au du Roy, tant la presse empeschoit le min: & la clameur & la joye du peuple plaudissoit sa venuë par une voix extre qui démonstroit la fiance & l'asseurance q avoit de luy. Ainsi accompagné, ce P entra au logis du Roy. Et ce qu'on no singuliérement, ce fut que l'on disoit al Le Roy de Navarre, Roy & pere des cons, à cause qu'il estoit marié au Pays. Monsieur de Guyse l'emporta ce cour car il en avoit à sa suite deux fois plus, Gentils-Hommes volontaires, que Capit de gens de cheval & de pied, entreten cassez, qui le reconnoissoient encore to la Cour, comme aux guerres passées, leur Général.

Pour venir au point, les processions Cour & de la Ville de Paris se firent paracheverent fort dévotieusement & qu ment, sans désordre, tumulte, ny insol aucune, à l'accoustumée: & tous dis d'une voix, que, sans la présence de A sieur de Guyse, il y eust eu des insole & débordements, ausquels, dès le soir &

MR. DE GUTSI. 133

matin, il avoit très-bien pourveu, & parla à Messieurs de la Ville les principaux, que si l'on eust branssé le moins du monde, il y eust eu de la folie, & eust-on très-bien joüé des mains, & les Huguenots s'en sussementes mauvais marchands.

Le Colloque de Poissy s'en ensuivit quelques six mois après, où ce grand, bon & religieux Prince, voyant des nouveautez estranges pour la Religion arriver & s'introduire. s'en alla de despit en ses maisons de Champagne & de Lorraine, d'où il ne bougea, que la guerre civile s'accommença à esmouvoir; & ce six ou sept mois après. Il fut envoyé querir par le Roy & la Reyne aussi-tost: & passant par Vassy, arriva l'esmeute & le désordre que les Huguenots, alors, & depuis ont tant appellé, cryé, & renommé le massacre de Vassy; ce qui ne sut que peu de chose. Je n'y estois pas; mais j'arrivay un mois après à Paris, où j'en vis parler ainsi à Monsieur de Guyse, & à d'aurres de sa suite. Ce fut ainsi qu'il voulut ouyr la Messe, & que son Prestre la commençoir, les Huguenots, qui estoient là-auprès assemblez, vindrent précisément & quasi à poste, commencer à chanter leurs Pseaumes. Monsieur de Guyse, qui n'avoit jamais ouy telle note, les envoya prier d'attendre un peu qu'il eust ouy la Messe, & remettre leur chant. Ils n'en sirent rien, mais chanterent plus haut, & s'y

braverent. Sur quoy il y eut aucuns de ses Officiers, Pages & Laquais, qui commencerent à s'en despiter & mutiner: & les premiers qui commencerent le jeu, sur Cheleque & Klinquebert, deux grands Pages Allemands, que depuis nous avons veu en nos guerres Capitaines de Cornettes de Reystres, braves & vaillants, & fort honnestes Gentils-Hommes & accomplis; mais sur-tout Chele-

que est bien aymé de nos Roys.

Ces deux Pages portoient, l'un l'harquebuse de chasse, & l'autre les pistolets, de Monsieur de Guyse, qui commmencerent à tirer, & les autres après. Monsieur de Guyse, oyant la rumeur, quitte sa Messe, & sort l'espée au poing, appaise le tumulte, & ne feigna jamais personne; & sans luy, il v eust eu autre rumeur. Mais cela ne fut rien. & ne valoit pas qu'on le cryast tant comme l'on a fait, & ny qu'on l'appellast le Boucher de Vassy. Il ne le fut point la ny ailleurs: car je l'ay veu cent fois plus miséricordieux envers les Huguenots, que le Roy de Navarre, & Monsieur le Connestable, qui ne demandoit que pendre; & luy, qui ne vouloit que leur conversion, ainsi que je l'av veu à l'endroit de plusieurs.

A sa mort, il se confessa de ce massacre, priant Dieu n'avoir remission de son ame, s'il y avoit pensé, ny s'il en sut jamais autheur, saisant la chose sort petite & légere : mais

M. D. E. G. U. r. S. E. 135 sourtant, parce qu'il y avoit eu du fang refpandu, il s'en confessoit à Dieu, & luy en demandoit pardon; car je l'ouys de mes propres oreilles, & plusieurs qui estoien: avec moy. Et si ceux (dont sut Monsieur l'Evesque d'Eriez (a), qui ont escrit son harangue qu'il sit à l'heure de sa mort, ont taisé ce trait, ils ont eu tort, pour monstrer-là son innocence d'une chose que l'on cryoit tant

après luy.

L'armée du Roy se dressa contre les Huguenots, là-où ne faut pas douter qu'il ne s'y espargna pas non plus qu'aux autres précédentes estrangeres: car c'estoit son gibier, c'estoit sa vraye manne qu'il aymoit le plus, & le plaisir où il se délectoit autant, qu'à la guerre. Quand Blois, Bourges & Rouen furent pris, les deux de force, & l'autre par composition, qui fut Bourges, & la composirion très-bien gardée, & les Capitaines & soldats qui voulurent servir le Roy, très-bien receus & traittez, comme j'ay veu. Pour quant à Rouen, il fut pris d'assaut, là-où il alla luy mesme. Aussi a-t-il esté le premier Général de nos temps d'armées, qui a fait la faction de Colonel, de Maistre d'Artillerie, de Mestre-de Camp, de Capitaine, & de soldat. Et pour reconnoistre les Places, il ne disoit jamais: Capitaine, Sergent, ou

⁽a) Lancelot de Carle, Evêque de Riez.

Soldat, allez là, reconnoissez-moy cela. Ou bien, s'il les y envoyoit, luy-mesme y alloit après, s'ils ne l'avoient pas bien contenté.

Mais la plus grand-part du temps, il y alloit, & luy-mesme menoit les Capitaines & foldats loger ou placer, ou dans les tranchées, les fossez, ou dans les tours, ou sur le haut des bresches, ou en d'autres lieux. Te le vis en ce siege de Rouen un jour commander à Monsieur de Belle-garde, depuis Mareschal de France, parce qu'il le tenoit pour Huguenot, & qu'on l'avoit asseuré qu'en Piedmont il avoit esté un bravasche, & mangeur de ravelins; & pour l'esprouver en ces deux points, il luy commanda d'aller reconnoistre un recoin d'une tour, pour reconnoistre s'il n'v avoit point un faux flanc caché; & le voyant en queste de casque & de rondelle, il luy presta le sien & la fienne. Certes, Monsieur de Bellegarde y alla bien, & y fut en danger; car en tournant, il eut deux harquebusades dans sa rondelle, qu'il avoit jettée derriere foy, & vint faire son rapport à Monsieur de Guyse: lequel voyant qu'il ne le satisfaisoit & ne luy faisoit si sidele rapport, & de parole si asseurée, comme il vouloit, guignant, & tournant la teste, il dit : Donnez-moy ma rondelle. Il faut que j'y aille. Je ne suis pas bien content de ce que m'avez dit. Et pour ce, armé de ses armes, il s'y en va si asseuMR. DE GUYSE. 137

rément, bien que les harquebusades donnaffent fort, qu'on ne connut jamais en luy nul
brin d'appréhension, ny d'estonnement, advise & reconnoist tout fort bien & à son ayse,
sans faire sa besoigne courte, comme aucuns
qui ne la demandent qu'à demy faite en ces
hazards, ou du tout imparsaite: puis, il s'en
ourna son petit pas de mesme dans la tranhée, où nous pouvions estre plus de mille
personnes qui vismes tout cela; & puis, esant desarmé, il dit qu'il estoit plus content
qu'il n'avoit esté, & reconnut (1) une chose
lont il estoit en doute.

Ce conte est très-véritable, & ay veu e dit Sieur de Bellegarde sur ses derniers ours ne le nyer point: mais que Monsieur le Guyse avoit sait ce trait, pour luy saire un affront; car mondit Sieur de Guyse ne l'ayma jamais gueres, comme il aymoit une infinité de braves Gentils-Hommes & Capitaines Gascons, de sa mesme patrie, qui l'adoroient aussi, & l'honoroient beaucoup.

L'assaut après se donna à cette Ville de Rouen, lequel après qu'il l'eut ordonné comme il falloir, luy-mesme en personne l'accompagne, l'opiniastre, & le combat, si bien que les Capitaines, soldats, & Gentils-Hommes, comme Monsieur d'Andion, brave Seigneur, pere de Madame la Com-

⁽¹⁾ avoit reconnu.

tesse de Guyche, & se brave Castelpers, jeune Seigneur, qui furent tuez près de luy, & force autres, voyans si bien faire leur Général, & les animer de braves & courageuses paroles, sont à l'envy & emportent la Place bravement ainsi d'assaut, & poursuivent la victoire furieusement, leur Général tousjours à la teste; ayant, après avoir faussé la bresche, & estant sur le rempart, recommandé trois choses, l'honneur des femmes, la vie des bons Catholiques qui estoient léans detenus par sorce & nécessité, & nulle mercy des Anglois, anciens ennemis de la France.

Voilà comme ce vaillant Général monftra chemin & exemple à ses gens, de bien combattre, & de se précipiter aux hazards, & n'espargner leur peau non plus que suy. Aussi depuis a-t-on dit que ç'a esté le premier Général de nos temps, qui a monstré le chemin à aucuns qui sont venus puis après luy, d'en faire de mesme, & se perdre en pareils périls, comme nous avons veu Monsieur, depuis nostre Roy Henry III, aux sieges de Saint-Jean & de la Rochelle, Monsieur son firere, & Monsieur de Guyse son siege d'Issoure, & Charité, & autres Places, comme je diray en leurs Vies (1), Monsieur du Mayne, & nostre

⁽¹⁾ Ces Vies ne se sont point trouvées.

Roy d'aujourd'huy, en tout plein d'endroits; où s'ils y ont acquis de la gloire & honneur, ils en doivent cette obligation à ce grand Capiraine Monsieur de Guyse, bien plus haut louer & estimer cent sois que Monsieur de Lautrec, à qui l'on donna le nom de second Demetrius, & grand expugnateur de Villes. Car ainsi que j'ay ouy dire à plusieurs grands & vieux Capitaines, Gentils-Hommes, & Advanturiers de guerre de ce temps, jamais il ne fit ses factions advantureuses & périlleuses, que je viens dire de Monsieur de Guyse: mais ordonnoit des assauts, des prises de villes, ou dans sa tente, ou sur le haut d'un terrier, d'où on voyoit le passetemps: & puis la Ville prise, il y faisoit son entrée comme il luy plaisoit : mesine, que bien souvent il faisoit reconnoistre les Places. à d'autres, ou s'il les reconnoissoit luy-mesme, c'estoit de si loing, que bien souvent l'œil le trompoit, & peu souvent alloit-il aux tranchées; mais selon les rapports, aucuns bons & aucuns mauvais, ordonnoit de son fait: & luy eust semblé (par maniere de dire) qu'il se fust fait grand tor & dérogé à sa Charge, s'il eust fait telles factions, trèshonorables, & très-glorieuses. Et pourtant, il cut cet heur d'avoir esté baptisé du nom de Demetrius. l'appelle cela heur, puis qu'il ne mettoit point la main par trop avant à l'œuvre, encore qu'il fust très-brave & très-vail-

lant, comme j'ay dit en son Discours (1).

Mais il y en a qui sont braves & vaillante à cheval, & les autres à pied & non à cheval; les uns bons pour les battailles & les rencontres, les autres bons pour les assauts & les bresches. Je laisse à discourir lequel est

le plus honorable.

Monsieur de Guyse estoit, & pour l'un, & pour l'autre. Voilà pourquoy donc il n'a faute d'une très-grande gloire & réputation. J'ay ony raconter à ces vieux advanturiers que je viens de dire, que, lors que ce Monsieur de Lautrec, en allant à Naples, prit Alexandrie, Pavie, & le Bosco, par force, il ne bougea jamais de sa tente, tendue sur un terrier, & fort ouverte par le devant à voir faire les batteries, donner les assauts & les ·forcer. Il me semble, que cela tenoit plus d'un grand Satrape, d'un Roy Sophy, d'un Soudan, ou grand Sultan devant Rhodes. lesquels s'estudient trop à tenir leur gravité & réputation, & à faire des Raminagrobis de guerre, que non pas d'un grand Capitaine, qui ne la doit jamais tenir en guerre, fi-non à estre compagnon à tous ses gens, & tout en tout & par-tout, & ne prendre point à point d'honneur de s'abbaisser parmy eux:

⁽¹⁾ Le XXVIIe. des Capitaines François, Tomé VII, page 178 & suiv.

car c'est la plus grande gloire, qu'ils se peuvent donner. Comme fit ce grand Marquis de Pescayre parmy les siens : lequel souloit dire, qu'un grand Capitaine devoit estre. en son armée sans charge, c'est-à-dire, qu'il ne fust point obligé & astraint si fort à une charge, qu'il n'en deust jamais bouger, & n'en faire autre que celle-là; mais que luy seul devoit gouverner tout, avec un grand travail de corps & d'esprit, estant présent, ores à l'Infanterie, ores à la Gendarmerie, ores aux tranchées & affauts, ores à l'arrillerie, jusques aux vivres, enfin, d'avoir l'œil à tout : de maniere qu'un grand & sage Capitaine ne devoit jamais user des yeux d'autruy, ny s'en'ayder, si-non des siens propres; & que souvent les grands Capitaines sortoient vainqueurs des battailles, combats & assauts, lesquels, se deffians de leurs propres, ne refusoient pas de toucher avec la main toute chose, quelque petite qu'elle parust, & de peu d'importance.

Ainsi doivent estre tous grands Capiraines, comme avant ce grand Pescayre nous en avons eu deux de nos temps & des nostres, qui en ont fait de mesme, comme nous lisons, dans le Roman de Monsieur de Bayard, de ce vaillant Gaston de Foix: lequel, à la prise de la Ville de Bresse, alla bravement à l'assaut du grand retranchement qu'avoient fait les Vénitiens au-dedans de la

nes, ores il a esté à pied, & ores à cheval; quand besoin le requeroit; bref, portant son corps & son esprit par-tout. Comme fit aussi ce brave & vaillant Prince d'Orange, dans le siege de Naples, & au siege de Florence & ès Forts d'alentour.

Nous avons eu aussi Dom Juan d'Austriche, le Duc de Parme à cette heure de nostre temps: & ce grand & brave Duc de Biron, quoy? Ha! qu'il a bien remply le rang de ces braves & vaillants Preux, comme j'espere de dire en sa Vie (1). Ce grand Monsieur l'Admiral en faisoit de mesme. Aussi Monsieur de Montluc; tesmoin son nez de Rabastain, & force autres, tant des nostres que des estrangers de mesme.

Mais quant à moy, il me semble n'en avoir veu de tous un pareil que nostre Monsieur de Guyse; car il estoit très - universel en tout. Les Huguenots vindrent se planter devant Paris : je ne diray point pour l'asséger; car horsmis la campagne qu'ils avoient libre d'un costé, & nous aussi de l'autre, ils estoient aussi à l'estroit & en siege pour la guerre, que nous avons (2). Toutesfois, je croys bien que, sans la présence de Mon-

(2) que nous.

⁽¹⁾ Ei-dessous, Tome X, Disc. LXXXIII.

MR. DE GUTSE.

feur de Guyse, comme on le disoit, ils eus-

fent fait quelque grand effort.

Et mesme le jour qu'ils vindrent reconnoistre nos Fauxbourgs, de fort bonne sa-con, (j'en parle ailleurs,) ce Prince y servit bien là. Après avoir fait devant quelque séjour sans grand effort de guerre, car le temps n'y fut tant occupé, comme en tresves & parlements, ils partent par un grand matin, & prennent le chemin de Normandie, tant pour joindre quelques Anglois, que pour toucher de leur Reyne quelque piece d'argent pour payer leurs Reystres venus nouvellement. Nostre armée les suivit deux jours après. conduite par Monsieur de Guyse, bien que Monsieur le Connestable y fust, & en eust la principale Charge, comme à luy deue; mais le bon-homme estoit tousjours malade, comme j'ay dit parlant de luy. Les Huguenots ne voulurent que faire leur chemin, sans s'amuser, ny entendre à battaille, ny combat. Toutesfois Monsieur de Guyse les poursuit, & les presse tellement, qu'il les contraint d'y venir; en quoy il fut fort estimé.

Car, comme lors j'ouys dire, c'est un trait d'un très-grand Capitaine, quand il contraint & mene son ennemy là, de le faire combat-

tre en despit de luy.

Aussi, comme j'ay sceu depuis de Monseur de la Nouë, Monsieur l'Admiral le sceut rès-bien dire, & en louer ce grand Capi-Tome IX.

mine; car bien qu'il n'eust autre envie que de gagner le lieu de sa retraite, il considé – ra, qu'en la faisant, il ne seroit possible que ce grand Capitaine, le suivant, le pressant, l'importunant, & donnant sur sa queuë, que par quelque surprise en desbandade des siens, il en arrivast de la consusion & du désordre, comme il arrive souvent en telles retraites qui se sont si loing, comme celle-là se devoit faire.

Par-quoy il trouva le meilleur & le plus expédient de s'arrester, tourner teste, & tenter le hazard de la bataille, laquelle fut au commencement heureuse pour les Huguenots; car ils forcerent la battaille; prirent le Chef, Monsieur le Connestable; mirent à mal Monsieur d'Aumale, qui le secondoir, estant porté par terre, & une espaule rompuë; menerent le reste au désordre, au meurire & à la suyte. J'en descrirois bien l'exploit; mais il est assez amplement escrit par nos Historiographes, & fur-tout par Monsieur de la Nouë. qui estoit des plus avant enfoncez, selon sa coustumiere valeur, qui en dit force gentilles particularitez. Tant y a que cette battaille perdue, Monsieur de Guyse, qui faisoit tousjours alte, & tenoit ferme, en attendant son bien-à-point, gagna tout ce qui estoit perdu, & le restaura, & remit en une belle victoire très-signalée. Il y en eut plufleurs qui s'esbahirent, voire en murmurerent

MR. DE GUTSE. 14

fort, que, lors que ce grand Capitaine vit Monsieur le Connestable, & sa battaille perdue, qu'il ne l'allast secourir prestement; ce qu'il ne sit, car il n'estoit pas temps; mais bien l'espiant & l'occasion, il chargea si à propos sur le reste des sorces Huguenotes fraisches, qui n'avoient encore rien sait, & mesme leur Insanterie, qu'il sit resusciter, tout en un coup, ce que nous tenions desià

pour tout mort, & en terre.

Car il me souvient, comme y estant, qu'après qu'il eut veu jouer tout le jeu de perdition de la battaille, & le desordre & la fuyte des nostres, & la poursuite confuse. & vauderoute qu'en faisoient les Huguenots, luy, qui estoit à la teste, tournant les yeux qui çà, qui là, il commanda à ses gens de s'entr'ouvrir, pour passer un peu aysément, & traversant quelques rangs, il se mit à adviser à son ayse, voire se haussant sur ses estriers, bien qu'il fust grand, de haute & belle taille, & monté à l'advantage, pour mieux mirer: & cela fait, & connu que son temps s'approchoit, il retourne & regarde encore un peu, mais en moins de rien, & puis tout-à-coup il s'escrya: Allons, Compagnons: tout est à nous. La battaille nous est gagnée. Et puis, donnant fort hazardeusement, s'en ensuivit le gain total de la victoire.

Ce que sceut très-bien dire Monsieur l'Admiral, (à la mode d'Hannibal) après qu'il sut

Gij

maistre de Monsieur le Connestable & de sa battaille gagnée, & qu'on l'applaudissoit. Hà! (dit-il) je voy là une nuée, qui bientost sombera sur nous à nostre très grand dommage. Aussi, lors que Monsseur de Mouy, très-brave & très vaillant Capitaine, commença la premiere charge, il eut commandement de Monsieur l'Admiral de ne donner point à l'avant-garde, qu'il scavoit conduite par Monsieur de Guyse, mais de l'essuyer & passer devant, & fondre comme un foudre à la battaille; ce qu'il sceut très bien faire : car lors qu'on le vit venir, chacun de l'avant-garde se douta aussi-tost que le jeu y estoit préparé: & Monsieur de Guyse luy-mesme le tint pour certain, & s'y mit prest pour recevoir le choc, & donner aussi à eux, & dit: Les voicy à nous. Mais tout-à-coup nous les vismes fourvoyer de leur chemin que prétendions. & descendre & couler en-bas, là-où ils firent la rafflade qui fut, & que nous vovions à nostre avse de l'avant-garde, qu'aucuns difoient qu'il devoit secourir son compagnon en son adversité. Mais depuis on connut à plein, que tout estoit perdu, s'il eust party & branslé; ce que depuis on connut par l'effect, & que Monsieur l'Admiral mesme, & autres grands Capitaines, sceurent trèsbien dire.

Mais pour ne luy vouloir céder tant de gloire, comme ils ne vouloient, ils disoient

MR. DE GUTSE. 149

que c'estoit un trait plus d'un fin & rusé Capitaine, que non pas d'un zélé & curieux de la salvation de son compagnon Monsieur le Connestable. Mais à tout cela sceut très-bien. respondre & dire mondit Sieur de Guyse. en une harangue qu'il fit à la Reyne-Mere, un mois après ladite battaille à Bloys, qu'elle y mena le Roy Charles: & ce fut le jour après de leur arrivée, que mondit Sieur de Guyse, ainsi que la Reyne vouloir disner, & que ce sage & respectueux Prince luy eust donné la serviette, il luy demanda, si après fon disner il luy plairoit de luy donner audience. La Reyne, estonnée de ce mot: 7esus, mon Cousin, (luy-dit elle) que me ditesvous? Je le dis, Madame, (dit Monsieur de Guyse,) parce que je voudrois bien vous représenter devant tout le monde tout ce auc j'ay fait depuis mon département de Paris avec vostre armée, que me donnastes en charge avec Monsieur le Connestable, & vous présenter aussi tous les bons Capitaines & Serviteurs du Roy & de vous, qui vous ont fidélement servy, tant vos subjects, qu'estrangers, & des gens de cheval & de pied. Et en telle compagnie, il arrive devant la Reyne, qui avoit achevé de disner. Après luy avoir fait une grande révérence, comme il scavoit très-bien son devoir, il luy alla discourir tout le succès de son voyage depuis son partement de Paris; & venant sur la bat-G iii

raille de Dreux, il la discourut & la re senta si bien & si au vif, que vous et dit que l'on y estoit encore, (à que Reyne y prit un très-grand plaisir,) se fort sur les louanges de Monsieur le Cor table, de Monsseur d'Aumale, de Mon le Mareschal de Saint-André . & du homme Monsieur de la Brosse, & puis tous les autres, tant morts que vivants; les François, loua les Espagnols, encore c n'eussent fait si grand cas qu'on eust bie (a): mais aussi ne fut leur faute, & 1 rent subjet de grand combat; mais leur be mine & asseurée qu'ils firent, tousjours bien serrez & rangez en leur ordre & vi discipline militaire, servit beaucoup. tout, il loua fort les Suisses, pour leur g combat, rendu, soustenu, & opiniastre pour s'estre ralliez pour assez de fois : leur deffaite & grande perte de leurs coi gnons, & retournez aux mains. Le to bien représentant, que ceux, qui n'y ave esté, maudissoient de n'y avoir esté; & qui y avoient esté, s'estimoient heureux avoir esté & entrelouez si bien de leur néral.

⁽¹⁾ Voyez les Mém. de la Ligue, Tom. p. 241, & la Harangue de d'Aubrai dans le shol. d'Espagne.

Mr. DE Gurse. 151

Une chose sit-il, que l'on trouva très-estrange, qu'il loua force Capitaines & des grands, que l'on scavoit très-bien qu'ils avoient gentiment suy; dont la Reyne, & aucuns de ses plus privez, luy en demanderent après la cause & la raison. Il dit que c'estoit une fortune de guerre, laquelle possible ne leur estoit jamais advenue, ny adviendroit; aussi que pour une autre sois, ils se corrigeassent, & eussent courage de faire mieux: mais pourtant il passoit assez légérement sur leurs louanges, autant comme il pesoit bien celleslà de ceux qui avoient très-bien sait; si-bien qu'il estoit très-aysé à juger, là-où il flattoit, & où il disoit le vray.

Son harangue dura affez long temps, qu'un chacun ovoit fort attentivement sans le moindre bruit du monde, & aussi qu'il disoit si bien, qu'il n'y eut nul qui n'en fust ravi : car c'estoit le Prince qui disoit des mieux, & estoit aussi éloquent, non point d'une éloquence contrainte ny fardée, mais naïfve & militaire, avec sa grace de mesme; si-bien que la Reyne-Mere dit après, qu'elle ne luy avoit jamais veu une saçon si bonne. Cela fait. il présenta tous les Capitaines à la Reyne, qui luy vindrent tous les uns après les autres faire la révérence. Et elle, qui pour lors estoit en ses beaux ans, en ses beaux esprits, & belles graces, les receut fort gracieusement, & sir à Monsseur de Guyse sa

G iv

response: Que bien qu'elle eust sceu auparavant par fes lettres, & autres qu'il luy avoit envoyées, toutes choses, si est-ce qu'elle avoit encore receu un extresme plaisir par le rapport de sa propre bouche; & qu'à jamais le Roy & elle luy devoient cette grande obligation de battaille gagnée, & à tous ses bons Capitaines, qu'elle remercia tous d'une fon bonne grace, comme elle scavoit très-bien dire : & les asseura d'une très-grande reconnoissance, là-où l'occasson se présenteroit, voire la rechercheroit-elle plustost avant. Sibien que chacun se retira très content de cette Princesse, & de leur Général. Quant à moy, je ne vis jamais mieux dire que dit alors ce Prince, & en eust fait honte à Monfieur le Cardinal son éloquent frere, s'il v eust esté.

Deux jours après, il partit, & s'en alla devant Orléans, là-où fut sa rencontre malheureuse, pour y estre mort pour l'honneur de Dieu, le soustien de sa foy, de sa loy, & le service de son Roy: & ne saut point douter, que s'il n'y fust esté tué, qu'il n'eust pris la Ville contre l'espérance du Roy, de la Reyne, & de tout son Conseil, qui le voulurent divertir, pour voir cette Place du tout imprenable, tant pour sa forteresse, que pour les bons hommes qui estoient dedans. Mais ils changerent d'opinion, quand ils eurent en moins d'un rien les deux Fauxbourgs sor-

cez & pris, le Portereau enlevé, les tourelles gagnées, & nos gens advancez sur la
moitié du pont, & les deux Isles prestes à
estre perdues, & nous y logez à leur dommage & occasion de perte de la Ville. Si
bien que j'ouys dire un jour à mondit Scigneur: Laissez faire. Avant qu'il soit un
mois, nous serons plus près d'eux qu'ils ne
pensent. Et ne le disoit point pour vanterie;
car il n'estoit nullement bavard, ny vanteur.
Hélas! sur ce beau dessein, en s'en retournant le soir à son logis, il sut blesse par ce
maraut de Poltrot, qui l'attendoit à un carresour, & luy donne à l'espaule, par le derriere, de son pistolet chargé de trois balles.

Ce maraut estoit de la Terre d'Aubeterre, nourry & eslevé par le Vicomte d'Aubeterre, lors qu'il estoit sugitif à Geneve, saiseur de boutons de son mestier, comme estoit la loy là introduite, qu'un chacun d'eux eust mestier, & en vesquist, tel Gentil-Homme & Seigneur qu'il fust : & ledit Aubeterre, bien qu'il fust de bonne Maison, estoit de celuy de faiseur de boutons. Moy en passant une fois à Geneve, je l'y vis fort pauvre & miférable. Depuis, il fut pris à la fédition d'Amboise, & condamné comme les autres; mais Monsieur de Guyse, par la priere de Monsieur le Mareschal de Saint-André, luy sit pardonner & sauver la vie : ce qu'il sceut très bien reconngistre après; car il suscita,

prescha, & anima ce Postrot de le tuer le présenta à Monsieur de Soubize son le frere, qui estoit Gouverneur de Lyon les Huguenots. Tous deux l'ayant ence part consessé & presché, le dépescheren Monsieur l'Admiral: en quoy aussi Mor de Soubize su accusé ingrat de force scar ayant esté déséré par les Siemnois de sieurs choses qu'il avoit faites en Tose y ayant charge du regne du Roy Henr prest à estre en grande peine, Monsieu Guyse intercéda pour luy.

Ce Poltrot, venu à Orléans après la taille de Dreux, & s'estant présenté à I sieur l'Admiral avec des lettres de Mor de Soubize, sur bien receu de luy, & d ché. Sur quoy mondit Sieur l'Admira fort accusé de l'avoir envoyé faire ce «

Monsieur l'Admiral s'en excusa fort pour ce, en sit une Apologie, respondant ites les dépositions dudit Poltrot, que veu imprimée en petite lettre commune, plusieurs trouvoient de grandes apparen ses excuses, qu'ils disoient estre bon d'autres les trouvoient fort palisées: & la meilleure & principale, sut vérissé, ledit Monsieur l'Admiral avoit mandé é verty mondit Seigneur de Guyse qué jours avant, qu'il se donnast garde, ty avoit homme attiré pour le tuer. Il

MR. DE GUTSE. 155

cusa aussi-tost fort, quand il envoya prier la Reyne de ne saire mourir ce malheureux, qu'il ne sust premiérement acaré à luy, & affronté, pour le saire desdire des menteries

qu'il disoit de luy.

Pour fin, jamais ne se put-il tant purger, qu'il n'en fust fort accusé & soupçonné; ce qui luy cousta la vie par après, comme j'espere dire (1). Aussi que Monsieur de Guyse. à sa mort, en son harangue qu'il fit sans le nommer, il l'en taxa par ces mots: Et vous qui en estes l'autheur, je le vous pardonne. Voulant bien entendre Monsieur l'Admiral, disoient aucuns. Un mot aussi luy nuisit fort, quand il disoit souvent : Je n'en suis l'autheur nullement, & ne l'ay point fait faire, & pour beaucoup ne le voudrois avoir fait faire: mais je suis pourtant fort ayse de sa mort; car nous y avons perdu un très-dangereux ennemy de nostre Religion. Plu sieurs s'estonnerent comment luy, qui estoit fort froid & modeste en paroles, il alla proférer celles-là, qui ne servoient de rien, & dont il s'en fust bien passé.

D'autres disoient que Monsieur l'Admiral l'avoit sceu par un Gentil-Homme, que Monsieur de Soubize luy avoit envoyé devant, pour luy en faire l'ouverture. On disoit que

⁽¹⁾ Dans le Discours suivant LXXIX. G vi

c'estoit Chastelier, pourtant (a) grand consident de Monsieur de Soubize, & habile homme, que i'ay connu privément, (je parle de Riv ailleurs,) qu'on n'eust jamais pris par le bec: à quoy ne faut point douter, ny prendre goust, & qu'il emboucha ledit Chastelier de dire à Monsieur de Soubize, que cela se tinst fort secret, & qu'il luy envoyast le galand, mais non pas qu'il luy dift de sa part. qu'il le venoit trouver pour faire le coup, mais seulement pour luy porter ce mot de créance, qu'il avoit defir de bien servir la Religion, à quoy il n'avoit àutre zele; ainsi que le sceut très-bien représenter mondit Sieur l'Admiral audit Poltrot. Car après qu'il luy eut présenté/ses lettres, & que mondit Sieur l'Admiral les eut leues devant luy, il luy dit : C'est Monsieur de Soubize qui m'eserit. & me mande comme vous avez grande envie de bien servir la Religion. Vous sovez bien venu. Servez-la done bien. Monfieur l'Admiral n'avoit garde (disoit-on) de le confier en ce maraut, malotru & traistre; car il sçavoit bien que mal luy en prendroit, s'il estoit pris & descouvert, & que tels marauts & traistres en leur déposition gastent sout, & se débagoulent, & disent plus qu'il n'v en a, quand ils sont pris.

⁽a) Lifez Châtelier Porsunt.

Voilà pourquoy Monsieur l'Admiral sufin & rusé, d'user de très-sobres paroles à l'endroit de ce maraut. Mais usant de cellelà, il faisoit comme le pasteur, auquel les veneurs ayant demandé s'il avoit veu le cers qu'ils chassoient, luy qui l'avoit garanty dans sa grange sous bonne-soy, il leur dit & crya tout haut, asin que le cers, qui estoit caché, l'entendist, qu'il ne l'avoit point veu, en le jurant & l'assimmant; mais il leur monstroit avec le doigt, & par autres signes, là-où il estoit caché, & par ainsi il fut pris.

Or, ce Poltrot partit d'Orléans, vint trouver Monsieur de Guyse, qui, par un beau f.mblant, (ou, pour mieux dire, vilain & faux.) luy dit que, connoissant les abus de la Religion prétendue, il l'avoit quittée toutà-plat, & pour ce l'estoit venu trouver pour la changer, & vivre en la bonne, & servir Dieu & son Roy. Monsieur de Guyse, qui estoit tout bon, magnanime, & généreux, le receut fort bien & amiablement, ainsi qu'estoit sa coustume, & dit qu'il estoit bienvenu, & luy fit donner un logis, le commandant aux fourriers, & mangeoit souvent à sa table. Si-bien que je le vis une fois venir au my-disner, que Monsieur de Guvse luy demanda s'il avoit disné? Il luy dit que non, & commanda luy faire place; ce qui fut fait.

Toutes ces courtoilles jamais ne luy amo-

lirent le cœur, qu'il n'achettast un cheval d'Espagne de Monsieur de la Mauvaishiere. qui alors suivoit le camp, Gentil-Homme de bonne part, & fort renommé depuis pour la pierre philosophale, avec Monsieur de Savoye, qu'il trompa de plus de cent mille escus. Il fut vendu fix-vingts escus, que Monsieur de Soubize luy avoit donnez. On disoit que c'avoit esté Monsieur l'Admiral; mais il estoit trop habile pour faire le coup: aussi ledit Poltrot ne l'advoua pas. Il accompagna souvent Monsieur de Guyse avec tous nous autres de son logis jusques au Portereau, où tous les jours mondit Seigneur y alloit, & pour ce cherchoit tousjours l'occasion oportune, jusques à celle qu'il trouva, où il fit le coup : car elle estoit fort aysée, d'autant que le soir que mondit Seigneur tournoit, il s'en venoit seul avec son Escuyer ou un autre; & cette fois avoit avec luy Monfieur de Rostain, & venoit passer l'eau du pont de Saint-Mesmin, dans un petit batteau qui l'attendoit tous les soirs, & ainsi passoit avec deux chevaux, & s'en alloit à cheval à son logis, qui estoit assez loing. Estant sur un Carrefour qui est assez connu, & trop, pour la perce d'un si grand homme, l'autre, qui l'attendoit de guet-à-pens, luy donna le coup, & puis se mit à courir, & cryer: Prenez le prenez le Monsieur de Guyse, se sentant fort blessé & atteint, pancha un peu,

& dit seulement: L'on me devoit celle-là, mais je croys que ce ne sera rien. Et avec un grand cœur, se retira en son logis, où aussi tost il sut pansé & secouru de Chirurgiens des meilleurs qui sussent en France.

Mais il mourut au bout de huit jours.

Si faut-il que je die ce mot, que Monsieur de Saint-Just d'Allegre, estant fort expert en telles cures de playes, par des linges & des eaux, & des paroles prononcées & méditées, fut présenté à ce brave Seigneur, pour le panser & guérir; car il en avoit sait l'expérience grande à d'autres. Mais jamais il ne le voulut recevoir, ny admettre : D'autant (dit-il) que c'estoient tous enchantements desfendus de Dieu, & qu'il ne vouloit autre cure ny remede, si non celuy qui provenois de sa divine bonté, & de ceux des Chirurgiens & Médecins esleus & ordonnez d'elle, & que c'en seroit ce qu'à elle luy plairoit, aymant mieux mourir, que de s'adonner à tels enchantements prohibez de Dieu. Voilà la Religion sainte & le saint scrupule qu'avoit ce bon Prince à ne vouloir offenser Dieu, aymant mieux mourir, que l'offenser en cela. Je vis tout cela; & me dit Monsieur de Saint-Just, qui estoit mon grand amy, qu'il l'eust guéry.

Ce qui est fort à noter, ce bon & brave Prince, pour espargner douze cents francs à son Roy, cela sur cause de sa mort; car il

me souvient que le bon-homme Monsieur de Serre, (a) qui estoit alors Financier en cette armée, & grand Commissaire des vivres, Secretaire du Roy, & Surintendant des Fortifications & Magafins de France, un très-habile homme de son mestier. & qui avoit veu toutes les guerres de son temps de France, Piedmont, & Toscane, & que Monsieur de Guyse aymoit fort, & en qui il avoit beaucoup de soulagement; ce bonhomme donc Monsieur de Serre luy remonstra, qu'il devoit faire rabiller le pont de Saint-Mesmin, qui seroit un grand soulagement pour luy en allant & venant du Portereau à son logis, & pour toute sa Noblesse qui l'y accompagnoit, au -lieu de la grande peine, fatigue, & grand tour que nous faifions d'aller passer au pont d'Olivet; & que ce ne feroit qu'à l'appetit de quatre à cinq cents escus. Monsieur de Guyse luy dit : Espargnons l'argent de nostre Roy. Il en a assez affaire ailleurs. Tous luy est bien de besoin: car un chacun le mange. E le pille de tous costez. Nous nous passerons bien de ce pont; & moy, mais que j'aye

⁽a) Jean de Serre, Commissaire-Général des vivres & avitaillements, & Secretaire du Roi jusqu'au 2 Mai 1567, qu'il résigna en faveur de Vincent Gelée, Hist. Chrono', de la Chancell, de France, p. 138.

mon petit batteau, c'est assez. Ces cinq cents escus seront bien besoin ailleurs pour un autre service du Roy, qui importera plus que celuy là. De sorte que si ce pont suste esté sait à l'appetit de peu, nous eussions tousjours accompagné nostre Général par le pont jusques à son logis, & ne sussions allé saire ce tour & passer à la débandade à Olivet; & par ainsi, luy très bien accompagné, ce maraut n'eust jamais sait le coup, lequel sceut très bien dire, qu'autrement il ne l'eust osé attaquer que par cette occasion, qui certes estoit sort aysée.

Pour fin, il fut pris, ou par la volonté de Dieu, ou qu'il n'eust le cœur & l'advis de se sauver; car il courut toute la nuit, & pensant estre loing du camp pour le moins dix lieuës, il s'en trouva près de deux. Il confessa tout; & moy-mesme je parlay à luy. Il advoua tousjours, Messieurs de Soubize & Aubeterre l'avoir suscité & presché. Pour quant à Monsieur l'Admiral, il varioit & tergiversoit fort, tant en ses interrogations qu'en son dire de la gesne & de sa mort. Il fut tiré à quatre chevaux.

Si faut-il que sur ce je sasse ce petit conte de moy, qu'un de ces ans, moy ayant quelque dissérend & querelle avec le Sieur d'Aubeterre, encore qu'il eust espousé ma niepce, Monsieur du Mayne le soustint contre moy, sur un subjet qui seroit long à dire, & que

cela ne vaut pas le parler. J'en fis le conte à Monsieur de Guyse, & luy dis que je n'eusse jamais pensé que son frere Monsieur du Mayne eust soustenu Aubeterre (le pere duquel avoit fait tuer son pere) contre moy, qui n'avois esté que son serviteur & de sa maison; & que, lors qu'il sur tué, je portois les armes pour luy, & pleuray & regrettay fort sa mort. Monsieur de Guyse trouva ce trait fort estrange, & gueres beau; & me dit que ce nom d'Aubeterre devoit estre pour iamais très-odieux à la Maison de Guyse. Encore depuis, Monsieur du Mayne l'associa avec luy en la Ligue: mais l'autre la luy donna bonne; car dans six mois, il le quitta à plat, & se mocqua de luy, & bien emplové.

Voilà la vie & la mort de ce grand Prince, descrite le plus sommairement que j'ay pu: & si sa vie a esté très admirable, sa mort a esté autant regrettable pour toute la Chrestienté; car des plus grands jusques aux plus petits, elle sur pleurée, regrettée, & célébrée de toutes sortes d'honneurs, que l'on doit à un tel & si grand Prince Chrestien.

J'en descrirois les superbes obseques qui en surent saites en France, que j'ay veu, & en d'autres Pays estangers, que j'ay ouy dire; mais cela ne serviroit de rien. En quoy saut noter que si sa mort sur sort regrettée ce coup là, elle sut après bien vengée à la

Saint-Barthelemy, & bien autrement que celle de Monsieur son fils dernier, dont on n'en sçauroit dire une vengeance pour un feul double, ny sur les autheurs, conseillers & exécuteurs, qui se promenent par tout la teste levée, dont l'on s'en estonne fort, d'autant plus encore, qu'il n'y en a aucune apparescence de vengeance : si ce n'est qu'on se veuille ayder de la devise de leur grand bisayeul, le bon & brave Roy René de Sicile, qui avoit pris pour devise deux bœus labourans la terre, avec ces mots: Passo à passo, comme voulant dire & inférer, que Pas à pas, & à pas mornes & lents, on parvenoit enfin à son œuvre & besoigne; ainsi que fit ce coup Monsieur de Guyse, ce brave fils, qui, fix ans après ou plus, se vengea comme il falloit, de tout, à la Saint-Barthelemy.

Aucuns Huguenots, les plus passionnez, ne regretterent point ce bon Prince que je dis; & d'autant plus grande estoit sa gloire, grande envers Dieu & les hommes Catholiques. Si en eut il aucuns Huguenots d'honneur, & mesmes plusieurs gens de guerre & de braves soldats, qui le regretterent fort, & en dirent grands biens, comme j'ay veu.

Plusieurs composerent plusieurs beaux tombeaux à son honneur; & le premier qui en fit, sut ce grand Monsieur le Chancelier de l'Hospital, aussi grand Poëte que Sénateur 164 Hommes illustres François.

Je le vis aussi tost qu'il sut fait. Il estoit donc tel en mots fort briefs, mais pourtant de fort grande substance estoient-ils pleins.

Quem non Bellorum rabies, non hosticus ensis, Abstulit in mediis versantem sapa periclis, Hunc infirma manus scelerato perdidit assu, Eternis justo redimitum marte coronis.

Il fut après ainsi traduit:

Celuy que la fureur des guerres plus cruelles, Ny le glaive ennemy aux dangers n'a osté, Par la débile main d'un traistre est emporté, Couronné justement de gloires immortelles.

Le Latin emporte le François.

Il y eut aussi Monsieur Dorat, grand Poëte Latin & Grec, qui en sit un; mais pour sa prolixité, je ne le mettray icy tout au long, si non les quatre premiers Vers & derniers, qui sont:

Fortia si sas est sua sartibus acta referre, Inque suas laudes testibus esse sibi;
Fas mihi Guisarda, qui bella tot inclita gessi,
Vero qua seci sortier ore loqui.

C'est à-dire:

S'il est permis aux vaillants raconter

M R. D E G U r S E. 165 Eux vaillants ses vaillances, & en ses propres loüanges estre tesmoing de soy-mesme; il m'est permis à moy, le Seigneur de Guyse, qui ay fait tant de guerres & de vaillances en mon temps, les prosérer de ma bouche trés-véritable.

Et puis il va raconter tous les beaux faits en sa vie; & venant sur sa mort, il dit: Et lors que j'avois fait perdre à Orléans sa riviere & son pont, malheureusement j'y sus perdu, non par aucune vertu, car de celle-là je n'en cede à aucun, mais par-derriere, de trois balles s'on me donna la mort; & puis il conclud:

Fraude perit virtus, quià non nisi fraude perire Vera potest virtus, si tamen illa perit. Sed non illa perit, cujus laus usque superstes Fraude vel invità vel manet invidià.

C'est-à-dire:

Voilà comment la vertu se périt par la fraude; car autrement ne peut elle périr, si toutesfois elle périt. Mais elle ne peut jamais périr celle-là, de celuy duquel la gloire demeure à jamais immortelle, en despit de la fraude & de l'envie.

Or pour reprendre ces mots de Monsieur Dorat, parlant des vaillances de ce grand Prince, il ne faut dire autrement, qu'il n'en

ayt esté remply autant que Prince du monde, ainsi qu'il les a fait paroistre en tous les combats où il a jamais esté, s'y hazardant tousjours plus que le moindre Gendarme & soldat du monde : car naturellement il estoit fort ambitieux, tout jeune qu'il fut; & là où l'ambition entre dans l'ame d'un jeune homme, il faut qu'il se hazarde par-tout pour la faire valoir : ainsi qu'il sit au voyage & à la conqueste de Luxembourg par Monsieur d'Orléans, là-où il fut blesse d'une grande harquebuzade par trop se hazarder; puis à l'assaut de Linars, il en eut aussi une; à la guerre de Boulogne, il advança & s'enfonça si avant dans la messée du combat, qu'il eut un grand coup de lance entre l'œil & le nez; & entra si avant qu'elle s'y rompit, & en rapporta un gros tronçon, qui estoit si bien joint & attaché à la teste, que j'ay ouy dire au bonhomme Maistre Nicolle Lavernan, très-expert Chirurgien, qui l'ayda à le panser, qu'il luy fallut mettre le pied contre la teste pour en tirer de grande force le tronçon, dont il endura beaucoup de douleur, & en cuyda mourir, comme de fait on le tint mort longtemps; mais avec fon bon courage, il en eschappa; car il laissoit saire aux Chirurgiens tout ce qu'ils vouloient : aussi le panserent-ils si bien, qu'il eut la vie & la veuë fauve, qui fut un grand cas, qu'il ne la perdist. & l'œil & tout, mais il l'avoit aussi beau

MR. DE GUTSE. 167

& bon qu'auparavant, & jamais parut, ny en rien a esté jamais dissorme: comme certes c'estoit un beau Prince, de belle saçon & apparence, & qui sentoit bien son grand & vaillant homme de guerre, & qui eust tousjours fait peur à son homme qui

l'eust voulu attaquer.

Sur-quoy il me souvient, qu'à la Conjuration d'Amboise, il estoit escheu par sort ou autrement, que le Capitaine Mazieres tueroit Monsieur de Guyse. Ce Capitaine là avoit esté autresois en Piedmont fort renommé & determiné soldat, & si bizarre pourtant, qu'on le tenoit pour avoir de l'humeur. Il avoit fort veu, & avoit esté avec Monsieur d'Aramont en Levant : outre il parloit fort bon Espagnol; aussi en estoit-il de la frontiere. & si en avoit il la facon. Sur cette mauvaise détermination, il fut pris comme les autres, & faisy d'une fort longue espée. Il confessa tout: & comme Monsieur de Guyse luy eut dit, qu'il s'estonnoit fort de luy, qui avoit veu son monde, sceu & pratiqué comme il falloit tuer un homme, dequoy il s'estoit ainsi accommodé d'une si longue espée, qui en telles factions & presses n'est si propre qu'une courte, qu'on tire & demeine plus ay sément sans point d'embarras, comme d'une grande, avec laquelle on ne se peut tourner & virer comme l'on veut, & que l'on saisit plustost qu'une courte. Le Capi-

taine Mazieres luy respondit: Monsieur, je sçavois sort bien ce que vous m'en dites, & l'avois sort en moy considéré plus de quatre sois; mais pour en parler au vray, quand je considérois vostre valeur & vostre brave vaillance, & surieuse présence, je perdois aussi-tost le courage de vous attaquer de prés, & pour ce je me résolus d'avoir affaire avec vous de loing. Que si, au lieu de cette espée, j'eusse pu apporter une picque, je l'eusse fait, tant l'image de vostre personne se monstroit à moy terrible & formidable, & me faisoit de peur. Ce Capitaine avoit quelque raison en son dire, ainsi que l'on peut bien discourir là dessus.

En cette mesme Conjuration sur pris le Seigneur de Castelnau de Bigorre, duquel j'ay parlé cy-devant; il fut exécuté comme les autres. Quelques trois ans après, vint à la Cour, à la suite de Monsseur le Prince, un sien nepveu, qu'on nommoit le Capitaine Bonnegarde, que j'ay connu, gentil soldat & brave. Il se vantoit en quelques endroits, qu'il vengeroit la mort de son oncle Castelnau, & qu'il tueroit Monsieur de Guyse. Il le sceut : & sans autrement s'en effraver. il se le sit monstrer pour le connoistre; & l'avant bien veu & contemplé, il ne dit autre chose, si-non: Il ne me tuera jamais. Au bout de quelques jours, il luy fait faire le guet, quand il s'en yroit au parc de Saint-Germain

Germain luy seul avec un autre se promener. Son espion luy vint dire un jour, comme il estoit luy seul entré dans le parc, & un autre Capitaine avec luy. Soudain, Monsieur de Guyse va après, & prend avec luy le jeune la Brosse, très-brave & vaillant Gentil-Homme, fils du bon-homme Monsieur de la Brosse. vray Chevalier d'honneur & sans reproche. Tous deux ainsi s'en vont sans autre compagnie, non pas d'un seul Page ny Laquais, après leurs hommes, & les trouverent qu'ils avoient fait leur tour d'allée. & s'en tournoient. Monsieur de Guyse ne sit que dire: Voicy nos gens: ne bougez, que je ne bouge. Et va droit à eux d'un visage asseuré, & qui monstroit qu'il vouloit tuer. Ce fut Bonnegarde, & son compagnon, qui firent place & donnerent passage à Monsieur de Guyse, & se mirent à costé, en ostant leurs bonnets. le faluant fort révérencieusement. Monsieur de Guyse, après avoir un peu arresté, passe outre, & puis tourne son petit pas après les autres, sans autrement s'esmouvoir, ny dire autre chose que: Nous en avons prou fait, la Brosse, mon homme ne me tuera pas. Il est plus respectueux, bon, & courtois, qu'on ne m'avoit rapporté. Mais je vous jure, s'il ne m'eust salué, je l'eusse tué tout roide, pendant qu'eussiez tué le vostre. Pour ce coup, il faut estre un peu sage: ils n'emportent rien du nostre, & ne nous tueront Tome IX.

jamais. Monsieur le Prince sceut ce trait, qu'il trouva très-beau, & en fit toutes les excuses du monde à Monsieur de Guyse, & que c'estoit de faux rapports qu'on luy avoit faites. Monsieur de Guyse ne luy fit autre response, si-non luy dire : Quand ce mauyais youdra, il me trouvera tousjours. Aucuns s'éstonnerent que Monsieur de Guyse ne le tuast. Mais il respondit, qu'il estoit plus vengé par si humble satisfaction, que s'il l'eust tué, par laquelle l'autre monstroit, ou qu'il n'eust tenu tels propos, ou bien qu'il s'en repentoit, ou bien n'osoit faire ce qu'il s'estoit vanté : aussi qu'il valoit mieux songer & adviser à tuer un homme qu'une beste. Force autres raisons put-il là-dessus alléguer; car c'estoit le Capitaine du monde qui entendoit mieux les querelles & leurs pointilles, & qui sçavoit les mieux vuider & demesler, ainsi qu'il sit très-bien entre luy & le Prince de Condé, dont le conte est tel.

Après la mort du petit Roy François II, Monsieur le Prince sortit de prison, & voulut quereller ce grand Monsieur de Guyse; & de fait, luy en faisoit la mine, pour le soupçonner d'avoir esté cause de son emprisonnement. Ce bruit en couroit fort à la Cour; mais je ne vis jamais Monsieur de Guyse estonné pour cela, faisant tousjours bonne mine, marchant la teste haut eslevée, résolu de se bien battre si on l'attaquoit. La

MR. DE GUTSE. 171

Reyne-Mere, très-sage, & très-univerfelle en tout, avec le Conseil, advisant que le tout se pourroit tourner en une grande conséquence, & dangereux accident, pourchassa un accord entre ces deux vaillants Princes. par telles conditions & satisfactions, que celle de Monsieur le Prince fut, qu'il dit & proposa, que celuy qui avoit esté cause & motif de sa prison, estoit meschant. Monsieur de Guyse sit response, qu'il le croyoit; mais que cette parole ne luy concernoit ny touchoit en rien. Et par ainsi, ces deux Seigneurs s'embrasserent comme réconciliez, Monsieur le Prince comme estant satisfait, & Monsieur de Guyse comme ne s'estant préjudicié. Sur ce, les uns à la Cour (comme je vis) en parloient diversement selon leurs passions & affections, & disoient que Monsieur de Guyse luy avoit fair quelque forme de réparation. parce qu'il le pensoit avoir esté cause de sa prison: mais les plus clairvoyants & les plus subtils & pointilleux esprits en matieres chevaleresques, disoient que Monsieur de Guyse avoit très-sagement & subtilement respondu. en mode d'un Seigneur très-bien entendu en telles affaires, ainsi qu'il l'estoit, comme celuy qui vouloit dire, qu'il n'y avoit nul aurre qui eust esté cause ny motif de cet emprisonnement que luy-mesme, que l'on disoit avoir commis le péché & fait la faute, pour avoir esté mis en prison; & par ainsi, il y eut H ii

bien là du bigu, ainsi que l'on en disoit à la Cour, & qu'il y alloit de l'un plus que de l'autre: or, devinez-le.

l'ay veu ce Seigneur discourir quelquesois des querelles & des satisfactions, mieux que j'ay jamais veu faire à Seigneur ny à Capiraine; si - bien que ses leçons eussent servy aux plus grands Capitaines. Il ne se plaisoit nullement d'offenser personne : ou si, sans penser, il l'offensoit, il le contentoit; car il en scavoit très-bien la maniere. A la battaille de Renty, il avoit pour son Lieutenant Monsieur de Saint-Fal, lequel, pour s'estre advancé & party plustost qu'il ne falloit, Monsieur de Guyse alla à luy de colere, & luy donna un grand coup d'espée fur sa salade, pour le faire arrester. Cela luy fascha fort, & luy dit: Comment, Monsieur, vous me frappez! Vous me faites tort. Monfieur de Guyse ne s'y amusa pas autrement, mais alla au plus presse. Et comme, après la battaille, on luy eut dit que Saint-Fal se sentoit offensé de ce coup, & le vouloit quitter, Monsieur de Guyse dit: Laissez faire; ie le contenteray. Et le trouvant en la tente du Roy, il luy dit devant tout le monde: Monsieur de Saint Fal, yous vous tenez offensé du coup d'espée que je vous donnay hier, parce que vous vous advanciez trop. Il vaut bien mieux que je vous l'aye donné, pour vous faire arrester en un combat,

où vous ailliez trop hazardeusement, que si je le vous eusse donné pour vous y faire aller & advancer en le resusant poltronnement. Si bien que ce coup, à le bien prendre, vous porte plus d'honneur que d'ossense. Et-voicy tous ces Messieurs les Capitaines, qui m'en peuvent estre tesmoings, qui admirerent tous ces beaux mots, & cette belle satisfaction. Par quoy, vivons, dit-il, comme devant: ce qui fut fait. Monsieur de Guyse le dernier me sit ce conte à la Cour. Lors que Bussi & Saint-Fal eurent querelle, son bon-homme de pere Saint-Fal y vint pour assister son sils.

Maintenant il est temps de faire une fin à ce Discours de ce grand Duc de Guyse, qui a vescu & est mort, (comme j'ay dit) chargé plus de gloire & de debtes, qu'il laissa à Madame sa femme, & à Messieurs ses enfants, que de finances; car il devoit plus de deux cents mille escus quand il est mort, & le retranchement de la despense que Madame de Guyle fit à ses enfants, principalement aux deux plus jeunes, Monsieur du Mayne & Monsieur le Cardinal de Guyse depuis, qu'il fallut qu'elle les mist au College de Navarre, où ils demeurerent quelques années pour estudier. Monsieur de Guyse encore jeune pour suivre son Roy & sa Cour, il fallut qu'il tinst train & maison, mais non si grande comme il a fait depuis, encore

qu'il ne se fust acquitté de ses debtes; car cinq ans avant qu'il mourust, il me dit qu'il devoit plus de deux cens cinquante mille escus, bien qu'il eust espousé Madame sa femme, de la Maison de Nevers, fort riche & belle héritiere, & eust recueilly la succession de Monsieur le Cardinal de Lorraine, son oncle, qu'un chacun pensoit très-belle & bonne. Mais mondit Seigneur de Guyse me dit après sa mort, que je luy disois & faisois la guerre, qu'il seroit à cette heure fort riche, & qu'il payeroit ses debtes aux despens de la succession nouvelle, il me jura, qu'il luy avoit laissé autant de debtes que Monfieur son pere, & pour ce qu'il vouloit vendre du bien pour s'en oster, car elles l'importunoient par trop. Voilà pourquoy il vendit la Conté de Nanteuil (l'une de ses bonnes pieces) à Monsieur de Chomberg.

A ce conte (1) donc ne faut croire que Monsieur de Guyse, & Monsieur le Cardinal de Lorraine, son fiere, ayent tant desrobé les sinances des Roys Henry I (2), François II, & Charles IX, & sur tout Monsieur de Guyse, comme l'on a sant cryé en France. Ne faut aussi ajouster soy à ce proverbe, qu'on est allé je ne sçay quellement trouver,

⁽¹⁾ Compte.

⁽²⁾ Henry IL

Mr. de Gurse. que ce Roy François (1) disoit, que ceux de Guyle mettoient les Roys de France & leurs enfants en chemise. Je ne sçay si le Roy l'a jamais dit; mais j'ay ouy dire à Madame de Dampierre, ma tante, Dame d'honneur de la Reyne Louyse, qui estoit une vraye pancarte des choses mémorables de la Cour, avoir ouy dire souvent audit seu Roy François ce mot: Voulez-vous que 1e vous die, foy de Gentil-Homme? Je ne fais point tant de bien à ces Princes Lorrains que je devrois; car quand je pense que le Roy Louys XI les a expoliez des Duchez d'Anjou & Comtez de Provence, & ausres Terres leurs vrays héritages, & qu'on leur retient, j'en ay charge de conscience. Cela est bien vray. Voilà donc pourquoy il faut croire que ce sont esté les Roys qui les ont mis plustost en chemise. Il y en a aussi plusieurs, comme je leur ay veu dire, & veu imprimé, quand ces Princes Lorrains vindrent servir nos Roys, qu'ils estoient fort pauvres, & aussi-tost ils s'accreurent de grands biens; si ne firent-ils pas tant d'acquests, ny si excessis, comme l'on diroit bien; & nous en avons veu de petits compagnons depuis en faire cent fois plus grands qu'eux. De plus, n'eurent ils pas de beaux &

⁽¹⁾ Le Roi François I.

bons partages de leur maison, que nous leur voyons encore, & qui est encore le principal bien qu'ayent leurs petits enfants? & leurs acquests sont petits, si non la Comté de Nanteuil & de Chevreuse.

Au reste, quels services ont ils faits à nos Roys? De quelles Terres & Places les at on récompensez pour Mets conservé, Calais conquis, (si on ne l'a bien gardé, qu'en peuton mais?) Guynes, la Comté d'Oye, & Théonville; & tant de si signalez services que les grands-peres & peres ont faits, comme j'ay dit, & les enfants, comme j'espere dire en leur vie, où je traitteray amplement de ce subjet? Voilà donc comme ces Messieurs de Guyse ont esté les grands sangsuës des monnoyes de la France. Davantage, quel tort fait on à Madame de Nemours, fille de Madame de Ferrare, en partie héritiere de la Duché de Bretagne? Vrayment elle en a une belle part! Pour tout potage, elle est Madame de Montargis. C'est bien loing d'avoir la moitié de Bretagne, qui vaut quinze cents mille escus & plus de revenu. Et comment contenta-t-on cette madite Dame Renée de France, pour estre fille d'un grand Roy, que de quelque légere fomme d'argent pour son mariage, qu'on a veu des Dames depuis en France en avoir eu bien deux fois davantage? Et si ces Messieurs ont un peu agrandy leurs héritages, n'ont-ils pas

eu de bons & gros mariages des Dames Princesses, qui sont entrées en leur Maison, comme Madame Antoinette de Bourbon, Madame Anne d'Ett. & Madame Catherine de Cleves? S'ils ont mis l'argent de leur mariage à profit, n'ont-ils pas bien fait? N'ontils pas eu leurs estats & pensions, qu'ils avoient très-bien méritez pour bien servir leurs Roys? Les Cardinaux aussi ont eu des biens d'Eglise beaucoup; & s'ils en ont aydé à leurs proches, quel mal? Bref, que les moins passionnez contre cette Maison pesent toutes choses, & comme il y a de la raison & de l'apparence, ils jugeront mon dire très vray; car je ne le dis pas de ma bouche seulement, mais de celles de plus grands personnages que moy. Et Monsieur de Guyse le dernier est mort aussi endebté, tellement que la Ville de Paris, après sa mort, ayant esgard à ses grands services & mérites, a promis de payer partie de ses debtes.

Je ne sçay ce qu'en sera: mais on dira que ses debtes se sont faites pour le bastiment de la Ligue. C'est asscavoir; car il y en avoit bien assez, avant qu'on en eust seulement sait le projet & le plan. Et s'il en a sair pour la Ligue, & pourquoy la Ligue sut saite? c'est une autre paire de manches, que je coudray en la vie de ce grand Duc de Guyse dernier, sils de ce grand Duc de Guyse dont je parle, & avec luy Messieurs

Hv

du Mayne, le Cardinal de Guyfe, & deux autres qui moururent jeunes, & mesme un que la Ville de Paris baptisa (1): & l'enfant fut appellé Paris, aux premiers troubles, de la grande amitié qu'ils portoient au pere; & disoit on alors de son baptesme, (car j'y estois,) que, s'il eust vescu, ladite Ville luy eust eslargy de grandes libéralitez & entretiens, comme à son bon filleul, voire le vouloit-elle tenir pour fils. Monsieur de Guyse, qui vit aujourd'huy, & Messieurs ses fre res, promettent tant d'eux, que vous diriez que cette noble race est fatalement destinée à toute valeur, toute vertu, & toute générosité, desquels derniers j'espere en parler en la vie de Monsieur leur pere. Or, je fais sin.

Mondit Sieur de Guyse eut cinq freres, qui furent six en tout, & surent si bien despartis, qu'il y en eut trois du monde & trois de l'Eglise: les trois du monde furent Messieurs de Guyse, d'Aumale, & d'Elbœus: les trois d'Eglise, Messieurs les Cardinaux de Lorraine, de Guyse, & le Grand-Prieur du bon & saint Ordre de Jérusalem; tous six fort dignes & excellents en leurs professions.

Monsieur le CARDINAL DE LORRAF-NE fut tenu depuis la création des Cardinaux

⁽¹⁾ On n'a point tout cela.

Mr. de Gurse. l'un des premiers qui eust esté. Je ne dis pas qu'aucun d'eux, ou en sainteté, ou en sçavoir, on en en autre vertu, & en autre particularité, ne fust (1) que luy particuliérement excellent; mais cettuy-cy fut fort universel, & pour tout il avoit un esprit fort subtil, bon jugement. & bonne retentive. Il estoit de très bonne grace & belle façon, & d'un très-bel entregent, parlant très-bien & très-éloquemment de toutes choses, aussi bien des mondaines que des divines, très-bien entendant les affaires d'Estat de la France, voire d'autres Pays estranges. Aussi comme m'a dit autrefois Monsieur de Guyse, son nepveu, c'estoit une des grandes despenses qu'il faisoit, qu'à sçavoir des nouvelles de toutes les parts de la Chrestienté, voire d'ailleurs, & v avoit des gens ses pensionnaires & gagés, qui l'en advertissoient de toutes parts. Il entendoit aussi très-bien les Finances, & les sçavoit toutes fur le doigt, & où il en falloit prendre & excogiter des moyens pour les affaires de son Roy, & pour soy aussi, ainsi qu'il le fit bien paroistre en la nécessité qui vint à son Roy après la battaille de Saint-Quentin.

On le tenoit pour fort brouillon, remuant, & très-ambitieux. Que s'il fust esté aussi vaillant que Monsieur son frere, (comme il le

⁽¹⁾ plus.

disoit bien, qu'il estoit poltron de nature) il eust remué de grandes affaires & grandes choses. Il estoit fort religieux, &, pour ce, fort hay des Huguenots: mais pourtant le tenoit-on pour fort caché & hypocrite en sa Religion, de laquelle il s'aydoit pour sa grandeur; car je l'ay veu souvent discourir de la Confession d'Augsbourg, & l'approuver à demy, voire la prescher, plus pour plaire à aucuns Messieurs les Allemands, que pour autre chose, ainsi qu'on disoit : comme je vis une fois à Reims, pour une Semaine-fainre, & devant Madame sa mere, publiquement, où il le faisoit beau ouyr; car encore qu'il fust bien scavant, il n'estoit si prosond en science, comme remply d'éloquence.

Après le Concile de Trente, il vint à Fonrainebleau, & pour le premier Dimanche de Caresme, prescha devant le Roy, la Reyne & toute la Cour, là-où Monsieur le Prince de Condé estoit grandement accompagné de Gentils-Hommes & autres de la Religion. Certainement, il le sit beau ouyr; car jamais on ne vit mieux dire, & sur fort admiré, & des Huguenots, & de tous, qui ne purent trouver à dire sur luy, si-non que quand se vint sur la tentation du Diable, qu'il sit à nostre Seigneur Jesus Christ, comme je le dis ailleurs (1). A

⁽¹⁾ Dans le Discours sur les Serments & Jurements Espagnols, Tome XIII.

ce Concile de Trente, cedit Cardinal se rendit très admirable à toute la noble & sainte assemblée, qui estoit là, tant en ses harangues, discours, disputes, que responses & arguties; car il estoit fort prompt, argut, & très-subtil en ses paroles & devis. (On disoit qu'il avoit un esprit samilier.) Aussi ce grand personnage, Monsieur de Beze, le loua fort, autant pour cette belle monstre qu'il fit là publiquement, que pour une particuliere conférence qu'ils firent. L'un & l'autre ne se pouvoient exalter assez, comme deux beaux chevaux qui s'entregrattent l'un l'autre, & non pas comme deux asnes, disoiton alors; car ils estoient hors de ce pair & de ce rang, pour estre par trop remplis de science.

Je n'estois point alors à la Cour, ny en ce colloque; car j'estois allé conduire la Reyne d'Escosse: mais je sceus à mon retour, à la Cour, qu'on le disoit. Ainsi ce grand Cardinal sit sort paroistre son digne sçavoir & sa grande éloquence, non-seulement en ce colloque, mais en plusieurs endroits & ambassades qu'il a faites vers les Papes, les Potentats & Républiques d'Italie, vers le Roy d'Espagne, aux Congrégations de Prélats, Colloque de Poissy, aux Mercuriales, ès Cours de Parlements, aux grandes Assemblées & Recueils d'Ambassadeurs. Bref, en une infinité d'occasions, belles, grandes & hono-

rables, cet homme s'est rendu si excellent, qu'il s'est acquis le mom de la Perle de tous les Prélats de la Chrestienté en tout en son vivant.

Et s'il estoit saint, (qu'on ne trouvoit pourtant trop consciencieux,) il estoit bien autant mondain en ses jeunes & beaux ans; aussi il a eu de très-bonnes fortunes que je dirois bien. Parmy la mondanité, il avoit cela, qu'en sa prospérité, il estoit fort infolent & aveuglé, ne regardant gueres les personnes & n'en faisant cas; mais en son adversité, le plus doux, courtois & gracieux, qu'on eust sceu voir. Si-bien qu'il y avoit à la Cour l'une des Filles de la Reyne, qui se nommoit Madamoiselle de la Guyonniere, depuis Madame de Ligneroles, qui luy en faisoit fouvent la guerre : car quand il estoit sur le haut bout, il ne faisoit cas des personnes, nv d'hommes, ny de Dames; & quand il estoit sur le bas, il recherchoit & les uns & les autres. Si bien que c'estoit la mesme douceur & humilité. Et si-tost que Madamoiselle de la Guyonniere le vovoit venir, elle, qui estoit très-habile fille, belle, honneste, & qui disoit bien le mot, luy en faisoit bien la guerre, & luy disoit: Monsieur, dites le yray. N'ayez vous pas eu la nuit un revers de fortune? Dites le nous. Autrement, nous ne parlerons à vous; car pour le seur, vous en avez eu.

Pour faire fin, ce Cardinal a esté un trèsgrand personnage en tout. Il mourur en Avignon, empoisonné, si nous voulons croire la

Légende de Saint-Nicaise.

Quant au CARDINAL DE GUYSE, ayant employé sa jeunesse plus en plaisirs & délices de la Cour, il ne put nullement approcher de Monsieur le Cardinal son frere; ma's fur ses vieux jours, il se mit aux affaires. & est mort en réputation d'un très habile Prélat, & qui avoit (contre toute l'opinion vu!gaire) aussi bon sens & jugement solide, que son frere, & qui avoit sa lentitude & songearde façon. Il avoit d'aussi bons advis, & donnoit d'aussi bons conseils, qu'aucun qui fust parmy les affaires & conseil du Roy; & c'a esté luy seul l'unique, & le phœnix, sur qui le proverbe du feu Roy François Ier. a Naples, qui estoient longs & tardifs à verains ressembloient les coursiers du regne de eu pratique, qui disoit, que les Princes Lornir, mais venant sur l'asge, ils estoient trèsbons (a). Celuy-là est le seul Prince dont est fait ce proverbe; car tous Messieurs ses autres freres & nepveu, que j'ay veus, ont esté très-bons en seur jeunesse, très braves, très-courageux, & très-généreux; bref, tels

⁽a) Ce proverbe a regardé originairement les chevaux de Cappadoce.

en jeunesse que sur l'asge, & tels sur l'asge qu'en jeunesse, comme j'ay veu Monsieur le grand Prieur, dont j'ay cy-devant parlé (1), & aussi Monsieur le Marquis d'Elbœuf, lequel a suivy en toutes les guerres Monsieur son frere. Il ne faut point demander, si, ayant appris de telles belles leçons d'un tel maistre & frere, s'il n'a esté un très-honneste, brave & sage Prince, comme je l'ay veu. Aussi avoit-il bien un très-honneste Gouverneur, qui estoit le jeune Rance de Champagne, qu'on appelloit Contenant, qui le gouverna très-bien & très-sagement. Entr'autres perfections qu'avoit ce Prince, il disoit fort bien, & estoit fort éloquent, & fort homme-de-bien: & peu a-t-il fait desplaisit à personne, fors au Chevalier de Tenance, très-brave & honneste Gentil Honnne. & vieux Serviteur de leur maison, & sur-tout de feu Monsieur le Grand-Prieur fon frere, qu'il fit mettre sur un léger subjet à la chaisne, & aussi-tost la barbe rase, lors que le Roy estoit à Marseille; ce qu'il ne trouva bon, & plusieurs de la Cour.

Il laissa un fits & une fille de Madame sa femme, héritiere de la Maison de Rieux. Le fils est aujourd'huy Monsieur le Marquis d'Elbœus, un très-bon Prince, & d'hon-

⁽¹⁾ Ci-dessus, Disc. LXXVI, pag. 35.

neur, & de vertu. Il fut fait prisonnier à Bloys, au massacre de Monsieur de Guyse, & donné à Monsieur d'Espernon pour en tirer rançon; ce qu'il fit. Et la sœur est Madame d'Aumale, une très belle & honneste Princesse.

L'autre sixiesme frere de Messieurs de Guyle, a esté Monsieur d'Aumale, faisant le troisiesme, qui a esté un bon Capitaine, mais pourtant le tenoit-on malheureux, sans avoir toutesfois donné, & n'a point donné, pourtant, tant de subjet de luy donner cette qualité, comme la deffaite que fit sur luy le Marquis Albert de Brandebourg, (le grand ennemy des Evesques & Prestres,) qui luy furvint par trop de courage & de valeur : car n'estant à demy si fort que ledit Marquis, qui avoit près de vingt mille hommes, le chargea & le combattit bravement; mais il fut deffait, blesse, & pris prisonnier, & avec luy ce brave Seigneur Monsieur de Roüan (1) mort: dont certes fut fort grand dommage: car il estoit un fort bon & vaillant Seigneur & Capitaine, & très-bon serviteur du Roy. Aussi avoit il cet honneur de luy appartenir; car le Comte Jean d'Angoulmois avoit espousé une fille de Roüan, qui sut grand mere du Roy François. Ledit Mon-

⁽¹⁾ Rohan.

sieur de Roüan fut tué fort misérablement par deux soldats; lesquels, ayans tous deux contention qui l'avoit pris, & à qui il seroit, tous deux de despit le tuerent, pour n'estre n'y à l'un ny à l'autre, bien qu'il leur dist & cryast qu'il y en avoit assez pour eux deux, & pour les faire riches à jamais de sa rançon. Cela arrive souvent en guerre: en quoy ceux qui la pratiquent, doivent bien avoir esgard & de la prévoyance. Force autres grands Seigneurs & Gentils-Hommes de marque surent tuez en cette dessaite, dont sut grande perte pour le Roy.

Voilà qui donna le tiltre premier de malheureux à Monsieur d'Aumale; car en sa Charge de Colonel-Général de la Cavalerie de France, & en tous les combats qu'il y a faits, il y a esté heureux. Il su heureux aussi en sa Charge de Lieutenant de Roy en Piedmont, & mesmes en la prise de Vulpian. Il su heureux aussi au retour du voyage d'Italie de Monsieur son sirere, dont il retourna par les Grisons fort heureusement, toutes les trouppes saines & sauves, sans y faire leur cimetiere. Bref, en plusieurs belles sactions a-til esté fort heureux.

En nos guerres civiles, il fut un peu malheureux à Rouen, qu'il affiégea premiérement, & le fallut desaffiéger quelques mois après, pour n'avoir qu'un petit camp pour entourner & assiéger cette grande Place. Il fut aussi malheureux à la battaille de Dreux; car après avoir bien soustenu avec Monsieur le Connestable, avec qui il estoit à la battaille, la charge, & bien combattu, il sur porté par terre, & eut une espaule rompue. Aussi Monsieur de Guyse le loua fort-là.

Voilà comment il fut heureux & malheureux. Voilà comment aussi, non luy seul, mais les grands Capitaines, sont favorisés du bonheur, & assaillis du malheur. Autrement ne scauroient estre bons Capitaines & grands, s'ils se sentent tousjours de la bonne-fortune de Mars. Pour asseurer mondit Seigneur d'Aumale grand Capitaine, il ne faut que le feul tesmoignage de Monsieur de Guyse, son frere, quand à sa mort il a dit à la Reyne de remédier à sa place, & d'y mettre un Chef digne pour y commander, & en son armée, & qu'il n'en scavoit point un plus propre que Monsieur d'Aumale, son frere, qui la serviroit très bien & le Roy; car je l'ouys. Ce qu'elle fit, & l'envoya aussi-tost quérir en sa maison d'Aner, ou il estoit, pas encore bien guéry de sa rupture d'espaule: & arriva à Orléans, & eut la charge absolue de l'armée, (bien que Monsieur le Mareschal de Brissac y fust,) & poursuivit les desseins, pour si peu qu'il y sut, fort bien de Monsieur son frere; mais aussi tost la trefve furvint, & puis après la paix.

Il vint quelques années après mourir au

siege de la Rochelle, estant donné à Monsieur, frere du Roy, pour principal du Confeil : car il s'entendoit bien aux sieges des Villes, &'à les bien reconnoistre, retrancher, battre, & affaillir; & y avoit l'œil & le jugement très bon. Aussi tout le monde luy déféroit en son opinion, d'autant qu'il n'y avoit nul là qui le surpassast, bien qu'il y eust de grands Princes & Capitaines: mais ils n'avoient pas veu ce qu'il avoit veu; car il avoit veu nos guerres, & bien pratiquées, & celles d'Allemagne, qui se firent parmi les Princes & Everques de là, où le Marquis (1) le menoit tousjours avec luy comme son prisonnier, ne sçachant le mettre en plus seure garde qu'en sa Compagnie, comme je luy ay ouy dire qu'il y avoit beaucoup veu & appris.

Estant donc devant la Rochelle, il n'y demeura gueres, qu'il n'y sust tué, & non sans l'avoir souvent avant présagé, comme je luy ay ouy dire: Voicy le lieu où je mourray. Son démon possible le luy saisoit dire, ou qu'il sentist en sa conscience je ne sçay quoy, pour avoir esté un peu cruel (disoiton) au massacre de Paris sur les Huguenots, qu'il espargna peu, à ce qu'aucuns disoient,

⁽¹⁾ Albert de Brandebourg. Voyez ci-dessus page 185.

encore qu'il fust homme-de-bien & d'honneur; mais ils luy avoient tué son frere. Tant y a, ainsi que sut tiré un coup de la grande & longue couleuvrine, qu'on appelloit la Vache, & venoit par flanc, ayant percé un gabion, la balle toute morte luy vint donner par le corps, sans luy saire blessure, sinon le meurtrir & l'estousser. Et ainsi mourut, avec un grand regret de tous les nostres, & une joye extresme de tous les Huguenots, qui ne l'aymoient point, pour la raison que

je viens de dire.

Le jour qu'il mourut, devoient encore durer les tresves, qui estoient faites pour quatre jours; mais le matin du quatriesme jour, Monsieur de Bouillon, son nepveu, les rompit par quelques quatre ou cinq volées de canon, dont ils en voyoient un beau coup & belle mire. Aucuns disoient que Monfieur d'Aumale, son oncle, le luy avoit fait faire; & ce pouvoit estre. D'autres, que Monsieur de Bouillon le fit de soy-mesme & de son propre mouvement. Je sçay ce qu'il m'en dit; car il m'aymoit fort. Tant y a que les trefves violées, (& mal-à-propos certes, puis qu'il n'y avoit qu'un jour à les garder; car enfin, il faut tousjours garder sa foy, & mettre tousjours le bon droit de son costé,) nous nous tirasmes si fort les uns les autres, que le soir & la nuit s'approchant, Monsieur d'Aumale eut le coup

de sa mort, qu'aucuns opinerent pour vieille revanche de la Saint Barthelemy, & pour la fraische de la tresve rompue. Ce sont des secrets de Dieu.

Il laissa après luy trois braves & généreux enfants, Messieurs d'Aumale, de Saint-Valier, qui portoit le nom de son ayeul, monstrant de belles fleurs d'un fruit à venir, sans qu'il mourust jeune, & le Chevalier d'Aumale, desquels je parleray en la guerre de la Ligue, & en la vie de nostre Roy d'aujour d'huy (1).



⁽¹⁾ On n'a, ni cette Guerre, ni cette Vie.



DISCOURS SOIXANTE-DIX-NEUFVIESME.

Mr. [Admiral DE CHASTILLON.

AINTENANT il me faut parler d'un très-grand Capitaine s'il en fut oncques. Monsieur L'Admiral DE CHASTIL-LON, & l'opposer à ce grand Duc de Guyse, afin qu'on en connoisse mieux la valeur de l'un & de l'autre. Ny plus ny moins qu'un bon Lapidaire oppose deux beaux diamants l'un contre l'autre, pour mieux les apprécier; de mesme en fais-je de ces deux grands Capitaines. Non que l'invention en vienne de moy seul, mais d'autres que j'ay veu en faire comparaisons, qu'ils trouvoient assez approchantes: fors qu'ils disoient Monsieur de Guyse l'emporter au poids; & disoient aussi, que le plus beau que Monsieur l'Admiral avoit fait en sa vie, avoit esté contre fon Dieu, sa Religion en laquelle il avoit esté baptisé, sa Patrie, & son Roy naturel; les actions de Monsieur de Guyse toutes au rebours. Mais pour cela, Monsieur l'Admiral n'en a laissé la qualité & le tiltre de grand Capitaine; car des Empereurs Romains, il

en est forty de plus grands Capitaines Payens, que Chrestiens, & rebelles sur leur Patrie, voire d'autres Nations, pour avoir fait telles fautes.

Ils furent tous deux en leurs jeunes ans, fur le déclin du regne du Roy François I, & assez avant dans celuy du Roy Henry II, si grands compagnons, amis & confédérez de Cour, que j'ay ouy dire à plusieurs qui les ont veus, s'habiller le plus souvent de mesmes parures, mesmes livrées, estre de mesme partie en tournois, combats de plaisir, courements de bagues, mascarades, & autres passe-temps & jeux de Cour: tous deux fort enjoüez, & faisans des folies plus extravagantes que tous les autres; & sur-tout ne faisoient nulle folie qu'ils ne sissent mal, tant ils estoient rudes joüeurs & malheureux en leurs jeux.

Si eurent ils, durant le regne du Roy François I, quelque petit différend; car Monfieur de Guyse fut mal content de luy, d'un conseil qu'il luy demanda sur un mariage que je ne diray point, (a) que Monsieur l'Admi-

(a) C'étoit celui du Duc d'Aumale avec Diane, fille bâtarde du Roi Henri II, & de la Duchesse de Valentinois. (1)

⁽¹⁾ Tout cela est fort brouillé. Il ne s'agissoit nullement

MR. L'ADM. DE CHASTILLON. 193
ral luy dissuada, & luy dit n'estre trop honorable pour luy, & qu'il valoit mieux (usant de ces mots) avoir un pouce d'authorité & de faveur avec honneur, qu'une brassée sans honneur. Monsieur de Guyse disoit, qu'il ne luy avoit pas conseillé en compagnon & amy, mais en celuy qui estoit envieux de son bien & de sa bonne-fortune, que ce mariage luy eust pu apporter. Mais ce dissérend dura peu; & pour ce, surent amis comme devant.

Mais quel changement vint-il après de cette grande amitié? Il s'en conceut une partie le soir de la battaille gagnée à Renty,

lement là du mariage de cette Diane, mais de celui de Louise de Brezé, seconde fille de la Duchesse de Valentinois; non avec le Duc d'Aumale, n'y en ayant point alors, mais avec Claude, Marquis du Maine, second frere de François, Comte d'Aumale, depuis Duc de Guise, & depuis lui-même Duc d'Aumale: & ce fut ce mariage dont Mr. de Châtillon. tâcha de dissuader le Comte d'Aumale, qui le trouva fort mauvais ensuite. L'Auteur de la derniere Vie de l'Amiral de Coligny s'est imaginé à-peu-près de même, qu'il s'agissoit-là du mariage du Comte d'Aumale, qu'il fait Prince de Joinville; & là-dessus, il forme, pages 103--109, un épisode romanesque, tout-à-fait digne du reste de son Ouvrage, rempli d'ailleurs d'Anecdotes de pareille espece. Diane, batarde de Henri II, n'étoit point fille de la Valentinois, mais d'une Demoiselle de Coni en Piemont; & après avoir épousé en premieres noces Horace Farneze, Duc de Castro, elle épousa en secondes François, fils aîné du Connétable de Montmorency. Tome IX.

dans la chambre du Roy, & devant luy, qu'ainsi qu'ils en discouroient devant le Roy. Monsieur l'Admiral (comme possible envieux de la gloire & de l'honneur qu'il avoit ce jour acquise) luy répugna sur un petit point que dit Monsieur de Guyse; si-bien que Monfieur de Guyse luy dit: Ah! Mort-Dieu! ne me veuillez point ofter mon honneur. Monsieur l'Admiral luy respondit: Je ne le yeux point; & Monsieur de Guyse repliqua: Aussi ne le scauriez vous. De sorte que le Roy, vovant les choses pouvoir aller plus avant, leur commanda de leur taire. & d'estre bons amis: ce qu'ils furent; mais non comme auparavant, & sous quelque beau semblant. Et puis la prise & l'emprisonnement de Monfieur d'Andelot, avec autres envies ambitieuses, alluma mieux le feu de la hayne, qui a duré jusques à leur mort.

Monsieur l'Admiral a dit à un homme qui, me l'a dit, qu'il ayda fort à Monsieur de Guyse à le faire aymer à Monsieur le Dauphin, lequel avoit eu force Favoris; mais les principaux estoient Andouin, Dampierre, Saint-André, Chastaigneraye, Chastillon, & des Cars (1). Andouin sur tué devant Landrecy, & fort regretté de son maistre, Dampierre sut disgracié, & chassé hors de la Cour,

⁽¹⁾ ou Descars.

MR. L'ADM. DE CHASTILLON. 195

par la menée de Monsieur de Chastillon, qui surprit & intercepta quelques lettres qui fai-soient contre son maistre & Madame de Valentinois, que le Roy aymoit; si-bien qu'il sut chasse de la Cour, pour n'y tourner plus.

On trouva fort estrange ce trait ingrat de Dampierre, (il faut que j'en parle ainsi, bien qu'il fust mon oncle,) qu'on ne faisoit que venir de le sortir des escoles de Paris. & n'avoit rien veu encore de guerres. Monsieur le Dauphin le prit à luy, & en telle amitié, qu'il luy fit donner une Compagnie de cinquante Hommes d'armes, & le fit son premier Gentil-Homme de sa chambre, non sans grande envie de plusieurs autres, qui le méritoient mieux que luy. Ainsi trahit-il son maistre. Il avoit espousé ma tante; mais s'il fit ce coup, je ne puis que je ne le blasme, & que je n'en die le vray. Le Seigneur des Cars se trouva aussi embarrassé avec, luy lequel fut aussi disgracié.

Mon oncle de la Chastaigneraye ne sit pas ainsi; car il sur serme & loyal à son maistre en la querelle qu'il prit & espousa pour luy contre Jarnac; parce que ledit Jarnac, s'estant vanté d'avoir couché avec une Dame, sa proche & belle-mere, & l'ayant dit à Monsseur le Dauphin, il le redit à d'autres. Jarnac le sçachant, dit que quiconque l'avoit dit, qu'il eust dit, ou s'en sus fust vanté, qu'il avoit menty. Mon oncle, curieux de l'hon-

neur de son maistre, & le voyant en peine, car il craignoit que le Roy l'intentast, d'autant que ledit Jarnac avoit espousé la sœur de Madame d'Estampes, Favorite du Roy, prit le démenty pour son maistre sur luy, & dit qu'il l'avoit dit à luy-mesme, & qu'il le combattroit là-dessus, comme il s'ensuivit, (j'en parle fort au long ailleurs (1),) & mourut sur le point & sur le regne que son maistre l'eust fait très grand.

Messieurs de Chastillon & de Saint-André resterent seuls Favoris, lesquels pourtant, du temps du Roy François, eurent quel-

que picque qui ne dura gueres.

Monsieur de Guyse, encore qu'il fust un jeune Prince, beau & de bonne grace, trèsadroit & très-bon Homme d'armes, qui se faisoit fort valoir aux tournois de la Cour, il s'accosta de Monsieur l'Admiral, jurerent ensemble amitié telle que j'ay dite, qui dura bien quasi cinq à six ans: & pour ce, dit-on, & Monsieur l'Admiral l'a dit à homme qui me l'a dit, que mondit Sieur l'Admiral le sit aymer à Monsieur le Dauphin, de telle saçon qu'on l'a veu depuis & après (comme j'ay dit) que les haynes se semerent entre eux deux: mais non tant que Monsieur l'Admiral n'advertist, du temps du Roy François II, Ma-

⁽¹⁾ Dans le Discours des Duels, Tome XIL.

MR. L'ADM. DE CHASTILLON. 197 dame de Guyse, qu'il y avoit encore une conjuration secrette contre Monsieur de Guyse & sa vie, & qu'elle y prist garde & l'en adverrist.

Monsieur l'Admiral ne voulut donner tel advis à Monsieur de Guyse luy-mesme, comme j'ay ouy dire, asin qu'il ne pensast que, pour tel advis, il voulust regagner son amitié, & faire du bon & officieux compagnon; mais il le voulut addresser à Madame sa femme. Et cet advis fut donné après la fédition & conjuration d'Amboise, qui estoit pour la feconde; car Monsieur l'Admiral ne sceut jamais ladite conjuration d'Amboise, à ce que i'ay ouy dire à aucuns des plus anciens de la Religion, & aussi à la Vigne, valet de la Renaudie, qui en sçavoit tout le secret. On ne la luy voulut jamais conférer, d'autant que les conjurateurs le tenoient pour un Seigneur d'honneur, homme-de-bien, sage, meur, advisé, politique, brave, censeur, pesant les choses, & aymant l'honneur & la vertu, comme il avoit tousjours fait paroistre par ses belles actions passes, & pour ce, les eust bien renvoyez loing, rabrouez, & reculé le tout, voire aydé à leur courir sus. Il n'estoit pas alors à Amboise, mais ouy bien Monsieur le Cardinal son frere, lequel je vis fort animé & coléré contre ces entrepreneurs, & aussi eschaussé à les faire pendre & faire leur procès, que tout autre : voire luy-mesme je

I iij

le vis sortir courageusement sur la Motte aux Connils, ce jour qu'ils vindrent se présenter

là auprès,

Il avoit raison de s'en formaliser ainsi, & Monsieur l'Admiral de n'en avoir rien sceu, ny s'en estre messé le moins du monde; car c'estoit l'acte le plus meschant, vilain & détestable qui sit jamais: car quelque belle palliation, couverture & couleur qu'ils luy putent donner, qu'ils n'en vouloient qu'à Messieurs de Guyse, (d'autres disoient qu'ils ne vouloient que présenter une requeste au Roy,) s'ils sussent venus à bout de leur dessein, & sussent esté les plus sorts. il ne saut point douter que le Roy eust passé comme les autres, ainsi que la Vigne luy-mesme me l'a dit, & d'autres aussi.

La premiere discorde qui parut entre Monsieur de Guyse & Monsieur l'Admiral pour la Religion, ce sur à Fontainebleau, quand le Roy François II y sit assembler une petite sorme d'Estats, & que Monsieur l'Admiral présenta requeste au Roy pour ceux de la Religion, demandant liberté de conscience, & qu'il parloit de la part de cinquante amille hommes: que Monsieur de Guyse ne se put contenir de colere, qu'il ne dist, qu'il en meneroit coutre eux cent mille bons Catholiques, pour leur rompre la Teste, dont il sèroit ches. Le Roy François vint à moutir, là où Monsieur l'Admiral commença à

Mr. L'Adm. de Chastillon. 199

entrer en vogue autant que jamais, par le moyen du Roy de Navarre, qui sentoir de la Religion, & qu'il possedoit, & Monsieur le Prince aussi, qui estoit son nepveu, ayant espousé sa niepce, fille de Madame de Roye, sa sœur.

Monsieur l'Admiral prend ce grand appuy, pour non pas seulement appuyer sa Religion, mais pour la hausser bien haut, ainsi qu'il partut dès cette mort jusques à la premiere prise des armes: & le tout sur par les menées artissicieuses & le gentil esprit de Monsieur l'Admiral, qui conduisoit & gouvernoit tout à la Cour, lors que l'Edict de Janvier se sit, comme je vis moy-mesme.

Voilà donc la Religion si hausse, si bien relevée & fortisiée, qu'à cette prise des armes premieres, tout-à coup quasi toutes les meilleures Villes de France furent surprises par ceux de la Religion, qui sut un très grand cas: mesme Paris estoit en danger, sans les venuës & secours de Messieurs le Connestable, de Guyse, & Mareschal de Saint-André.

Toulouse aussi, qui est après Paris la plus ferme Catholique, & la plus remplie de Catholiques qui soit en France, sur prise: & sans Monsieur de Boyjourdan l'aisné (1),

⁽¹⁾ Ou Bazordan. Il fut tué au fiege de Montauban le 22 Octobre 1562. Un Boisjourdan, Of-L iv

très-brave & vaillant Gentil-Homme, nepveu de Monsieur le Mareschal de Termes, & autres vaillants & braves Gentils Hommes Gascons, que Monsieur de Montluc raconne, elle estoit Huguenotte comme les autres; car elle fut prise vingt heures, & puis recouverte par les armes & la conduite belle dudit Boyjourdan, & autres braves & vaillants de la Ville.

De spécifier par noms les Villes qui furent alors surprises, ce seroit chose superflue: car je me souviens que, lors de cette grande esmeute & sédition, quand on demandoit quelles Villes estoient prises, & quelles Villes tenoient pour les Huguenots? On disoit: Mais demandez qui sont celles qui ne tiennent pour eux? Et de toute cette grande, admirable & incrédule entreprise, sur le seul autheur & conducteur Monsieur l'Admiral. Par-là on peut connoistre quel grand Capitaine ç'a esté.

J'ay ouy conter que le Prince de Parme derniérement, quand il eut entendu la grande révolte que feu Monfieur de Guyse sit de tout le Royaume de France, & mesme de la Ville de Paris, en ces Barricades, qui en

ficier de la garnison de Treves, sut décapité en 1675 à Metz, pour sédition contre le Maréchal de Crequi, ensermé dans Treves, & qui ne vouloit pas rendre cette Place, que les Allemands assiégeoient.

MR. L'ADM. DE CHASTILION. 201

moins d'un rien furent faites contre le Roy, qu'il dit & advoüa, que Monsieur de Guyse estoit le plus grand Capitaine aujourd'huy de toute la Chrestienté, par une si soudaine révolte & désobéissance contre son Roy. Je croy que dans son ame, il eust bien voulu en pouvoir faire de mesme au Pays-Bas, pour s'en rendre le maistre, & en despouiller le Roy d'Espagne, & puis après porter le tiltre luy-mesme qu'il bailloit à autruy, bien

qu'il le portast d'ailleurs.

Voilà donc pourquoy nous devons tenir Monsieur l'Admiral très-admirable & un trèsparfait Capitaine, d'avoir bandé contre son propre Roy, fon Royaume, & l'avoir luymesme ainsi soustenu & maintenu par ses armes si bravement, & par son esprit, ses menées & conduites, si sagement. J'ay ouy dire qu'un jour luy devisant familièrement avec Monsieur le Mareschal de Strozze, sur la grandeur & splendeur du Royaume de France, & que mal-aysément se pourroit-elle ruyner ny esteindre, & par quel moyen pourtant cela se pourroit faire: Monsieur le Mareschal luy respondit, qu'il n'y en avoit d'autre que de luy faire changer de Religion, & introduire une nouvelle; affirmant que les changements de Religion font perdre les Royaumes plus que tous autres moyens & inventions, artifices, ambitions, dominations, nouvelles libertez, ou soulagement de Tailles,

202 Hommes illustres François. & eslévation de peuples, sçauroient saire, ny nouveau Prince.

Et c'est ce que dit une sois un certain Ambassadeur du Pape au Roy François, qui, se plaignant & se mescontentant du Pape Clément pour quelque chose, il luy dit, que s'il ne le contentoit, il permettroit la nouvelle Religion de Luther en son Royaume, aussi-bien qu'avoit fait le Roy d'Angleterre. Cet Ambassadeur luy respondit franchement: Sire, vous en seriez marry le premier, & vous en prendrois très-mal, E y perdriez plus que le Pape; car une nouvelle Religion, mise parmy un peuple, ne demande après que changement du Prince. A quoy songeant incontinent le Roy, il embrassa ledit Nonce, & dit qu'il estoit vray, & l'en ayma tousjours depuis de ce bon advis. Voilà pourquoy le Grand-Sultan Solyman deffendit celle de Luther comme la peste, se fondant sur ces mesmes raisons.

J'ay usé de ce mot de Nonce, puis qu'il s'use aujourd'huy; mais j'ay veu à mon advenement à la Cour, que l'on n'en usoit, si-non d'Ambassadeur du Pape: & quand ce nom de Nonce sur introduit, par dérision on disoit: Voilà l'Once du Pape. Et certes plusieurs ne gousterent bien ce mot du commencement, comme autant vaudroit qu'on dist le Messager du Pape, comme Nonce; car Nuncius en Latin, n'est autre chose à

MR. L'ADM. DE CHASTILLON. 203 dire que Messager: & par ainsi, ces beaux Pindariseurs de mots, pensant faillir, ou ne dire pas bien qu'Ambassadeur du Pape. allerent trouver le Nonce du Pape, que (comme j'ay dit) au commencement que cenom fut introduit parmy les Dames, Filles, & Cavaliers de la Cour, ils disoient souvent par dérission, quand l'Ambassadeur ou le Nonce du Pape arrivoit en la chambre du Roy & de la Reyne: Gare, l'Once du Pape qui arrive. Surquoy feu Monsieur de la Fayette, qui rencontroit des mieux, bien qu'il bégueyast un peu, dit une sois: Par Dieu, (dit-il) l'on changera tant ces noms d'Ambassadeur & de Nonce du Pape, qu'à la fin on viendra dire: Voilà l'Ange, ou l'Annonciateur, ou le Précurseur du Pape, qui vient parler au Roy & à la Reyne.

Or, pour revenir à Monsieur l'Admiral, il prit si grand goust à cette noix que luy donna Monsieur le Mareschal de Strozze, qu'il ne s'en dégousta jamais, jusques à ce qu'il en eust fait & veu l'expérience : & pour ce, aucuns ont voulu dire, qu'il avoit plus d'ambition que de Religion, & que ses actions ont plus tendu à l'un qu'à l'autre. Or, je ne sçay ce qu'il en pouvoit avoir dans l'ame pour cela. Mais le zele & la dévotion qu'il a porté tousjours à sa Religion, & comme il l'a bien embrassée & servie, sont foy de tout : & qui plus est, les paix qu'il

a faites. Car aussi-tost que le Roy luy accordoit, & à ses partisans, l'exercice de leur Religion, le voilà qu'il mettoit aussi-tost armes bas, sans retenir une seule Ville pour sa seureté, & les rendoit aussi-tost toutes; ce que n'ont fait les autres qui ont commandé après luy: & quand on luy disoit pourquoy il n'en retenoit aucunes pour soy & pour eux tous, il respondoit, qu'ils ne sçauroient se rendre plus coupables que de cette saçon de tenir les Villes ainsi du Roy; & que, puis qu'il leur permettoit ainsi la liberté de leurs consciences & l'exercice de leur Religion, que vouloient-ils davantage?

Aux premieres & secondes guerres, il rendit tout aussi-tost Orléans, qui leur avoit esté tant bonne Ville, & tant propre nourrice: & plusieurs luy cryoient, pourquoy au moins il ne réservoit cette Ville pour sa seureté, & qui estoit si proche de sa maison? Il rendit, aux troisiesmes troubles, Angoulesme de mesme, que les Huguenois de Poictou, Angoulmois, & Xaintonge, qui en ont esté la fourmilliere ou pépiniere, tousjours cryerent fort après luy, & le prierent instamment de ne la rendre; voire qu'ils voulurent mal mortel à Monsieur de Sainte-Mesme, sage & bon Capitaine, qui l'avoit rendue si facilement, qu'il ne l'eust gardée pour eux. ~

Mais ce grand Admiral estoit si grand, si

MR. L'ADM. DE CHASTILLON. 203

craint, & si redouté, & avoit pris telle créance & pouvoir sur ses partisans, qu'ils n'eussent jamais osé le moins du monde contredire à ce qu'il avoit une sois dit & arresté; & aussi, qu'il se fondoit tousjours sur ce grand point de la Religion: Car (disoit-il) puis que nous avons nostre Religion, que nous faut-il davantage? Dont par-là connoit-on combien il estoit plus homme-debien & religieux, qu'on ne pensoit. Aussi

telle bonté le fit perdre.

Car s'il se fust réservé de bonnes Villes. on eust dix fois songé à le faire mourir. Bien est-il vray, qu'il a esté fort ambitieux pour fon Roy, & fort songeant & tendant à le faire grand. Car il me fouvient que (lors qu'il vint à la Cour, où il mourut, le Roy estant à Saint-Clou, au mesme logis où la conjuration fut faite contre luy, & où depuis fut tué nostre Roy Henry III, le grand autheur & fauteur de la conjuration, & la Reyne y fut malade,) un matin, qu'elle avoit pris médecine, Monsieur l'Admiral entra dans sa salle, où il nous trouva, Monsieur de Strozze & moy, tous deux tous seuls: ainsi qu'il frappa à la porte de la chambre de la Reyne, pour y entrer, une de ses Femmes-de-chambre, qui estoient quasi toutes Huguenottes, au moins les principales, luy dit que la Reyne n'avoit encore rendu se médecine, & qu'il attendist un peu; ce qu'il

fir: & se mit à promener avec nous, & nous discourir des affaires de Flandres, qui alloient bien à cause des Villes de Valanciennes & Mons surprises, dont il en avoit une joye extresme; & puis nous parla de nostre embarquement que nous allions faire en Broüage, & des commandements qu'il avoit faits aux ports de son Admirauté de nous assister du tout. Or, dit-il, Dieu soit loue, tout va bien. Avant qu'il soit long temps, nous aurons chassé l'Espagnol du Pays-Bas, & en aurons fait nostre Roy maistre, ou nous y mourrons tous, & moy-me/me le premier; & n'y plaindray point ma vie, si je la perds pour ce bon subjet. Et pour ce, vouloit-il fort que Monsieur de Strozze rompist son dessein d'aller vers les Isles du Pérou. & allassions fondre par mer en Flandres, & luy viendroit par terre: si-bien que si nous nous entendions ainsi, tout iroit à souhait: & dérechef nous envoya en Broüage un très-habile Gentil-Homme des siens, pour nous prier encore de nous y acheminer, & luy qui commençoit à partir. A quoy nous fusmes esbranslez. Mais nous nous donnasmes la garde, qu'au plus beau de nos belles réfolutions & déterminé partement, la mort malheureuse entrevint de ce grand Capitaine.

Mort malheureuse la puis-je bien appeller pour toute la France, veu les maux qui depuis s'en sont ensuivis, & s'ensuivront en-

core. Car que pouvoit le Roy souhaiter davantage & de meilleur, que de deffaire de telle façon un si puissant ennemy, puis que, dans son ame, il le tenoit tel, bien qu'il luy monstrast beau semblant, & s'en alloit de fon Royaume, & luy emmenoit vingt mille hommes de ses partisans, & Dieu sçait, des meilleurs, & luy alloit conquester tout un Pays aussi grand qu'un Royaume, & le luy approprier? Car pour soy, il n'en vouloit point : c'estoit abus, ny qu'il se voulust faire Roy de France. Il en eut autant d'envie & de souhait, que moy. Mais bien desiroit-il avoir une grande Charge foubs fon Roy, tenir près de luy le rang qu'il méritoit & avoit tenu autrefois près de son grand Roy Henry, estre son Lieutenant-Général en ses conquestes, & en estre gratisié de quelques biens. comme de raison : & se fust il ainsi mieux. maintenu & agrandy, & se fait craindre. foubs l'authorité d'un tel Roy son maistre. que s'il eust voulu le tout s'approprier à luy, & s'en faire souverain : il eust eu de la peine grande & du danger, pour longuement garder ce tiltre & prééminence. Et voilà ce qu'il vouloit; car je le seay d'un bon lieu & d'un homme qui le scavoit & tenoit de luy: & voilà ce que le Roy luy devoit accorder & permettre de laisser faire, & purger son Royaume de gens qu'il n'aymoit pas, sans se souiller les mains d'un très-ord massacre;

ainsi que sit Bertrand du Gueselin, ce grand Capitaine, quand il purgea la France de ces meschants garniments & faineants de guerre, & les emmena avec luy. C'estoit un vray & pareil moyen de se deffaire ainsi des Huguenots: & ce fut ce que Monsieur l'Admiral sceut bien représenter au Roy, quand il luy remonstra qu'il falloit faire la guerre au Roy d'Espagne, ou qu'il se résolust d'avoir encore la guerre en son Royaume, dont aucuns du Conseil en furent si scandalisez qu'ils. commencerent à cryer sourdement: Tolle, tolle, crucifige, blasphemavit (1), & en firent un grand bouclier & en leverent la banniere. Mais ils ne le prirent pas du bon biais qu'il le falloit, pauvres gens qu'ils eftoient. Car Monsieur l'Admiral voyoit bien le naturel de ses Huguenots, que, s'il ne les occupoir & amusoit au-dehors, que pour le seur, ils recommenceroient à brouiller audedans, tant il les connoissoit brouillons. remuants, fretillants, & amateurs de la picorée. Je sçay ce qu'il m'en dit une fois à la Rochelle, que je l'estois allé voir, & mourut un an après : & me faisoit cet honneur de discourir avec moy, bien que je ne susse de son party, & fusse encore jeune, & fort

⁽¹⁾ C'est-à-dire. Otez-le, otez-le, & le crucifiez, il a blasphémé.

MR. L'ADM. DE CHASTILLON. 209 incapable de ses secrets; mais il m'aymoit; car je luy estois sort proche, à cause de Madame sa semme.

Je sçay bien aussi ce que m'en a dit Monsieur de la Nouë, lequel, tant qu'il a pu,
reprit les erres de Monsieur l'Admiral, pour
jetter la guerre de dedans au dehors, ainsi
qu'il a fait paroistre par le long séjour qu'il
a fait en Flandres, car il m'a juré cent
fois, qu'il n'y avoit rien au monde qu'il détestast tant que la guerre civile, & que Monsieur l'Admiral la détestoit bien autant, &
que jamais plus il n'y retourneroit que par
force.

Le Roy donc, ne se voulant servir de luy en si bonnes affaires, sut, ou de luy-mesme, ou de plusieurs de son Conseil, persuadé de le faire mourir: & pour ce, sut attiré le Sieur de Montravel, qui avoit sué auparavant le Sieur de Moüy, son maistre, qu'on appelloit le Tueur du Roy, ou le Tueur aux gages du Roy; lequel, ainsi que Monssieur l'Admiral se retiroit en son logis, & estant devant celuy du Chancelier, ledit Montravel, caché en une sensstre d'un meschant petit logis, qui estoit là-près, tira à mondit Sieur l'Admiral une harquebuzade au bras, ainsi qu'il lisoit une lettre en marchant.

Monsieur l'Admiral, se sentant blesse, il ne dit autre chose, si non que: Le coup vient de là: & se retira en son logis, & se

fit soudainement panser. Le Roy & toute st Cour, tant des Catholiques, que des Huguenots, fut fort troublée, mais plus les Huguenots, qui userent des paroles & menaces par trop insolentes, qu'ils frapperoient, qu'ils tueroient; ce qui causa la mort de Monsseur l'Admiral: non qu'il fust mort de son coup, car ce ne fust rien esté; mais qu'on la luy procura, veu les menaces. Pour ce, le massacre général de la Saint Barthelemy fut arresté & conjuré. Je m'en rapporte à ce qui en est. Il n'y en a aucun qui le scache mieux aujourd'huy que le Mareschal de Rays (1), le premier & principal autheur & conseiller du fait, lequel est encore vivant : car tous les autres sont morts par permission divine, puis que Dieu ne hayt (2) tant, que le sang respandu de quelque créature que ce soit; car elle est faite à sa semblance. Ledit Mareschal n'est pas mort encore; mais y a près de vingt ans qu'il est si mal-sain, que sa vie ne s'appelle pas vie, mais plustost martyre.

Monsieur l'Admiral estant blessé, sut sort bien secouru des Médecins & Chirurgiens du Poy, & mesme de ce grand personnage Maistre Ambroise Paré, son premier Chirurgien, qui estoit sort Huguenot; & y surent

⁽¹⁾ Le Maréchal de Retz.

^{4 (2)} rien.

MR. L'ADM. DE CHASTILLON. 211

tous envoyez du Roy. Il fut aussi visité du Roy, qui jura & renia, qu'il vengeroit fa blessure, & qu'il prist courage, & qu'il connoistroit combien cela luy touchoit. La Reyne aussi le fut voir, & leur dit à tous deux de grandes choses, dit-on, & leur révéla de grands secrets, qui tendoient tous à leur grandeur: & fon discours dura fort longtemps, qui fut entendu fort attentivement de Leurs Majestez, & monstrerent grande apparence par l'extérieur qu'elles le gousoient; mais tout ce beau semblant tourns après à mal, dont l'on s'estonna sort comme Leurs Maiestez ponvoient jouer un tel rosse ainsi emmasqué, si auparavant elles avoient résolu ce massacre.

L'heure donc de la nuit & des matines de cette sanglante sesse, estant venue, Monsieur de Guyse en essant adverty du Roy, & bien-ayse de l'occasion de venger la mort de Monsieur son pere, s'en alla très bien accompagné au logis de Monsieur l'Admiral, qui sut aussi-tost forcé. Il en ouyt le bruit, & se douta soudain de son malheur, & sit sa priere à Dieu.

Sur ce, Besme, Gentil-Homme Allemand, le premier bien suivy monta en haut, & ayant sausse la porte de la chambre, vint à Monsieur l'Admiral, avec un grand espieu large en la main. A qui Monsieur l'Admiral ayant dit: Ah! jeune homme, ne

souille point tes mains dans le sang d'un si grand Capitaine. L'autre, sans aucun esgard, luy fourre dans le corps ce large espieu: & puis luy & d'autres le prirent, (Monsieur de Guyse, qui estoit en bas, cryoit: Est-il mort?) & le jetterent par la fenestre dans la cour: non sans peine; car le corps retenant encore de cette vigueur généreuse du passé, résista un peu, s'empeschant des jambes contre la muraille de la fenestre, à cette cheute. Mais aydé par d'autres, il fut précipité. Monsieur de Guyse ne le fit que regarder seulement, sans luy faire outrage, tendant à la mort. De descrire les insolences & opprobres, que d'autres firent à son corps, cela est indigne de la plume & escriture d'un honneste Cavalier: mais tant y a que tels luy firent des injures, des vilainies, infolences & opprobres, lesquels auparavant ne l'osoient regarder, & trembloient devant luy. Ainsi vit-on jadis devant Troye, des Grecs les moins vaillants braver autour du corps d'Hector mort. Ainsi voit-on souvent aux déserts de Barbarie les animaux les plus timides braver autour d'un grand lyon mort, gisant dessus le sable, qui souloit estre auparavant la terreur de tout un terroir & de toute une grande & spacieuse forest. Ceux aussi, (& des plus grands,) qui craignoient ce grand Admiral, & qui à teste basse s'inclinoient à luy auparavant, bravoient & triom-

MR. L'ADN. DE CHASTILLON. 213

phoient très arrogants autour de ce pauvre tronc. Sa teste sut aussi-tost séparée de ce noble corps, & portée au Pape, ce dit-on, mais (1) la plus saine voix, au Roy d'Espagne, en signe d'un présent fort triomphant & très-agréable, qui sut accepté d'un visage très-joyeux, & d'un cœur de mesme. Tant y a que, ce sust ou l'un ou l'autre qui le receust, (2) eut grand subjet de s'esjouyr; car ils perdirent un très grand & très dangereux ennemy, qui leur eust bien sait du mal encore, si on l'eust laissé faire.

J'ay ouy conter à un galant Cavalier, qui estoit alors en Espagne, quand les nouvelles du massacre de la Saint-Barthelemy y arriverent, lesquelles porta un courrier du Roy d'Espagne des meilleurs qu'on pust voir, & s'appelloit Jean Bourachio, qui sit telle diligence, qu'en trois jours & trois nuits il arriva de Paris à Madrid, & sans dormir; ce que le Roy son maistre admira fort: aussi luy donna-t-il bien le vin, tant pour la diligence que pour les bonnes nouvelles qu'il

luy porta.

Il ne faut point douter si le Roy d'Espagne en sut bien-ayse; car au monde n'avoitil pires ennemis que Monsieur l'Admiral &

fas partifans.

Du commencement, il ne put croire que tous les principaux chefs sussent esté ainsi attrappez, sans la lettre que le Roy son frere luy escrivoit, ce disoit il, qui en faisoit bonne son. Après que le Roy eut bien interrogé son courrier, il l'envoya de ce pas à l'Admiral de Castille, qui estoit alors à Madrid, ensemble la lettre que le Roy luy escrivoit, pour luy faire part des bonnes nouvelles qu'il avoit receues.

Le courrier essant arrivé, il commence à cryer dès la porte & basse-cour du logis de l'Admiral: Nuevas, nuevas, buenas nuevas (1); & montant en la salle, que l'Admiral commençoit à souper, cryoit encore: Buenas nuevas. Todos los Luteranos, y de los mas principales, son muertos, y matados en Paris ay tres dias (2). Et s'approchant de l'Admiral, il luy donna la lettre que le Roy luy envoyoit; & l'ayant leue, il en sceut tout le discours, & par le courrier aussi: & s'estant tourné vers la compagnie qui estoit à la table, il dit: No es cosa mas cierta, que todos los principales son muertos, sino tres: & Vandomillo (il appelloit ainsi le

⁽I) C.-à-d. Nouvelles, nouvelles, bonnes nou-

⁽²⁾ C.-à-d. Bonnes nouvelles! Tous les Luthériens, & même les principaux, sont morts, & maffacrés à Paris depuis trois jours.

MR. L'ADM. DE CHASTILLON. 215

Roy de Navarre; comme disant, le petit Vendosme; mais il leur a bien appris depuis à l'appeller autrement.) primiero, alqual perdono el Rey, por l'amor de su esposa: al Principe de Condé perdone tan bien, porque es nigno: por tercero, el Conde de Montgomery, huy oyse (1) salvo con una vega (2), y bizo s'estenta (3) leguas s'imparar (4), & assi se salvo, per grand miraglo de Diablo, no de Dios (5).

Pour-lors soupoit avec cet Admiral de Castille, le Duc de l'Insantusque (6), fort jeune Prince, & peu encore pratic, qui demanda si ce Monsieur l'Admiral de France, & tous ses partisans, estoient Chrestiens? Qui respondit qu'ouy. Luy, après repliqua: Como Diablo puede ser, que, pues que son Fran-

⁽¹⁾ huyo y fe.

⁽²⁾ yega.

⁽³⁾ sestanta.

⁽⁴⁾ fin parar.

⁽⁵⁾ C.-à-d. Il n'y a rien de si certain que tous les principaux sont morts, exceptez trois: le premier, Vandomet, auquel le Roi a pardonné, à cause de sa femme: le second, le Prince de Condé, parce que ce n'est qu'un enfant: & le troisseme, le Comte de Mongommery, qui s'est sauvé sur une jument, par un miracle, non de Dieu, mais du Diable, ayant sait soixante & dix lieues sans s'arrêter.

⁽⁶⁾ Infantade.

ceses y assy Christianos, se matan como

bestias (1)?

L'Admiral luy respondit: Calla, Segnor Ducque, que la guerra dy Francia, es la pax d'Espagna, y la pax d'Espagna es la guerra dy Francia con nuestros Dublones (2). Voilà ce que m'en conta ce Cavalier, qui estoit alors à la table de cet Admiral,

qui ouyt rout ce discours.

Touchent l'allegresse & la contenance qu'en sit le bon & saint Pape Pie V, (on le peut appeller ainsi) de ce massacre sus sit pour lors estoit à Rome, & qui en sçavoit des secrets, que, quand on luy en porta des nouvelles, il en jetta des larmes, non pour joye qu'il en eust, comme sorce gens sont en cas pareil, mais de deuil: & quand aucuns de Messieurs les Cardinaux, qui estoient près de luy, remonstrerent pourquoy il pleuroit & s'attristoit ainsi d'une si belle dépesche de ces gens malheureux, ennemis de Dieu & de

(1) C.-à-d. Comment, Diable, se peut-il, que, puisqu'ils sont François & Chrétiens, ils s'assomment ainsi comme des bêtes?

⁽²⁾ C.-à-d. Doucement, Mr. le Duc. La guerre de France est la paix de l'Espagne, & la paix de l'Espagne est la guerre de la France, à l'aide de nos Doublons.

MR. L'ADN. DE CHASTILLON. 217 de sa Sainteté? Hélas, hélas! (ce dit-il) je pleure la façon dont le Roy a usé, par trop illicite & deffendue de Dieu, pour faire une telle punition; & que je crains qu'il en tombera une sur luy, & ne la fera gueres longue desormais! Comme ce saint homme sceut très-bien prophétiser par l'Esprit de Dieu, que je croy qu'il avoit autant que jamais eut Pape. Je pleure aussi (dit-il) que, parmy tant de gens morts, il n'en soit mort aussi-bien des innocents que des coupables. Comme il fut vray, mesme de fort bons Catholiques, que leurs ennemis faisoient accroire qu'ils estoient Huguenots. De plus, ajousta ce bon Saint Pere: Possible qu'à plusieurs de ces morts. Dieu eust fait la grace de se repentir, & de retourner au bon chemin, ainst que l'on a veu arriver à force en cas pareils. Comme de vrav. combien avons-nous veu depuis force Huguenots s'estre convertis, & faits bons Catholiques? Les chemins en rompent. Voilà le beau dire & la belle prophétie de ce Saint-Pere sur ce malheureux massacre.

C'est un grand cas, qu'un Seigneur simple, & non point Souverain, mais pourtant d'un très haut & ancien lignage de Coligny en Savoye, & autresois Souverain & trèsgrand, ayt sait trembler toute la Chrestienté, & remplie de son nom & de sa renommée, tellement que lors, de l'Admiral de France,

Tome IX.

en estoit-il plus parlé que du Roy de France. Et si son nom estoit connu parmy les Chrestiens, il est allé jusques aux Turcs : de telle façon, & n'y a rien si vray, que le Grand-Sultan Solyman, l'un des grands personnages & Capitaines qui regna depuis les Ottomans, un an avant qu'il mourust, l'envoya rechercher d'amitié & accointance, & luy demander advis comme d'un Oracle d'Apollo; & comme je tiens de bon lieu, ils avoient quelque intelligence pour faire quelque haute entreprise, que je n'ay jamais pu tirer ny scavoir de Monsieur de Theligny, mon grand amy & frere d'alliance, qui fut dépesché de Monsieur l'Admiral, avec le Seigneur de Villeconin, à Constantinople, là où ils ne le trouverent point, car il en estoit déja party -pour son voyage de Siguet, où il mourut. Voilà quel a esté ce grand Admiral, parmy les Chrestiens, & parmy les Insideles.

Je parle de luy en mon Livre des Colonels plus au long; & sur ce beau renom, il est mort. Quel dommage! Il y eut quelqu'un qui sit son épitaphe en Vers Grecs, où il introduit un passant qui s'enquiert & demande là-où est le tombeau de ce grand Admiral tant renommé par le monde, qu'il demande par grande admiration visiter. Un autre luy respond: Passant, sans faire plus grand chemin, tu peux bien ne passer plus outre, ou t'en retourner en-arriere: car tu n'en

MR. L'ADM. DE CHASTILLON. 219

srouveras aucun icy bas, d'autant que le monde & le Ciel l'ont pris, & l'ont porté ensepvelir dans le sein de l'immortalité,

où maintenant il gist à son ayse.

Parlons un peu, que devint ce Besme qui le tua. On disoit pourtant qu'alors Sarlabous, Gouverneur du Havre, se vanta de l'avoir cué. Si c'est la vérité, ou qu'il s'en soit vanté à faux, c'est une récompense mauvaise d'un Capitaine envers son Colonel, qui d'autresfois luy avoit commandé. Mais pour le seur. ce fut Besme: possible que l'autre luy donna quelque coup. Et pour en voir une divine vengeance, ce Besme estoit un Gentil-Homme Allemand, que j'avois veu d'autresfois nourry Page du Cardinal de Guyse. Il se mit en telle grace & amitié de Monsieur de Guyse, qu'il le gouvernoit paisiblement; & pour ce luy fit-espouser la fille bastarde du grand Cardinal de Lorraine. Je nommerois bien sa mere, & cette fille, dite Arne, fort belle & honneste Damoiselle, & bien créée en la Cour d'Espagne, & nourrie de cette nostre grande Reyne de là, à qui je l'ay veuë; & après sa mort, elle s'en vint en France demeurer avec la Reyne-Mere, qui n'en refusa jamais.

Le Roy d'Espagne sur si libéral à l'endroit de toutes ces silles nourries avec la Reyne sa semme, qu'entr'autres beaux présents, il leur donna à hacune trois ou quatre mille

Κij

escus pour mariage, s'il me souvient bien; mais il me semble qu'il y en avoit plustost plus que moins: & ce mariage n'estoit payé, ny délivré, si-non lors qu'elles estoient mariées.

Arne doncques estant mariée, son homme se résout deux ans après d'aller en Espagne. par le moven de Monsieur de Guyse, tant pour quérir son mariage, que pour braver & se monstrer en piasse devant le Roy & les. Espagnols, & dire que c'estoit luy qui avoit fait le coup de Monsieur l'Admiral; (& quel coup à son advantage, qu'un petit enfant en eust fait autant?) Il y va sans danger, & y fut très-bien venu & payé, dont la pluspart de son argent il le mit en pierreries, bagues, joyaux & babioles, pour mieux porter fon fait, & aussi qu'il scavoit bien que Monsieur de Guyse l'en déchargeroit. Outre tout cela, le Roy d'Espagne le gratifia de quelque autre présent, pour la gratification & récompense du meurtre, pour son retour. Il sut si imprudent & perdu d'esprit & d'entendement, ou Dieu, juste vengeur des forfaits, possible ·l'aveugla de telle façon, ou son démon malin ou malheureux destin l'y conduisoit, qu'il vint passer le grand chemin des postes de la Guvenne, où les Huguenots avoient bon crédit, lesquels alors faisoient quelque petite guerre pour les forteresses petites qu'ils tenoient. Par-quoy, il fut pris entre Barbezieux & Chasteauneuf, & mené prisonnier au Chas-

MR. L'ADM. DE CHASTILLON. 221

teau de Bouteville, où commandoit pour lors le Sieur de Bertauville, qui commande au-

jourd'huy à Ponts.

Il fut la gardé long-temps prisonnier, dont fut remonstré audit Bertauville ce qu'il vou-loit saire de cet homme; & qu'il ne falloit qu'une heure qu'il se sauvast, (comme de vray il la faillit une sois,) & s'il ne sçavoit

pas ce qu'il méritoit?

Par-quoy, un jour, on luy fit accroire, qu'il vouloit rompredes prisons & se sauver, comme de vray il y eut de l'apparence; sibien qu'il suit tué, & eut ce qu'il avoit pressé à Monsieur l'Admiral: & très-bien employé; car il estoit venu trop hautain & trop glorieux, de ce coup, bien qu'il ne sust plus mauvais qu'un autre, comme je le vis au siege de la Rochelle, ainsi que je le voyois sort eschaussé de retirer Monsieur de Guyse des coups & harquebusades, & luy remonstrer les hazards qu'il couroit, & luy pour son honneur avec son maistre.

Que si Monsieur de Guyse (disoit-on) l'eust voulu croire, il n'eust acquis la réputation d'estre si vaillant comme il a esté: & croy que, dès-lors, sa conscience l'avoit jugé pour l'advenir; car la mort de si grand personnage est tousjours satale à ceux qui la donnent ou procurent. Plusièurs, (comme cestuy cy) s'en sont ressentis, bien qu'ils sussent des plus grands, que je ne diray point. Et K iii

fi diray encore plus, que, bien que le Roy d'Espagne, & le Duc d'Albe, alors son Lieutenant en Flandres & au siege de Mons en Haynaut, quand cela vint, surent avec leurs Espagnols très-joyeux de cette mort, & dé plusieurs de ses partisans, si ne l'approuverentils jamais de la façon, & que cela sentoit plustost son carnage barbare & de Turc, que son cousteau de justice Chrestienne.

Je l'ay ouy dire à aucuns braves soldats Espagnols, que le Duc d'Albe ne sit pas ainst à ceux de la Ville de Harlem, qu'il sit tous punir par sorme de justice. Car aussi, pour quoy Dieu l'a-t-il donnée aux Grands, sinon pour la bien exercer comme il faut, &

non pour en abuser?

J'ay ouy aussi dire que, lors de sa mort, ledit Duc d'Albe dit: Muerto l'Admirante, perdido un gran Capitan por Francia, y

gran enemigo per Espagna (1).

Or, il y en a eu aucuns qui ont voulu dire mondit Seigneur l'Admiral n'avoir esté si hardy & vaillant Capitaine comme il a esté sage, prudent, & très-ingénieux. N'appellezvous point cela vaillant & hardy, qui a donné tant de battailles en son temps, & qui les

⁽¹⁾ C.-à-d. L'Amiral mort, c'est un grand Capitaine de perdu pour la France, & un grand ennemi pour l'Espagne.

MR. L'ADM. DE CHASTILLON. 223.

a fait germer de la façon qu'on les a veues?

Considérons un peu combien, en tant de guerres que nous avons faites de de-là & de-cà les monts, nous avons veu de battailles depuis celle de Ravenne, encore par si longs intervalles des unes aux autres, que l'on tenoit pour un grand cas de s'estre trouvé en une battaille: & y couroit-on comme à un Jubilé, à l'un pour gagner le salut de son ame, & à l'autre pour gagner l'honneur de Chevalerie, & saire appeller sa femme Madame.

Après Ravenne donc vint celle de Marignan contre les Suisses, celle de la Bicoque, celle de Pavie, celle de Cérizoles, celle de Renty, qu'aucuns ont voulu plustost dire. rencontre que battaille: mais pourtant, là-où l'artillerie joue, là-où les deux grands Chefs fouverains y font en personne & en armes. là où l'on combat si bien, que l'une des avantgardes est deffaite, & en route, cela se peut dire battaille, comme je tiens de grands Capiraines. De mesme en peut-on dire de celle du Mareschal Strozze, qu'aucuns ont tousjours plustost nommé la deffaite du Mareschal Strozze qu'autrement. Puis les battailles de Saint-Quentin & Gravelines. Voyez doncques qu'en si longues années, & parmy gens si guerriers que les François, Espagnols, Suisses & Italiens, si peu de battailles se sont ensuivies & ordonnées. Voyez aussi, de l'autre K iv

costé, combien Monsieur l'Admiral en cinq ou fix ans en a donné. Celle de Dreux, que i'ay veu comparer aux vieux Capitaines à celle de Ravenne, pour avoir esté très-bien débattue & opiniastrée. Voire celle des Suisses. Celle de Saint-Denis, avec une poignée de gens que les Huguenots avoient encontre nous, qui estions quatre contre un. Celle de Jarnac, ou Bassac, où nous avions des Reystres du Rhingrave & autres Estrangers, & eux n'estoient que François tous purs. Celle de Montcontour, où les uns & les autres François se trouverent fort entremessez de grande quantité d'Estrangers. Et puls celle d'Arne-le-Duc, qu'on a dit plustost rencontre que battaille.

Et notez qu'à toutes ces battailles, Monfieur l'Admiral mehoit les avant-gardes, & y estoit des premiers aux hazards & aux coups, dont il en rapportoit des aucunes de bonnes marques & blessures. N'appellez vous point donc celuy-là vaillant & hardy? Je ne mets en conte les sois qu'il a présenté sors battailles, qui n'ont manqué pour luy à estre données, comme à Talsy, à Pamprou, à Jazeneuil, à Lodun, qui faillirent pour les accidents & inconvénients, que ceux qui estoient de ce temps ont veu aussi-bien que moy, & que l'on a escrit; entr'autres Monsieur de la Nouë, qui en a parlé, & d'autres choses aussi véritables que jamais homme qui ayt MR. L'ADM. DE CHASTILLON. 225 escrit, bien que quelquesois il savorise un

peu les siens.

En quel rang mettrons-nous aussi la dessaite de la Roche-la-Bélie, là-où le Colonel-Général de nostre Infanterie sut pris, vingt-cinq Capitaines des siens morts, & quelque huit cents de ses meilleurs soldats. Je laisse à dire à ceux qui y estoient, à quoy il tint qu'à ce coup la battaille ne se donnast, ny mesme au petit Limoges.

Voilà donc comment ce grand Capitaine engendroit les battailles. Que si les unes venoient à leur perfection & maturité, & les
autres non, il n'en pouvoit mais, non plus
qu'un pere qui engendre des enfants, les uns
qui naissent & viennent à bien, les autres
meurent aussi-tost, & ne viennent à prosit,
ne laisse pour cela à avoir fait son devoir en

la procréation.

Tant d'autres endroits pareils conterois-je, mais je n'aurois jamais fait, qu'on pourra bien voir dans les Mémoires de Monsieur de la Nouë, avec plusieurs autres belles rencontres & desfaites, dont entr'autres, que Monsieur de la Nouë tait, en quoy m'en estonne, que j'ay veu fort louer & renommer, quand il dessit & brussa nos poudres, lors que le siege estoit devant Bourges, que nous susmes contraints d'envoyer à la picorée à Paris, dont l'on envoya six canons, poudres & balles, pour tirer quatre mille coups, avec tout le

reste nécessaire, accompagné des Compagnies de Gendarmes de Monsieur d'Anville (1), s'il me souvient bien & de Monsieur de Sipiere, à laquelle commandoit le Capitaine Bonnasse, bon & vaillant certes, avec quatre ou cinq Compagnies de gens de pied, tant du Capitaine la Chambre, bon soldat & bon matois, qui portoit ce nom pour avoir esté Valet de-chambre de Monsieur le Prince . & d'autres Capitaines. Monsieur l'Admiral, en avant eu advis, partit d'Orléans avec cinq ou fix cents chevaux, & vous alla raffler tout cela en un tourne-main près de Chasteaudun. Pondant que l'on s'amusoit à combattre, les chartiers détellent leurs chevaux, coupent cordages, & avec leurs chevaux fauve qui peut & s'enfuyent; si-bien que le tout demeura là à la mercy du vainqueur. Monsieur l'Admiral, voyant luy estre impossible de mener & faire conduire tout cela à Orléans, afin que son ennemy ne s'en prévalust, fit arranger ensemble toutes les poudres, les balles, les canons, bouche contre bouche les uns contre les autres, & puis fit faire une longue & grande traisnée de poudre : & s'estant retiré assez loing sur une petite montagne avec sa trouppe, s'amuserent tous à voir donner le feu à la traisnée, & voir jouer

⁽¹⁾ Damville.

MR. L'ADM. DE CHASTILLON. 227

la grande fougade, qu'on n'en vit jamais une telle ny faire un tel bruit ny tintamarre; & le tout s'en alla à tous les diables. Si ceux de Bourges ne se fussent rendus alors, ils nous mettoient en peine pour les prendre,

à faute de poudres.

Voilà aucuns tesmoignages, pour estre asfeurez, si Monsieur l'Admiral estoit vaillant & hardy. Et certes il le pouvoit estre; car il estoit issu de très-braves & vaillants peres grands-peres & ayeuls; si-bien que luy les ensuivant en ses jeunes guerres, il sit tousjours paroistre son généreux courage qu'il avoit extrait d'eux, ainsi qu'il sit devant Landrecy, & à la battaille de Cérizoles, où il fut fort blessé, n'y estant que pour son plaisir. & en d'autres endroits où il se trouvoit ordinairement. Moy luy ayant ouy dire une fois, que bien qu'il fust assez favorisé à la Cour, à cause de son oncle Monsieur le Connestable, jamais il ne se soucioit gueres de s'y amuser, ny en ses faveurs; mais s'alloit promener ordinairement là-où il y avoit des coups (& de l'honneur) à donner.

Aussi eut-il l'estat de Colonel fort jeune, & tout pour son mérité. En tel estat ne faut point qu'un poltron y entre: & qui y entre, & le fait bien sans reproche, croyez hardiment qu'il est brave & vaillant, ainsi que mondit Sieur l'Admiral le sit paroistre la, & depuis; car encore en ces guerres Hugue-

K vj

motes, il faisoit l'estat de Colonel tousjours, & sur-tout au siege de Poictiers, qui estoit aussi scabreux & dangereux que l'on en ait gueres veu, pour le grand nombre de braves & vaillants Princes, Seigneurs, & Gentils-

Hommes qui estoient là.

Et si mondit Sieur l'Admiral ne fust esté aussi bon homme de pied que de cheval, je ne sçay que fust esté de son armée & de son siege; mais il ne s'y espargna, ny aux dangers, ny aux harquebusades, non plus que le moindre soldat de son armée. Et si vous diray bien plus : car il a esté menacé cent fois d'estre assassiné, & qu'il y avoit gens attitrez, & de toutes parts appostez, pour cela, dont il en avoit des advis certains, fust à la Cour, aux armées, aux Villes, en ses maisons, & ailleurs. Jamais il n'en monstra aucun semblant d'avoir peur, ny ne s'en accompagna pas plus de coustrilleux (a) pour cela; mais se monstroit si asseuré, que bien souvent le trouvoit-on quelquesois qu'il n'avoit pas quatre hommes avec luy, comme je l'ay veu: & quand on le luy disoit, il respondoit seulement: Celuy qui m'attaquera, je luy feray aussi belle peur comme il me scauroit faire.

⁽a) Lisez Coussilleux, ou plutôt Coutilliers. De Coutillarius, Valet qui porte la lance de l'Homane

MR. L'ADM. DE CHASTILLON. 229

Je le vis une fois à Moulins, lors que Leurs Majestez les accorderent Messieurs de Guyse & luy: je dis ceux d'Eglise, qu'on disoit qu'ils faisoient pour tous pourtant, mais non ceux de l'Espée. Il y eut un Gentil-Homme Italien francisé, que je ne nommeray point, le Seigneur Jean-Baptiste, qui s'alla excuser à luy, qu'on luy avoit rapporté qu'il le vouloit tuer. Il ne s'en sit que rire & luy dire seulement, qu'il le pensoit moins de luy que d'homme de la Cour pour faire ce coup-là; le taxant froidement par ce mot, qu'il n'estoit pas assez courageux & asseuré pour faire ce coup.

Lors qu'il alla trouver le Roy à Blois, on luy remonstra fort la faute qu'il faisoit d'y aller, & qu'on luy donneroit la venuë. Rien, rien (dit-il): je me fie en mon Roy & en sa parole. Autrement, ce ne seroit point vivre que de vivre en telles allarmes. Il vaut mieux mourir d'un brave coup, que

de vivre cent ans en peur.

On luy en dit tout de mesme, quand il alla à Paris, & de-là trouver le Roy à Saint-Clou, & qu'il tourna encore à Paris. Il res-

pondit tousjours de mesme.

Telles démonstrations & appréhensions nulles de danger, monstroient bien qu'il estoit asseuré & hardy. J'en ay veu après luy venus en telles charges, qui en ont bien eu d'autres, appréhendans & suyans les présentants.

ces des Roys commé diables, & non cel Admiral.

Aussi ay-je ouy dire à Monsieur de la Brosse le bon-homme, l'un des bons, sages & vaillants Chevaliers de son temps, comme je dis ailleurs, qu'un jeune homme, qui est né courageux & hardy, & qui a fait paroistre son courage & sa valeur en la chaleur de sa jeunesse, il ne le perd jamais, quelque vieil alge qu'il sasse, si ce n'est par une grande disgrace: mais s'il ne l'a esté en jeunesse, qu'il ne pense pas que l'asge luy apporte la hardiesse, non pas mesme la pratique des armes, si ce n'est par grand hazard & sortune.

Et de fait, un jour j'estois en une bonne compagnie avec seu Monsieur du Gua, où on vint à parler d'un Seigneur que je ne nommeray point, qu'on le sit brave & vaillant. Comment, Mort-Dieu! (dit Monsieur du Gua) voulez-vous qu'il soit vaillant & hardy sur son asse, que jamais il ne l'a esté en sa bouillante jeunesse, & qu'à cette heure le commencement & l'apprentissage n'en est nullement bon? De cas, il y avoit avec nous un grand Philosophe Médecin, qui consirma son dire, & dit que la raison naturelle y estoit toute péremptoire, d'autant que le sang bouillant & chaud, qui estoit en un jeune homme, le rend hardy, prompt, actif, & tout ardent de valeur; & prompt, actif, & tout ardent de valeur; &

MR. L'ADM. DE CHASTILLON. 231 ayant appris dès la jeunesse, & de bonne heure, de se remuer, tourner, virer, & exercer, & le continuer, il ne se peut ar rester en son lieu; mais celuy qui est sur l'asge, & n'a point encore remué son sang, mais laissé en son estre premier, il est bien mal-aysé, estant ainsi arresté & pris sa place sixe, qu'il l'en puisse oster, ou faire un nouveau. D'autres raisons philosophales apporta-

t-il, que je ne veux de me dessérer en cet art.

Voilà donc comme Monsieur l'Admiral a pu estre tousjours courageux, & en toutes faisons de son asge, puis que de bonne heure il commença & continua à esmouvoir son fang & son courage. Si faut-il pourtant advouer que, s'il n'eust conjoint avec sa valeur des artifices, astuces & ruses de son grand esprit & jugement, qu'il n'eust fait & parfait les grandes choses qu'il a faites; tesmoin les grandes entreprises qu'il a faites & conduites par son bon-sens: & là-où il ne pouvoit faire venir la peau du lyon, il y appliquoit très-bien celle du renard, & sur-tout en ses perces de battailles; car tant qu'il en a donné, il les a tousjours perdues: mais c'estoit le Capitaine du monde qui se sçavoit. aussi-bien relever de ses cheures & pertes, & pour lesquelles jamais ne perdit cœur ny s'en ravaloit, que pour une perdue il ne tournast aux autres.

Je luy ay ouy dire que les plus grandes

peines qu'il a eu jamais en ses armées, & qui peuvent estre à un chef dénué de moyens, c'estoit à contenter les Reystres: & à la derniere paix qu'il sit, il jura, & me le dit à moy une sois à part, que le plus tard qu'il pourroit, voire que bien sorcé, il ne tourneroit jamais plus en ces guerres civiles; & s'il estoit si malheureux qu'il y retournast, qu'il feroit la guerre d'autre saçon qu'il n'avoit sait, qui estoit de ne tenir plus ces grandes armées en campagne, & sur-tout ne se chargeroit jamais d'une si grande trouppe de Reystres, qui plustost donnoit la loy, qu'elle ne la recevoit.

Si eut-il pourtant ce jugement subtil, qu'il les sceut avoir & traitter mieux qu'homme du monde, ny que Capitaine ait fait, ny sera, sans moyens. Après la battaille de Dreux, l'on voulut pratiquer les siens, je le scay: il les retourna à Orléans, & là leur donna tant du bec & de l'aisse (comme l'on dit,) qu'il leur sit laisser la pluspart de leurs chariots dans Orléans, & les traisna en Normandie, lesquels pourtant en ayant perdu une grande part dans le Portereau, & en ayant sceu nouvelles, & pour ce desespérez, il les amadoüa, les contenta, & les plastra si bien & beau, qu'ils ne l'abandonnerent jamais, & le servirent tousjours jusques à la paix saite.

Après la battaille de Montcontour, ainfiqu'il vid qu'on les avoit à demy gagnez, de que desjà Marillac, Intendant des Finances,

MR. L'ADM. DE CHASTILLON. 233 estoit arrivé à Limoges, à Périgueux, avec force finances, comment il les destourna de cette proye subtilement, & les deslogea de la * Xaintonge? Car leur faisant accroire force belles choses, il leur sit saire en trois jours trente lieuës fort grandes. La premiere journée leur fut de Barbezieux à Brantome, & à l'entour, là-où il v a douze à treize bonnes lieuës: le lendemain à Montignac, où il v en a huit grandes lieuës, & le lendemain en fit autant par de-là la Dourdoigne. Si-bien qu'en trois jours il leur fit faire ces trente lieuës, & leur fit passer les rivieres de la Drone, de l'Isle, de la Vezere, & de la Dourdoigne, & grosses rivieres, tant de leur naturel, que pour les pluyes de l'hyver, desquelles elle s'estoient ensiées beaucoup. Telles traites les harasserent de telle façon, qu'on les suivoit par les pistes de leurs chevaux las & boisteux, qu'on trouvoit par les chemins si très-tant abattus, que la pluspart, & eux & les paysans mesmes, les laissoient à l'abandon. pour les voir en tel estat.

Qui aura veu ce marcher, trouvera un grand miracle; que Monsieur l'Admiral put réduire ces Messieurs les Reystres à un tel, voire extravagant, devoir de guerre. Aussi les ayant par de-là, il les en sceut très-bien remercier & récompenser de mesme. Car après avoir joint les forces des Viscomtez, & de Monsieur le Comte de Montgommery, tour-

nant victorieux de Navarrains & d'Ortez, il les vous promena à ce bon Pays d'Agenois, se donnans des ayses & des moyens jusques à

la gorge.

Qui eut jamais cru qu'après une telle battaille de Montcontour perdue, & si grande déroute, ce Capitaine eust pu si bien se remettre? Il me semble que je vois Brute & Cassie, qui sortirent de Rome, qui l'un par une porte, qui par l'autre, comme gens perdus & vagabonds, & en moins d'un an mirent une armée de cent mille hommes sur pied, &

livrerent la battaille de Philippes.

Ce ne fut pas tout; car il alla devant Tholoze faire de beaux feux, & apprendre à Messieurs de la Ville, & sur-tout à Messieurs de la Cour, de mettre de l'eau dans leur vin, & n'aller si viste en besoigne, où leur colere & animosité par trop déréglée les conduisoit sans aucune considération. Car quiconque portoit le nom d'Huguenot, aussi; tost pris, aussi-tost pendu, jusques à un fort honneste Gentil-Homme de la Religion. nommé Rapin, qui estoit allé de la part du Rov & du Prince de Condé, pour porter l'Edict de la paix de Chartres, ils le firent. aussi-tost venu, aussi-tost exécuté. Ce qui sut un acte fort vilain, puis qu'il venoit de la part du Roy & chargé de ses lettres, de violer ainsi un droit de paix. Cela n'estoit pas beau; mais asseurez vous qu'ils en payerent

MR. L'ADM. DE CHASTILLON, 235

bien la menestre & penderie; car il n'y eut maison de tous ces Messieurs, qui ne sust exposée au seu. Ainsi Monsieur l'Admiral les poliça; car comme je luy ay ouy dire, il saut aussi-bien establir la police par le mal,

comme par le bien.

Après donc s'estre bien chaussé le long de ces beaux seux, il mena son armée en Languedoc, & de la envoya quelques-unes de ses trouppes saluer un peu la plaine & belle vallée de la Comté de Rossillon, si qu'aucuns Gentils-Hommes s'approcherent près de Perpignan: mais ils ne le sirent qu'adviser & gagner (1) de loing, comme sit jadis ce Roy d'Angleterre Jerusalem; ce que les Espagnols n'eussent jamais pu croire, que Huguenot sust allé plumer la poule en leur Pays.

Cela fait, allerent en Dauphiné, Vivarès, & s'y promenerent, ayant plus souvent la baguette en la main que l'espée, le pistolet & l'harquebuse, sors qu'à Arne-le-Duc, où se sit cette rencontre qu'on nommera battaille si l'on veut, puis que je l'ay veu à

aucuns ainsi appeller.

Cependant la paix se fit, par laquelle Mesfieurs les Reystres furent très-bien payez aux despens du Roy, & fort contents de Mon-

⁽¹⁾ guigner.

fieur l'Admiral, & luy promettans un autre retour pour ce messine prix quand il les employeroit: & s'en retournerent, portans un tel renom de Monsieur l'Admiral par toute l'Allemagne, qu'il en resonnoit bien autant qu'en France.

Voilà comme sagement ce grand Admiral gouverna & serra sort doucement ces Messieurs les Reystres, si mal-aysez à serrer. Et notez qu'avec leur rude & barbare bizarrerie, ils luy portoient tousjours si grand respect, qu'ils ne saisoient jamais chose insolente & hors de devoir, que quand il leur remonstroit, ils s'en corrigeoient & luy obéyssoient, voire le craignoient-ils.

Quant aux François, parmy eux il se sçavoit si bien saire craindre, que vous eussiez dit que c'estoit un Roy, jusques aux Grands.

J'ay ouy faire un conte, qu'après le siege de Poictiers, plusieurs Gentils Hommes, qui s'estoient retirez de l'armée, & s'estoient allez rafraischir en leurs maisons, ou aux Villes, quand ils le vindrent retrouver après la battaille de Montcontour, il parla à eux, ne saut point dire comment, & les taxa & tança comme s'ils sussent esté à ses gages.

Il y eut le Sieur de Genlys le jeune, qu'on appelloit Yvoy, qui avoit la teste près du bonnet, qui voulut parler pour tous: Et! Mort-Dieu, (dit-il) Monsieur,

Mr. L'Adm. de Chastillon. 237 qui eust jamais pensé aussi, que vous eussiez donné la battaille si légérement? Comment, (dit Monsieur l'Admiral) & petit Capitaine de merde, osez-vous controller mes actions? Et sur ce, luy voulut donner de l'espée : mais il en fut empesché, & prié de luy pardonner; ce qu'il fit, après qu'il luy eut fait toutes les humbles excuses & satisfactions qu'il put : & si estoit grand & de bon lieu, & si avoit commandé à l'artillerie devant Poictiers, & si depuis ne cessa de le rechercher & however comme fon Roy. Ausli luy donna-t-il la charge de mener ses trouppes en Flandres, qui furent deffaites, & luy pris.

Voilà comme cet Admiral sçavoit régir ses gens, qui ne luy devoient, ny gens ny rentes, & rien qu'une salutation; car ils n'estoient, ny ses subjects ou vassaux, ny ses stipendiez, ny ses mercenaires. Et toutessois quand ils estoient en sa présence, un seul petit mot de courroux les estonnoit, & en absence son seul signet leur faisoit faire ce qu'il vouloit, tant il avoit pris une habitude de leur impérier, qu'il sembloit qu'elle luy sust née, & que ses partisans la luy deus-

fent.

Quant aux foldats & autre menu peuple des siens, s'ils délinquoient par trop, il les sçavoit bien chastier: car, il avoit esté toute sa vie si grand politique de guerre, qu'en-

core qu'il eust affaires de gens, ne leur pouvoit permettre le vice; & de tous tant qu'ils estoient, il estoit très-aymé & honoré, que quand ils avoient une parole de privauté de luy, ils s'en tenoient aussi contents, comme s'ils l'eussent eue du Roy.

Aussi, quand une telle accordance regne entre le chef & les membres, ils font invincibles, comme tant qu'il a vescu ses gens ont fait de plus beaux exploirs de guerre qu'ils n'ont fait jamais après. Et quand il mourut, ils demeurerent si esperdus & estonnez, que les plus obstinez en leur Religion la changerent soudain, si non de cœur, pour le moins par apparence; & la pluspart des plus galands d'eux d'alors vindrent à la Rochelle rendre l'humiliation à Monsieur, frere -du Roy, comme j'ay dit: & nonobstant ou'ils avent depuis eslevé la teste, si regrettent-ils tousjours ce grand Admiral, & le rouvent à dire.

Il faut que je die ce mot, & puis plus. Lors que le Roy de Pologne s'en alla en son Royaume, traversant l'Allemagne, il commença par les Terres de ce grand Comte Palatin, (Grand l'appelle-je, car il estoit trèsgrand en tout,) qui le receut très honorablement, comme à luy appartient. Un jour entr'autres, il le mena, avec deux ou trois des siens, (je croy que le gros Villeclair en estoit un, & Monsieur du Gua,) dans son

MR. L'ADM. DE CHASTILLON. 239 cabinet, là-où, de prime aspect, il vit le pourtrait de feu Monsieur l'Admiral, tout de fon haut & fort au naturel. Le Comte luy dit: Vous connoissez bien cet homme, Monsieur. Vous avez fait mourir en luy le plus grand Capitaine de la Chrestiente: & ne le deviez pas ; car il vous a fait, & au Roy, de très grands services. Alors le Roy luy alla pallier le meurtre le mieux qu'il put & le plus doucement. & que c'estoir luy qui les vouloit faire tous mourir, & qu'ils l'avoient prévenu. Monsieur le Comte respondit seulement : Nous en sçavons toute l'hissoire, Monsieur: & puis sortirent du cabinet. Mais je tiens de très-bon lieu, que le Roy fut estonné, quand il vit ce pourtrait, & ouyt les paroles de l'autre, & entra en appréhension que ce jeu fust esté fait à poste pour luy donner quelque estrette.

Voilà la réputation que donna ce Comte Palatin à Monsieur l'Admiral. Et certes il estoit tel, quand on considérera tous ses nobles fairs, que si, comme j'ay dit cy-devant, Monsieur de Guyse ayt esté un fort universel Capitaine, cettuy-cy l'a esté aussi, & pour cheval, & pour pied, ainsi qu'il le monstra (comme j'ay dit sur la sin) encore au siege de Poictiers, où il monstra encore des vieux coups d'escrime du temps qu'il estoit Colonel, & pour cheval, & pour vivres, & pour sinances, & pour artilleries.

Enfin, (pourtant je laisséray à de plus spirituels que moy à parsaire la comparaison d'eux deux.) Monsieur de Guyse eut une chose plus que luy, que je ne diray point.

Si Monsieur de Guyse fut fort éloquent. Monsieur l'Admiral l'estoit aussi. Mais il estoit plus scavant que luy: car il entendoit & parloit fort bien Latin, comme je l'ay veu, car il avoit estudié, & lisoit & estudioit tousjours, quand il pouvoit, & estoit hors d'affaires: & fut trouvé après sa mort un trèsbeau Livre, qu'il avoit luy mesme composé, des choses plus mémorables de son temps. & mesme des guerres civiles. Il sut apporté au Roy Charles; qu'aucuns trouverent trèsbien fait, & digne d'estre imprimé. Mais le Mareschal de Rets en destourna le Roy, & le jetta dans le feu, & le fit brusler, envieux du profit & de la récréation que le Livre eust pu apporter au monde, ou envieux de la mémoire & de la gloire de ce grand personnage. Ce qu'il ne devoit : puis que l'envie ne regne que parmy les pareils; & qu'autant de semblance (disoit-on) y avoit-il, comme d'un asne à un noble cheval d'Espagne.

Or c'est assez parlé de ce grand Capitaine. J'en parle ailleurs au Livre des Colonels (1),

com-

⁽¹⁾ Ci-deffous, Tome XI.

MR. L'ADM. DE CHASTILLON. 241 comme je fais de Monsieur d'Andelot, son frere, & en parleray en plusieurs autres en-

droits où l'occasion se présentera.

Si faut il qu'avant que je finisse ce long Discours, je sasse encore ce petit, sur la calomnie & coulpe grande qu'on a tant donnée à ce grand Monsieur l'Admiral, d'avoir esté cause, par sa guerre civile, de la ruyne & pauvreté de la France. Ce que trouverent une fois tout au contraire deux grands personnages, l'un de Guerre, & l'autre d'Estat, & très bons Catholiques, que j'ouys un jour discourir à la Cour dans la chambre de la Reyne-Mere, que, tant s'en faut que ceite guerre eust appauvry la France, qu'elle l'avoit du tout enrichie, d'autant qu'elle descouvrit. & mit en évidence, une infinité de thréfors cachez fous terre, qui ne fervoient de rien, & dans les Eglises, & les mirent si bien au soleil, & les convertirent en bonnes & belles monnoyes à si grande quantité, qu'on vit en France reluire plus de millions d'or qu'auparavant de millions de livres d'argent, & paroistre plus de testons neufs, beaux & bons, & fins, forgez de ces beaux thréfors cachez; qu'auparavant n'y avoit de douzains. Telinoing un Seigneur de par le monde, qui, des reliques de Saint-Martin de. Tours, & des barres d'argent données par le bon Roy Louys XI, en fit une grande barrique de testons: & unt d'autres Seigneurs. Tome IX.

& Princes en firent de mesme d'autres thréfors & reliques, le tout forgé pourtant au
coin & à l'effigie de nostre petit Roy Charles IX, qui pour lors regnoit. Il en parosst
encore force beaux & bons. Je ne veux pas
dire pourtant que ce fust beau & licite de
'despouiller ainsi les Eglises, pour en vestir &
enrichir les particuliers. Toutessois, au Roy
Charles ou Louys d'Anjou premier, il su
accordé pour lors, par le Pape, de prendre
les reliques de son Royaume, pour en faire
son prosit, & pour les fraix de la guerre.
Voyez l'Histoire de Naples.

Ce n'est pas tout : les riches Marchands. les Usuriers, les Banquiers, & autres Raquedeniers, jusques aux Prestres, qui tenoient lerus escus cachez & enfermez dans leur coffres, n'en eussent pas fait plaisir, ny presté pour un double, sans de gros intérests & usures excessives, ou par achapts & engagements de terres, biens & maisons, à vil prix. De sorte que le Gentil-Homme, qui, durant les guerres estrangeres, s'estoic appauvry, & avoit engagé son bien, ou vendu, n'en pouvoit plus, & ne scavoit plus de quel bois se chauffer; car ces marauts usuriers avoient tout rassé: mais cette bonne guerre civile (ainsi l'appelloient-ils) les restaura, & mit au monde. Si bien que j'ay veu tel Gentil-Homme, & de bon lieu, qui auparavant marchant par Pays avec deux chevaux, & le pe-

MR. L'ADM. DE CHASTILLON. 243

tit laquais, il se remonta si bien, qu'on le vit durant & après la guerre civile, marcher par Pays avec les six & sept bons chevaux, & brave comme le Bastard de Lupé, & ainsi les autres, tant d'un party que d'autre; & avoir ainsi continué & rachetté leurs biens, voire acquesté & augmenté les rançonnements que l'on faisoit de ces gras usuriers Milorts, quand on les tenoit une sois, leur faisoient bien sortir de par le diable leurs beaux escus de leurs bourses, en despit d'eux, & sussent les os de leurs jambes.

Et voilà comme la brave Noblesse de France se restaura, par la grace (ou la grasse pour mieux dire,) de cette bonne guerre civile. Force honnesses gens anciens, qui estoient de ce temps comme moy, en sçauront bien dire, s'ils en veulent bien saire la recherche & la reveuë, & en toucher la vé-

rité sans passion.

Ce n'est pas tout; car nostre Roy Charles, qui avoit tant de debtes sur les bras, & qui devoit à Dieu & au monde, à cause de celles grandes des Roys son grand-pere & pere, estoit au tapis & au sassiran, sans cette bonne guerre, qui luy en rapporta de bons prosits & émoluments, à cause de ces descouvertes de thrésors, & de venditions & aliénations des reliques, joyaux & biens temperels de l'Eglise; le tout, pourtant, par la Liu

permission du Saint Pere, dont il en tira de grands deniers, desquels toute la France s'en ressenti. Et principalement les Gentils-Hommes, dont je viens de parler, & les gens de guerre, tant des Ordonnances, que de gens de pied, qui, point avares, mais nobles despensiers, prodiguoient l'argent, qui çà qui là, en belles despenses & braveries, sans l'embourser.

Et qu'ainsi ne soit, nous voyons aujourd'huy en la France plus de doublons, qu'il n'y avoit, il y a cinquante ans, de petits pistolets, comme j'ay veu; & pareillement, plus de testons, que de douzains, comme

j'ay dit.

De-plus, qui est un cas estrange, que l'on considere, & que l'on le recherche, on trouvera que quasi toutes les bonnes Villes de la France, qui se sont ressenties par ces guerres. de pillages, de facs & de rançonnements, font aujourd'huy plus opulentes & riches que les autres, bien qu'il n'y en ayt gueres de pucelles: jusques à la bonne Ville de Paris, qui n'agueres estoit si pauvre & abattue qu'elle n'en pouvoit plus, jusques aux plus belles femmes, qui en donnoient à F. pour du pain. On la trouvera aujourd'huy plus superbe, plus riche, & plus magnifique que jamais: & n'y trouve-t-on rien à dire de toutes choses qui affluent & abondent jusques à estre. sagule, si elle ne veur estre infatiable, com-

11 .1

MR. L'ADM. DE CHASTILLON. 245

me je croy qu'on ne la sçauroit pas saouler. Je me souviens qu'aux premieres guerres, quand nous prismes Rouen d'assaut, elle sut pillée l'espace de deux à trois jours à discrétion: & que quand le Roy alla, quelque quinze à seize mois après pour reprendre le Havre, & y passa dedans, avec toute sa Cour & aucunes trouppes de son armée, l'on n'y trouva rien à redire pour le sac; & vis la Reyne Mere s'en estonner, tant elle s'estoit bien remise, & autant ample & opulente que devant, si-bien qu'il ne nous y manqua rien.

J'ay veu la Ville d'Angoulesme pillée & repillée par deux fois, à la premiere & troisiesme guerre, moitié par sac, moitié par
les grandes & grosses garnisons qui logerent
dedans des Huguenots & d'autres, aussi de
celles des Catholiques par après de mesme :
bref, je l'ay veue fort abattue & appauvrie.
Elle est aujourd'huy, à ce qu'on dit, la
plus pécunieuse. Ville de nostre Guyenne,
après Bourdeaux & la Rochelle, ce qu'on
me croiroit pas.

Et la Ville de Périgueux, quoyqu'elle a esté pillée des Huguenots, l'espace de cinq à six ans, aujourd'huy on n'y trouve rien à redire qu'elle ne soit aussi riche, voire plus que jamais. Tant d'autres Villes en compterois je; mais j'en laisse la curiosité à de plus

entendus que moy.

Bref, il faut dire de la France ce que disoit ce grand Capitaine Prospero Colonne de la Duché de Milan, qui ressembloit une oye bien grasse, que, tant plus on la plumoit, tant plus la plume luy revenoit. La cause donc est deue à cette bonne guerre civile, tant bien inventée & introduite de ce

grand Monfieur l'Admiral.

Ce n'est pas tout : les gens d'Eglise, lesquels cryoient le plus après les Huguenots & leur guerre, y ont gagné autant que les autres; tesmoing les trésors, richesses & reliques qu'ils ont vendu sous main, en faisant accroire que les Huguenots les avoient pris par force, aucuns autres fouillez en terre, qu'ils avoient cachez, & donnoient à entendre qu'ils avoient tant dérobé, & non tant certes qu'eux-mesmes s'en estoient secrettement accommodez.

Et si par la dispense du Pape, & par la volonté du Roy, en ont vendu, s'ils en vendoient pour cinq cents escus, ils en vendoient pour mille; faisant accroire qu'ils n'en avoient pu tirer davantage des Orfevres, Changeurs, Marchands, & Revendeurs, qui possible estoient faits à la poste des vendeurs.

Le Thrésor de Saint-Denis en fait foy. qui fut estimé de l'Empereur Charles, quand il le vit si beau, si riche & grand, en si grande admiration, qu'il le dit estre bastant pour payer deux rançons de Roy, y adjous-

MR. L'AUM. DE CHASTILLON. 247 tant le Crucifix d'or. Du depuis, on vit tout

cela défiguré & dissemblable au passé.

Davantage, comment ont-ils fait leurs orgues (1), ces Messieurs du Clergé de France, en l'aliénation des biens temporels, que pour cinq cents escus de taxe, ils en vendoient pour mille, allant en augmentant tousjours au plus haut sans abaisser? Et pour le despartement des décimes, comment s'en sont-ils déportez & enrichis, les haussant si haut, foubs excuse, prétexte & licence de la guerre & de ses fraix, que le profit leur redondoit plus grand qu'à celuy du Roy & de ses finances? Et jamais Décimes ne monterent si haut, non pas du regne du Roy Henry qui les mit pour une fois, à sa grande nécessité, à cinq & six Décimes, que l'on a veu depuis taxez si excessivement, que les pauvres petites Abbayes, petits Prieurez & Cures, sont si pauvrement detenués, que les possesseurs d'auparavant ont esté contraints de faire Cedo bonis (2), & quitter tout à plat; & le tout par l'avarice & l'enrichissement de Messieurs les gros & gras, pourveus des grandes dignitez, grades & prééminen-ces: jusques à leurs Facteurs, Collecteurs, Ramasseurs, & Receveurs des Décimes, qui

⁽¹⁾ Orges. (2) C.-à-d. Cession de biens.

s'y sont estrangement enrichis, comme un nommé Castille (a), que j'ay veu n'a pas quarante ans, n'avoir vaillant que ce qu'il portoit de ses habillements, & ce qu'il déroboit à tastons. Il sit si bien, que luy ou ses héritiers, ont vaillant aujourd'huy plus de quarante mille livres de revenu.

C'est gratté cela, mieux que ne sçaurois faire un Frippier sur le drap. Que pouvoient donc faire les grands Surintendants? Avoient-ils raison, ces Messieurs, de cryer unt après les guerres civiles, leurs meres nourrices?

Que peut-on dire de Messieurs de la Jusrice, si-non qu'ils ne s'y sont pas trop appauvris? Comment, appauvris! Mais très-enrichis & accreus en très-grands picis & acquests. Je m'en rapporte aux pauvres plaidoyants, qui ont passe par leurs mains. Et ce qu'on a trouvé en eux de mauvais, c'est qu'ils ont esté fort peu doux & gracieux (au moins aucuns) à l'endroit des pauvres Huguenots, leurs demy-peres nourriciers: car ils en ont fait mourir (au moins aucuns) une infinité par leurs Sentences, Arrests, & cousteaux de leur exécution, plus pour porter-seulement le nom d'Huguenots, que pour autres grands subjets. Grande rigueur pourtant, de faire mourir leurs bienfaicteurs.

⁽a) Jeannin de Castille, Financier.

MR. L'ADM. DE CHASTILLON. 249

Que dira-t-on aussi d'un tiers Estar, qui, nvec les autres, en disoit sa rattellée, & · débagouloir pis que pendre après Monsieur l'Admiral & sa guerre? Y ont-ils beaucoup perdu? Non cerces, mais beaucoup gagné, & enrichis. Car Marchands, Artisans, gens de mestier, & autres de ce tiers Estat, se font si bien accreus, que ce qui se vendoit auparavant un teston, aujourd'huy se vend l'escu pour le moins. Aussi, comme dit Cornelius Tacitus, parlant de l'Empire de Tibere lors florissant, que l'Empire Romain s'estant accreu en une très-haute grandeur & magnificence, les biens des particuliers s'en accreurent aussi : de mesme en accreut la France ses enfants & nourrissons.

De sorte que si tant d'estrangers, gens de guerre, par trop mercenaires, n'en eussent emporté tant d'or & d'argent au-dehors, il ne saut douter que la France estoit pleine comme un œuf, & ne l'eust-on sceu jamais

espuiser.

Mais disent aucuns, qui les a fait venir ces Messieurs les estrangers, plus prompts aux trompettes & tabourins d'argent, que de cuivre? Il faut sçavoir cela, & est fort aysé. Aux premieres, nous en eusmes premiers des Suisses, & des Lansquenets, du Comte de Rhingrave. Monsieur d'Andelot partit pour avoir des Reystres, & les amena sort bien.

LV

Nous eufines des Espagnols en Guyenne, & puis en France: ceux la ne nous cousterent rien, par le bon secours, & par la grande libéralité de ce grand & auguste Roy d'Espagne. Les Huguenots eurent quelques Anglois dans Roüen & le Havre, par le bon secours aussi, & par la libéralité de la Reyne

d'Angleterre.

Mais tant y a, j'ay veu les Huguenots nous donner deux battailles sans aucuns Estrangers, asscavoir, celle de Saint-Denis, où nous avions des Suisses six mille. A celle de Jarnac, ils n'en avoient non plus: nous avions des Suisses, & mesme des Reystres, fort peu pourtant, que le jeune Comte Rhingrave avoit. Les Huguenots, puis après, en ont eu prou, & trop pour avoir nuy à la France beaucoup pour lors, & peu depuis, selon ce que j'en ay dit. Je laisse cela du surplus à en parfaire le discours plus grand à de gens plus curieux. Et quand tout est dit, puis que c'estoit une guerre intestine de nation à la mesme nation, nous la devions demesser entre nous autres ensemble, sans y appeller la nation estrangere, comme l'on fait d'estranger contre estranger.

Cettes la guerre en fust esté plus noble, voire en mesme Compagnie mesmes enseignes, pareilles & mesmes armes, mesmes fonneries de tabourins & trompettes, & mesmes façons & ordres de guerre : ainsi qu'on MR. L'ADM. DE CHASTILLON. 251 vit aux plaines de Pharsale, mesmes Romains (dit Lucian (1),) mesmes Aigles, mesmes armes & pareilles Ordonnances de gens & formes de guerre; si que Pompée eust force estrangers ramassez, & vraye ra-

caille. César en avoit aussi, mais plus disciplinez, & aguerris pourtant à la milice Ro-

maine.

Pour moy, & pour en faire fin, je sçay bien ce que j'en ay ouy dire & jurer à Monsieur l'Admiral, (ainsi que j'av dit cy-devant) combien cela le fascha d'avoir esté contraint de s'estre jamais aydé de ces Reystres, & dequoy ils estoient jamais venus en France; & que, s'il estoit à refaire, ou que la guerre recommencast jamais, (que Dieu l'en engardast,) il n'appelleroit plus de telles gens pour s'en servir; ils estoient trop fascheux, avares, importuns, & trop mal-aylés à contenter. Nostre grand & brave Roy d'aujourd'huy en a pris l'instruction, qui a fait & parfait ses guerres & acquis son Royaume, sans ces gens-là; fors quelques trouppes que Monsieur de Turenne luy amena, qui ne servirent gueres: aussi il s'en dessit bien-tost.

En quoy il monstra son grand cœur, & sa grande sagesse, de se passer de telles gens, & demesser sa guerre par les siens propres.

⁽¹⁾ Lucain.

J'en ay parlé ailleurs, où je les loue pourtant, ne voulant mal dire nullement de la valeur qu'ils ont, ny de leur belliqueuse nation: car on ne leur sçauroit rien reprocher, qu'un peu trop grande avarice; car en tout, ils sont braves & vaillants gens de guerre.





DISCOURS QUATRE-VINGTIESME.

ARTICLE I.

Mr. le Prince DE CONDÉ.

Parlons à cette heure de Monsieur le Prince de Condé, Louys de Bourbon, que plusieurs de nostre temps disoient avoir esté dresse au commencement de ces guerres civiles de la main de ce grand Monsieur l'Admiral, duquel je viens de parler, bien qu'il eust fait auparavant un très-beau commencement d'un très-brave Prince, & tout remply d'esprit & fort belle monstre, & de l'un & de l'autre, aux guerres estrangeres, tant aux charges de cheval qu'il eut, & de Cheveux-légers & de Gendarmes, que de pied; car il sut Colonel de l'Infanterie en Piedmont, comme j'ay dit ailleurs.

Sur-quoy je me fouvions d'un conte, que quand la Reyne-Mere eut fait Madame la Princesse de la Roche-sur-Yon sa Dame d'honneur, Monsieur le Prince de Condé luy voulut remonstrer (voire s'en mocquer, car il s'en aydoir,) le tort qu'elle s'estoit sait, & les parents, en cela, qui avoit espousé

un Prince du Sang, d'avoir accepté cette charge pour quasi servir de servante. A qui elle respondit, qu'elle ne se pensoit pas plus faire tort en cela, ny aux siens, que luy en la charge qu'il avoit autrefois prise de Colonel de sa belle Infanterie, & pieds puants de gens de pied, par la sucession encore de deux Gentils-Hommes, qui estoient moindres que luy, comme feu Bonnivet, & le Vidasme de Chartres. Par-quoy qu'il advisaft à ses fautes, & non aux siennes, s'il y en avoit en cela pour elle : mais n'y en sentoit aucune; puis que ce n'estoit se faire tort, de servir sa Reyne, & sa Dame souveraine, en une charge si honorable. Ce fut à Monsieur le Prince à se taire, combien qu'il parlast très-bien, & aussi-bien & a propos, je ne diray pas que Prince, mais qu'homme du monde, & sur-tout qui disoit bien le mot, & se mocquoit bien, & aymoit fort à rire.

Aussi de luy fut faite une Chanson en Franee, à mode d'un Vaudeville, qui disoit :

Ce petit homme tant joly
Tousjours caufe & tousjours rit,
Et tousjours baife fa mignonne:
Dieu garde de mal le petit homme.

Car il estoit de fort basse & petite taille, non que pour cela il ne sust aussi fort, aussi verd,

vigoureux & adroit aux armes & à pied & à cheval, autant qu'homme de France, com-

me je l'ay veu en affaires.

Au reste, il estoit fort agréable, accostable, & aymable. Aussi l'Italien disoit: Dio mi guarda del bel gigneto del Principe di Condé, & de l'animo & stecco del Admiraglio. C.-à-d. Dieu me garde de la douce façon & gentille du Prince de Condé, & de l'esprit & curedent de l'Admiral, parce qu'il en portoit tousjours un, sust à la bouche, ou sur l'oreille, ou en la barbe.

On tenoit ce Prince, de son temps, plus ambitieux que religieux; car le bon Prince estoit bien aussi mondain qu'un autre, & aymoit autant la semme d'autruy que la sienne; tenant fort du naturel de ceux de la race de Bourbon, qui ont esté sort d'amoureuse com-

plexion.

Il fut esseu de ceux de la Religion & de la Conjuration d'Amboise, leur ches. Non qu'il le sceust autrement (disoit-on), mais sans luy sonner mot, & sourdement l'esseurent; usant en cela de la façon d'Allemagne: & tel appelle-t-on le Capitaine muet. Et si leur entreprise eust bien réussi à souhait alors, on la luy eust fait sçavoir.

Aucuns disoient pourtant, qu'il la sçavoit, & mesme que le Sieur de Malligny, brave & vaillant Gentil Homme, & de fort bonne Maison, qui luy estoit fort familier, favory

& parent, se trouvant avec luy à Amboise, quand il vid le tout descouvert, s'en alla aussitost sans s'estonner à l'escurie dudit Prince, & y prit le meilleur courtaut qu'il avoit, & se fauva viste, dont bien luy en prit, s'en alla à Geneve, dont plus n'en revint. Car en se baignant dans le lac, il se noya parmy un sable mouvant. L'on courut après luy; mais il s'en alla grande erre: & disoit on alors à la Cour, comme je l'ouys, que s'il eust esté pris, il eust mis mondit Sieur le Prince en

grande peine.

Toutesfois, le Dimanche matin, quand les conjurateurs se présenterent à la porte des Bons-Hommes, pour entrer dans la Ville, à Monsieur d'Aumale, qui estoit constitué pour la garde de la porte, Monsieur le Prince s'y rendit, & ayda à les chasser, & y fit bonne mine. Mais depuis on connut la faute. & en fut sourconné. Sur quoy il en fit quelque rodomontade de quelque certain démenty en l'air, mais non en présence, comme s'est dit & escrit, car alors il n'osoit parler si haut, bien que d'ailleurs il eust la parole belle, bonne, haute, & hardie: mais pourtant connoissant qu'il n'y faisoit pas bon pour luy, & que l'on commençoit à descouvrir le potaux-roses, il partit de la Cour, & s'en alla trouver le Roy de Navarre, son frere, dont pourtant l'on se repentit bien, (car je le sçay) dequoy on l'avoit laisse aller.

ı

Mais pour avoir ce coup eschappé, il n'eschappa pas sa prison; car il vint à Orléans, là où il sur attrappé à bon escient: & croyoit-on que, sans la mort du Roy François, son procès sust esté fait, & luy sentencié.

Lors qu'il entra dans le logis du Roy, non à cheval comme le Roy son frere, comme aucuns ont dit, car je le vis, mais ayant mis pied à terre, jamais je ne vis Prince faire meilleure mine. Mais au sortir de la chambre du Roy, qu'il su conduit en prison par Monsieur d'O, & de Chavigny, il estoit bien autant estonné: & le Roy de Navarre aussi, lequel pensoit, à son arrivée, comme premier Prince du Sang, parler haut, braver & entonner toute la Cour.

Ce fut à luy à caler, & faire, non du Prince, mais du simple Gentil-Homme: car je le vis deux fois venir trouver Monsieur le Cardinal de Lorraine, en son jardin une fois, & l'autre en sa chambre, pour le prier d'intercéder pour son frere; mais il parloit à luy plus souvent descouvert que couvert (a): &

⁽a) Si M. de Voltaire avoit vu cet endroit de Brantome, il n'auroit pas dit, p. m. 181 de son Poëme de la Ligue, où il rapporte quelque chose d'approchant que M. Jurieu a avancé, qu'il ignore où ce Ministre a pu déterrer ce fait, qui, comme on voit, n'est que le récit de Brantome un peu brodé.

l'autre se mettoit très-bien à son ayse; car il faisoit grand froid. Mais deux mois après, on vit bien un autre revire-Marion de fortu-

ne (a).

Cette Conjuration d'Amboise sut le principal subjet de sa prison : car le Roy s'estoit imprimé si bien cette opinion, que si elle eust pris fin, qu'il eust passé le pas, comme Messieurs ses freres, & de Guyse, & autres, & qu'il se fust fort bien mis en son siege Royal, ce disoit-on; car il estoit de cœur haut & ambitieux, & qui aymoit plus une Royauté, qu'une Principauté. Et pour ce, dès-lors ne le tint-on jamais pourtant plus religieux qu'ambitieux.

Et ce qui l'aveugla plus en son ambition, ce fur aux premieres guerres civiles, quand il se vid quasi commander à la moitié de la France, morceau très-friand, que Monsieur l'Admiral, son oncle, luy avoit très-bien préparé. Et ce fut ce que dit un Seigneur de par le monde: Le Diable y ayt part, qu'un tel en est le chef. Car je connois son hu-meur. S'il a mis une sois le nez dans cette petite forme d'Empire, jamais il ne s'en

i (a) Revers de fortune. Cette expression vient apparemment de quelque Dame Villageoise, où Marion, qui d'abord viroit son danseur, & étoit par luy revirée à son tour. Brantome s'en est fervi plus d'une fois.

despartira, & troublera tousjours la France, pour entretenir sa grandeur. Il nous seroit meilleur que le seul Monsieur l'Admiral s'en messaft; car il a l'ame plus douce, plus capable en tout que l'autre.

Il devint en telle gloire, qu'il fit battre monnoye d'argent (a), avec cette inscription à l'entour comme un Souverain: Louys TREIZIESME, ROYDE FRANCE. Laquelle monnoye Monsieur le Connestable, retenant tousjours de cette bonne paste ancienne, tout en colere, représenta à une assemblée générale, qui sut faite au Conseil du Roy, l'an 1567, le 7 jour d'Octobre, après midy, au Louvre. On en détesta fort, & la monnoye, & la subscription. Je ne sçay s'il est vray; mais il s'en disoit prou en la chambre du Roy & de la Reyne, voire en la basse-cour.

Une autre ambition le saisit, lors que le Duc d'Albe passa vers Flandres, Monsieur le Prince, avec d'autres, remonstrerent au Roy, que, puis que l'Espagnol s'armoit, il

⁽a) D'autres disent des écus d'or. Aussi vrai l'un que l'autre, & vraye calomnie inventée par les Jésuites. Voyez le Plaidoyer de M. Antoine Arnaud contre eux en 1594. T. VI; p. m. 164 des Mém. de la Ligue. M. le Blanc, dans son Traité des Monnoies, dit avoir vu à Londres un de ces prétendus écus d'or.

falloit aussi s'armer, & border la frontiere de gens de guerre, comme portoit l'ancienne coustume: & ce fut lors qu'on envoya faire la levée de six mille Suisses, qui vindrent après. Et quoy qu'on die, & le trouve-t-on en escrit, ce sut Monsieur le Prince & les Huguenots, qui premiers cryerent après cela, car j'estois alors à la Cour; & ceux qui l'ont escrit, possible ne le sçavoient-ils pas mieux que moy.

Et sur cet arrivement, Monsieur le Prince ne chauma pas de bastir pour soy; car il gagna si bien Monsieur le Connestable, son grand oncle de par sa semme, qu'il luy consentit la Lieutenance Générale en France, si se Roy la luy vouloit donner: & bien à propos la demandoit-il au Roy, pour estre Général de cette armée qu'on vouloit nouvellement saire dresser vers le Duc d'Albe.

La Reyne-Mere du Roy, point contente de cette ambition nouvelle d'icelle Lieute-nance-Générale, elle, qui aymoit fort Monfieur, frere du Roy, depuis nostre Roy Henry III, & qui vouloit & desiroit qu'à luy cette Charge appartenoit, & à luy seul devoit escheoir, bien qu'il sust encore jeune, mais il ne demeura pas sept mois après de l'avoir, en donna advis à Monsieur son fils, & l'emboucha & l'instruisit si bien, (& Dieu scait de quelle main & bouche de bonne maistresse!) qu'un soir en la salle, que ladite

Reyne foupoit à Saint-Germain des-Prez, il me fouvient fort bien que Monsieur le Prince y estant venu, Monsieur le prit & le mena en un coin, où il parla bien à luy, & des grosses dems, (comme on dit,) & le reprit de fon outrecuydance, d'oser & vouloir prétendre sur la Charge qui luy estoit deue; & que, s'il s'en messoit jamais, qu'il l'en feroit repentir, & le rendroit aussi petit compagnon, comme il vouloit faire du grand.

Tant d'autres propos luy dit-il, (car il le tint long-temps,) que nous n'oyions point: car nous autres, qui estions à luy, nous nous en tenions de loing: mais nous voyions bien qu'il luy parloit de hautes paroles & de grande braveté, ores tenant son espée sur le pommeau fort haute, ores faifant semblant de taster à sa dague, ores enforçant & ores haussant son bonnet; & bref, nous connusmes en luy une contenance fort bravasche & altiere, & telle que depuis, bien qu'ayons veu en mille endroits une très bonne façon en luy, jamais aucuns qui estions là, ne la reconnusmes si belle & asseurée. Nous vismes bien aussi Monsieur le Prince tousiours descouvert & parler doux à son geste. Et la Reyne ayant achevé de fouper, ce jeu se demessa, qu'elle sceut bien au long par Monfieur son fils, qu'elle en ayma davantage: & puis de Monsieur le Prince; qui en sit quelque plainte; mais elle ne s'en soucia. Et

Monsieur le Prince aussi ne la sit gueres longue à la Cour, & s'en alla, & non sans la garder bonne à mondit Seigneur; car au bout de trois mois & demy, la journée de Meaux sut dressée: & voilà d'où en sut la premiere source, que beaucoup ne sçavent pas, & la couvrent sur la Religion, comme sait Monsieur de la Nouë; car possible ne sçavoit-il pas ce que je vis.

Monsieur aussi ayant sceu que cette partie avoit esté autant saite pour luy, voire plus que pour le Roy, la luy garda aussi meilleure: car ayant esté fait Lieutenant Général du Roy, après la mort de Monsieur le Connestable, il ne cessa jamais qu'il n'eust raison dudit Prince, qu'il hayssoit à malemort, & plus que tous les Huguenots; car il ne tint pas à luy que la battaille ne se donnast à Nostre-Dame de l'Espine. Il ne voulut point aussi la paix, si-non pour attrapper ledit Prince en sa maison de Noyers en Bourgogne, comme il la faillit besse.

Aux troisses Troubles, il l'agaça & pressa de tant de petits combats & escarmouches, qu'ensin il le mena à la battaille qui su donnée vers Jarnac & Bassac, où ce Prince vint sort résolu & en très brave & vaillant combattant, mais pourtant sasché d'y venir, soit qu'il connust son heur, ou son desavantage: & pour ce, en y allant il dit, que, puis qu'on avoit sait un pas de Clerc, il le

MR. LE PRINCE DE CONDÉ. 263 falloit franchir, & qu'aussi un peu avant qu'aller à la charge, il avoit eu contre la jambe un coup de pied de cheval du Comte de la Rochefoucaut, qui, comme désespéré du mal, accompagné de son brave cœur, combattit très-furieusement. Mais cola ne dura gueres; car il fut porté par terre. Et le premier qui descendit pour le prendre prisonnier, ce fut un honneste Gentil Homme de Monsieur de la Vauguion, qui s'appelloit le Rozier .: & ainsi que Monsieur d'Argence: vint à passer Monsieur le Prince, il le reconnut & se rendit à luy; mais sur cette entrefaite, arriva le Baron de Montesquiou. brave & vaillant Gentil Homme, qui estoit Capitaine des Gardes des Suisses de Monsieur, frere du Roy, qui, avant demandé

Il n'avoit garde de la faillir autrement : car il avoit esté fort recommandé à plusieurs des Favoris dudit Monsieur, que je sçay bien, pour la hayne qu'il luy portoit dès le jour que j'ay dit, & aussi qu'il n'y a rien qu'un Grand haysse tant qu'un autre Grand son pareil, mais plus encore celuy qui ne l'est pas, & se veut esgaler à luy. Il n'y avoit pas huit mois que j'avois sauvé la vie audit Baron de Montesquiou, que j'aymois

qui c'estoit, on luy dit que c'estoit Monsieur le Prince, Tuez, tuez, Mort-Dieu! (dit-il;) & s'approchant de luy, deschargea son pistolet dans sa teste, & mourut aussi-tost,

fort depuis le voyage de Malthe: qui, au partir de-là, fut la premiere fois qu'il vint & se produisit à la Cour, par le moyen du Comte de Brissac, qui le prit en amitié, pour estre brave & vaillant Gentil-Homme, & qui estoit bon homme avec cela; & ledit Comte le sit aymer à Monsieur, & luy sit donner

cette Charge.

Le Roy Charles donc, ayant entrepris de faire un combat sur l'eau à Paris, devant le Louvre, il se mit dans son grand batteau couvert, qu'on a veu long-temps devant le logis du Controlleur du Mas. Le Roy tenoit & gardoit son batteau avec les siens, contre Monsieur & les siens, qui le vinsmes assaillir. Ainsi que nous voulions monter, & que le Baron estoit à demy-monté, voicy Fervaques, qui a été toujours rude joueur, qui poussa du haut en bas ledit Baron dans l'eau, qui s'alloit nover sans moy, qui courus du bout du batteau, & le pris par le collet, & le jette dans nostre batteau, lequel n'en pouvoit plus : mais il se remit tellement quellement, & aussi-tost se mit à genoux, & me remercia, & qu'il me devoit la vie, & depuis m'appella toujours son pere, bien que je susse plus jeune que luy. Il sur tué par après au siege de Saint-Jean, d'une grande harquebusade. Les Huguenots disoient que c'estoit par permission ou punition divine.

Pour tourner à Monsieur le Prince, es-

tant .

tant mort, Monsieur n'en fut nullement marry, mais très-joyeux; car il avoit opinion qu'il luy en eust fait faire de mesme : car d'ennemy à grand ennemy, il n'y a que se garder. Monsieur le voulut voir après la battaille achevée: & fon corps fut chargé sur une vieille asnesse, qui se trouva-là à propos, plus par dérision que pour autre subjet; & fut porté ainsi bras & jambes pendantes à Jarnac, en une salle basse sous celle de Monsieur & sa chambre, où ledit Prince le jour avant avoit logé. Quel changement! Comme à Coutras le Roy de Navarre logea en la chambre de Monsieur de Joyeuse, où il avoit couché le foir auparavant, & l'autre estoit estendu mort dessous. Si on leur eust dit à tous tels revers de fortune, ils ne l'eufsent pas cru.

Ledit Prince demeura assez en spectacle à tous ceux du camp qui le voulurent aller voir. Puis, Monsieur de Longueville, son beau-frere, en demanda le corps à Monsieur, pour le faire ensevelir, qui luy sut octroyé librement. Il sut fait de luy cet épitaphe;

L'an mil cinq cens soixante-neuf, Entre Jarnac & Chasteauneuf, Fut porté sur une asnesse Cil qui vouloit oster la Messe,

Il y eut quelques-uns des siens pris, com-Tome IX.

me Clermont d'Amboise, & Corbozon, qui ne voulurent jamais croire sa mort : mais Monsieur le sit à eux voir leur saoul, dont ils en furent très-dolents; car ils estoient fort avmez de leur maistre. Ainsi alla la mort dudit Prince, qui, en trois battailles qu'il donna à son Roy, ne se ressentit gueres de la fortune. A la derniere, il y mourut. A la penultiesme de Saint-Denis, il la perdit comme les autres; mais aussi il se sauva avec grand honneur. A la premiere, qui fut celle de Dreux, il fut pris prisonnier: non sans grand danger de la mort, si Monsieur de Guyfe luy eust voulu rendre ce qu'il luy avoit voulu prester à la conjuration d'Amboise; mais aulieu d'un tel remboursement, quand il luy fut présenté, il luy sit sorce honneur & bonne chere, le retira avec luy, luy présenta la moitié de son list, & coucherent tous deux ensemble aussi familiérement comme si jamais n'eussent esté ennemis, mais comme bons amis & cousins germains qu'ils estoient. De tout le soir il ne fut gueres veu, & Monsieur de Guyse le luy conseilla, & demeura en sa garderobe, bien qu'elle fust fort petite & chétive; car c'estoit une maison de village fort champestre. Force gens le vouloient voir: mais Monsieur de Guyse l'avoit dessendu : car une personne affligée n'ayme gueres cette vue ny visitation.

l'eus pourtant crédit de le voir assez près

MR. LE PRINCE DE CONDÉ. 267 d'un feu, faisant démonstration grande de sa douleur, & d'une appréhension grande. On luy porta à souper, & soupa : puis tout le monde retiré, & Monsieur de Guyse se vou-lant coucher, il donna congé à un chacun, non sans avoir demeuré long-temps assez près du seu à causer de la battaille parmy nous, où chacun y estoit receu pour son escot & son dire.

Luy, & Monsieur le Prince, coucherent ensemble, & le lendemain nous allasmes à son lever. Il se mit à escrire au Roy & à la Reyne, le plus briesvement qu'il put, & sortit voir le champ de battaille, non trop loing pourtant, car il disna, & y alla après à bon escient.

Cependant, le Prince se leva, qui estoit encore au lict quand nous estions en sa chambre, les rideaux tous tirez au-dedans. S'il sust esté pressé de se lever, pour aller à la garderobbe, il sust esté bien estonné, ce disoit-on.

Puis, quand fallut desloger, Monsieur de Guyse le redonna à Monsieur d'Anville (1) (que nous nommions alors Monsieur l'Admiral, pour avoir eu l'estat de son cousin,) à le tenir en bonne garde, & pour faire l'eschange de luy & de Monsieur le Connesta-

⁽¹⁾ Damville, & de même ci-dessous. M ij

ble, ainsi que le porte le droit de la guerre. En quoy il faut noter deux belles choses, que l'on tenoit alors pour telles, & se doivent tousjours tenir : l'une, faut louer la magnanimité & générosité de ce grand Prince & Capitaine Monsieur de Guyse, qu'il usa à l'endroit de son ennemy prisonnier, à le traitter de cette sacon si honneste qu'il sit; ce qu'un autre possible n'eust pas sait, veu les grandes raisons qu'il avoit de son costé : l'autre, du bel advisement & considération qu'eut Monsieur d'Anville de présenter à Monsieur de Guyse son prisonnier Monsieur le Prince. Car c'estoit à luy à qui le premier il avoit donné sa foy, & luy présenta comme à son Général, (c'estoit bien en cela savoir son devoir de guerre,) à qui l'on doit déférer toutes choses, & fur-tout les prisonniers qu'on aura pris.

Si Monsieur d'Anville n'eust esté sage & advisé Capitaine, comme certes il l'a esté tousjours, & que ce sust esté un téméraire, & n'eust seu que c'estoit de son devoir, il n'eust jamais sait ce trait, voyant son pere pris, & qu'il y alloit de bon pour le rachepter par cet eschange: ce qu'il ne sit, & s'acquitta par ainsi de son devoir, & acquit davantage l'amitié de son Général, en luy manisestant par tel acte, qu'il estimoit la générosité de Monsieur de Guyse, & connoissant en luy une telle vertu & boaté, qu'il ne se

roit jamais faux oon à Monsieur le Connestable. Voilà comme il fait bon en telles occurrences d'opposer telles choses, & ne croi-

re fon courage bouillant.

Pour un tel trait cuyda sortir entre Monsieur de Longueville, & Monsieur d'Espernon, un grand esclandre, durant ces dernieres guerres; car Monsieur d'Espernon, venant de Boulogne en France trouver le Roy. & passant près Montreuil, & rencontrant la garnison de Cheval, conduite par Monsieur du Mesny, Gouverneur de la Place, la dessic très heureusement, & force demeurerent prifonniers, dont ledit Sieur du Mesny en estoit un; & puis vint au giste à Corbie, où estoit pour lors Monsieur de Longueville, Lieutenant de Roy en Picardie, qui demanda les prisonniers: mais Monsieur d'Espernon les luy refusa; sur-quoy s'esmeut question, & Monsieur de Longueville jura, qu'il ne sortiroit autrement de la Ville. & le brava fort. jusques à mettre un gros corps de garde devant son logis, & fermer les portes de la Ville. A quoy Monsieur d'Espernon prit pied & appréhension, qu'on luy en vouloit prefter une, tout de mesme comme à Angoulesme, qu'on le faillit à tuer un jour de Saint Laurens, comme il dit depuis; & pour ce, se résout bravement se dessendre & mourir les armes en main. Mais sur ces entrefaites. il se moyenna quelque espece d'accord, par M iii

la menée & dextérité de quelques honnesses gens. Monsieur d'Espernon fortit hors de la

Ville, & emmena ses gens.

L'accord ne s'ensuivit pourrant tel qu'ils se despartirent amis. Car si Monsieur d'Espernon l'eust trouvé après, il l'eust querellé à bon escient, comme je sçay fort bien. En quoy plusieurs dirent que Monsieur de Longueville en devoit faire plus ou moins: & les autres, qui moyennerent la sortie de Monsieur d'Espernon, les devoient aussi accorder du tout absolument, & les saire bons amis, & embrasser ces deux Grands, qui estoient assez bastants, par le moyen de leurs amis, serviteurs & crédits, d'esmouvoir toute la France.

Plusieurs dirent que Monsieur d'Espernon avoit tort, & que, du premier abord, il devoit présenter ces prisonniers au Lieutenant-Général du lieu où ils avoient esté pris, & reconnoistre le Lieutenant-Général & Gouverneur de là, bien qu'il sust grand, & eust grandes Charges & grades; mais la représentation d'un Roy en sa Lieutenance, c'est une grande chose.

Je laisse cela aux meilleurs discoureurs, pour tourner encore au Prince de Condé, lequel laissa après soy une très-belle & brave lignée, Messieurs le Prince de Condé, son héritier principal, le Prince de Conty, & le Cardinal de Bourbon; & du second mariaMR. LE PRINCE DE CONDÉ. 272 ge, Monsieur le Comte de Soissons, gentil Prince certes, & tout plein d'honneur & de vertu.

Si Monsieur le Prince de Condé dernier ne fust esté mort par poison, (comme on dit,) il fust esté aussi grand Capitaine comme Monsieur son pere; car il avoit un très-beau commencement: & lors qu'il mourut, il estoit fort jeune. Il scavoit aussi bien attirer les homme a foy, comme Monsieur son pere: car il estoit très-libéral, doux, gracieux, & rrès-éloquent, choses fort attrayantes. J'ay ouy dire à feu Monsieur de Monpensier, & le débattoit contre moy, qu'il estoit beaucoup plus éloquent que Monsieur son pere. Tant y a que s'il estoit si bien-disant, il avoit le défaut de l'oreille; car il n'oyoit pas bien. Il estoit brave, vaillant, généreux, & fort adroit aux armes & à cheval, bien qu'il fust fort petit, comme le pere.

Or, de tous ces braves freres, j'espere en parler aux Vies de nostre seu Roy Henry troissesse, & le nostre de présent quatriesme (1). Je les remets doncques là, pour dire que, quand Monsseur le Prince le premier sut mort en cette battaille, la pluspart des Catholiques, & mesmes de ceux de nostre armée, entrerent en cette sotte créance, que

⁽¹⁾ On n'a rien de tout celà.

c'estoit fait des Huguenors, puis qu'ils avoient perdu leur grand & principal Chef & Capitaine, qui certes estoit grand & suffisant & a qu'on tenoit avoir si bien appris de Monfieur l'Admiral, qu'il s'en alloit esgal à luy, voire aucuns tenoient qu'il le surpassoit, ce qui estoit saux; & croyoient que les Huguenots n'auroient point la créance, ny portesoient respect, crainte & honneur à Monfieur l'Admiral comme à un Prince, qui estoit un grand Prince du Sang, & de grade, & d'autorité, qu'ils avoient si bien honoré & tenu pour leur grand dessenseur & protecteur, qu'aucuns surent si impudents de l'appeller leur Roy (1).

Mais il en arriva bien autrement; car de tant qu'il y en a eu, il n'y eut aucuns qui branlassent, fors un ou deux de ses plus privez, & tous se rangérent sous sa protection, autorité & obéyssance, qui se targuant & couvrant de l'ombre de Messieurs les Princes de Navarre & de Condé, tous deux fort jeunes, conduisit si bien leur barque, qu'ils ne trouverent nullement à dire leur grand Pilote mort, qui sut un grand heur & honneur à Monsieur l'Admiral, & demeurerent tous sermes & assectionnez à leur party.

Aussi, il n'y a ligue, ny association, si

⁽¹⁾ Voyez ci-deffus, pag. 259.

ferme ny si obstinée, que celle qui se fait peur la Religion, & mesme pout une nouvelle & contrainte, comme je tiens d'un grand personnage: & ce qui affermit & appuya encore mieux cette colomne, qu'on croyoit à demy panchée & tombante, ce surent leurs braves & vaillants Capitaines qui resterent encore sur pied, comme Monsieur d'Andelot, l'un des vaillants & renommez de la France, mais il mourut tost après: Monsieur de la Rochesoucaut, très-grand Seigneur en Guyenne, & qui avoit beaucoup de créance parmy ceux de la Religion du Pays, & principalement parmy la Noblesse, de laquelle il estoit sort révéré.

Il estoit aussi fort vieux Capitaine, bien qu'il fust jeune, pour les guerres estrangeres au'il avoit veues des son petit asge, estant à la suice de Monsieur d'Orléans, & tousjours continué soubs le Roy Henry, qui l'aymoir uniquement, & luy estoit plus privé & samilier qu'aucuns de ses Favoris; & se jouoient ordinairement ensemble, comme s'ils eussent esté pareils; car ledit Come estoit de très-bonne & très-plaisante compagnie, & disoit des mieux le mot : au reste, très bon Seigneur, & qui n'offensoit jamais personne. Toutesfois, aux guerres civiles, se voyant beau-frere du Prince, Roy des Huguenots, il devint un peu glorieux : mais quant à moy, je ne le trouvay jamais tel; car il es-

toit trop de gaillarde humeur. Les bons trompettes des François & Reystres parmy leurs clairons, sonnoient souvent cette chanson & quinte:

Le Prince de Conde

Il a été tué.

Mais Monsieur l'Admiral

Est encor à cheval,

Avec la Rochesoucaut,

Pour chasser tous ces Papaux, Papaux,

Papaux.

Il y avoit Monsieur de Mouy, un trèsbrave & vaillant Capitaine. Il le monstra à la battaille de Dreux; car ce fut luy qui sit la premiere charge, avec les cinquante ou soixante casaques blanches eslevées. On le tenoit pour plus vaillant que sage Capitaine; mais il monstra, & l'un, & l'autre, quand il conduisit le Duc des Deux-Ponts jusques en Guyenne avec ses trouppes, & prit la Charité contre une infinité d'obstacles qu'il trouva par les chemins. Il avoit aussi fort pratiqué les guerres estrangeres, & s'y estoit sait signaler bien fort.

Il y avoit aussi Monsieur de la Nouë, qui porte le nom aujourd'huy & à l'heure que je parlé, du plus grand Capitaine de la France, pour les grandes expériences qu'on à

connues en luy; j'en parle ailleurs fort au

long. (1)

Il y avoit aussi le Seigneur de la Louë, pareil en nom, forsune lettre, & pareil aussi en valeur: it avoit eu charge de la Venerie du Roy; mais il ne s'amusa tant à la chasse des cers que des hommes, & menoit mieux les gens à la guerre, que les chiens à la chasse : & si sur fort bon pour l'une & l'autre chasse.

Il y avoit aussi Monsieur de Theligny, beau-frere de Monsieur de la Nouë, un sage & brave Gentil Homme, & qui estoit bien

accomply de toutes vertus.

Il y avoit Monsieur Bouccard, jadis fort aymé & favory du feu Roy Henry II, & son Escuyer quand il estoit Dauphin, & qui avoit fort veu les guerres estrangeres, & s'y estoit fait renommer, comme aussi Monsieur d'Esternay, & Monsieur de Genlys, Monsieur d'Acier, duquel je parle ailleurs, & le bon vieillard Monsieur de Briquemaud, leur Mareschal-Général de-Camp, très-bon & grand Capitaine, qui avoit si sidélement servy ses Roys en Piedmont & en France; & pour ce, ne le devoit-on faire mourir de telle saçon qu'on sit, & mesmes en si vieil asse qu'il estoit, & devoit-on attendre son heure.

⁽x) Ci-dessous vers la fin du Tome X. M vj

Il estoit un fort homme-de-bien, & quine combattoit que pour sa Religion, ainsi que j'ay ouy raconter à un Gentil-Homme, qui avoit esté nourry son Page, que trois ou quatre jours avant la battaille de Jarnac, il avoit esté blessé en une jambe: & ainsi que Monfieur le Prince & Monsieur l'Admiral l'allerent voir en son lict, & y tenir le Conseil, à Monsieur le Prince il eschappa quelque mot de régner (a). Monsieur, (luy dit Mon-

(a) Cétoit en 1569. Or, la monnoie d'argem prétendue, de la page 259, étoit, dit-on, de l'année 1567. Si donc, sur quelque mot de régner, qui, en 1569, échappa au Prince de Condé, Briquemaut menaça de le quitter; Briquemaut auroit-il attendu jusques-là, supposé, comme on le veut, que dès l'année 1567, ce Prince se sût qualisié Roi de France, dans la monnoie frappée à son coin?

Voici une rime, sous le titre d'Echo, qui parut en ce temps-là, & que j'ai tirée d'un an-

cien Recueil M. S.

Quel Pays de se monde est en plus grande souffrance?
France.
Qui l'a mis en ce point, qui mene est orage?
Rage.
Est-ce le jeune Roy, qui l'a mis en ce point?
Point.
Est-ce Monsieur, son frere, ayant tant de tesmoins?
Moins.
Qui nous a donc sausé cette douleur amere.?
Merce.

MR. LE PRINCE DE CONDÉ. 277 fieur de Briquemaud) il semble par vostre dire, que vous tendez plus à l'ambition qu'à la Religion. Je vous quitte, si venez-là. Prenons le party de Dieu. Autrement, je me retire. Ce Page estoit alors en la chambre, qui ouyt ces mots, & me les dit depuis.

Il v avoit aussi ce brave & déterminé Monsieur le Comte de Montgommery, que j'ay veu nommer le Dompteur de la Gascogne, & en peu de temps il s'en alla lever le siege de Navarrains, qui de soy-mesme se leva le sentant venir; & luy, ne se contentant de cela, assaillit & prend en plein jour de prim-abord Monsieur le Baron de Terride, vieux, ancien, sage & bon Capitaine, fort estimé par les guerres passées du Piedmont. avec toutes ses trouppes; retourne après triomphant à son bel ayse, & se promene par la Gascogne, comme il luy plaist, sans aucune résistance. De telle sorte que ce qu'on en disoit, on le réputoit plustost à miracle qu'à autre chose. Je pense bien qu'il y a quelque Historien qui en parle, sur tout

Qui en a deutrement son vouloir secondé?

Conde.

Mais quelle occasion à ce faire l'attire?

Ire.

Quel présense a t-il pris pour couvrir ses desseins?

Et la Religion est-elle de ce nombre?

Monsieur de Montluc. J'en ay ony conterles grands saits à Gentils-Hommesqui estoient avec ledit Comte, que j'escritois volontiers;

mais on ne les scautoit croire.

J'ay ouy conter de l'humeur de se Capitaine, que c'estoit le plus nonchalant en se charge, & aussi peu soucieux, qu'il estoit possible; car il aymoit sort ses ayses & le jeu. Mais quand il avoit une sois le cul sur la selle, c'estoit le plus vigilant & soigneux Capitaine qu'on cust seu voir, au reste si brave & vaillant, qu'il assailloit tout, soible ou sort,

qui se présentast devant luy.

Aussi a-t-il fait de belles guerres, & y a essé très heureux, comme il sit dans Rouen, là où il tint le siege plus long-temps que la forteresse, ny la Place, ny l'armée devant, composée de si grands Capitaines les plus grands de la France, ne le requeroient. Sous-sint les assauts tant qu'il peut: & au dernier, cédant à la fortune & combattant au dernier point, se retira bravement, & non si à la haste qu'il cuyda estre pris, & (1) se voulant jetter dans l'esquis de la galere en laquelle il se mit, & tira vers le Havre; mais en chemin, à Codebec, il rencontra une palissade, qui avoit esté saite si forte pour en garder le secours de la mer, qu'à vogue rancade il la

⁽¹⁾ en.

MR. LE PRINCE DE CONDÉ. 279 fanssa. & se sauva bravement; qui fut un effort, dequoy les bons Mariniers des galeres s'en esbahirent pour jamais, bien qu'il n'y ait force pareille que d'une galere voguante à pleine voile & rame de toute force. Au cuns disoient que c'estoit un miracle: d'autres disoit que celuy qui avoit eu la charge de faire la palissade, l'avoit faite de cet endroit faible, parce qu'on le soupçonnoit savorisec ce party. Je ne le nommeray point. Je parlerav de ce Comte en d'autres lieux, enfemble de ses freres, Corboson, ou Saint-Jean, & le jeune l'Orge, tous braves & vaillants Gentils-Hommes, que j'ay connu tels, & deux fort mes grands amis, & tous de la Religion.

Je parleray aussi de plusieurs autres bons Capitaines Huguenots. Que si je voulois à cette heure les particulariser, je ne scaurois sournir, tant il y en a eu de très-bons, & de cheval & de pied, desquels je parle au Chapitre des Colonels (1): car il faut confesser le vray, que l'on y a reconnu de braves & vaillants gens & de bons Capitaines; & si en est venu après les morts de bons, qui ont vescu, & vivent depuis & à cette heure, comme j'ay ouy dire à gens plus clairvoyants que moy. Ils n'ont appris que des morts, &

s ne les ont nullement furpassez.

^{(1):} Cirdeffous , Tome XL

Ainsi fut le Prince de Condé accompagné de ces braves gens: & ainsi luy, & Monsieur l'Admiral, se sont faits craindre, & ont planté l'Evangile, qui bourgeonne & verdoye aujourd'huy encore, & sans lesquels ils seroit sec, & de couleur de seuille-morte.

Et diray bien plus, que si tous ces bons Capitaines se sussent mis de nostre costé, & eussent fait pour le Roy, ils sussent esté tous grands, tous honorez de grades, de nobles charges, & pensions & Ordres, & si en fussent esté mieux dignes, & d'estre Marefchaux de France, que plusieurs que nous en avons veu.

Mais ce qui est un grand cas, ils avoient l'œil & le cœur si fort tendus à leur Religion, & l'embrassoient de telle dévotion, qu'au Diable s'ils s'en soucioient d'un seul brin de nos honneurs & estats, & comme je leur ay veu dire, & le monstrer par essects.

ARTICLE II.

ANTOINE DE BOURBON, Roy de Navarre.

LE Roy de Navarre ANTOINE DE BOUR-BON, sut frere aisné dudit Prince de Condé, qui soustint & savorisa au commencement les ANT. DE BOURBON, R. DE N. 281

Huguenots. Aussi estoit-il de la Religion, disoit-on, & en sentoit dès le regne du Roy Henry, qu'il avoit son Ministre David (a), & le faisoit prescher où il passoit, car c'estoit en Caresine, & le vis prescher à Poictiers, que j'estois sort jeune. Il le mena à la Cour qui lors estoit à Fontainebleau; mais ayant parlé à Monsieur le Cardinal de Lorraine, ledit David chia sur la Bible & le Ministre (1) & tout.

Le Roy Henry ne trouva bon qu'il eust avec luy ce Ministre, qui ne portoit pourtant le tiltre de Ministre, mais de Prescheur du Roy & de la Reyne de Navarre; & par ce tiltre, il n'estoit si odieux, que par celuy

de Ministre.

La Reyne de Navarre pour lors, qui estoit jeune, belle & très honneste Princesse, & qui aymoit bien autant une danse qu'un Sermon, ne se plaisoit point à cette nouveauté de Religion, ny tant qu'on eust bien dit; & pour ce, je tiens de bon lieu, qu'elle le remonstra un jour au Roy son mary, & luy dit tout-à-trac, que s'il se vouloit ruyner, & faire consisquer son bien, elle ne vouloit point perdre le sien, ny si peu qui

⁽a) Pierre David. Voyez Beze, Hist. Eccl. T. 1. page 102.

(1) & le Ministere, apparemment.

luv effoit resté du Royaume des Roys ses prédécesseurs, lesquels, pour l'hérésse, avoient perdu le Royaume de Navarre. Hérésse l'appelloit elle, d'autant que le Pape Jules avoit déclaré Hérétiques (mal-à-propos) tous ceux qui vroient encontre sa sentence donnée sur la confiscation dudit Royaume; mais à aucuns j'ay ouy affirmer, que ce nom d'Héré-

tique n'estoit pas bien adapté.

Ce Roy, si la guerre Espagnole eust continué, avoit bien résolu d'en avoir sa raison sur l'Espagne, où il y avoit de bonnes entreprises, & s'aydoit du Roy de Fez, ven lequel il avoit envoyé en Ambassade les Capitaines Montmor, Gascon, & Melchiot, Portugais, qui m'en entretint fort un jour à Lisbonne, où il s'estoit retiré après la mon dudit Roy, qu'il plaignoit fort, & ses desfeins', qui eussent facilement teussy, & m'y fit toute bonne chere, ayant veu ma mere, Dame d'honneur de la Reyne de Navarre en sa Cour, & ne bougeoit d'avec moy, à me fuire monstrer tout plein de singularites, & quand j'allois voir le Roy & la Reyne, sœur de l'Empereur, encore restée de toutes les autres, qui se portoit fort bien.

Les desseins de ce Roy n'estoient pas petits, & l'alliance avec ce Roy de Fez très-

bonne & ferme.

La Reyne sa femme changea bien après; car son mary se changea en Catholique. & ANT. DE BOURBON, R. DE N. 183 elle se changea en Huguenotte très-ferme.

Le Roy Henry mort, & le Roy Francois venu à la Couronne, l'on eut quelque petit soupcon, que ledit Roy de Navarre scavoit quelque chose de la conjuration d'Amboise, d'autant que les principaux conjurateurs estoient de son Gouvernement, voire aucuns de ses vassaux & serviteurs. Toutesfois cette raison estoit foible; mais bien forte celle qu'ils estoient de la Religion, que ledit Roy sous main tousjours embrassoit & savorisoit, ainsi qu'il le fit paroistre fort à descouvert quand le Roy Charles vint à la Couronne & qu'il fut Régent par la menée des Estats, par un Edit fait, qu'on n'eust plus à parler de la conjuration d'Amboise, ny en rechercher ceux qui en estoient soupconnez; dont i'en vis aucuns Hugnenots, qui en eftoient bien-ayses, que je connois, & disoient ces paroles: Or, hier, nous n'estions pas de la conjuration d'Amboise, & ne l'eussions pas dit pour tout l'or du monde; mais aujourd huy, nous le disons pour un escu, & que l'entreprise estoit bonne & sainte. L'innocence de Monsieur le Prince sut

L'innocence de Monsieur le Prince sur publiée avec l'Edit de Juillet. Le Colloque de Poissy après se moyenna par ledit Roy de Navarre; & ce sur luy qui, à ses propres despens, (ce disoit-on,) envoya querir les Ministres estrangers, pour s'y trouver: & ce sur un Gentil-Homme, qui estoit à luy,

Ce ne fut pas tout; car il fit faire & publier l'Edit de Janvier, & rien ne voyoit on à la Cour que Ministres, & n'oyoit-on que Presches, ne quittant pour cela la Messe par

beau semblant.

Je retournois alors d'Escosse, ayant conduit la Reyne, que moy & mes compagnons, qui pouvions estre environ cent Gentils-Hommes, suivants Monsieur le Grand-Prieur de Lorraine, & d'Anville (1), Quand nous vismes ce changement nouveau depuis nostre

départ, nous fusmes bien estonnez.

Sur ce, le Pape & le Roy d'Espagne ne dorment pas, & sont tant, qu'ils gagnent ledit Roy par belles paroles & offres de le récompenser de son Royaume de Navarre par celuy de Sardaigne, qui n'estoit pourtant si grand & si riche que celuy de Navarre, en ce qu'il voulust soustenir la Religion Catholique, & employer sa puissance pour extitper l'hérésie. A quoy il preste l'oreille très-

⁽¹⁾ Damvillec

ANT. DE BOURBON, R. DE N. 285 volontiers; car & qu'est la chose qu'on ne fasse pour regner? Et pour ce, le Sieur des Cars(1), son grand Favory, qui estoit trèsbon Catholique, fut envoyé vers le Pape. duquel il fut très-bien receu & renvoyé vers fon maistre, plus plein de belles paroles & grandes promesses, que d'autres choses & présents: toutesfois si bien gagné, outre le bon zele qu'il portoit à sa Religion, qu'il réduisit du tout le Roy son maistre à la demande du Pape : dont s'en ensuivit la guerre civile, dans laquelle il s'embarqua si bien. qu'il y estoit plus avant, & en sevérité plus grande contre les Huguenots, que le Triumvirat melme.

Aussi sir-on de luy un Pasquin, qu'il n'y avoit rien pire qu'un Renegat; & sur ce, alléguoient les Renegats d'Alger & d'ailleurs; & un autre, où ils faisoient une anatomie, où ils n'y purent jamais trouver de cœur ny de siel, y ayant appellé tous les meilleurs Médecins & Chirurgiens de la France. Si estoit-il brave, vaillant, tout plein de cou rage: mais il avoit de la bonté; & pour ce, on le peignoit ainsi.

Il ne laissa, estant ainsi embarqué en la Catholique, à se fouvenir de son profit particulier, & des promesses qu'on luy avoit faites;

⁽¹⁾ Descars.

& pour ce, dépeicha le Président de Selva. fort digne homme de son estat, vers le Roy d'Espagne; mais le (1) malheur, il fut pris, & mené à Orléans, où, sans Monsieur le Prince, il couroit fortune de la vie, en eschange de l'exécution qu'on avoit faite à Rouen du Président Mandreville (2), duquel la mort devoit estre expiée par la mon esgale d'un autre Président.

En toute cette guerre, pour si peu de temps que ledit Roy la mena comme Lieutenant-Général du Roy, il s'y monstra fort animé, brave, vaillant, courageux, eschauffé, colere, & prompt à en faire pendre, comme i'av veu. Aussi les Huguenots l'en hayssoient comme un beau Diable, & le dépeignoient de vilaines injures, que j'obmets; car ces Messieurs scavent aussi-bien mal dire. que bien dire.

Le siege de Rouen se sit, où il n'espargna ses pas ny sa peau, non plus que le moindre foldat du monde. Si-bien que luy s'appareillant pour aller à l'assaut, moitié mené du brave & généreux courage qu'il a tousjours possédé, moitié d'ambition & d'émulation qu'il portoit de tout temps à Monsieur de Guyse, qui en telles factions se hazardoit

⁽¹⁾ de. (2) Esmandreville,

ANT. DE BOURBON, R. DE N. 287

tousjours des plus avant, comme j'ay dit, estant dans le fosse, & prest à monter, ainsi qu'il s'estoit tourné pour pisser, (dont il en sur fait un épitaphe, que j'obmets pour révérence,) il eut une grande harquebusade dans l'espaule, mesme coup quasi qu'eut après Monsieur de Guyse, dont il tomba à

demy, & rendit fa gorge.

Aussi-tost il sut jugé à mort par les Chirurgiens & Médecins, ainsi qu'après quelques jours qu'on pensoit qu'il en eschapperoit, il mourut, repentant (ce disoient aucuns) d'avoir ainsi changé de Religion, &
résolu de remettre la Résormée mieux que
jamais, ainsi qu'il le manda à Monsieur le
Prince son frere, par un sien Maistre-d'hostel, qu'on appelloit Osquerque, qu'il avoit
envoyé vers luy le visiter. Cela se disoit parmy aucuns de nous autres: au contraire du
Roy Henry d'Angleterre, qui, sur la fin de
ses jours, voulut remettre la Religion Catholique. Il estoit temps vrayment, après tant
de manx faits.

De sorte qu'il ne sut pas gueres regretté; car il estoit en termes de brouiller. D'autres le regretterent sort; car il estoit tout bon & gentil Prince; & mesme la Reyne-Mere, qui, tousjours appréhensible, avoit opinion, que, comme grand qu'il estoit, il retenoit plusieurs Capitaines, Gentils Hommes, Soldars, & autres, qui, sans luy, sussent de

l'autre costé avec le Prince, qui aymoient mieux estre avec l'aisné & le chef des armes & du nom, qu'avec le cadet; & que, luy mort, à veuë d'œil, on les verroit tous disparus de l'armée du Roy, & les uns après les autres yroient trouver Monsieur le Prince. Mais Monsieur de Guyse, qui n'estoit peureux, asseura la Reyne, & luy dit: Non, non, Madame, n'entrez point en telle crainte & appréhension; car pour moins d'un rien, je vous en releve. La Bande qui en partira de l'armée du Roy, en sera fort petite; ce que je ne croy encore: & s elle en part, ce sera autant la purger, 🕏 bien nettoyer, & n'y restera que le beau grain, pur & net; ce qui sera le meilleur pour nous: car là-où il y a des traistres & gens doubles, tout va mal; & s'il y en reste, je les tiendray si court & les seray si bien veiller, qu'ils n'oseront seulement faire trembler une feuille d'arbre.

Je tiens ce conte d'un grand Seigneur, qui estoit alors présent, & c'estoit en la chambre de la Reyne à son coucher, qui commença à se rasseurer & connoistre à veuë d'œil le vray de ce que luy dit Monsseur de Guyse, qui, pourtant, regretta ledit Roy; car ils estoient cousins germains & grands amis de longue main, dès que ce Roy estoit Monsieur de Vendosme, Lieutemant de Roy en Picardie, & appelloit tous-

jours

ANT. DE BOURBON, R. DE N. 280 iours Monsieur de Guyse, mon compagnon. Cela s'entend quand il estoit en sa grandeur; & Monsieur de Guyse l'appelloit Monsieur, quelquefois Monsieur mon Cousin. Le Roy de Navarre l'y appelloit aussi, & quelquefois Seigneur Cousin. Enfin, souvent ils se divertissioner par appellations, comme il leur venoit en humeur, ainsi que je l'ay veu. Mais quand il vint en sa grandeur de Régent, il ne l'appelloit jamais que mon Compagnon: car on luy donnoit la réputation que ç'a esté l'homme qui s'est plus perdu en sa prospérité & faveur de fortune, estant devenu fort arrogant, pour l'avoir veu comme on l'avoit veu fort petit & bas de fortune, bien nu'il fust très-grand en tout, de race, de maison, de grandeur, d'authorité, de valeur, & de vertu, mais non de fortune, qu'il eut après. Au reste, il devint, disoit-on, ingrat un peu à l'endroit d'aucuns des siens, qui l'avoient suivy en son adversité, & peu vindicatif envers ceux qui luy avoient fait du desplaisir & offensé, & l'avoient quitté pour aller ailleurs; ainsi qu'il fit envers Monsieur de Beauvais-Nangy, un très sage, vaillant & brave Capitaine, qui avoit eu de belles & grandes Charges, & mourut vaillamment (disent les Histoires,) qu'il avoit pousse & advancé & fait son Lieutenant de Gendarmes quand il estoit en Picardie, qui le quitta pour aller à Monsieur de Guyse; dont il luy en Tome IX.

voulut mal mortel, jusques à l'en menacer: ce que l'autre craignit très-fort, quand il vint à sa régence. Mais rien pour cela; car plus grands amis que devant. Dont je sçay ce que l'on en dit alors à la Cour. Telles bontez pourtant sont fort à loüer, & telles nonchalances de vindictes très à priser parmy les Roys, Princes, & grands Seigneurs: ainsi que je sçay bien l'ensuivre en cela nostre Roy d'aujourd'huy son sils, qui d'autant plus en approche de Dieu, lequel désend les vengeances; dont j'espere alléguer force nombles exemples de sa généreuse bonté en sa Vie (1).

On ne donna que ces deux Sis à ce grand Roy Antoine, si-non aussi qu'il estoit sort addonné à l'amour. Mais qui ont esté les Roys & les Grands, qui n'ayent aimé les Dames? Autrement ils sont dénaturez & ad-

donnez au grand & énorme vice.

Pour le reste, il essoit très-bien né, brave & vaillant; car de cette race de Bourbon, il n'y en a point d'autres: estant de belle vaille, & plus haute beaucoup que celle de tous Messieurs ses serses, la majesté toute pareille, & l'éloquence très-bonne. Il acquit & laissa après soy une très-belle réputation en Picardie & en Flandres, quand il sur

⁽¹⁾ On ne l'a, point

ANT. DE BOURBON, R. DE N. 291 Lieutenant de Roy, & quand il s'en alla Roy de Navarre commander en Guyenne; car il conserva très-bien à ses Roys ces Pays, & si en conquesta. De sorte qu'on ne parloit en cela que de Monsieur de Vendosme.

Mal récompensé pourtant de ces Roys, & mesme du Roy Henry, quand il l'oublia en son traité de paix entre luy & le Roy d'Espagne, qu'il ne se sit aucune mention du recouvrement de son Royaume de Navarre, d'un seul petit trait de plume; & en voulut long-temps mal à Monsseur le Connestable. Et certes il y eut du tort; car ce Prince avoit très sidélement servy la Couronne de France, pour laquelle soustenir, au moins les siens, la Reyne Jeanne estoit deshéritée, & estoit aussi cousine germaine du Roy, & très bonne & vertueuse Princesse.

Ce brave Roy, & Monsieur de Guyse, contendoient si fort ensemble en compétence de gloire, que toutes leurs actions de guerre tendoient à l'envy à qui feroit mieux. A l'assaut de Linars, y voyant aller Monsieur de Guyse, où il y sur fort blessé, il y voulut aller tout Lieutenant de Roy qu'il sust. Les petites émulations pourtant se convertirent après en inimitiez sourdes, sans se descouvrir pourtant; & mesmes, quand il vid Monsieur de Guyse si ennobly de beaux saits, & qu'on ne parloit que de luy, & qu'il le voyoit si bien advancé & savory de

fon Roy. Si bien que, parmy leurs Pages & Laquais des uns & des autres, on voyoit faire des quadrilles & des parties; & cryer à la Cour: Bourbon, Bourbon, à part; Guyse, Guyse, & Lorraine, à part! Ces petites choses picquent quelquesois autant ou plus que des grandes, si qu'il en cuyda arriver une grosse batterie entre cette race de Pages & Laquais, sans Monsieur de Brezay, qui les estrilla bien une sois, & ce durant le Roy Henry.

Le Roy François venant en regne, là fut la grande picque & l'inimitié, à cause que Monsieur de Guyse ne luy céda l'authorité & prééminence de tout l'Estat, mais non qu'il en vinst grande rumeur & esclandre descouvert. J'en parle ailleurs (1). Le Roy Charles vint après à regner, & le Roy de Navarre en vogue, comme j'ay parlé au Discours de Monsieur de Guyse, & ailleurs au Discours de Monsieur le Connestable. Il y eut bien quelque petite brouillerie: mais tout se passa deucement; & la guerre civile

venue, jamais ne furent mieux.

Voilà ce qu'en bref j'en puis dire, fi-non que, pour bien achever sa gloire & ses louanges, je dis, quand en son temps il n'auroit

⁽¹⁾ Ci-deffus, Discours, de Mr. de Guise, LXXVIII.

ANT. DE BOURBON, R. DE N. 293 fait autres belles choses que d'avoir fait & procréé nostre grand Roy d'aujourd'huy Henry IV, il a fait beaucoup, & est digne de très-grandes & incomparables loüanges, à qui la France doit tout son bonheur, ainsi qu'on dit tout au contraire d'Agrippine, merce de Néron, que, quand elle n'eust fait autre mal que d'avoir conceu & engendré Néron, elle méritoit la mort, & estoit indigne de tout los.

ARTICLE III.

Les deux Princes d'Anguien, & le Duc de Nevers, leur Beau-frere, & ses Enfants.

E grand Roy de Navarre eut encore deux très-braves & vaillants freres, les deux Messieurs d'Anguien; l'un, celuy qui gagna la battaille de Cérizoles, duquel j'ay parlé cy-devant; & l'autre, qui mourut à la battaille de Saint-Quentin; jeune Prince, qui promettoit tant de luy, que s'il eust vescu, il n'eust rien cédé à tous Messieurs ses freres, ainsi qu'il le monstra à sa mort, qu'il pouvoit eschapper, comme d'autres qui suyrent. Mais il ayma mieux saire cette glorieuse sin à cette battaille.

Mesme Monsieur de Nevers (1), beaufrere de ces quatre Princes de Bourbon,
pour avoir espousé Marguerite de Bourbon,
leur sœur, s'y trouva, lequel, après avoir
combattu & fait ce que Prince d'honneur &
de valeur peut faire, & voyant devant ses
yeux une si misérable perte, sit sa retraite
honorable dans la Fere, ralliant ce qu'il put
des siens à soy, où il servit beaucoup le Roy,
& toute la France; car avec si peu d'hommes qu'il amassa, il resit encore un petit
corps d'armée, & sit tenir l'ennemy en cervelle & en bride, qui vouloit tirer plus avant.

Si bien qu'ayant envoyé un Trompette vers le Prince de Piedmont, pour reconnoistre les morts, & recommander les prisonniers. Comment (luy dit Monsieur le Prince,) Trompette, vous me venez icy parler de la part de Monsieur de Nevers? Vous estes un menteur; je vous feray pendre. It est mort: je le sçay bien. Mais quelque parole que luy pust dire le Trompette contraire à la sienne, il ne le put croire, le menaçant tousjours de le faire pendre, à quoy se sous monsieur le Trompette, s'il n'estoit vray; dont Monsieur le Prince en demeura esbahy & fasché, & dit à aucuns des siens: S'il est vray, comme il le sceut tost après, le Roy de France n'a

⁽¹⁾ François de Cleves.

MR. LE DUC DE NEVERS. 295

pas perdu tous ses bons Capitaines, comme en voilà encore un des siens sur pied, qui nous donnera encore bien de l'affaire, E nous empeschera de faire sous ce que nous

eussions bien voulu.

Ce tesmoignage d'un tel Prince ne sut pas petit pour la valeur & suffisance de Monsieur de Nevers, ainsi qu'il le sit parositre; car il sit tousjours bonne mine & teste si bien à l'ennemy, que le Roy Henry eut loisir de redresser une armée bonne & bien gaillarde, dont il l'en sit son Lieutenant Général, ayant auparavant mis si bel ordre & garnisons dans les Places, que l'ennemy ne sit pas ce qu'il

pensoit.

Voilà la grande obligation que le Roy & fon Royaume eurent à Monsteur de Nevers; car sans luy, sa fagesse & valeur, tout sustailé mal. Ce ne sust pas le premier ny le dernier service qu'il sit à son Roy; car estant Lieutenant de Roy en Champagne, comme certes il l'a très-dignement & sidélement servy en cette Charge, il facilita sort le voyage d'Allemagne, & le retour du Roy, & luy asseura aussi fort son chemin pour entrer au Pays de Liege, ayant mis en l'obéyssance de Sa Majesté les sorts dessus la rivière de Meuse, comme Jamais (a) & autres, qui sut la

⁽a) Lisez Jametz.

cause de la prise de Dinant & Bouvines.

Il fatigua fort aussi le siege de Metz, sibien qu'il empeschoit fort les courses de l'ennemy qui estoit devant, qui ne se pouvoit estendre gueres au loing dans la France ny Champagne, pour recouvrer vivres, comme il eust bien fait sans les courses ordinaires de Monsieur de Nevers, qui estoit quasi tousjours à cheval, ou y envoyoit, pour les en empescher. Si-bien que cela engendra une si grande samine au camp de l'Empereur, qu'il falloit qu'il y sist venir les vivres de de-

là, qui n'y put à la fin fournir.

Il servit aussi très bien le Roy à l'envitaillement de Mariembourg, avec Monsieur l'Admiral, qui, estant venu joindre Monsieur de Nevers en Champagne, & leurs forces jointes ensemble, envitaillerent cette Place, avec toutes les peines pourtant, & tous les maux du monde, tous les froids & pluyes que jamais hyver produisit. Car ce fut au commencement de Novembre, & à la barbe du Prince d'Orange, qui avoit une bonne armée de l'Empereur, & Reyne Marie pour l'empescher, & menacoit à tous coups de les combattre. Mais Messieurs de Nevers & Admiral firent ce coup-là fort heureusement, & se retirerent de mesmes; qui fut une trèsbelle exécution, que le Roy admira fort, & tout le monde, puis qu'il fallut combattre le Ciel, qui est une grande impossibilité.

MR. LE DUC DE NEVERS. 297

Tant d'autres beaux exploits a fait ce Prince, qui ne sé peuvent escrire pour leur prolixité, & aussi que nos Histoires en parlent prou. Car de toutes les guerres, l'Empereur n'a jamais pu enjamber sur son Gouvernement; mais luy souvent gagnoit sur ses Terres. Il accompagna aussi Monsieur de Guyse, & l'assista bien à la prise de Theonville.

Bref, ce Prince a esté, tant qu'il a vescu, très-utile à son Roy. Aussi estoit-il très-sage & très-bon Capitaine. Il ne pouvoit estre autrement, estant issu de cette grande Maison de Cleves, où il y a eu de tout temps de très-bons hommes de guerre, & grands Capitaines, comme de frais sut son grand-pere Messire Engilbert de Cleves, qui accompagna le Roy Charles VIII au Royaume de Naples, & qui fut l'un des conducteurs des Suisses à la battaille de Fornouë, qui les y sit bien & si vaillamment combattre, luy à la teste, comme gentil Prince & vaillant Colonel.

Luy, & son fils, n'estoient que Comtes d'une des nobles & grandes Comtez de France, & Monsieur de Nevers, François de Cleves, duquel je parle, en sut le premier Duc, qui certes monstroit bien qu'il estoit issu d'une très-grande, & très-illustre Maison. Car il estoit très-grand, très-riche, & très-opulent, & avèc cela très magnisque, splendide, & très-libéral s'il en sut oncques;

despensant fort, tenant grande maison tousiours à la Cour & aux armées, un très-beau & fort paisible grand joueur, ne se souciant point de l'argent; & toutesfois sa maison tant bien réglée & allant tant bien, que nul n'en partoit mal-content, & paroissoit bien par ces grandes despenses, qu'il y avoit un grand fonds en cette maison, comme depuis il a apparu aux partages de Mesdames ses filles: avec tout cela, un très-homme de bien & d'honneur, & nullement coquin, ny presfant demandeur après son Roy. Car à ce que j'ay ouy dire à ee grand Monsieur de Vyginaires, fon grand Elcuyer, & grand Favory, il s'est peu ressenty des grands bienfaits de ics Roys.

Il espousa en secondes nopces Madame d'Anguien, sa cousine du costé de seue sa semme, & qui estoit aussi cousine de seu Monsieur d'Anguien; car elle estoit sille de Monsieur de Saint-Pol, & Madame de Touteville (1), héritiere. Il n'eut d'elle aucune lignée; mais elle eut de luy un bon advantage de sa Maison. Il mourut de sa belle mort, & laissa son héritier, Monsieur le Comte d'Heu, (2), que nous avons appellé ainsi, & puis Monsieur de Nevers, car il ne survescut gue-

⁽¹⁾ Estouteville.

⁽²⁾ Le Comte d'Eu.

MR. LE Due DE NEVERS. 299
res son pere. Il mourut à la battaille de Dreux,
par un très-grand inconvénient; car aimsi
qu'il alloit à la charge avec Monsieur de Guyse, il y avoit près de luy Monsieur Blanc
(a), Enseigne de Monsieur de Guyse, qui,
tenant son pistolet couché sur le devant de la
selle de son cheval, Monsieur de Nevers luy
dit: Mon compagnon, tenez vostre pistolet
haut; car s'il délasche, vous m'en donnerez
dans la cuisse. Il n'eut pas plustost dit ce
mot, que le pistolet se délasche, & luy donne le coup qu'il craignoit.

Si ne laissa-t-il de combattre de toute surie & désespoir; mais il fallut de la douleur qu'il s'allast faire panser. Après il mourut, dont ce su un très-grand dommage; car il n'eust rien deu à ses braves prédécesseurs, ainsi qu'il le promettoit par sa belle saçon, & par la pratique de guerre qu'il avoit saite; car n'ayant pas quinze ans, il sit le voyage de Monsieur de Guyse en Italie, en charge de deux cents Chevaux-légers, de laquelle il s'en acquitta très-dignement, & puis la continua aux autres guerres jusques à la paix saite.

C'estoit le plus beau Prince, à mon advis, que j'aye jamais veu, & le plus doux,

⁽a) M. de Thou, L. XXXIV, nomma Des Bordes, celui qui tua imprudemment le Duc de Nevers, N vi

& le plus aymable. Nous le tenions tel parmy nous; & lors qu'il s'en alla espouser Madame sa semme en Espagne, sille de Monssieur de Montpensier, il y sut aussi tout tel estimé & admiré, autant de ceux de la Cour, que de tout le Pays.

Ce fut très grande perte de ce Prince. Il laissa son jeune frere, que nous appellions le Marquis d'Isbe, son successeur & héritier, qui mourut aussi fort jeune, & avoit espousé Madamoiselle de Bouillon, une très belle & honneste Princesse, & qui est encore telle, bien qu'elle s'advance sur l'asge; mais il ne

luy fait encore aueun tort à sa beauté.

Ce Prince, qui s'appelloit JACQUES DE CLEVES, s'il eust vescu, bien qu'il fust de foible habitude, si promettoit-il beaucoup de foy; car il avoit beaucoup de vertu. Tous ces deux Messieurs de Nevers freres ne demeurerent gueres possesseurs de ces belles Terres & grands biens que Monsieur leur pere leur laissa; car estant ainsi mort jeunes. ils les laisserent à Mesdames leurs sœurs, qui furent Mesdames de Nevers, de Guyse. & la Princesse de Condé, trois Princesses aussi accomplies de toutes les beautés de corps à mon gré, comme d'esprit qu'on ayt point veu. Si bien que, quand nous parlions à la Cour de ces trois Princesses, bien souvent nous les disions les trois Graces de jadis. tant elles en avoient de ressemblance : &

LUD. DE MANTOUE, D. DE N. 301 comme de vray, je les ay veues très-belles, très-bonnes, & très-aymables. J'espere en parler ailleurs au Traité que je seray des Da-

mes (1).

Le Seigneur Ludovic de Mantoue espousa Madamoiselle Henriette de Nevers. ou de Cleves, fille aisnée, & pour ce la Duché luy escheut, & ledit Seigneur fut Duc de Nevers. Il avoit esté nourry du Roy Henry près Monsieur le Dauphin & en sa Cour, si-bien qu'il fut très bon & loyal François. de telle sorte qu'estant pris fort jeune à la battaille de Saint - Quentin, où il combattit très vaillamment, & acquit beaucoup de réputation, le Seigneur Ferdinand de Gonzague, son oncle, après l'avoir fort caressé, luy dit, qu'il falloit desormais tenir le party du Roy d'Espagne, qui luy laisseroit sa rancon, & luy feroit de très beaux advantages. Il luy respondit, qu'il avoit la Croix blanche si gravée dans son cœur, à cause de la belle nourriture qu'il avoit eue du Roy de France, & le bon traittement qu'il en recevoit ordinairement, qu'il ne le sçauroit faire. De telle response si généreuse, son oncle l'en estima davantage.

page 438, où il ne dit que deux mots de Catherine de Cleves, Femme de Henry 1, Duc de Guise.

Tout jeune qu'il estoit, il a tousjours promis qu'il seroit un jour grand Capitaine. Il estoit de son naturel fort froid & modéré, & n'estoit nullement éventé, comme plusieurs jeunes gens de sa volée. Mais pourtant, quand il se faisoit quelques belles parties, ou de cheval ou de pied, il en estoit tousjours, & si s'en acquittoit très-dignement: & sa partie paroissit fort, comme il sit à Bayonne en plusieurs endroits, comme je l'ay veu bien fort paroistre; car il estoit fort adroit à tout, & avoit avec luy tousjours une belle suite de Gentils-Hommes, tant de ses vassaux que de la Cour, & de ceux qui avoient servy Messieurs ses beaux-freres.

Il estoit un très-beau Prince, agréable, & de belle haute taille; mais elle se gasta par ce malheureux coup qu'il eut à la jambe aux seconds troubles, estant Lieutenant de Roy en Piedmont & Marquisat de Saluces. Il fut commandé d'emmener les vieilles Bandes par de-là avec quelque Cavalerie légere: ce qu'il fit, & vint trouver Monsieur nostre Général à Vitry, comme je vis, avec de belles forces avec luy. En venant, il fit tout plein de beaux effects; car il y prit force Places que tenoient les Huguenots, dont Mascon en fut une, qui tint bon & se laissa bien battre & assaillir; car il y avoit de bons hommes dedans avec le Sieur de la Cliette qui commandoit, brave Gentil-Homme, LUD. DE MANTOUE, D. DE N. 303 certes, qui avoit d'autrefois suivy Monsieur d'Anville aux guerres du Piedmont. De sa Maison estoient sortis autrefois de bons & braves gens, entr'autres le Bastard de la Cliette, qui sut en son temps Lieutenant de cent Hommes d'armes de Monsieur de Bourbon, estant Connestable de France. Ensin, ladite Place de Mascon sut prise avec beaucoup de réputation de Monsieur de Nevers & de ses gens; & si le Roy ne luy eust mandé de venir aussi-tost joindre Monsieur son frere, il y eust fait de bons services en Dauphiné, Lyonnois & Bourgogne.

Estant donc arrivé en nostre armée, il demanda congé d'aller jusques à Nevers voir Madame sa semme, qu'il n'avoit veue, il y avoit long-temps. En y allant, il vint à rencontrer quelques Gentils-Hommes Huguenots, qui alloient à l'armée, dont la pluspart estoient ses vassaux & voisins. Sans dire gare, il les chargea, & en porta par terre un, & fon vallal, qui tout par terre, luy deschargea fon pistolet à la jambe vers le genouil, & le blessa tellement, que l'on en attendit plustost & long-temps la mort que la vie. Mais pour avoir esté bien secourn de bons Chirurgiens, & par la bonne assistance de Madame sa femme, il eut la vie sauve; mais il demeura ainsi estroppié, comme nous l'avons veu, & très-mal sain toute sa vie : dont ce fut un très grand dommage; car il estoit

un très beau & bon Prince, & ne laissa pour tout cela à bien servir le Roy, & se trouver en toutes les bonnes occasions qu'il falloit.

Au siege de la Rochelle, je l'y ay veu peiner & travailler comme s'il sust esté le plus sain & gaillard du monde. Il faut que je die, & d'autres avec moy, que l'une des belles choses qui s'y soient faites, sut celle que Monsieur de Nevers inventa & ordonna, qui sur l'escalade que nous donnasmes le plein jour, le matin à six heures en esté: ce que l'on trouva estrange, le matin plein jour donner une escalade; mais il la débattit si bien au Conseil du Roy, qu'il sut cru: & si l'on s'y sust gouverné, la Place estoit nostre.

L'entreprise estoit telle, que toute la nuit devant on ne sit que donner des fausses allarmes à ceux de dedans, & tirer si très-tant haut, qu'ils surent si fort fatiguez, que le lendemain les allarmes cessant, & croyant que tout estoit passe, ils se mirent tous à dormir, & chacun tirer en son logis, & laisserent la garde du retranchement si foible, & encore demeura-t-elle si fort endormie & assoupie, que nous eusmes un bon loisir de faire nostre escalade.

Le Roy de Navarre, qui ne venoit que de frais dresser sa garde, pria Monsieur qu'il sist la premiere pointe, qui la sit très bien, & la sit beau voir à tout leurs beaux mandils neus de velours jaune, avec du passement

LUD. DE MANTOUE, D. DE N. 305 d'argent & noir. Entr'autres premiers fut un la Flesche d'Anjou; un la Cassagne, & un la Tour, Gascons, qui ne venoient que de frais du siege de Mons, d'avec Monsieur de la Nouë, très-braves & renommez soldats.

En ce siege, on leur avoit commandé. que, quand ils seroient montez sur le rempart, qu'ils advisassent bien la contenance de l'ennemy, & fissent signe s'il y faisoit bon, & (1) qu'ils firent bien: mais au-lieu d'attendre que quatre ou cinq cents montassent, comme les uns après les autres, ils y alloient tant qu'ils pouvoient. & ne leur en donnerent le loisir, & se mirent tous à cryer: Dedans, dedans, ils sont à nous; & donnerent si grande allarme, que l'ennemy s'esveille, s'asseure, prend les armes, commence à tirer à ceux des nostres qui estoient montez, qui prirent l'espouvante de telle sacon. que nous les vismes tomber avec si grande confusion & peur sur nous, qui estions prests à monter, & à deux eschellons, qu'ils nous renverserent par terre, & cuydasmes estre crevez, & mesme des corcelets.

Monsieur de Longueville, qui estoit ce jour-là de garde à son tour, comme estoient tous les Grands avec leur suite, estoit desjà au premier eschellon, tant il estoit vaillant.

⁽¹⁾ ce.

Monsieur de Strozze & moy, qui estions avec luy, cuydasmes aussi estre tuez de deux grenades, qui nous tomberent à nos pieds:par ainsi, tout cessa.

Voilà la faute que nous fismes en cette belle entreprise, sans laquelle nous eussions bien donné de l'affaire à la Ville; car ceux de dedans me le dirent bien après, que je sus parlementer avec eux. Il y en a aujour-d'huy encore force vivans, qui le peuvent dire. Il y en eut aucuns qui soupçonnerent ces deux soldats nostres, qui estoient Huguenots, avoir donné à dessein cette allarme, par l'advis d'un que je ne nomme point, pour les advertir & esveiller; car ils estoient tous endormis. Toutessois, ces pauvres soldats y surent sort blesses, & moururent quelques jours après: qui sut dommage; car ils estoient braves & vieux soldats.

Le Roy de Navarre les regretta fort, qui me les mena voir panser en une salle basse, où ils estoient couchez. Il s'en peut bien souvenir possible encore. Je leur demanday sur quoy ils donnerent ainsi cette allarme & ce cry. Ils me dirent, qu'ils les voyoient ainsi esveillez desjà, & grouiller en rumeur, & bransler, & cryer bellement aux armes; & que s'il y eust eu avec eux seulement deux cents hommes, & eussent donné, ils gagnoient le retranchement.

Voilà nostre entreprise d'escalade très bien

LUD. DE MANTOUE, D. DE N. 307 inventée par Monsieur de Nevers, & mal exécutée par nous: car certes, il estoit trèsingénieux, & n'avoit faute d'inventions, & les préméditoit & considéroit bien avant; car

il n'alloit point viste en besoigne.

Aussi le Roy de Navarre & les Huguenots disoient de luy; quand il alla avec son armée encontr'eux en Poictou: Il nous faut craindre Monsieur de Nevers avec ses pas de plomb, & son compas en la main. Comme de vray il a esté un très-sage & meur Capitaine, & le leur fit bien paroistre; car au beau mitan de l'hyver froidureux, pluvieux & fangeux, prit en peu de temps Mauleon & Montagut, dans lequel il y avoit un bon homme dedans, Monsieur du Preau, Gouverneur de Chastelleraut, qui a fait beaucoup de belles preuves de sa valeur aux guerres de Flandres l'espace de six ans, & en France. comme je dis ailleurs, & acquit beaucoup d'honneur en la deffense de cette Place; car elle ne venoit que d'estre démantelée par le Mareschal de Rets, & très-mal sortifiée depuis. Il prit aussi la Ganache, & autres Places: & sans qu'il fut mandé par le Roy, après la mort de Monsieur de Guyse, pour aller secourir la Citadelle d'Orléans, il eust fait autres conquestes & expéditions.

Lors que Monsieur, frere du Roy, partit de la Cour, & prit les armes, il fut sait Lieutenant de Roy, & commandé par luy de

le suivre, & luy rompre ses desseins. De sorte qu'à la Cour cela se disoit, que, pour attrapper Monsieur, qui s'en alloit à belle erre, le Roy y avoit envoyé un boisteux. Mais pourtant, si la Reyne ne fust intervenue, qui vouloit adoucir tout, il l'attrappoit à bon escient, & luy eust pratiqué le proverbe, qui va piano, va lontano (1); car il luy dressoit une belle entreprise que je sçay. Il me fit cet honneur de me la communiquerà Bonneval en Beausse, ainsi que nous le suivions vers la riviere de Loire, d'où nous luy allions bien empescher & couper le passage, & de venir en Guyenne. Mais la Reyne luy manda une nuit un courier. & commanda de ne passer plus outre; par quoy, il se retin a Paris.

Or, plusieurs s'enquirent, lors que la Ligue commença à s'eslever, après la mort de Monsieur de Guyse, que Monsieur de Nevers ne s'y enfonça bien avant; ce que l'on croyost, d'autant qu'il avoit esté des premiers avec le Mareschal de Rets à la bastir: mais il n'en sit rien; car cette guerre se sit plustost contre le Roy, & pour vengeance, que contre la Religion; & luy estoit fort serviteur du Roy & de l'Estat, ainsi qu'il le sit bien paroistre après la mort du Roy; car il tint le

⁽¹⁾ C.-à-d. qui va doucement, va long-temps.

Lun. DE MANTOUE, D. DE N. 309 party du Roy bien qu'il fust de la Religion, & luy voyant que l'Estat s'en alloit perdu & dissipé, si nostre Roy, qui estoit légitime & de tout droit vray Roy, n'estoit maintenu en son siege & authorité, se mit de son costé. Aussi qu'il avoit le cœur si grand & haut, que, pour un demy Royaume, il n'eust pas voulu obéyr à Monsieur du Mayne; car il se sentoit aussi grand que luy en dignité, authorité; & tout, & plus vieux & pratic Capitaine.

De plus, il avoit si grande siance en Dieu que nostre Roy se feroit Catholique, & pour ce le Royaume en bransle se pourroit relever & appuyer très-bien par cette conversion, ainsi que nous le voyons à l'œil. Ce ne fut pas tout; car il alla vers le Pape, pour intercéder pour le Roy à le vouloir recevoir en fon giron, & en celuy de l'Eglise. Il y peina beaucoup, & y alla à ses propres despens, qui fut grande peine à ce bon Prince maldispos & casse, entreprendre si lointain & fascheux voyage. Sa Sainteté enfin s'estant radvisée. & voyant les bons effects de la Religion Catholique, dont le Roy usoit, tout est bien allé, Dieu mercy, comme nous vovons.

Il ne faut point demander si mondit Sieur de Nevers sut ayse de voir une telle conversion, & mieux que jamais le servit, tant en son Gouvernement de Champagne, qu'aux armées, avec le Roy, & ailleurs, son Lieu-

tenant-Général. Si on l'eust attendu, loss que Monsieur l'Admiral de Villars fut dessait yers Dorlens, tout en fust allé mieux; & il ne tint pas à luy : car il venoit à belles iournées, & se hastant tant qu'il pouvoit, manda bien qu'on l'attendist. Cette deffaite porta ce coup un grand préjudice au service da Roy, & une fort grande perte d'environ quatre à cinq cents Gentils-Hommes, comme i'ay ouy dire: ainsi qu'il sit aussi à la prise de Cambray, là-où ce bon Prince, très-loyal & très-généreux, y envoya Monsieur son fils se perdre dedans, (n'ayant pas encore quinze ans) pour le secourir & garder, & y entra fort heureusement, autant conduit par son bonheur & par sa vaillance, que par la prévoyance & le bon ordre que luy ordonna ce fage Capitaine Monsieur fon pere: dont en cela on ne scauroit assez louer sa généreuse bonté & son loval zele, d'avoir ainsi exposé, pour le service de son Roy & du Royaume, Monsieur son fils, n'ayant que celuy-là, qui estant léans, se monstra si asseuré & courageux qu'il se jettoit ordinairement aux hazards comme le moindre soldat de léans.

Mais il faut pourrant céder à la nécessité & à la force; donc sur fait une composition belle & honneste, comme chacun sçait: & ce jeune Prince, sur fort honoré de tous ceux de l'armée Espagnole, & mesmes d'au-

LUD. DE MANTOUE, D. DE N. 311 cuns vieux Capitaines Espagnols & Italiens, qui avoient jadis combattu sous son grand oncle le Seigneur Ferdinand de Gonzague; & tous l'admirerent & s'esbahirent fort dequoy ce jeune Prince s'estoit ainsi allé précipiter, & l'enleverent jusques au ciel, & luv offrirent beaucoup de services, luv tronvant la façon très-belle. J'espere de parler de luy, & de ses fairs, plus au long, dans la

vie de nostre Rov.

Ne faut point demander si Monsieur son pere fut ayse de voir son fils retourné sain & fauve, avec une très-glorieuse réputation qu'il rapporta de ce siege. Mais au bout de quelque temps, il mourut, aucuns disent de tristesse, pour ne voir lors les affaires du Roy aller si bien qu'il desiroit, autres disent de maladie: car il estoit tousiours si mal sain depuis son coup, dont il délaissa Madame sa femme très-désolée; car elle l'aymoit & honoroit fort, & luy en faisoit de mesme, & le mariage en estoit bon & heureux, duquel est sorty ce jeune Prince leur fils que je viens de dire, Madame de Longueville. fille aisnée, très sage, belle, & vertueuse Princesse, & bonne, & Madamoiselle de Nevers, très-belle Princesse aussi.

Ce fut une grande perte de ce Prince; car il estoit très-bon Prince, & tenoit encore de cette vieille bonne paste, que peu voit-

on aujourd'huy tenir parmy nous.

Il estoit fort splendide, comme Monsieur son beau pere & ses beaux-freres; car il despensoit fort honorablement à la Cour, & son train & ordinaire alloient tousjours bien. Quand il luy salloit faire quelque sestes & magnificences & sestins, nul ne l'en a jamais surpasse; car il emportoit tousjours le prix. Quand il s'y mettoit, il joüoit, & peu, & non si souvent comme Monsieur son beau pere; mais quand il y estoit, il joüoit fort gros jeu, comme il sit au voyage de Pologne.

Il estoit fort provident en ses affaires, ainsi qu'il le sit paroistre au bien de Madame sa semme; lequel, encore qu'il sust très-grand, il le trouva un peu brouillé, pour les grandes debtes des peres & sreres passez, & nettoya & accommoda si bien la maison, qu'elle estoit des grandes de la France, & des aysées. Il estoit fort doux, assable & gracieux, & saisoit très-bon avec luy. Il estoit très grand & prosond discoureur, & parloit bien, & dissoit aussi-bien le mot comme Madame sa semme, qui le disoit aussi-bien que Dame de France, & qui avoit aussi-bien grace.

Or, c'est assez parlé de ce Prince, j'espere encore en parler en la Vie de nos deux Roys derniers (1); car je l'honorois fort, & le

tenois

⁽¹⁾ On ne l'a point.

LUD. DE MANTOUE, D. DE N. 313 tenois pour l'un de mes bons Seigneurs & amis, comme Madame sa semme m'a esté tousjours l'une de mes meilleures Dames de la Cour: & que j'ay tousjours honorée, ainsi que sa vertu & ses mérites me l'ont tousjours commandé.





DISCOURS QUATRE-VINGT-UNIESME.

ARTICLE I.

Mr. DE MONTPENSIER.

UIS QUE nous sommes encore sur les Princes, il en faut encore continuer d'eux (1), & parleray de Monsieur de Montpensier. Le premier Monsieur de Monspensier, (2) Louys DE Bourbon, fut extrait de l'estoc de ce grand Roy Saint Louys, ainsi qu'il est vray, & qu'il en faisoit grande jactance, & tascha fort de l'imiter en l'observance de sa sainte Religion Catholique, & en probité de mœurs tant qu'il pouvoit, bien qu'il fust homme comme un autre. Tousesfois il vivoit plus saintement que le commun; pour le moins le monstroit-il fort par apparence : du reste, je n'en puis juger, puis que cela appartient à Dieu de connoistre le juste.

⁽¹⁾ deux.

^{(2) &}amp; parleray de Monsieur de Montpensier le premier. Monsieur de Monspensier, &c.

MR. DE MONTPENSIER. 315

Il fut petit-fils de ce Monsieur de Montpensier, dit Messire Gillibert de Montpensier, qui sut laisse Vice-Roy par le Roy Charles VIII au Royaume de Naples, qu'il garda le mieux qu'il put; mais après, il le perdit, faute de secours & d'argent, dont il en mourut de tristesse: autres disent de poison, autres de sa mort naturelle, qu'il advança de mal-ayses qu'il receut après le traité d'Atelle mal accomply, comme je l'ay ouy dire audit Monsieur de Montpensier sondit petit-fils, dont je parleray maintenant.

Les Histoires, tant des nostres, que des Estrangers, en parlent diversement. Monsieur Philippes de Comines y vient au point. auquel je renvoye les Lecteurs, & mesme quand il parle du Traité d'Atelle, qu'il dit estre le plus ignominieux qui ayt esté jamais veu, après celuy des fourches Claudiennes du temps des Romains; puis qu'estant encore de reste cinq ou six mille hommes de guerre, tant François, qu'Allemands, Suisles, & Italiens, ils pouvoient donner une battaille, où, quand ils l'eussent perdue. n'eussent perdu tant de gens de coup de main, comme ils en perdirent de pauvreté, faim & milere. Si que possible l'eussent-ils gagnée. Pourquoy non? Les Arragonnois s'en mocquoient fort, & s'en mocquent encore, comme je l'ay veu dans Naples sans rirè: mesme que dans le Chasteau vous envoyez (1) des peintures; ce qui nous doit faire mal au cœur quand nous les voyons. Lesdits Arragonnois & Espagnols disoient, & disent encore, que ce malheur arriva audit Monsieur de Montpensier par une vengeance divine, pour avoir rompu les trefves faites dans le Castel-Novo, en sortant par mer, laissant-ses pauvres oftages, gens-de-bien & d'honneur, tels que les Histoires nomment, à la mercy du cousteau de la Justice. Que si Ferdinand fust esté aussi cruel qu'aucuns de ses prédécesseurs, sans faillir, ils avoient tous la teste tranchée par juste droit de guerre. En quoy ledit Monsieur de Montpensier fut blasmé fort, tant des siens, que des Estrangers.

Ce Gillibert ne mourut sans enfants; car il laissa Louys, Charles, & François de

Bourbon.

Ce Louys monrut au Royaume de Naples, y allant soubs la conduite du Conte (2) d'Armagnac : duquel Louys on trouve par escrit, que, visitant-là les os & la sépulture de son pere, & luy donnant de l'eau bénite, il devint si transy & si perdu de deuil & de tristesse, que tout soudain il tomba tout estendu mort sur le tombeau. Je l'ay ainsi

⁽¹⁾ en voyez. (2) Comte,

MR. DE MONTPENSIER. 317 ouy raconter à aucuns dans Naples, qui mesmes me disoient, qu'il eust mieux valu qu'il

eust redoublé son courage pour en faire une belle vengeance, que mourir ainsi, & d'au-

tant plus en fust-il esté honoré & loué.

Monsieur Charles de Bourbon ne fit pas ainsi: car tant qu'il prit le party de son Roy, il haussa autrement son courage, & esveilla ses esprits; car il su grand ennemy des Espagnols, & en sacrissa plusieurs d'eux sur la mémoire de son pere: mais après, il les ayma blen autant, quand il se mit avec eux, qui luy sirent acquérir beau renom & belle mort à la prise de Rome, comme j'ay dit (1).

Son jeune frere FRANÇOIS, très vaillant

Chevalier, fut tué à Marignan.

De tous ces trois enfants, venus dudit Gillibert & de Cleré ou Clerice de Gonzague, dont est très-grande alliance entre ces deux Maisons de Bourbon & Mantouë, laoù ledit Monsieur de Bourbon sut très-bien retiré & receu quand il tira en Italie au service de l'Empereur, sut leur sœur & premiere née dite Louyse de Bourbon, qui sut semme de Louys de Bourbon, Prince

⁽¹⁾ Voyez son Article ci-dessus, Tome V, Discours XX des Capitaines Etrangers, pag. 220 & suivantes.

O iii

de la Roche-sur-Yon, d'où sortit Monsieur de Montpensier, duquel je parle, & qui le premier a esté Duc, & les autres auparavant ne portoient que tiltre de Comtes.

Monsieur le Prince de la Roche sur-Yon, dit Charles de Bourbon, & Suzanne de Bourbon (1), dite Madame de Rieux, mariée en cette grande Maison de Rieux en

Bretagne.

l'ay veu cette Dame Louyse de Bourbon, que je dis, sœur à Monsieur de Bourbon, une très honorable, sage & vertueuse Dame, qui a vescu cent ans : & sa vieillesse estoit très-belle; car le sens & la parole ne luy avoient point manqué. Le Roy François II demeura avec sa Cour trois jours à Champigny, & l'alloit voir tous les jours en sa chambre (dont elle ne bougeoit pour son imbécille vieillesse) avec tous les Princes & Grands de la Cour: si faisoient les Reynes & Meres regnantes, toutes les Dames, & enroit lors qui vouloit. Tout le monde la regardoit fort attentivement, & moy aussi-bien que les autres, & tous l'admirions, autant pour sa vénérable vieillesse, que pour estre sœur de ce grand Monsieur de Bourbon: &

⁽¹⁾ d'ou fortit Mr. de Montpensier... Mr. le Prince de la Roche-sur-Yon, & Suzanne de Bourbon, &c.

MR. DE MONTPENSIER. 319 les plus vieux, qui l'avoient veu, nous difoient, qu'elle ressembloit fort à son frere

foient, qu'elle ressembloit fort à son frere de visage, & d'autant plus la regarda-t-on. Il ne sçauroit avoir plus haut de trente ans qu'elle est morte, là-où le Roy, la Reyne, & tous les Princes de la Cour, & d'ailleurs ses alliez, envoyerent Ambassadeurs & agents, pour se trouver à ses obseques, ainsi qu'est la coustume de ce faire parmy les Grands.

J'ay fait cette digression de cette généalogie, que j'ay apprise mesme de Monsieur de Montpensier, pour monstrer son droit à aucuns douteux sur sa succession de Monsieur de Bourbon, laquelle il retira en partie petite à la fin, avec de grandes peines & procès, puisque le bien estoit consisqué à la

Couronne.

Il n'en put avoir grand cas du temps du Roy François, pour la hayne qu'il portoit à Monsieur de Bourbon, & que la playe qu'il luy avoit faite, estoit fort récente encere, & aussi qu'il estoit fort exact observateur de ses Edits & de ses droits. Car il en prétendoit de très-grands par celuy de Madame la Régente, dont sourdit le mescontentement & la rébellion dudit Monsieur de Bourbon.

Du temps du Roy Henry, il en eut quelques lipées, par le moyen de Madame Jaquette de Long-Vic, de la Maison ancienne de Givry, issue de celle de Chalon, & des

Palatins de Bourgogne. Cette Dame, Madame la Duchesse de Montpensier, du temps du Roy François, par un moyen qu'on le disoit alors, Monsieur d'Orléans la servant, (quel mal pour cela? Monsieur de Rostain, qui vit encore, le sçait bien,) eut grande saveur à la Cour: mais elle n'y put rien saire à cette succession, pour la raison que j'ay dite; aussi qu'elle estoit jeune, & non si spirituelle comme elle le sut depuis. Du temps du Roy Henry, este eut beaucoup de saveur; car elle devint plus habile, & gouvernoit sort la Revne.

Le Roy François II vint à son regne, où elle put beaucoup; car je l'ay veu gouverner si bien le Roy & la Reyne, que j'ay veu aussi deux fois de mes yeux, que le Roy faisoit recommander la cause de madite Dame, qui faifoit tout, & fon mary peu, & folliciter contre la sienne propre. Cela estoit fort commun à la Cour; & si vis une fois Monsieur le Cardinal de Lorraine, de la part du Roy, en parler à Messieurs de la Cour, qui l'avoit aussi envoyé querir à son hostel de Cluny, lors que le Roy alla à Orléans. & leur recommander le droit de ladite Dame, (elle y estoit présente) jusques à dire que le Roy la vouloit gratifier en cela, qu'il renonçoit pour sa part & son droit, à cette faccession, & qu'il n'en voulut nulle portion By part, & qu'ils passassent & coulassent cela

MR. DE MONTPENSIER. 321

le plus légérement pour luy qu'ils pourroient.
Pour sin, cette Princesse & ce Prince, & les leurs, les uns après les autres, ont tant travaillé, sollicité, & plaidoyé, qu'ils en ont eu pied ou aisle, sors la Duché de Chastelleraut, que les Roys par cy devant n'avoient voulu desmordre, & l'avoient mise à leur propre, laquelle dépuis donnerent pour appennage à Madame leur sœur naturelle légitimée, que nous avons veu longtemps appeller Madame de Chastelleraut, aujourd'huy Madame d'Angoulesme (1).

A cette heure, cette Duche est retournée à cette Maison de Montpensier, laquelle peut maintenant dire avoir connu la sortune d'uné & d'autre saçon : car elle a demeuré longtemps pauvre; & disoit-on, du regne du Roy François & Henry au commencement, que Monsieur de Montpensier estoit le plus pauvre Prince de toute la France : & il est mort le plus riche après le ches de son nom, qui est le Roy de Navarre : car il a laisse à son héritier plus de trois cents mille livres de rente, & en argent monnoyé & autrement, bagues, joyaux & meubles, plus de trois mille escus (ce disoit-on à la Cour, & commille escus (ce disoit-on à la Cour, & commille escus (ce disoit-on à la Cour, & com-

⁽¹⁾ Diane légitimée de France. Voyer son Article ci-dessus, Tome II, Discours VI, Art. XII, des Dames Illustres, pages 308 & suiv.

me je l'ouys dire à un Grand, qui le sçavoit bien) lors qu'il mourut. Si-bien qu'on disoit de luy, qu'il ressembloit les Chevaliers de Malthe, qui sur l'asge avoient des biens & honneurs; car de ces regnes la que je dis, il n'eut tous ces grands biens.

Il ne fut pas advancé en grades ny honneurs, ny à la Cour, ny aux armées, ausquelles pourrant il se trouvoit près de la personne de son Roy, en simple & privé Prince. ne commandant qu'à sa Compagnie de Gendarmes, (le pere de Fontaine-Guerin, brave & vaillant Capitaine, estoit lors son Lieutenant,) qu'il avoit tousjours belle, & la mettoit tousjours en besoigne, à laquelle il scavoit tousjours bien commander. Oue si elle faisoit une petite faute, il disoit qu'elle avoit fait de la sotte : si - bien qu'un temps cela couroit à la Cour, qu'on disoit : Vous avez fait la Compagnie de Monsieur de Montpensier : ce qui estoit autant à dire : Vous avez fait de la sotte. Il estoit très-brave & trèsvaillant Prince, ainsi qu'il le fit bien paroistre à la battaille de Saint-Quentin, là-où il fut pris en combattant vaillamment, & là il eut (1) pourtant quelque petite charge de Régiment, au regne du Roy François II, pour l'amour des hauts bruits & cryeries qu'on fai-

⁽¹⁾ vaillamment. Il eut.

foit, que les Princes du Sang estoient du tout reculez d'auprès de la personne du Roy, & n'avoient nulles charges, grades, ny dignitez. On luy donna le Gouvernement de Touraine & d'Anjou, & à Monsieur le Prince son frere celuy d'Orléans, où fut son Lieutenant Monsieur de Sipiere, qui servit beaucoup contre la conjuration d'Amboise. Aux regnes de nos autres Roys Charles & Henry, mondit Sieur de Montpensier commença & continua d'avoir force grandes Charges. Quand la premiere guerre civile vint, il fut Lieutenant de Roy en tous ces Pays d'Anjou, le Mans, le Perche, Touraine, & autres Pays circonvoisins; & là, en cette guerre, voulant du tout imiter le Roy Saint Louys, fon grand miroir, contre les Infideles, cettuycy (disoit-on) de mesme se monstra animé contre les Hérétiques, qu'il hayssoit mortellement : jusques-là que, quand il les prenoit à composition, il ne la leur tenoit nullement; disant, qu'à un Hérétique on n'estoit nullement obligé de garder sa foy, ainsi qu'il le pratiqua bien à l'endroit du Capitaine des Marais, qu'il prit dans le Chasteau de Rochefort sur-Loire par honneste capitulation & sur sa foy, & puis le fit exécuter aussitost, se fondant sur son apotheme (1) que ie viens de dire.

⁽i) Ayophtegme.

Quand on luy amenoit quelques prisonniers, si c'estoit un homme, il luy disoit de plein abord seulement: Vous estes un Huguenot, mon amy; je vous recommande à Monheur Babelot. Ce Monsieur Babelot estoit une Cordelier, sçavant komme, qui le gouvernoir fort paisiblement. & ne bougeoit jamais d'auprès de luy, auquel on amenoit aussi tost le prisonnier, & luy un peu interrogé, aussimit condamné à mort & exécuté. Si c'estoit une belle femme & fille, il ne leur disoit non plus autre chose, si-non: Je vous recommande à Monsseur mon Guydon: qu'on la hey mene. Ce Guydon estoit Monsieur de Montoiron (a), de l'ancienne Maison de l'Archevesque Turpin, du remps de Charlemague, & en portoit le nom de Turpin. Il esvoit un très-beau Gentil-Homme, grand, de haute mille, & avec celasi bien proportionné de son membre, qu'on disoit estre démesuré. & extravagant, & infatiable. Avec cela repassoit ainsi ces pauvres prisonnieres, lesquelles, possible aucunes, mesmes les semmes, en estoient très-ayses & contentes, & eussen desiré tousjours telle punition. Quant aux

⁽a) Montoiron. C'est ainsi que ce nom se lit dans le Commentaire qu'à fait M. Godefroy de la Bibliotheque de M. de Montpensier, p. 305 de la Description de l'Isle des Hermaphredites.

MR. DE MONTPENSIER. 325 pauvres files, je croys que le mal leur estois

cuylant pour un temps.

Je ne scay si tout cela est vray; mais j'estois présent un jour à un disner de seu Monsieur de Guyle, à qui on luy sit ce conte, en présence de Madame de Guyse sa femme, de Mademoiselle de la Mirande. & autres Dames & Filles de la Cour, qui estoient à table, ausquelles mondir Sieur de Guyse leur en fir à routes la guerre, & ne fut fans bien rire, & homme, & femme. Et si ce mot se dit un long-temps à la Cour parmy les Dames & Galands de la Cour, qui leur disoient: Je vous recommande au Guydon de Monsieur de Montpensier; dont aucunes, qui en sçavoient le tu autem, & démesurée proportion, disoient, ou pour timidité, ou pour hypocrisie: Ah! Dieu nous en garde. D'autres disoient: Il ne nous feroit que la raison.

Voilà la punition de ces pauvres Dames Huguenottes, inventée par Monfieur de Monrpensier, qui me fait penser avoir esté prise & tirée possible de Nicéphore, par Monsieur Babelot, où il dit que l'Empereur Théodose osta & abolir une coustume, qui estoit de long-temps dans Rome: à sçavoir que si quelque semme avoir esté surprise en adultere, les Romains la punissoint, non par la coërsion du crime qu'este avoir commis, mais par plus grand embrasement de paillardise; car ils enfermoient en une estroite

logene celle qui avoit commis l'adultere, & puis après permettoient impudemment qu'elle affouvist sa lubricité & paillardise son faoul, & d'un chacun qui voudroit venir; & qui estoit plus vilain & sale, c'est que les compagnons galants & paillards, qui alloient, se garnissoient & accommodoient de certaines sonnettes au temps qu'ils avoient compagnie avec la Dame, à ce qu'au mouvement elles, faisant un son & tintinnement, donnassent non-seulement advertissement aux passants & escoutants de leur fait & besoigne qu'ils y estoient, mais aussi afin que, par ce moyen & à ce son de sonnettes, sust enseignée cette peine conjointe avec injure & opprobre. Quel opprobre! dont elles s'en foucyoient beaucoup.

Vrayment voilà une terrible coustume que ce sage Empereur abolit, ainsi que le dit l'Historien Nicéphore, dans lequel possible Monsieur Babelot l'avoit feuillettée & tirée pour la faire pratiquer à ce brave Guydon; lequel, au bout de quelque temps, despesché de Monsieur son Capitaine vers le Roy en poste, vint à la Cour, où il n'avoit jamais esté gueres veu; mais je vous asseure, qu'il sur la bien veu & connu, & fort admiré pour sa grande vertu naturelle, & mesme des Dames, dont j'en vis aucuns (1) qui en ryoient

⁽¹⁾ aucunes.

MR. DE MONTPENSIER. 327 bien sous bourre, & en disoient bien leur rastellée.

J'ay fait cette digression, parce qu'elle m'est venue en main, & m'en sust eschappée une autre sois, & aussi qu'il saut un peu rire quelque petit coup, & n'estre pas si sérieux, qu'on ne se jette sur la boussionnerie & risée.

Pour tourner à mondit Sieur de Montpensier, après qu'il eut bien purgé son Gouvernement d'Anjou, Touraine, & autres, puis par l'assistance aussi que luy firent Messieurs de Chavigny & Puygaillard, deux très bons Capitaines, & le Capitaine Richelieu, qu'on appelloit le Moine Richelieu, qui avoient tous fait très-bien autrefois en Piedmont, & ailleurs fait de très-belles preuves de leur valeur, il fut envoyé Lieutenant de Roy en Guyenne, Poictou, Onix (1), Xainctonge, & Angoulmois, où il servit très bien le Roy: & les Huguenots trembloient fort soubs luy, & eussent encore plus fait, sans que le Roy de Navarre vint à mourir : & ce bon homme s'alla proposer en son ambition (car il en avoit sa bonne part, comme ceux de sa sorte en doivent avoir,) qu'il tiendroit sa place en France, comme lors premier Prince du Sang, après Monsieur le Cardinal de Bourbon; mais

⁽¹⁾ Aunis.

fon chapeau rouge l'excusoit, qui, nonobstant, y aspiroit un peu: & pour ce, demanda au Roy son congé, que moitié l'un, que moitié l'autre, luy accorda. Il s'en vint à la Cour, disant aux uns & aux autres, quand il s'offroit à eux, ce seul mot : A cette heure, j'ay moyen de vous tous reconnoistre, & faire plaisir à mes amis; car vous savez bien que le Roy de Navarre est mort, (sans dire autre mot) & que je m'en vais à la Cour. Mais y estant, comme je le vis arriver au bois de Vincennes, il se donna garde qu'il trouva sa place prise, & qu'il n'en rint autre qu'auparavant; car il avoit à faire à une maistresse semme que la Reyne Mere, qui ne vouloir point de compagnon en ce lieu-là, & aussi à seu Monsieur de Guyse le Grand, qui s'entendoit avec elle, & qui d'un' seul clin d'œil gouvernoit la France, pour la grande créance qu'elle avoit en Iuv. & qu'il avoit les forces en main.

Toutesfois, il fembla, (& le disoit-on,) que mondit Sieur de Montpensier en fir du malcontent, & voulut induire Monsieur le Cardinal d'en faire de mesme; car ils ne bougeoient d'ensemble; mais on leur donna à tous deux cette petite soupe à la gorge, (ainsi parloit-on,) qu'ils seroient les chess du Conseil. Et sur ce encore, la Reyne les sceut si bien mener & plaster, qu'ils se sentirent encore très heureux de ce petit mer-

MR. DE MONTPENSIER. 329 ceau. Ceux qui estoient de ce temps, & qui ont veu ces mysteres comme moy, se souviendront bien si je dis vray ou non; car j'ay

veu tout cela aussi bien qu'eux.

Les seconds Troubles vindrent, où Monsieur de Montpensier sur ordonné du Roy, avec Monsieur de Nemours, de mener l'avant-garde, qui sut autant que s'il sust esté Lieutenant de Roy ailleurs, voire plus, làoù est la personne de son Roy, ou de Monsieur, son srere, qui le représente en tout, & tel que celuy-là; car il n'y en eut jamais

en France qui ayt eu telle authorité.

Les troisses Troubles s'ensuivirent par après coup sur coup. Il sur Lieutenant de Roy, & à luy ne sirent nul scrupule d'obéyr les plus grands & bizarres Capitaines d'alors, comme Messieurs de Martigues, de Brissa, & de Strozze. Ce sur lors qu'ils dessirent les Provençaux en Périgord, qui sur une dessaite de grande importance pour les Huguenots. Cela sait, il s'alla joindre avec Monsieur nostre Général vers Chastelleraud; & bien luy servit d'estre bon & sage Capitaine, de faire bonnes & longues traites pour cela; car Messieurs le Prince & l'Admiral le suivirent de près, pour se mettre entre deux, & empescher leur assemblement.

Monsieur de Montpensier menoit tousjours l'avant-garde, où il estoit tousjours fort honoré des nostres, & redouté des Huguenots; car il ne parloit que de pendre, comme il fit à Mirebeau : & s'il fust esté cru, il ne s'en sust gueres eschappé d'eux. Mesme à ce grand Monsieur de la Nouë, & qui méritoit toute courtoisie, lors qu'il fut pris, il ne se put garder de luy dire: Mon amy, vostre procès est fait, & de vous, & de tous vos compagnons; songez à vostre conscience. Mais Monsieur de Martigues vint là,

qui le sauva, comme je diray ailleurs.

Les quatriesmes guerres s'esmeurent. Monfieur de Montpensier su encore Lieutenant de Roy; car il ne resusa jamais de ces commissions, pour la hayne qu'il portoit aux Huguenots, & pour le seint (1) zele de sa Religion. Il vint en Poictou, où il trouva de l'affaire, & un homme que je viens de dire, Monsieur de la Nouë, qui luy en donna bien, & mesme au siege de Fontenay & Lusignan, qu'il prit pourtant à la sin. Aussi avoitil des bons Capitaines, & de cheval, comme Monsieur de Chavigny, Monsieur de Lude, Gouverneur de Poictou, Puygaillard, & autres, & gens de pied, Maistres de Camp Messieurs de Sarriou, de Bussy, Lucé.

Le siege de Lusignan sut fort long, & de grand combat. J'en parleray possible ail-leurs. Il sut pris; & pour éterniser sa mé-

⁽¹⁾ Saint.

Mr. DE MONTPENSIER. 331 moire, il pressa & importuna tant le Roy nouveau venu de Pologne, qui le voulut gratifier en cela, qu'il fit raser de fond en comble ce Chasteau, dis-je, ce beau Chasteau, si admirable & si ancien, qu'on pouvoit dire que c'estoit la plus belle marque de forteresse antique, & la plus noble décoration vieille de toute la France; & construite, s'il vous plaist, d'une Dame des plus nobles en lignée, en vertu, en esprit, en magnisicence, & en tout, qui fut de son temps, voire d'autre, qui estoit Merlusine, de laquelle il y a tant de fables: & bien que ce soient fables, si ne peut-on dire autrement que tout beau & bon d'elle: & si l'on veut venir à la vraye vérité, c'estoit un vray soleil de son temps, de laquelle sont descendus ces braves Seigneurs, Princes, Roys & Capitaines, portans le nom de Lusignan, dont les Histoires en sont pleines, cette grande Maison d'Archiac en estant sortie en Xainctonge, & Saint-Gelais, dont les marques en restent très-insignes.

Lors que la Reyne-Mere sit la tresve avec Monsieur, frere du Roy, à Jaseneuil, que Monsieur estoit à Saint-Mexant, (j'estois alors avec elle, & Messieurs de Strozze, de Grillon, Lanssac, & la Roche-Pousay, il n'y avoit que nous quatre de Courtisans avec elle;) l'envie luy prit, en s'en retournant à Poictiers, de s'essoigner un peu de son che-

min, & passer à Lusignan, pour en voir les

ruynes.

Certes, elle les y vit, & qui luy toucherent fort au cœur; si bien que je l'en vis parler fort tendrement, & dire ces mots: He! falloit-il que si belle, forte & noble Place, à l'appetit d'une certaine opiniastreté mal-à-propos de Monsieur de Monspensier, soit esté ainsi ruynée de fond en comble! Quand le Roy mon fils y eust esté en personne, & qu'elle luy sust fait telle resistance, il ne l'eust jamais voulu faire abattre, je m'en asseure: pour le moins, ce ne fust pas esté par mon conseil. Car c'estoit la perte antique de toutes ses maisons, & le plus bel ornement qu'on y eust sceu voir. Jamais je ne l'avois veue, (dit-elle) si-non, lors qu'estant bien jeune, j'y passay au voyage de Perpignan; mais pour ma jeunesse d'alors, je n'en avois jamais conceu l'impression de sa beauté & grandeur, comme je la comprends encore par sa ruyne. Que si je l'eusse eue si bien empreinte en mon esprit, comme je l'ay, je vous asseure que le Roy mon fils n'eust donné jamais à Monsieur de Montpensier le congé de l'abattre à l'appetit de sa passion; & jamais Chamerault n'eust triomphé de si noble & riche despouille, pour bastir & agrandir sa petite maison. de Marigny. Car il faut noter que le Roy en donna toute la ruyne audit Sieur de ChaMR: DE MONTPENSIER. 333 merault, qui avoit esté son Enseigne de Gendarmes quand il estoit Monsieur, donc il en a fait bastir une très-belle maison, qui n'est qu'à deux lieuës de Lusignan, qui s'appelle Marigny.

Voilà ce que j'en vis dire à la Reyne, qui se promena, advisa par tout, & s'y amusa si fort, que bien que l'on luy dist qu'il faisoit tard, & qu'elle n'arriveroit qu'à la nuit noire à Poictiers, comme elle sit, n'en laissa sa

contemplation.

Je la vis aussi fort blasmer le Sieur de Sainte-Soline, qui l'avoit laissé prendre & perdre en estant Capitaine, & en avoit achepté la Capitainerie du Sieur du Vigean, que luy & ses prédécesseurs de la Maison du Fou avoient gardé plus de six vingts ans.

Car on disoit que ledit Sainte-Soline, aymant un peu trop l'avarice, n'avoit léans qu'un pauvre vieux morte-paye, qui se laissa surprendre. Que s'il n'eust ouvert la porte, & l'eust bien sermée seulement, & n'eust parlé à personne, cette Place estoit impre-

nable à tout le monde.

Voilà la pitié & ruyne de cette Place. J'ay ouy dire à un vieux morte-paye, il y a plus de quarante ans, que, quand l'Empereur Charles vint en France, on le passa par-là pour la délectation de la chasse des daims, qui estoient là dedans un des beaux & anciens parcs de France, à très grande foison,

qu'il ne se put saouler d'admirer & de louer la beauté, la grandeur & le chef-d'œuvre de cette Maison; & faite (qui plus est) par une telle Dame, de laquelle il s'en fit faire plusieurs contes fabuleux, qui sont-là fort communs, jusques aux bonnes semmes vieilles, qui lavoient la lexive à la fontaine, que la Reyne - Mere voulut aussi interroger

& ouyr.

Les unes luy disoient, qu'elles la voyoient quelquefois venir à la fontaine, pour s'y baigner, en forme d'une très-belle femme, & en habit d'une veufve. Les autres disoient qu'elles la voyoient, mais très-rarement, & ce les Samedys à Vespres (car en cet estat ne se laissoit-elle gueres voir) se baigner, moitié le corps d'une très belle Dame, & l'autre-moitié en serpent. Les unes disoient, qu'elles la voyoient se promener toute vestue avec une très-grave majesté. Les autres, qu'elle paroissoit sur le haut de sa grosse tour, en semme très-belle, & en serpent. Les unes disoient, que, quand il devoit arriver quelque grand desastre au Royaume, ou changement de regne, ou mort, & inconvénient de ses parents, les plus grands de la France, & fussent Roys, que trois-jours avant on l'oyoit cryer d'un cry très-aigre & effroyable par trois fois. On tient cettuy-cy pour très-vray. Plusieurs personnes de là, qui l'ont ouy, l'asseurent, & le tiennent de

MR. DE MONTPENSIER. 335

pere en fils; & mesme que, lors que le siege y vint, sorce soldats & gens d'honneur l'affirment qui y estoient. Mais sur tout, quand la sentence sur donnée d'abattre & ruyner son Chasteau, ce sur alors qu'elle sit ses plus hauts crys & clameurs. Cela est très-vray, par le dire d'honnestes gens. Du depuis, on ne l'a point ouye. Aucunes vieilles pourtant disent qu'elle s'est apparue, mais très-rarement.

Pour fin, & vraye vérité finale, ce fut en fon temps une très sage & vertueuse Dame, & mariée & veusve, & de laquelle sont sortis ces braves & généreux Princes de Lusignan, qui, par leur valeur, se firent Roys de Chypre, parmy les principaux desquels sut Geosfroy à la grand-dent, qu'on voyoit représenté sur le portail de la grande tour,

en très-grande stature.

Je n'ay gueres veu de personnes, qui, ayant veu ce Chasteau en son lustre & splendeur, & puis en sa mémorable ruyne, ne maudissent Monsieur de Montpensier & son opiniastreté folle en cela: si que les Roys ses enfants (disoit ladite Reyne) n'en avoient tant fait envers les Villes qui avoient tenu, eux présents, contre eux, & ne les avoient démolies; & luy avoit voulu faire plus qu'eux, & se faire craindre & respecter.

Aussi int-on de ce temps-là, que ce Prince sussition l'emporta gueres loing qu'il n'en sust une estrette bien serrée : car le Roy le

voulant continuer en sa Charge de Lieutenant Général, & l'envoyer en Xainctonge. & aux Isles, pour achever ses conquestes. & l'y faire obeyr, il n'y voulur point aller; ains voulant passer son ambition plus avant, ce luv sembloit, il scait comme le Roy s'achemine à Reyms pour s'y faire sacrer, il s'v achemine aussi pour s'y trouver au Sacre, & y tenir le premier rang, après Monsieur, & le Roy de Navarre, & l'oster à Monsieur de Guyse, qui estoit - là ayant luy. Mais à quelles journées & en plein hyver! les plus grandes que j'aye jamais veu faire : car lors le Roy m'ayant envoyé vers Monsieur de la Nouë à la Rochelle, & m'en retournant en poste le retrouver, je trouve mondit Sieur de Montpensier à Blois, ainsi que je courois, & luy à ses journées, il arriva le soir à Paris, que je n'y estois arrivé que le matin; & comme j'estois allé voir Madame de Guyse, qui estoit alors en couche, & que je parlois à elle, nous nous donnafmes la garde que nous visines Monsieur de Monspensier sur les bras, dont je fus fort estonné, pour l'avoir laissé bien loing : marche de melme de Paris à Revms.

Mais le Roy ayant esté adverty de son intention à vouloir tenir le rang audit Sacre, & entendu Monsieur de Guyse aussi, qui ne luy vouloit pas céder, ny perdre le sien, & mal-aysément soussroir passer telle paille par MR. DE MONTPENSIER. 337

le bec, (car il eust fallu que ce fust esté, ou Dieu, ou le Diable,) commença à entrer en colere & rumeur, & protester que si Monsieur de Montpensier se hazardoit le moins du monde de vouloir enjamber sur sa dignité, qu'il luy feroit autre tour que ne fit Philippes le Hardy, Duc de Bourgogne, à l'endroit de son frere; car il le prendroit par le collet, & le chasseroit de là, & le jetteroit par terre, ou possible feroit pis, selon que la colere le domineroit, tout son beau-frere qu'il estoit. Car en cela, ce sont des premiers anciens Pairs de France, qui tiennent lieu & rang là; non pas les Princes du Sang, ny autres. Je vis le Roy, la Revne, & toute la Cour, esmeus bien fort pour cela, & à trouver remede pour y pourvoir; mais on n'en put trouver aucun, pour la brave résolution de Monsieur de Guyse.

Ce sut donc à opiner & arrester du tout, de mander à Monsieur de Montpensier de ne se haster point tant à venir. Nonobstant, il vint près de deux lieuës de Reyms, résolu de passer plus outre. Mais ayant bien sceu au vray la résolution de Monsieur de Guyse, & qu'il y auroit du bruit & de la batterie, & n'y feroit bon pour luy, & que le Roy luy manda qu'il avoit peur de quelque grand scandale, ce sur luy qui s'arresta tout court, & ne se trouva au Sacre, qu'il avoit tant abbayé dès la prise & ruyne de Lusignan, qui luy sur possible malencon Tome IX.

treuse en cela, (ce disoient aucuns,) & que Madame Merlusine avoit là beaucoup opéré.

H en couva pourtant en son ame un grand despit & une extresme colere contre Monsieur són beau-frere, (mais cela s'accorda après,) & un très-grand mescontentement contre le Roy & quelques mois après, Monsieur ayant pris les armes, pour estre malcontent & mal-traitté du Roy, Sa Maiesté luy voulut donner sa Lieutenance-Générale contre Monsieur; mais il la refusa tout-à-plat, disant ne vouloir aller contre le fils & frere de ses Roys, & que mondit Sieur avoit quelque occasion de se mescontenter & mutiner, & qu'il le falloit appaiser & contenter. A quoy il poussa si bien avec la Reyne, que l'accord se fit, & tresves surent accordées à Jaseneuil, entre Saint-Mexant & Poictiers: & luy furent accordées force Villes & Places pour sa retraite, à quoy cependant mondit Sieur de Montpensier travailla fort pour l'y faire entrer & ses gens, & principalement à Angoulesme, où il receut un affront que je diray ailleurs. Ainsi Monsieur de Monspensier se lia les bras contre Monsieur & ses gens, & les Huguenots, qui tous estoient avec luy, & l'avoient esseu leur protecteur : ce qu'on trouva à la Cour, & en France, fort estrange, que celuy qui avoit esté si grand ennemy & le sléau des Huguenots, maintenant il estoit à demy leur

MR. DE MONTPENSIER. 339

appuy & foustien. Ce qui fit penser & dire à aucuns, qu'il se laissoir plus dominer à son mescontentement & à son ambition, qu'à sa Religion. Ce que n'eust pas fait son grand patron le Roy Saint Louys avec les Sarra-

sins, disoit-on.

Il en bailla un pareil exemple, lors que Monsieur de Nevers, & luy, eurent une grande querelle, pour quelques paroles que Monsieur de Nevers avoit dites en secret de Monsieur, frere du Roy, à Monsieur de Montpensier, à cause de son mescontentement & eslévation , qu'il alla rapporter à Monsieur; dont Monsieur en voulut estre esclaircy & en avoir raison. Mais Monsieur de Nevers nya les avoir dites, & donna quelque démenty en l'air. Dont s'ensuivit une grosse querelle, & à qui feroit plus d'amas de ses parents, amis & serviteurs. Sur-quoy le Roy de Navarre s'envoya offrir à Monsieur de Montpensier, avec tous ses Huguenots, que Monsieur de Montpensier, sans aucun respect de sa Religion, contraire à la Huguenotte, accepta très-volontiers, & fort librement. Il y avoit de l'autre costé Monsieur de Guyse, avec tous ses bons Catholiques : (je sçay bien que m'en dit un jour Monsieur de Guyse). Si-bien qu'il y eust ou du combat & de la tuerie, sans la deffense du Roy, qu'il leur en fit, & l'accord qu'il en traitta après.

Voilà ce qu'on en a plus voulu objecter à Monsieur de Montpensier, de s'estre voulu ayder des Huguenots, & aussi qu'il traitta & sit la paix avec le Roy de Navarre & les Huguenots, lors que nous avions le siege devant Broüage.

Ce bon & grand Prince faisoit estat & grande gloire (comme j'ay dit) d'estre descendu de l'estoc de ce grand & bon Roy Saint-Louys, & s'essorçoit sort à l'imiter, & se saconner à ses bonnes & saintes mœurs &

belles dévotions.

Il avoit certes raison; car de plus beau modelle & patron n'eust-il sceu choisir ou trouver pour s'y conformer, & non à celuy du Duc Charles d'Anjou, Roy de Naples, son frere, qui, pour valeur, n'en céda rien à son frere, mais le surpassa bien en toute cruauté: tesmoing celle dont il usa envers le Roy Manfroy & Conradin, après les avoir desconfits en battaille, & envers les prisonniers qui furent pris, tant Seigneurs, Gentils-Hommes, qu'autres, les uns massacrez, les autres les yeux crevez, les autres morts en prison misérablement de saim & de vermine, jusques à la Reyne semme de Mansroy, & ses enfants morts ainsi en prison. Voyez l'Histoire de Naples, & autres qui en content assez à mon advis de ses cruautez. Aussi ne les porta-t-il gueres loing; car Dieu, juste vengeur des cruautez, luy en rendit de bon-

nes & cuysantes en de durs chastiments : comme les Vespres Siciliennes, où tant de braves & généreules ames en pastirent, jusques à une infinité d'innocentes; & son armée de mer desfaite trop desastreusement; son fils y pris pendant fon deffy contre le Roy d'Arragon; & puis de despit & tristesse, il mourut. Il y avoit bien du subjet; de sorte que j'ay ouy dire dans Naples à de grands personnages, discourant de luy, que bien luy a servy d'avoir eu un frere si saint, & homme-de-bien que son frere le Roy Saint-Louys; car sans luy & ses intercessions, ils le penseroient damné en Enfer: & ainsi, me disoient-ils, il faut que d'une race il en sorte des uns & des autres, comme fait un potier, qui, d'une mesme terre & argille, fait des pots & des vases, les uns pour l'honneur & la beauté, les autres pour l'infamie & la salauderie.

Ainsi me parloient ces grands personnages à Naples, non qu'ils ne me l'exaltassent grandement, comme de vray il y avoit une infinité de subjets; mais par sus tous la Reyne sa femme. Madame Beatrix de Provence, qui le fit bien valoir, jusques à vendre ses plus précieux joyaux, pour luy faire avoir une couronne: j'en parle ailleurs.

Pour sin, ce grand Prince a esté très-brave & vaillant, & qui a tousjours très-bien fait où il s'est trouvé, & est mort en réputation d'un bon & sage Capitaine, & laissa après

soy un très-brave & vaillant fils Monsieur de Montpensier, que, du temps du pere, nous appellions le Prince Dauphin, duquel j'espere en parler en la vie de nos deux Roys derniers, ensemble de Monsieur de Montpensier d'aujourd'huy (1), qui, tout jeune qu'il est, a fait tont plein de belles preuves de ses armes & de son courage, ainsi qu'il paroift aux belles & honorables marques qu'il a receue d'une grande harquebusade au vifage, fans autres grands combats, rencontres & sieges, qu'il a desjà faits en un si bas asge, que c'est une chose très-estrange; outre plus que c'est un très bon & gracieux Prince, vraye semblance de ce bon Roy Saint-Louys, autant en beauté qu'en valeur, comme i'en parleray ailleurs.

ARTICLE II.

Mr. le Prince de la Roche-sur-Yon.

Monsieur Le Prince de La Roche-sur-Yon fut frere à Monsieur de Montpensier. Il ne fut, par apparence, si grand, comme luy, religieux: mais pourtant

⁽¹⁾ On n'a point ces Vies.

LE P. DE LA ROCHE-SUR-TON. 343 il le fut, & fort bon Catholique, encore qu'aucuns ont eu opinion contraire; mais c'estoient abus. Bien est-il vray qu'il estoit plus politique, que passionné Catholique, comme Monsieur son frere, & qu'il conseilloit & tendoit plus à appaiser les troubles de la France par la douceur, que par la guerre

& la rigueur; & pour ce, aucuns l'en te-

noient plus sage.

Aussi s'il ne fust esté bon Catholique & sage Prince, on ne l'eust donné au Roy Charles IX pour son principal Sur-Intendant & Gouverneur par-dessus Monsieur de Sipiere, qui l'estoit du temps qu'il estoit Monsieur d'Orléans: & quand il vint à estre Roy, l'on advisa, par l'advis de la Reyne-Mere, du Roy de Navarre, & autres Grands du Conseil, que, pour honorer davantage la personne du Roy, qu'il eust près de soy un grand Prince du Sang, & advisast à ses actions, bien que Monsieur de Sipiere ne perdit jamais sa charge. Car il la méritoit trèsbien; & c'estoit un tel homme qu'il falloit à la jeunesse du Roy, qu'il dressa si bien, que nous en avons d'elle de très-magnanimes effects. Aussi Monsieur le Prince luy cédoit beaucoup, connoissant sa suffisance aussi grande que de Seigneur de France: & Monsieur de Sipiere, qui estoit très sage, portoit aussi grand honneur & grande révérence à Monfieur le Prince. Si bien qu'ils s'accordoient

très-bien ensemble, & il faisoit très-bon voir ces deux Messieurs les Gouverneurs près la personne du Roy, tenant leurs rangs comme il falloit, l'un haut, & l'autre un peu bas. Ensin, s'en ensuivit d'eux la belle & honorable nourriture que nous en avons veue.

Ce Monsieur le Prince fut en ses jeunes ans fort pauvre: & fans la veufve du Marefchal de Montijan, Madame Philippe de Montespedon, riche héritiere, qu'il espousa, il estoit plus que très-pauvre. Ainsi le tenoiton à la Cour du Roy François: mais il se remit si bien, que, sur ses ans, il devint fort riche, & pour ce très-magnifique & trèsfplendide, tant en luxes & grandes despenses de table, qu'en beaux meubles & autres magnificences, qu'il fit fort paroistre en Espagne, lors qu'il y fut conduire la Reyne d'Espagne, & aussi au voyage de Bayonne, où reconnoissant & renouvellant ses vieilles connoissances de ce temps, il les festina très-superbement, & y sit très-bien l'honneur de la Maison de France pour son costé; car il estoit très-libéral, autant que Monsieur fon frere avare.

Au retour de ce voyage, il mourut, n'ayant laissé après luy aucuns enfants, en ayant perdu l'un des beaux, gentils & honnestes jeunes Princes, qu'on eust sceu voir, (Monsieur le Marquis de Beau-Preau se nommoit-il,) qui mourut à Orléans, ainsi

LE P. DE LA ROCHE-SUR-YON. 345 que le Roy & toute sa jeunesse se jouoient à cheval. On dit que le Comte (a) de Maulevrier le porta par terre, & le creva, dont Monsieur son pere en eut si grand despit, qu'il chercha ledit Comte long-temps pour le tuer, & su luy à s'absenter, & à se perdre de veuë de luy; car il y alloit de sa vie.

Toutesfois le Roy & la Reyne, quelque temps après, obtinrent de Monsieur le Prince, qu'il oublieroit le tout, & ne luy demanderoit rien, en ce qu'il ne se monstrast jamais devant luy: autrement, il perdroit patience, & entreroit en si grande colere & regret de son ancienne douleur, & ne se pourroit tant commander, qu'il ne le tuast. A quoy il ne faillit pas une fois, que nous tournasmes de la prise du Havre, que Monsieur le Prince, fortant de la chambre des Filles, qui estoit en un lieu bas, & le Comte y voulant entrer, fut rencontré, & aussi-tost mondit Sieur le Prince mit l'espée au poing. Ce fut à l'autre à avoir bonnes jambes, & par bon encontre va trouver une fuye, qu'il contourna plusieurs fois, ainsi que Monsieur le Prince le poursuivoit tousjours l'espée au poing. Enfin, il se sauva galamment, dont il y eut après de la rifée parmy nous, songeant à cette fuyte, que ledit Comte faisoit encore plus valoir quand il la contoit; car c'est l'homme

⁽¹⁾ Charles Robert de Maulevrier.

du monde qui est de la meilleure & plus plaisante compagnie. Mais alors, & sur le coup, il n'y avoit pas à rire pour luy, qui gagna plus à la mort de ce Prince, qu'en sa vie; car il n'eust fallu qu'un malheur, ou bien qu'il se fust du tout banny de la Cour. Il falloit pardonner à la passion de cet honorable pere & Prince: car il n'avoit que ce sils, son seule espoir, sa seule joye & consolation, sa seule attente de le voir un jour ce que desjà la jeunesse si belle & si accomplie luy promettoit; & l'avoir veu mort de telle sorte, c'estoit un grand dommage, & pour le pere, & pour le fils.

Entr'autres belles vertus qu'on donnoit à mondit Sieur le Prince, c'estoit qu'il estoit fort homme-de-bien & d'honneur, & qui ne trompoit point les personnes qui s'addressoint à luy à la Cour, & ausquelles avoit une fois promis. Aussi une belle fille de la Cour (de laquelle il estoit amoureux, voire jouyssant) l'appelloit le Grison sidele, sur l'exemple & allégorie d'un fort beau cheval grison, que

le Roy avoit, qu'on appelloit ainsi.

Il estoit brave & vaillant, & le monstra en une querelle qu'il eut contre Monsieur d'Andelot, très-mauvais Garçon, dont je parle ailleurs (1).

⁽¹⁾ Tome XII, dans le Discours sur les Duels, vers la fin.

LE P. DE LA ROCHE-SUR-TON. 347
Il estoit très-sage & fort advisé, & avoit
un très-bon sens, & le tenoit-on meilleur que
celuy de Monsieur son frere. Aussi le Roy
Henry le sit Gouverneur de Paris & de l'Isle
de France, après la Battaille de Saint-Quentin, où il le servit très-bien & à son contentement, & de tout le Royaume.

Fin du neuvieme Tome, & de la troisieme Partie des Hommes Illustres François,



TABLE

DES DISCOURS

Du Tome IX^e. & de la troissesme Partie des Hommes illustres François.

DISCOURS LXXIV.

Mr. Léon Strozze, Prieur de Capuë, ses trois Freres, & leur Pere. 1

DISCOURS LXXV.

Mr. le Baron DE LA GARDE. 23

DISCOURS LXXVI.

Mr. le GRAND-PRIEUR de France. 35

DISCOURS LXXVII.

Mr. de Nemours.

52

DISCOURS LXXVIII.

Mr. de Guyse. 78

350 TABLE DES DISCOURS.

DISCOURS LXXIX.

Mr. l'Admiral de Chastillon. 191

DISCOURS LXXX.

ARTICLE I.

Mr. le Prince de Condé.

253

ARTICLE II.

Antoine de Bourbon, Roy de Navarre. 280

ARTICLE III.

Les deux Princes d'Anguien, & le Duc de Nevers, leur beau Frere, & ses Enfants. 293

LUDOVIC DE MANTOUE, Duc de Ne-VERS, son Gendre. 301

DISCOURS LXXXI.

ARTICLE I.

Mr. de Montpensier.

314

ARTICLE. II.

Mr. le Prince de la Roche-sur-Yon. 342

Fin de la Table.

Alling



